


**ALEXANDRI POLITI
... DE PATRIA IN
TESTAMENTIS
CONDENDIS
POTESTATE...**

Alessandro Politi





2.6.74

XXIX

PO.

DE PATRIA
IN TESTAMENTIS
CONDENDIS
POTESTATE.

THE P. S. A. C.
THE NATIONAL
ASSOCIATION OF
COUNCILS



ALEXANDRI POLITI
A SANCTO SIGISMUNDO
Scholarum Piarum Theologi
DE PATRIA
IN TESTAMENTIS
CONDENDIS
POTESTATE

AD ILLUSTRISSIMUM DOMINUM D.
SALVINUM SALVINIUM
PATRITIUM FLORENTINUM

FLORENTINÆ ACADEMIÆ CONSULEM AMPLISSIMUM

Libri Quatuor.



FLORENTIÆ M.DCC.XII.
TYPIS REGIÆ CELSITUDINIS
Apud Jacobum de Guiduccis, & Sanctem Franchi.

Cum Approbatione.



Illustrissimo atque Excellentissimo Domino D.

LUDOVICO PISANO

PATRITIO ET SENATORI VENETO,
S. MARCI PROCURATORI &c.

CAROLUS POLITUS

FLORENTINUS SALUTEM.



Uod Cyneæ olim Pyrrhi
Epirotæ regis legato con-
tigisse fertur, ut Romana
ei urbs templum, Senatus
regum quidam confessus
videretur; id si ætate no-
strâ omnibus iis accidere dixerim, quos Ve-
netiæ, Veneti illæ Imperii sedes & caput, ex
omnibus ferè terris frequentissimos trahunt,
non multum a vero aberraverim. Nam &
urbs optimis legibus atque institutis, publi-
carum privatarumque rerum sanctimoniâ, sa-
crarum ædium splendore, civium erga Deū
pietate, augustum quoddam Christianæ reli-
gionis templum videtur; & Senatus, gravitate,
prudentiâ, auctoritate Patrum, βασιλεὺς πολλῶν

^{VI}
avideptor . Neque verò ulla est in terris
 respublica , quam plures videlicet sele-
 ctissimi & virtute præstantes viri in com-
 mune commodum regant atque admini-
 strent , & græcè *ἀριστοκρατία* dicimus , quæ
 propius , quàm Veneta , ad Romanæ olim
 Reipublicæ magnitudinem accedat , aut Ro-
 manam felicius virtutem æmuletur . Habet
 & Veneta Respublica præclaras omnes bel-
 li pacisque artes , quibus innixa gloria no-
 minis Romani stetit , & per totum latè or-
 bem terrarum circumlata est . Habet & suos
 Camillos , Papirios , Fabios Maximos , Cu-
 rios Fabriciosque , Scipiones , Æmilios ,
 Torquatos , Lucullos , Pompejos , alios lon-
 gè plures exempli antiqui domi militiaeque
 viros , quorum planè virtutè res Veneta a-
 dedò aucta firmataque est , ut veram jam ve-
 teris Romæ imaginem præseferat . Ex his
 si te , LUDOVICE PISANE , Marco Catoni con-
 tulero , aut etiam prætulero , Porciæ gentis
 principi illi & clarissimo viro , non erit ,
 opinor , cur multum a me alii dissentiant ,
 quibus qualitercunque innotueris . Quis au-
 tem vel ex ultimâ barbarie LUDOVICUM
 PISANUM , Venetæ illud Reipublicæ singula-
 re ornamentum , ignoret , nisi ad quem for-
 san

san Veneti unquam nominis fama non pervenerit? Quemadmodum enim dignus summis laudibus visus est Cato, quod tres summas in homine res præstiterit, optimus orator, optimus imperator, optimus senator: ita, quum tibi Catonianæ nullæ virtutes desint, tria hæc summa prætereà amplexus es summi viri & præstantissimi civis decora, ut, raro alibi exemplo, optimum te Senatorem exhibeas, optimum Equitem, optimum Procuratorem: Fuit hæc etiam singularis Catonis laus, quod triumpho & censurâ super cetera insignis, magis tamen etiam claritate litterarum extiterit, præceptis omnium rerum expetendarum datis generi romano. Tibi verò satis non fuit, publicis ad potentissimos Europæ reges legationibus, Veneti majestatem imperii, ad exterarum nationum admirationem, sustinere, & gravissima quæque obire Reipublicæ tuæ munia: sed, quum doctissimus sis, doctos homines amas, tam amanter excipis & perhonorificè, ut divinitus nobis datus esse videaris, cujus præsidio & regiâ propemodum munificentia frigescentes jam in Italiâ litteræ, pristino suo honori restituantur. Atq; hæc potissimum causa fuit, cur, quum

mihi in animo esset, publici juris facere, quos de Patriâ in Testamentis Condendis Potestate ad Florentinæ Academiæ Consulem scripsit nuper libros Alexander frater meus, eos tibi offerre non dubitaverim; quo uno maximè fautore stabunt litteræ & florebunt: non quòd digni satis hi sint, qui nomine inscribantur tuo; sed, ut si tibi frater meus sentiat, non multùm displicuisse, incipiat tandem summas inter difficultates confirmari animo, &, quæ præ manibus sacræ profanæque eruditionis non pauca habet, publico bono aliquando expediat. Scio enim, quantum ille tibi vel ignotus & longè distitus studeat, quantum Venetam gentem colat æstimetque, quantumque velit aliquos ex laboribus suis, qualescunque illi demum fuerint, Veneti nominis gloriæ consecrare. Vale, Vir Illustrissime, atque eò quoque, Catone primo præstantior, quòd hic plurimorum odio laboraverit, quater & quadragies postulatus, & semper absolutus; tibi morum suavitas, liberalitas erga omnes & singularis benevolentia, civium tuorum voluntatem, generis humani amorem promeruerit.

Florentiæ Nonis Febr. MDCCXII.

CAROLUS POLITUS

Benevolo Lectori Salutem.

Alexandri Politi fratris mei, Theologi hominis, cui Scholarum Piarum Ordinem professo, ut gens illa solet, cognomen A Sancto Sigismundo factum est, tenue vides Opus atque ab ejus instituto longè diversum. Multa ille alia majoris longè moliminis meditatur: quæ utinam perficiat aliquando, & Litterario Orbi communicet! iniquos enim studiis suis aliquot homines & alienos, non semel expertus est. Interim, horis ferè subcesivis, hos De Patriâ in Testamentis Condendis Potestate libros, optimi viri rogatu, scripserat; atq; ita scripserat, ut edi voluisse videretur. Sed, quum editionem more suo differret, atq; alias ex aliis causas necteret: ego veritus, ne & istud qualecunque Opus, sicut alia ejus plura, intercideret periretque, ab ipso ægrè impetra-

petratum, typis committendum censui. Novum mihi videbatur, civile argumentum non incommode ab eo pertractatum, qui civili nunquam antea juri studisset; neque tam molestum fore jurisconsultis putabam, quod aliquas illorum opiniones pervellat, quàm jucundum, quod se jus civile nescire confessus fuerit. Placebat etiam rerum multarum varietas, quas causæ suæ congruenter aptèque accommodat, & quod in rerum varietate difficillimum est, unus quidam & continuus Romanæ orationis tenor. Hinc neque tibi, Benevole Lector, displiciturum esse arbitror Opus, in quo aliquid certè invenias, quod ingenio tuo sapiat, quicumque demum fueris, aut quocunque oculo legeris, Philologus, Philosophus, Theologus, Jurisperitus. Meam tibi placendi voluntatem æqui bonique consule, dum tantum mihi juris in scripta fratris mei arrogo; & favore tuo labores ejus proseguere. Vale.



MARCI ANTONII,

ORATORIS ELOQUENTISSIMI

De Juris Civilis studio

JUDICIUM.

Ex Cicerone lib. I. de Oratore.

Si leges nobis, aut si hominum peritorum responsa cognoscenda sunt, veremur ea, si ab adolescentiâ juri civili minùs studuerimus, non queamus cognoscere? Nihilne igitur prodest oratori juris civilis scientia? Non possum negare, prodesse ullam scientiam, ei prefertim, cujus eloquentia copiâ rerum debeat esse ornata: sed multa & magna & difficilia sunt ea, quæ sunt oratori necessaria, ut ejus industriam in plura studia distrahere nolim. Quis neget, opus esse oratori in hoc oratorio motu statuque, Roscii gestum & venustatem? tamen nemo suaserit studiosis dicendi adolescentibus in gestu dicendo, histrionum more, elaborare. Quid est oratori tam necessarium, quàm vox? tamen, me auctore, nemo dicendi studiosus, Græcorum more, & tragicæ dorum voci serviet, qui & annos complures sedentes declamitant, & quotidie, antequam pronuncient, vocem cubantes sensim excitant, eandemque, cum egerunt, sedentes, ab acutissimo sono usq; ad gravissimū sonum recipiunt, & quasi quodammodò colligunt. Hoc nos si facere velimus, ante condemnentur ii, quo.

quorum causas receperimus, quàm toties, quoties præscribitur, Pæanem aut Munionem citarimus. Quòd si in gestu, qui multum oratorem adiuvat; & in voce, quæ una maximè eloquentiam vel commendat, vel sustinet, elaborare nobis non licet: ac tantum in utroque assequi possumus, quantum in hac acie quotidiani muneris spatii nobis datur: quantò minùs est ad juris civilis perdiscendi occupationem descendendum? quod & summatim percipi sine doctrinà potest, & hanc habet ab illis rebus dissimilitudinem: quòd vox & gestus subito sumi, & alicunde arripi non potest: juris utilitas ad quamque causam, quamvis repente, vel à peritis, vel de libris, depromi potest.



SYL

SYLLABUS

Auctorum, quorum hoc in Opere
aliquis usus.

A

Abbas Antiquus.
Abbas Siculus.
Accursius.
Ado Viennensis.
Ærodius.
Afranius.
Albericus Gentilis.
Alciatus.
Alcinous.
Aldus Junior.
Aldus Manutius.
Alexander ab Alexandro.
Alexander Aphrodisiensis.
Alexander de Nævo.
S. Ambrosius.
Ammonius.
Ancharanus.
Angelus.
Annales Francorum.
S. Anselmus Cantuariensis.
Antonius Augustinus.
Antonius Contius.
Antonius Mar. Salvinus.
Appulejus.
Aristophanes.
Aristoteles.
Arnobius.
Alconius Pedianus.
S. Athanasius.
Auctor ad Herennium.]
Averſa.
S. Augustinus.

B

Baldus.
Balsamon.
P. Barboſa.
Baronius.
De la Barre.
Bartolus.
S. Baſilius.
Bellarminus.
S. Bernardus.
Bernardus Guidonis.
Biblia Sacra.
Boëthius.
Bollandus.
S. Bonaventura.
Bonifacius VIII.
Boſſius.
Briſſonius.
Budeus.
Burchardus.

C

Cajetanus.
Cajus.
Calphurnius Longinus.
Cardinalis Bona.
Cardinalium Concilii Tridenti.
Interpretum Declarationes.
Carolus Aldrich.
S. Carolus Borromæus.
Cafaubonus.
Caſſaneus.
Caſſianus.
Caſſidorus.
Cato.

Cen.

KIV

Centuriatores Magdeburgenses.

Chrysippus.

Chrysostomus.

Cicero.

Clarus.

Claudianus.

Clemens Alexandrianus.

Clemens V.

Clemens XI.

Codex Justiniani.

Columella.

Concilia: Agathense, Aquense, Aquisgranense, Aurelianense, Cabilonense, Cameracense, Carthaginense, Colonienſe, Conſtantiense, Florentinum, Lateranense, Mediolanense, Meldense, Melodunense, Parisiense, Rothomagenſe, Tolletanum, Triburiense, Tridentinum, Turonense.

Coninchus.

Conradus Uſpergenſis.

Coquæus.

Cornelius Tacitus.

Covarruvias.

Cujacius.

Culpinianus.

Cynus.

S. Cyprianus.

D

Damasceus.

Philippus Decius.

Decretales Epistolæ Gregorii IX.

Démophilus.

Dempsterus.

Diana.

Digesta.

Dio.

Diodorus Siculus.

Diogenes Laërtius.

Dionysius Carthusianus.

Dionysius Halicarnassensis.

Duzrenus.

Durandus.

Dynus.

E

Eginhardus.

Emmanuel a Costa.

Emmanuel a Schelſtraten.

Ennius.

Ennodius.

Epicurus.

Eraſmus.

Euripides.

Eusebius.

F

Fachinus.

Fagnanus.

Felinus.

Florentinus.

Florus.

Francoſcus Bonæ Spei.

Franciscus Sylvius.

Freigius.

G

Gellius.

Gennadius.

Giffanius.

Glossa in Corpus Civile & Canonicum.

Gomezius.

Gothofredus uterque.

Goveanus.

Gratiani Decretum.

Gregorius Magnus.

Gregorius Nyſſenus.

Jacobus Gronovius.

Job. Fridericus Gronovius.

Gruterus.

Guilielmus Blancus.

H

Abertus.

Hadrianus.

Hen-

Henricus Agyleus.
 Henricus Boenkmannus.
 Henricus Cornelius Agrippa.
 Henricus Hostiensis.
 Henricus de Novâ Villâ.
 Henricus Stephanus.
 Henschenius.
 Hermogenianus.
 S. Hieronymus.
 Horatius.
 Hotomanus.
 Hudfonus.
 Huertius.
 Hugo de S. Charo.
 Hunnius.

I Dacius.
 S. Ignatius Antiochenus.
 Innocentius III.
 Johannes Andreas Aleriensis.
 Johannes Andrea.
 Johannes Tabiensis.
 Johannes Crispinus.
 Johannes Tilius.
 Isidorus Hispalensis.
 Isidorus Mercator.
 Julianus.
 Julianus patritius.
 Julius Africanus.
 Julius Capitolinus.
 Julius Pacius.
 Julius Paulus.
 Ivo.
 Justinianus.
 Juvenalis.
 Juventius Celsus.

L Aftantius.
 Lambinus.
 Laymannus.
 Leges XII. Tabularum.
 S. Leo.
 Leo Philosophus.
 Leonardus Aretinus.
 Lessius.

Leunclavius.
 Lipsius.
 Livius.
 Lonicerus.
 Lucretius.
 Lupus.

M Acrobis.
 Marianus Tuccius.
 Marius Victorinus.
 Marfilius Ficinus.
 Martialis.
 Martianus.
 Martinus Laudensis.
 Martinus Navarrus.
 Melchior Canus.
 Menchaca.
 Michaël Pfellus.
 Modestinus.
 Molfefius.
 Molina.
 Franciscus Molinus.
 Musæus.
 Musculus.
 Myfingerus.

N Annis.
 Natalis Alexander.
 Nemesius.
 Nicephorus Callixtus.
 Nicolaus Faber.
 B. Nilus.

O Cravius Augustus.
 Oldendorpius.
 Optatus Gallus.
 Origenes.
 Otho Frisingensis.

P Achimerius.
 Pacianus.
 Paganinus Gaudentius.
 Palao.

Pak

XVI

Pallavicinus.
Papebrochius.
Papinianus.
Parisius.
Paulus Castrensis.
Paulus Diaconus.
Paulus Manutius.
Petavius.
Petrus Faber.
Petrus de Ledefma.
Petrus Lombardus.
Philarcus.
Philippus Paschalis.
Philo.
Photius.
Pithæus.
Pius II.
Platina.
Plato.
Plautus.
Plinius Junior.
Plinius Senior.
Plurarchus.
Pafilus Pontius.
Porphyrius.
Possidonius.
Præpositus.

Quintilianus.

Rebellus.
Reginaldus.

Rhegino.
Rillius.
Riminaldus.
Robertus Stephanus.
Rodolphus Agricola.
Rosinus.

Salmasius.
Salvianus.
Thomas Sanchezius.
Scotus.
Scrubonius.

M. Annaeus Seneca.
L. Annaeus Seneca.
Sextus Empiricus.
Sextus Pomponius.
Sigonius.
Dominicus Soto.
Petrus Soto.
Spartianus.
Spenceus.
Suetonius.
Surdus.
Sylvester Prieras.
Symmachus.
Synodus Auzimana.

T

Lælius Taurellius.
Franciscus Taurellius.
Terentius.
Tertullianus.
Thadæus Ugoletus.
Theophilus.
Theophylactus.
S. Thomas Aquinas.
Thuanus.
Tiraquellus.
Trebellius Pollio.

V

Valerius Maximus.
Valla.
Varro.
Fernand. Vasquez.
Gabriel Vasquez.
P. Victorius.
Viglius.
Viguerius.
Vinnius.
Virgilius.
Vives.
Ulpianus.
Gerardus Job. Vossius.
Isaacus Vossius.

X

Xiphilinus.
Xylander.

Z

Zonaras.

ALE.

ALEXANDRI POLITI

A SANCTO SIGISMUNDO

SCHOLAR. PIARUM THEOLOGI

DE PATRIA IN TESTAMENTIS
CONDENDIS POTESTATE


AD ILLUSTRISSIMUM D. D.

SALVINUM SALVINIUM

L I B E R I.

CAP. I.

Henrici Brenkmanni commendatio. Theologo Juris Civilis cognitio necessaria. Ea sine Pontificio Jure perfecta esse non potest. Magna veterum Jureconsultorum barbaries. Budæus, Alciatus, Duarenus, Alexander ab Alexandro, Lelius & Franciscus Tanrellii, Brissolinus, Fabri, uterque Gothofredus, Antonius Augustinus, Cujacius, ab elegantia commendati. L. Crassi Sententia de XII. tabularum libello laudatur. Dissertationis occasio neque argumentum. Sex. Aelius Juris Civilis peritissimus. Summa Consulis Florentini auctoritas. Auctoris prefatio.

I.  Audabile Clarissimi Viri, utriusque nostrum amicissimi, Henrici Brenkmanni, in Florentinis Pandectis recensendis restituendisque studium sepe nos movit, Salvine Salvini, Consul Amplissime, ut de toto Jure Civili, deque ejus præstantia & utilitate, sermonem haberemus. Inter cetera verò, quæ paucos ante dies ultro citroque uberri-
mè disputavimus, illud etiam additum memini, quod de Oratoribus affirmavit Tullius, iis, qui perfecti Theologi esse vellent, Juris Civilis cognitionem esse necessariam. Quàm multa enim in usu hominum quotidiano

A

occur-

occurrere consueverunt, in quibus, si æquum ab iniquo discernere Theologus ignoret, de humano genere pessimè mereatur, necesse est? &, quum ea sit utriusque Juris, Pontificii Civilisque, societas & colligatio, ut unum sine alterius scientiâ subsistere nequeat; Prudentia autem Canonica ad exactam divinarum rerum doctrinam optimamque Ecclesiæ institutionem, plurimum conferat; quis etiam Theologo ad rectum atque exquisitum de rebus omnibus iudicium civilium legum peritiam maximè conducere non fateatur? Sed, quum gravissimè de præteritorum temporum infelicitate nobiscum ipsi quereremur, quòd tanta undique barbaries Juris utriusque Consultorum libros atque ingenia occupasset, ut, pudendo humani generis errore, non nisi barbarè Jus explicari posse videretur; nostræ deinde ætati gratulati vehementer sumus, quòd civilem scientiam veteri restitutam elegantix Romanasque jam leges Romano sermone conscriptas habeamus. Doctissimos autem viros summis laudibus celebrandos duximus, Guiljelmum Budæum, Andream Alciatum, Franciscum Duarenum, Alexandrum ab Alexandro, Laelium & Franciscum Taurelios, Barnabam Brissonium, Fabros, utrumque Gothofredum, Archiepiscopum Tarraconensem Antonium Augustinum, &, Jurisconsultorum proximæ ætatis maximum, Jacobum Cujacium, qui præ ceteris omnibus, quos Juris interpretes nostri, non quos Græci *πρωματὸς* vocant, barbariem à Latinis longè legibus expulerint doctrinæque non minùs, quàm sermonis, elegantia exornaverint.

II. Ea verò dum in secessu meo diutius me teneret cogitatio; pulcherrimamque illam mecum ipse perpenderem Lucii Crassi apud Ciceronem sententiam, bibliothecas scilicet omnium Philosophorum uno XII. tabularum libello & auctoritatis pondere & utilitatis ubertate superari, quo nihil magnificentius, nihil excelsius, aut augustius dici unquam potest: vir quidam nobilis, Florentinus civis, gravis moribus, atque ætate, improvisus ecce advēnit, sententiam meam gravissimā de re, quæ ad civilem questionem pertineret, rogaturus. Huic ego primùm ceperam meam excusare Civilis Juris inscitiam: aliena mea esse
ab eo

ab eo instituto studia; neque humanas mihi leges, sed divinas; veterumque Theologorum scripta, ante oculos versari: alibi Sextum Ælium querendum, quem, propter hanc Juris Civilis scientiam, *egregiè cordatum hominem* Ennius nuncupavit. Verùm quum ipse magis magisque urgeret, & Cardinalis nuper Medicei, quem nobis fata, cum summo Etruriæ totius mœrore, eripuerunt, Theologum ordinarium publicumque Theologiæ magistrum, cujusmodi me esse audierat, rectum humanorum judiciorum arbitrum diceret esse posse & debere; meæ coactus sum existimationi consulere hominisque acquiescere voluntati. Ajebat, quatuor sibi ex justo matrimonio filias, tres filios esse, quibus omnia bona sua æquâ portione, condito jam testamento, reliquerat. Verùm filium secundo loco genitum, se invito atque etiam resistente, etsi minimè emancipatum, matrimonium cum puellâ contraxisse, honestâ quidè honestisque ortâ parentibus, sed imparis tamen conditionis, plebejâ matre; ipsâ verò bonis adeò fortunæ destitutâ, ut ei sponsus tenaem quamdam dotem, verecundiæ causâ, scribere voluerit. Hinc detrimenti plurimum familiæ suæ provenisse; vir ille optimus querebatur. Nam, quum connubio hujusmodi avitæ nobilitatis splendor obscuratus sit aliquâ ex parte & diminutus; filiarum natu maxima, quæ, paribus nuptiis, cum clarissimo civè jungenda mox erat, matrimonii spem amisit; ejusque sororibus non nisi ad imparis ordinis sponsores deterioresque nuptias adspirare jam licet. Quapropter, ni velit pater inferiori matrimonio filias jungi, dotem supra modum augendam sibi esse affirmabat. Quemadmodum filiorum ejus natu maximus, si parem sibi nobilitate uxorem accepturus est, longè minori dote contentus esse cogitur, quàm dubio procul recepisset, si minor ille frater impari hoc connubio familiæ suæ splendorem non offuscasset. Igitur, ut tantam domûs suæ jacturam, qua posset ratione, Paterfamiliâs redintegraret, sibi in animo esse affirmabat, testamentum rescindere, quo in sua omnia bona filios omnes suos æquali parte succedere jusserrat, & posterioribus novisque tabulis ingratum illum noxiumque filium heredem quidem legitimæ portionis, æquè ac alios filios, instituire; sed cetera tamen omnia

bona, quæ legitimæ cujuslibet portioni supererant, bonis filiis & filiabus, longè majori parte & quocunque alio nomine, relinquere. An id sibi ex jure liceret, peribat; simulque ut sententiam meam scripto & rationum legitimæ auctoritate firmarem. Id ego esse respondi *περισφορητον καὶ πολυτοῦλλον τις παρ' ἐμοῦ*, lippis, ut ajunt, & tonforibus notum; neque exlicatione meâ aut Delio aliquo natatore, indigere: liberum ei absolutumque jus in bona sua eorumque distributionem superesse, dummodò filium, eam ob causam, quam ipse afferebat, legitimæ portionis hereditate & justo institutionis titulo, non fraudaret. Ille verò alienam invidiam & commune vulgi malè sentientis judicium caussatus, cui nisi ipse scripto meo occurrat atque, ex solemnî Pontificii Civilisque juris normâ, consilii sui equitatem ostendat, bonam de se opinionem apud omnes periclitari, ingratiq; in filium patris nomine reprehensum iri; non ante me ad operosum otium meum redire permisit, quàm mihi è manibus Dissertationem hanc de Patriâ in testamentis condendis potestare extorqueret. Invitus, fateor, provinciam hanc suscepi, in qua actum agere voluisse videar, doctissimorumque hominum, qui istis de rebus præclare sapienterque scripserunt, dicta recoquere. Sed, quandoquidem mos homini gerendus fuit, qualecunque illud est, quod elapsum potius videri potest, quàm elaboratum; ut tutius in manus hominum perveniret, tibi, Vir Clarissime, commendatum volui, cujus doctrina singularis & summa apud omnes auctoritas, præsidio esse illi possit atque ornamento. Neque enim alienus favor, sed tua tibi virtus, amplissimum iterùm detulit Florentinæ Academiæ Consulatium. *De me autem ipso illud Marci Antonii ad Crassum præfabor, neque me unquam jus civile didicisse; neque tamen in iis causis, quas in jure possem defendere, unquam istam sententiam desiderasse.* Et cum Aristophane,

Ex τῶν παρθῶν ἐκ τῆς κεφαλῆς σοι παρ' ἐμῶ.

Acalce dicam cuncta ad usque verticem.

CAP. II.

UT valeat testamentum, filius a patre aut heres institui debet, aut exheredari nominatim. Exheredationis causa in testamento exprimenda & per heredem probanda. XIV. exheredandorum liberorum causa. An sine causa olim exheredari filii potuerint? Liberum fuit jus parentibus in vitam liberorum. Liberis damnatorum portio hereditatis conceditur. Auctoris retractatio. Barbara & impia Romuli de paternâ in filios potestate leges. Antennius M. Salvinus, vir summus, laudatus. Britannicus ad Magnum Etruriam Ducem Legatus, Henricus de Novâ Villâ. Dionysii Haticarnassensis locus. Ex Romuli lege, major patri in filium, quàm hero in mancipium, potestas. Ephialtis Ephori lex. An Testamentum sit ipso jure nullum; an verò, veluti inofficiosum, rescindendum, quo filius sine legitimâ causâ exheredatur. Cajetani Monilia, honestissimi adolescentis, laus. Vera Cl. Viri Francisci M. Corfignanii Advocati commendatio. Laus Didaci Covarruvias. An alia causa, præter Justinianeas, exheredandis liberis sufficiant? Sufficiunt similes aut saltem majores. Sylvestri Prieratis in enumerandis illis causis confusio. Res exemplo illustrata. Juliani sententia ab Aristotel: accepta. Petrus Victorius laudatus. Leonardus Aretinus notatus. Simile jus, ubi similis ratio. Pulcherrima S. Augustini sententia. S. Augustinus explicatus. Inofficiosa parentum donatio, quoad portionem liberis debitam, revocanda. Questionis initium, an justa sit exheredationis causa, si filius præter patris voluntatem uxorem duxerit.

I. **A**Tque illud in primis extra controversiam statuendum est, quod olim quasitum testatur Tullius lib. 1. de Oratore, nullius esse ponderis testamentum, quo pater filium, quem in potestate suâ habet, neque heredem neque exheredem scribat nominatim. Ita Lex Inter cetera. D. de tueris & postumis heredibus instituendis vel exheredandis. Et Lex Testamentum. D. de injusto rupto & irrito facto testamento. Atque hinc Imperator Justinianus sua transcripsit in Institutiones lib. II. tit. XIII. de exheredatione liberorum. Attamen, ut vis testamento insit, quo paternorum bonorum exheres factus est filius, exprimenda ibidem est a testa-

tore caussa & per heredem postea comprobanda. Quod ab Justiniano fancitū disertissimè legimus in Novellā CXV. tit. *Ut cum de appellatione cognoscitur, secundum illas leges debeat judicari.* §. *Aliud quoque Capitulum.* in hæc verba: *Sancimus igitur non licere penitus patri vel matri, avo vel avia, proavo vel proavia, suum filium vel filiam vel ceteros liberos, praterire aut exheredes in suo facere testamento; nec si per quamlibet donationem vel legatum vel fidei commissum vel alium quemcunque modum, eis dederit legibus debitam portionem: nisi forsā probabuntur ingrati, & ipsas nominatim ingratitudinis causas parentes suo inseruerint testamento.* Et in Authenticā *Non licet. C. de liberis prateritis vel exheredatis.* & in Lege *Omnimodo. C. de inofficioso testamento.* Sed non omnis legitima nunc est filiorum exheredandorum caussa.

II. Itaque summus prudentiæ Civilis arbiter & moderator, Justinianus causas planè omnes, quibus exheredandi meritò liberi viderentur, solemnī lege comprehendendas sibi esse existimavit; easque ad quatuor & decem retulit in Novellā Constitutione CXV. cuius modò mentionem fecimus, §. *Aliud quoque Capitulum.* An verò, veteri Romanorum jure, potuerint filii a parentibus, sine ullā prorsus causā, exheredes pro arbitrio fieri, dubia res est, nec satis digna, quæ hic a nobis operosius inquiratur. Affirmat glossa in Authent. *Non licet. C. de liberis prateritis.* & Franciscus Hotomannus, qui a contrario sensu id probat ex Lege, *Si postumus. D. de liberis & postumis.* §. *Si quis ita scripserit.* Negat auctor non magni nominis, Helfrico-Ulricus Hunnius *variarum Resolutionum Juris Civilis lib. II. tract. V. quæst. XXI.* cui ego primū adheferam: etsi minimè ignorarem, quanta quàmque absoluta, veteri olim consuetudine, quam, Urbis conditor, Romulus, teste Dionysio Halicarnasseo, lib. II. latā lege, sancivit, tributa fuerit parentibus in vitam necemque filiorum potestas, ex Lege, *In suis heredibus. D. de liberis, & postumis.* & Lege, *Liberati. C. de patris potestate.* Nam, ne Hotomanno assensirem, facere videbatur luculentum Julii Paulli, veteris Jurisconsulti, testimonium lib. singulari de portionibus, qua liberis damnatorum conceduntur. & habetur *L. I. D. tit. de portionibus, qua liberis damna-*

mina

mnatorum conceduntur, iuxta Veneram Juntarum editionem: *Quum ratio naturalis, quasi lex quadam tacita, liberis parentum hereditatem adjiceret, velut ad debitam successionem eos vocanda, propter quod & in jure civili suorum heredum nomen eis inditum est; ac, ne judicio quidem parentis, nisi meritis de causis, submoveri ab eâ successionem possunt: æquissimum existimatum est, eo quoque casu, quo, propter peccatum parentis, aufert bona damnatio, rationem haberi liberorum. Ita locus hic cum Pandectis Florentinis legendus.*

III. Verùm, dum rem postea melius considero, exheredes filios absque causâ scribere videtur, antiquissimo sanè Romanorum jure, licuisse: quum & occidere liceret. Sed meritò postea, ipsâ naturali ratione dictante, à tam favâ atque inhumanâ Legum *strictu* recessum est. primò quidem per solemnem de inofficioso testamento querelam, sub colore insanix paternæ: deinde & per alias leges ac Principum constitutiones. Cuius certè juris æquitatem eleganter commendat in allato loco Paullus. meliori longè judicio, quàm barbaras illas atque impias de paternâ in filios potestate Romuli leges, probaverit, Græcus homo, Dionysius Halicarnasseus lib. II. Hujus tamen locum, quoddam ad reverentiam pietatemque filiorum erga parentes commendandam plurimùm facit, latinum exhibeo, ex elegantissimâ Oxoniensi editione Clarissimi Viri Johannis Hudsoni; atque ex eo ipso exemplari, quod Antonio M. Salviniò, summæ apud nos doctrinæ nobilitatisque viro, tuoque, Salvine Amplissime, fratri, perpetuum obsequii amicitixque suæ testem, dono dedit Britannicus ad Magnum Etruriæ Ducem Cosmum III. Legatus, & suavitate morum eruditionisque præstantiâ Etruriæ toti charissimus, Henricus de Novâ Villâ: *Leges vero, quas tulit (Romulus) de liberorum reverentiâ & pietate erga parentes, ut eos colerent, omnia eorum imperata facientes, longè majorem, quàm has ipsa, gravitatem & splendorem habent; & nostras leges longè superant. Qui enim Græcas Rerumpublicarum formas constituerunt, quoddam tempus admodum breve statuerunt patriæ potestatis in liberos: alii quidem, donec tertium pubertatis ævum explevissent: alii verò, quandiu cælibes mansissent: alii verò, donec publicè inter viros adscripti essent. ut acceperant ex le-*

gibus Solonis, & Pittaci & Charonda, quorum magna sapientia omnibus testata est: pœnas etiam in contumaces liberos statuerunt non graves, permittentes patribus, ut illos domo expellerent, & exheredarent, præterea nihil. Illi autem non sufficiunt ad compescendam juventutis insaniam & ingenii ferocitatem: neque possunt leves pœna rerum humanarum contemptores ad temperantiam reducere. Quare apud Græcos multa in parentes turpia liberi committunt. At Romanorum Legislator omnem, ut ita dicam, potestatem in filium patri concessit; idque toto vitæ tempore, sive eum in carcerem conjicere, sive flagris cadere, sive vinctum ad rusticum opus destinare, sive occidere vellet: licet filius jam Rempublicam administraret, & inter summos Magistratus censeretur, & propter suum studium in Rempublicam laudaretur. Affert deinde Halicarnassensis aliqua paternæ hujus potestatis exempla, quæ eò usque progressa est, ut efferrata quædam tyrannis bene institutis gentibus videri potuerit: quum majorem patri in filium, quàm herò in mancipium, potestatem Romulus largitus sit; licueritque adeò patri ternà filii venditione pecuniam quarere. Et hæc quidem ab ipsâ Urbis Imperiique origine de patriâ potestate Romanorum jura. Nam, quoad alias gentes, alia alibi instituta viguerunt: & de Lacedæmoniis constat, apud eos rogatam esse ab Ephialte Ephoro legem, ut fas esset patri, liberis præteritis, extraneos scribere pro arbitrio successores.

IV. Sic etiam ad nostrum institutum quæstio illa parùm pertinet, quam tamen gravissimis causis plurimùm deservire non diffitemur: an testamentum, quo, causâ eâ non expressâ, quæ legitima sit legibusque probata, filius exheres a patre factus fuerit, sit ipso iure nullum, ut vulgus interpretum opinatur; an verò potius per querelam de inofficioso testamento rescindendum sit, ut ego quidem censeo cum doctissimo viro, Francisco Duareno, in lib. XXVIII. Digestorum, tit. V. *qui testamenta facere possunt*. cap. III. Cuius aliorumque varii generis auctorum copiam mihi e selectâ suâ Bibliothecâ humanissimè fecit Clarissimus adolescens, Civilis Juris apprime studiosus, meusque antea Philosophiæ auditor, Cajetanus Monilia, quem celeberrima Apathistarum Academia meliori longè auspicio, Principem suum nuper nominavit: cujus

tamen

tamen, meo quidem iudicio, maxima hæc laus censerī debet, quodd civilis scientiæ præceptorem nactus fuerit, eruditissimum præstantissimumq; virum, cuius ex institutione mirum est, quantum in Jurisprudentiâ ceterisque bonis Artibus, non ad Etruriæ solū, verū etiam Italiæ totius, utilitatem atque ornamentum, Juventus proficere consueverit, alterum veluti Italiæ nostræ Cujacium, doctissimum Antecessorem & Advocatum, Franciscum M. Corfignanium Unum enim Corfignani nomen satis superque cuique ad omnem laudem sufficere videtur, cuius sine dubio domus totius oraculum est civitatis; & cui verè illa debetur laudatio, quam Quinto Mucio Scævola tribuere solitus erat Lucius Crassus apud Tullium lib. I. de Oratore, quodd homo sit omnium & disciplinæ juris civilis eruditissimus, & ingenio prudentiæque acutissimus, & oratione maximè limatus atque subtilis; atque, ut ego soleo dicere, jurisperitorum eloquentissimus, eloquentium jurisperitissimus. Quanquam & alios sententiæ hujus auctores afferre possem, quos laudat, Hispanorum jurisprudentum post Antonium Augustinum eruditissimus, Didacus Covarrvias à Leyva in caput Raynutius de testamentis n. VI.

V. Longè major rei quæ nostræ accommodatio, ea est controversia, quam magnā animorum contentione plerique sibi agitandam suscipiunt; etsi non admodū difficilis visā sit Andreæ Fachinzo: utrū eæ, quas Justinianus nominatim recensuit, ita ad filios exheredandos causæ requirantur, ut quæcunque aliæ similes majorisque etiam, quā enumeratæ, momenti, non sufficiant. Dubitationem ipsa Justiniani verba movent: *ut præter ipsas* (causas nempe eā in lege recensitas) *nulli liceat ex aliā lege ingratitudinis causas opponere, nisi quæ in bujus Constitutionis serie continentur*. Unde non contemnendi auctores omnes alias, quas excogitare unquam licet, causas exheredandis liberis satis esse posse inficiantur, Alexander præsertim in Authent. *Non licet. C. de liberis præteritis*. num. IV. & post alios, quos citat & sequitur Molina tom. I. tract. II. disputat. CLXXVI. Humnius quoque de Testamentis, quæst. XIX. Verū si quæ aliæ similes occurrant ingratī animi notæ, aut etiam graviores, ut, si Patriam prodi-

diderit filius; meritò cum posse a patre exheredari, longè verior est communiorque sententia, quam catervatim, cum reliquo Jurisprudendum grege, auctores hi, magni quidam nominis, amplectuntur: Emmanuel a Costà in *Legem, Gallus. D. de liberis & postumis. §. & quid si tantum.* III. parte, num. CLXXV. Angelus in *L. Lex Cornelia. D. de injuriis & famosis libellis.* Antonius Gomezii tom. I. Variar. Resolut. cap. XI. num. XII. Felinus in caput, *Pastoralis de Rescriptis.* Sylvester Prieras in Summà ad verbum *Hereditas.* ubi tamen glossa deceptus in cap. *Quintavallis de iurejurando*, nescio quid in quatuor illarum & decem causarum enumeratione confundit; illamque veluti extra ordinem additamque censet, quæ quarto & decimo ultimoque loco, ex Justiniani lege, adscribenda fuerat, quòd nempe, tamquam ingratus, exheres à patre fieri potest filius, si a Catholica Religione deficiat. Johannes Angelus Bossius de Matrimonii contractu cap. XI. n. CLXIV. Philippus Paschalis de Viribus patriæ potestatis parte II. cap. V. num. XIII. Valerius Reginaldus lib. XX. n. XXXVIII. Covaruvias in cap. *Raynatus de Testamentis.* num. XVI. Clarus §. *Testamentum*, quæst. XLI. sub initium. Gabriel Vasquezius de Testamentis cap. VI. §. III. num. LXIV. Johannes Lupus in cap. *Per vestras. de donationibus inter virum & uxorem.* §. XX. num. XV. Fachinus Controversiarum Juris lib. VI. cap. LXXVIII. aliique innumeri, quos referre non vacat, ne ad vanam quandam variæ lèctionis ostentationem videar nuda auctorum & mera nomina, ut plerique solent, exscribere voluisse.

VI. Et, meo quidem iudicio, digna ea est opinio, quam communi Jurèconsulti consensione comprobaverint. Quid enim absurdius, ut rem exemplo illustremus, quam liberos, si rem cum novercà aut concubinà patris habuerint, exheredari à patre posse, quòd hanc exheredationis causam expresserit Justinianus; si cum matre, exheredari non posse, quòd matrem Justinianus omiserit? Acqui, ut lib. XV. Digestorum admonet Julianus, non possunt omnes articuli singillatim aut legibus aut Senatus consultis comprehendì: sed, quum in aliqua causà sententia eorum manifesta est, is, qui iurisdictioni præest, ad similia procedere, atque ita jus dicere debet. Quod est ab Aristotele

acceptum Lib. II. Politicorum Cap. VI. ὡς περ γὰρ καὶ
 περὶ τὰς ἀλλὰς τέχνας, καὶ τὴν πολιτικὴν τὰς ἐν ἀδύνατον
 ἀκριβῶς πρὸς τὰ γράβηαι: καθόλου γὰρ ἀναγκαῖον γρά-
 βηαι: αἱ δὲ πράξεις περὶ τῶν καθ' ἑκαστὴν εἰσιν. idest quem-
 admodum enim in ceteris artibus, ita in civili ordine fieri
 non potest, ut exquisitè omnia scripta sint: in universum enim
 scripta esse, necesse est. actiones autem de singularibus rebus
 sunt. iuxta elegantem, eleganti doctrinā viri, Petri Vi-
 ctorii versionem. Nam minus exactè Leonardus Arctinus
 vertit το ἀκριβῶς, ad minimum. Atque hanc Justiniani mentē
 fuisse, omnino existimandum, cuius verba περὶ ὁμοπραξίας ita
 explicat Fachinus: *Licet alia causa aliquibus legibus con-
 tineatur; si tamen non contineantur in constitutione illā, non
 licere cuicumque eas opponere, quia Imperator eas prolegiti-
 mis non iudicavit. Tales autem causae non sunt procul dubio,
 quae majores vel similes sunt expressis: quoniam illas Justinia-
 nus approbavit; aut approbasse existimandus est, propter si-
 militudinem. Sed sunt leviores, & dissimiles causae. Ita Fa-
 chinus. cuius confirmandae sententiae plurimum facit
 glossa in Cap. Cum dilecta de confirmatione utili vel inutili.
 ad illa verba: ejusdem aequitatis similitudine provocati. ubi
 sic habet: Similis enim aequitatis ratio similia jura suadere
 videtur.*

VII. Aliis ergo de causis, ubi id suadere aequitatis
 ratio videbitur, permitti patri censendum est filiorum
 exheredandorum potestatem: modò falsā pietatis specie
 quis non decipiatur, ne licere putet sibi, exheredem fi-
 lium scribere, ut heres Ecclesia constituatur. Qua de re
 pulcherrima circumferri solet omniumque celebrari ser-
 monibus, Magni Augustini sententia, quam utinam sacro-
 rum quisque hominum imitetur! ex Sermone LI I. Ad fra-
 tres in eremo de Vitā Clericorum, qui tom. x. Operum
 Augustinianorum, extra ordinem habetur in editione Pa-
 risiensis Claudii Chevallonii an. MDXXXI. *Quicumque vult,
 exheredato filio, heredem facere Ecclesiam, quærat alterum,
 qui suscipiat, non Angustinum. immo & Leo propitio, nu-
 lum inveniet. Quam laudabile factum sancti & venerandi Epi-
 scopi Aurelii Carthaginensis! quomodo implevit eos omnes,
 qui seclunt, laudibus Dei! Quidam enim quum filios non ha-*
 be-

beret neque speraret, res suas omnes, retento sibi usufructu, donavit Ecclesia. Nati sunt filii sibi postea, & reddidit Episcopus nec etiam opinanti illi, qua donaverat. In potestate habebat Episcopus non reddere; sed jure fori, non jure poli. Quamquam (quod cum omni honoris atque obsequantiae erga sanctissimum & doctissimum Virum meae praefatione dictum velim) jure etiam fori liberum non erat Episcopo, quae donatione a patre bona omnia acceperat, filiis postea natis, quoad legitimam saltem facultatum portionem, non restituere. Etenim, iuxta Romanas aequilimaeque leges, donationem illam, veluti inofficiosam atque injuriam, quoad partem saltem liberis debitam, revocari rescindique oportebat, ne legitimam hereditatis portione filii fraudarentur. Sic Philippus Imperator. Sic Valerianus & Gallienus sanxerant. Sic Diocletianus & Maximianus, ut videre est in Codice, tit. de inofficiosis donationibus. Non convenit dubitari, Olybrio inquit Imperator Constantius & Julianus Caesar, quod immodicarum donationum omnibus querela ad similitudinem inofficiosi testamenti legibus fuerit introducta: ut sit in hoc actionis utriusque vel una causa vel similis existimanda, vel idem & temporibus & moribus. Quibus addendum Alexandri Augusti Rescriptum ad Claudianum Julianum Urbis praefectum, *Lege Titia. D. de Legatis & fideicommissis* II. §. *Imperator*. Verum ut ad causas, iustas illas quidem & rationi consonas, etsi ab Justiniano non recensitas nominatim, quibus ingratos filios fas erit paternam excidere hereditate, revertamur: quum inter eas hanc etiam merito adscribendam quidam arbitrentur, si, invito & reluctante parente, nuptias filius cum imparis praesertim conditionis puellam contraxerit; locus ipse admonet, ut rem paullo altius exordiamur.



CAP. III.

Filiorumfamilias conjugia, absque parentum consensu, Romano olim jure, irrita. Veneris apud Appulejum querimonia. Eorum reprobata sententia, qui parentum consensum ex honestate, non ex necessitate, iuxta Romanas Leges, ad filiorumfamilias conjugia requirunt. Jacobus Cujacius confutatus. Pauli Jureconsulti sententia explicata. Contracta legitime matrimonia ex parentum postea voluntate non dissolvuntur. Ennii, Plauti, & Afranii loca. Afranius a Grutero emendatus. Alb. Gentilis opinio improbata. Exheredari filiam non posse, quoddam divertere nolit a marito. Non enim est ingrata. Abrogata Canonica auctoritate Romanae Leges. Potuit Ecclesia irrita decernere conjugia, quae absque parentum consensu contraherentur. Irrita illa decerni, aliqui ex Tridentinis Patribus voluere. Carolus Lotharingi oratio. Codicis lectio a Cujacio emendata. Accursii hallucinatio. Vetus Tridentinum Decretum. An, antiquis Ecclesiae temporibus irrita fuerint conjugia filiorumfamilias, absque parentum voluntate. Evaristi & Basilii Magni testimonia. S. Leo male ab aliis citatus. Clementis III. mens explicata. An ex honestate tantum, non ex necessitate, parentum consensum ad filiorumfamilias conjugium veteres Canones requisiverint. Male ex Augustino Gratianus citat, quod est alterius auctoris. Triplex ex Gratiano conjugium. Evaristus quemodum a pluribus explicetur. Summa Canonum auctoritas, quos Romani Pontifices comprobarunt. Canon Evaristo Papae suppositus. Vir Hispania doctissimus, Antonius Augustinus. Quo sensu clandestina connubia, stupra.

I. **E**A patris est, publico humani generis suffragio, in filium auctoritas: ea est, quam patri filius debet, reverentia, ut irrita filiorumfamilias conjugia Romanae Leges decreverint, quibus parentum consensus non accessisset. Hujusmodi Leges in Digestis referuntur lib. xxii. tit. de Ritu Nuptiarum: nempe Lex, *Nuptiae. L. Si nepos. L. Si filius. L. Nuptiae filii. L. Generali. L. Filiusfamilias*. Quibus addi potest Diocletiani, & Maximiani Rescriptum ad Sabinum in Codice tit. de Nuptiis, *Lex xiiii. Confirmanturque ab Justiniano in Institutionibus lib. i. tit. x. de Nuptiis: Justas autem nuptias inter se cives Romani contrahunt.*

bunt, qui secundum precepta legum coeunt; masculi quidem puberes, femina autem viri potentes, sive patres familiarum sint, sive filii familiarum: dum tamen, si filii familiarum sint, consensum habeant parentum, quorum in potestate sunt. Nam hoc fieri debere, & civilis & naturalis ratio suadet; in tantum, ut iussus parentis precedere debeat. Unde illa est Veneris apud L. Appulejum Metamorphoseon sive de Asino Aereo lib. vi. mixta lœtitiæ querimonia; quam Magnus quoque Cujacius affert lib. III. Observationum cap. v. *Felix verb ego, quæ in ipso ætatis meæ flore vocabor avia: & vilis ancilla filius nepos Veneris audiet. Quanquam inepta ego frustra filium seu nepotem dicam. Impares enim nuptiæ, & præterea in villâ, sine testibus & patre non consentiente, factæ, legitime non possunt videri; ac per hoc spurias ille nascetur: si tamen partum omnino proferre te patiemur.*

II. Quare qui Romanas Leges ita interpretantur, ut ex honestatis æquitatisque ratione, non ex necessitate, paternus consensus requisitus fuerit, nodum mihi in scirpo querere videntur: quum disertè scripserit Paullus lib. xxxv. ad edictum. *Nuptiæ consistere non possunt, nisi consentiant omnes, idest, qui coeunt, quorumque in potestate sunt.* Lege, II. D. de ritu nuptiarum. & Justinianus lib. I. Institutionum, tit. x. de Nuptijs. §. XII. *Si adversus ea, quæ diximus, aliqui coierint: nec vir nec uxor nec nuptiæ nec matrimonium nec dos, intelligitur.* Nec Jacobi Cujacii, doctissimi viri, mihi probatur sententia, qui injussu parentum contractas nuptias censet Romano jure non dissolvi: eaque de causâ civilem legem, veluti imperfectam, reprehendit, quæ nuptiæ filiorum familiæ injussu parentum contrahi prohibentur. *Consent enim, inquit, uxorem injustam esse, injustos liberos, injustas nuptias; nec eas tamen dissolvit.* Nam, veluti vanas irritasque, dissolvendas hujusmodi esse nuptias, quæ contra leges parentumque voluntatem celebratæ sunt, disertissime præscribit Justinianus de Nuptijs tit. x. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ii, quos mater vulgò concepit. Nam nec hi patrem habere intelliguntur: quum & his pater incertus sit. Unde solent spurij appellari τὰ πατρὸς ἀπορρί, idest, à satione; & ὁρατοί, quasi sine patre filii. Sequitur ergo, ut, dissoluto tali coitu, nec dotis nec

nec donationis exactioni locus sit. Causam ita sentiendi Cujacio aliisque celebribus Jureconsultis, præbuit parùm bene intellecta Paulli Sententia, qui lib. II. Sententiarum Receptarum tit. XIX. de Nuptiis, scribit, eorum, qui in potestate patris sunt, sine voluntate ejus, matrimonium jure non contrahi: sed contracta non solvi. *Contemplatio enim*, inquit, *publicæ utilitatis privatorum commodis præfertur*. Cuius non hic est sensus, quasi ratum haberi debeat id, quod nullius fuit initio momenti, reluctantem Lege Non dubium. §. quod ad omnes. & §. Sed & siquid. C. de Legibus & Constitutionibus. sed quòd, ut non malè explicant alii, atque etiam, si Deo placet, Hunnius lib. I. tract. III. quæstione XVII. si voluntate parentum initum sit matrimonium; non idcirco illud postea dissolvi debeat, quia pater id velit. Atque ad hunc modum accipienda est vetus formula apud Bignonium: *Viventibus patribus, inter filios familiæ, sine voluntate eorum, matrimonia non legitimè copulantur: sed contracta non solvuntur*. Quod ex Ulpiano lib. LXXI. ad edictum, magis explicatur. *Si quis*, inquit Ulpianus, *filiam suam, quæ mihi nupta sit, velit abducere, vel exhiberi sibi consideret; an adversus interdictum exceptio danda sit, si fortè pater concordans matrimonium & fortè liberis subnixum velit dissolvere? Et certo jure utimur, ne benè concordantia matrimonia jure patriæ potestatis turbentur*. Lege, Ait Prator. D. de liberis exhibendis. Hinc nupta ex patris voluntate filia apud Ennium:

Injuria abs te afficior indigna, pater.

Nam, si improbum Threspontem existimaveras,

Cur me huic locabas nuptiis? sin est probus,

Cur talem invitam invitum cogis linquere?

Et Panegyris ac Pinacium sorores, quarum viri diutiùs aberant, ad Antiphonem senem apud Plautum in Stichæ Actû I. Scenâ II.

At enim nos, quarum res agitur, aliter auctores sumus.

Nam aut olim, nisi tibi placebant, non datas oportuit:

Aut nunc non æquum est abduci, pater, illi scè absentibus,

L. Afranius, ex emendatione Jani Gruteri, in Divortio:

Indignum è facinus! adolescentes optimas,

Bene convenientes concordæque cum viris,

Repente viduas faciat spurcicies patris.

Vol.

Vulgò enim sic legitur.

*O dignum facinus adolescentis, optumas
Bene convenientes, concordas quum vires
Repente viduas faciat spurcitia patris.*

Nec ex his similibusve locis sequitur, quod putat Alb. Gentilis lib. IV. cap. VII. de Nuptijs: quòd nempe jure olim potuerit pater dissolvere, contracta se auctore, filiarum matrimonia: sed tantum, quòd nixus aliquando fuerit eas per violentiam a viris abducere. Eam ob causam exheredari feminam non posse, quòd, ut patri morem gerat, nolit à marito divertere, optimo æquissimoque jure Diocletianus, & Maximianus Augusti sanxerunt ad Faustianam: *Quum te pietatis religionem non violasse; sed mariti conjugium, quod fueras sortita, distrabere noluisse, ac propterea offensum atque iratum patrem ad exheredationis notam prolapsum esse, dicas: inofficiosi testamenti querelam inferre non vetaberis.* Lege XVIII. C. de inofficioso testamento. Nec enim ingrata est filia, quæ, inito ex parentum voluntate conjugio, concordiam cum viro suo, invitis postea parentibus, colat. Unde Augusti iidem ad Savianum: *Filia in orbitate patris relicta, cum marito, cui matre volente nupsit, colens concordiam, justas offensionis, post ejusdem matris penitentiam, causas non præstat; nec ex momentaneis voluntatibus matris, iuxta atque vidua esse compellitur.* Lege XX. ibidem. Ita etiam, quanquam integram patri vendendi ter filii potestatem Romulus fecisset; legem tamen tulit Numa Pompilius, ut, si pater permisisset filio uxorem ducere, quæ ex legibus particeps esset & sacrorum & honorum, omni deinceps vendendi filij jure spoliaretur, ut auctor gravissimus est Dionysius Halicarnasseus lib. II.

III. Etsi verò Romanæ hac de re Leges Canonico sanctorumque jure proscriptæ fuerint, atque ab Oecumenico Tridentino Concilio Sess. XXIV. in Decreto de Matrimonio cap. I. damnati, qui affirmarent, *matrimonia a filiis familiæ sine consensu parentum contracta, irrita esse, & parentes ea rata vel irrita facere posse*: dubitandum tamen non est, quod acerrimè fuit Tridentinos inter Patres disputatum, decernere pro summâ suâ auctoritate potuisse Ecclesiam, & posse, si vellet, ut irrita ea haberentur matrimonia, quæ, absque parentum consensu, filiis familiæ contraherent. quem -

quemadmodum clandestina connubia irrita deinceps fore voluit; ipsiisque infcio patre initis conjugii vim omnē certò abstulerat, antequam Decretum illud ad limam revocaretur, atque ad eum emendaretur modum, quo nunc se habet. Acerrimos sententiæ hujus in Tridentinâ Synodo propugnatores laudat gravissimus auctor Pallavicinus lib. XXII. suæ Historiæ, Antistitem Granatensem, Fuscararium & Carolum Cardinalem Lotharingum, qui primus omnium, magno verborum & sententiarum pondere, disseruit: *irrita similiter esse reddenda matrimonia contracta a filiis absque parentum voluntate, sicut Decretum præscribebat. Notum esse natura lumine, munus esse patris filio uxorem dare; & idcirco legi sapius in antiquis comœdiis, quæ universales sensus expriment: Ego tibi uxorem dabo. Idque pariter haberi in exemplis Sacra Scriptura, ubi semper constat, filias fuisse a patribus in matrimonio collocatas. & post aliqua. Unum in hac parte Decreti mutandum: nimirum ut, quum hæc auctoritas utrique parenti tribuenda non esset, loco vocis, Parentum, diceretur potius, Patrum. In jure Civili etiam, secundum ejus leges, quæ trahunt originem a Christianis Imperatoribus, velut a Theodosio, a Valentiniano & ab Justiniano, reperiri disjunctò prohibita ejusmodi matrimonia, quibus desit patris permisso: quibus prohibitionibus Episcopi & Concilia nunquam repugnarent. posse igitur id fieri, & esse opportunum ut fieret.* Hactenus Lotharingus, allusione ad illas Leges factâ, quæ in Codice leguntur, lib. v. tit. iv. de Nuptiis: nempe ad Legem, *Vidua. ubi pro patris legendum matris cum Cujacio Observationum lib. III. cap. V. & L. In conjunctione, de filiabus emancipatis, quæ, si quinque, & viginti annis minores fuerint, matrimonium inire, absque majorum consensu, vetantur: quum tamen emancipato filio, dummodò ad pubertatis annos pervenisset, nulla præstituta esset lex, quominus, quando veller, inconsultis parentibus, uxorem acciperet. contraquam hallucinatus videtur Accursius in Legem, Filius emancipatus. D. de ritu nuptiarum.* Sic autem, nequis desideret, vetus illud & rude Tridentinum Decretum conceptum fuerat: *Præterea eadem Synodus irrita facit ea matrimonia, quæ contrahuntur a filiis familiâs ante annum decimū sextum completum absque genitorum consensu.* Quod etiam Galli Oratores, Regis sui nomine, a Concilio, solemniter ex more, exposulaverant.

B

IV. Im-

IV. Immo neque tunc defuerunt, neque defunt modò, qui solemnì veteris Ecclesiæ decreto opinentur, celebrata infcìis parentibus connubia subsistere nullà unquam ratione potuisse; atque in primis vetustissimo Evaristi Romani Pontificis canone hi nituntur, quem, canonum collector, Gratianus, in Decretum retulit causà XXX. quæstione V. can. I. *Aliter legitimum non sit conjugium, nisi ab his, qui super ipsam feminam dominationem habere videntur, & a quibus custoditur, uxor petatur; & a parentibus & propinquioribus sponsetur & legibus dotetur.* & postea: *aliter verò præsumpta, non conjugia, sed adulteria, vel contubernia, vel stupra aut fornicationes potius, quàm legitima conjugia, esse non dubitate.* Ita Gratianus legit. Quamquam Canonem illum, quem Evaristi esse ferunt, Soteri I. adscribat Bartholomæus, non Baptista, Platina in eius Vità, his verbis. *Ejus extabat epistola hac de re scripta ad Episcopos Italia. Instituit item, ne legitima haberetur uxor, nisi cui Sacerdos ex instituto benedixisset, & quam parentes solemnì pompà, more Christiano, marito collocassent; quamque etiam paranymphea de more custodivissent.* Afferunt deinde Basilium Magnum epistolà ad Amphilochem cap. XLII. *Quæ sine iis, qui habent potestatem, sunt matrimonia, sunt fornicationes. Nec ergo, vivente patre nec domino, ii, qui conveniunt, sunt ab accusatione liberi, donec conjugio domini annuerint. Tunc enim accipit firmitatem conjugium. Quæ duo sunt luculentissima omnium maximèque efficacia huic confirmandæ sententiæ testimonia.* Nam reliqua minùs urgent: & qui locus veluti ex S. Leonis epistolà ad Rusticum, Narbonensem Episcopum, affertur: *Paterno arbitrio viris junctæ carent culpâ. Quum ergo dicitur, paterno arbitrio junctæ viris; datur intelligi, quòd paternus consensus desideratur in nuptiis; nec sine eo, legitima nuptiæ habeantur, juxta illud Evaristi Papa: aliter non sit legitimum conjugium, nisi a parentibus tradatur: totus, inquam, hic locus sanctissimo illi Pontifici falsò adscribitur.* Sed quum Leo sive XCII. epistolà, sive II. juxta recentem editionem, hæc tantùm habeat: *Paterno arbitrio viris junctæ carent culpâ, si mulieres, quæ a viris habebantur, in matrimonio non fuerunt: quia aliud est uxor, aliud concubina.* temerè in textum interpretationem illà Gratiani intruserunt, ex causà XXXII. quæ-

quæstione II. ad canonem XII. Quod etiam ex Cælestini II. sive potius Clementis III. Decreto ad Florentinum Episcopum, trahi huc potest, ex causâ XXXV. quæstione VI. canone II. & ex cap. *Videtur*. tit. *Qui matrimonium accusare possunt*. inter Decretales Gregorii IX. epistolas; meo quidem iudicio, parum probat. Neque enim Pontifex, Sacra Canoniarum Legum auctoritate, definit, inania filiorum familiâs connubia fieri, quibus consensum parentes suum non adhiberent: sed, ut in connubiis istis jungendis certius, quàm ipsorum parentum, testimonium haberi non posse ostendat; eo utitur argumento, quod, ex præscriptione legum, nulla sint absque illorum consensu filiorum familiâs matrimonia. *Ideo enim, inquit, maxime parentes, & si defuerint parentes, proximiores admittuntur, quoniam unusquisque suam genealogiam cum testibus & chartis, tum etiam ex recitatione majorum, scire laborat: Qui enim melius recipi debent, quàm illi, qui melius sciunt, & quorum est interesse: ita ut si non interfuerint, & consensum non adhibuerint, secundum leges nullum fiat matrimonium?* ambiguum autem est, quænam hic leges, Romanæne an Pontificiæ, intelligantur.

V. Non sum equidem nescius, huiusmodi Canones a nostris magnâ ex parte Theologis ita explicari, ut, juxta honestiores æquitatis leges, ad legitima filiorum conjugia parentum ita consensus desideratus fuerit, ut, quanquam sine illo Matrimonii *consensus* bene ac firmè substituerit; honestè tamen non potuerit atque ex jure celebrari. Atque hac ferè ratione, Gratianus causâ XXVIII. ipso quæstionis I. initio, accipi debere docet illam Augustini sententiam, quæ tamen nullibi apud Augustinum extat; sed ex Pseudo-Ambrosio adumbrata est in cap. VII. epistolæ I. ad Corinthios: *Non est ratum conjugium, quod sine Deo est*. sive, ut in illa Apostoli verba: *Non est enim frater &c.* habet falsò adscriptus Ambrosio, Mediolanensi Episcopo, commentarius: *non enim ratum est matrimonium, quod sine Dei devotione est*. Opportuna autem est, & quæ huc adtexatur digna, Gratiani explicatio. *Item illud Augustini: non est ratum conjugium, quod sine Deo est; non negat conjugium esse inter infideles. Conjugium enim aliud est legitimum & non ratum: aliud ratum & non legitimum: aliud legitimum & ratum. Legitimum conjugium est, quod legali institutione vel provincia moribus;*

contrahitur. Hoc inter infideles ratum non est: quia non est firmum & inviolabile conjugium eorum. Dato enim libello repudii, licet eis recedere ab invicem & aliis copulari, lege fore non lege poli, quam non sequuntur. Inter fideles verò ratum conjugium est: quia conjugia semel inita inter eos, ulterius solvi non possunt. Horum quædam sunt legitima: veluti cum uxor a parentibus traditur, a sponso dotatur, & a sacerdote benedicitur. Hæc talia conjugia legitima & rata appellantur. Illorum verò conjugia, qui, contemptis omnibus illis solemnitatibus, solo affectu aliquam sibi in conjugem copulant; hujusmodi conjugium non legitimum, sed ratum tantummodò, esse creditur. Hæc in fine quæstionis I. egregius auctor, Gratianus, & pro temporum illorum barbarie, satis eruditus:

VI. Evaristum etiam id tantum voluisse, ut illud irritum esset matrimonium, cui vir aut femina non consentisset, licet solemnem variorum rituum apparatus, ut legitime celebraretur, exegerit; cum Gratiano, & Sententiarum Magistro in IV. Distinctione XXVIII. persuadere nobis ex ultimis ejus verbis nituntur, quibus supra potius, quàm conjugia, ritibus illis prætermisiss, appellanda esse censet Pontifex, nisi voluntas propria suffragaverit, & vota succurrerint legitima: sive, nisi voluntas propria suffragata fuerit, ut Magister Sententiarum emendavit. Ubi, et si sacrosanctam Canonum auctoritatem, quos Romani Pontifices comprobant, quicumque demùm fuerint illorum auctores, omni me veneratione, sicuti par est, suscipere profitear: attamen, ut liberè dicam quod sentio, ipsum sortidum barbarique sermonis genus, ut alia non suppetant, sicut certè suppetunt, argumenta, apertè ostendit, a Summo Christianæ Ecclesiæ Principe & moderatore, quem eximia doctrinà præstitisse credere par est, excidere illam non potuisse, quando pura nondum collapsa erat Latine Lingue elegantia: sed aut sequiori postea ætate depravatum corruptumque esse Evaristi textum; aut, quod longè verisimilius doctissimis viris videtur, veteri illi Pontifici, qui, Domitiani, Neræ & Trajani temporibus, floruit, sive ab Isidoro Mercatore, sive a quocunque alio, suppositam illam esse ad omnes Episcopos Africæ epistolam, ex Idacio, quarti sæculi auctore civilibusque legibus temere & sa-

tis ruditer, confarcinatam. Quo de argumento, præter gratissima duo Romanis auribus nomina, Baronium & Cardinalem Bona, videri possunt, vir doctissimus, cui paucos Hispania habet qui comparentur, qui præferatur, neminem, Antonius Augustinus in Gratiano Emendato, & Eminentissimus Schelstraten, Vaticanæ Bibliothecæ custos; in Antiquitate Illustratâ. Ubi enim de Sacra Antiquitate agitur; eruditorum hominum malo, qui magno in pretio apud Catholicos habentur, referre sententias, quam ingenio meo ac diligentia, cum gravi aliorum offensione, indulgere. Idcirco autem specioso Evaristi Romani Pontificis nomine commendabilis ille scriptor, stupri seu adulterii turpissimam notam clandestinis & injussu parentum initis concubiis inurere non dubitavit, quod, ut Constantinus Bonellus Tifernas Episcopus in Tridentino Concilio ex Gratiano explicabat, frequentibus adulteriis causam præberent: dum utroque eorum vivente aliis se copulaverint, causâ XXX. quæstione V.

CAP. IV.

Aurea Tertulliani sententia. Pulcherrimus Ambrosii locus. *Hermiones apud Euripidem sententia illustrata. Hormisdæ Papæ, Nicolai I. Concilii Carthaginensis IV. Concilii Toletani III. Concilii Turonensis II. Decreta. Summam parentibus filiis in contrahendis conjugiiis reverentiam debent. Patres filiis uxores accipere iussi. Divinarum Litterarum testimonia & exempla. Gravis filiorum in patrem injuria, qui absq; illius consensu uxorem ducunt. Ambrosii locus. Grave hujusmodi filiorum peccatum. In illos, qui contra parentum voluntatem matrimonium iniuerint, anathema decretum a Concilio Aurelianensi IV. & a Concilio Parisiensi. Verba Dominici Soto, Magistro Sententiarum falso attributa. Concilii Tridentini de hujusmodi conjugiiis & clandestinis, Decretum. Justa causa, cur Ecclesia clandestina conjugia reprobaverit. Una istarum causarum, quod liberi parentum consensum expectare debeant. Præcipua causa fuit, nimia adulteriorum frequentia. Sape Tridentini Patres hac de re egerunt.*

I. **S**ed quidquid sit de rectâ Sacrorum Canonum intelligentiâ ; quidquid de veteri Ecclesiæ Græcæ consuetudine, quam, post Basilium, vir immensæ quidem lectionis, sed tutæ parùm fidei, Photius in Nomocanone, tit. XIII. cap. IX. & Theodorus Balsamon, Patriarcha Antiochenus, adstruere videntur : illud certè constat apud omnes, si omnium retro seculorum omniumque gentium memoriam repetamus, maximam semper in iustis liberorum conjugii paterni consensûs habitam habendamque esse rationem. Unde præclare apud Musæum :

Ἀγαθὸν ἢ δυνάμει θεοῦ γὰρ οὐκ ὁρίοις πλεῖστον.

Οὐ γὰρ ἰδιῶς τοῦ ἑσθ' ἐπιτρέπει.

quod ita a nobis, metri causâ, versum est :

Haud equidem celebrare licet connubia sancta.

Nanque meis placet haud genitoribus.

Nobis, qui sacra scribimus, neque peregrinam in loco non suo affectamus eruditionem, pauca satis erunt auctorum nostrorum testimonia. Tertullianus, Evaristo propinquus doctrinæque insignis auctor, sic ad uxorem lib. II. prope finem, Christianum matrimonium summis laudibus extollit. Unde sufficiam ad enarrandam felicitatem ejus matrimonii, quod Ecclesia conciliat & confirmat oblatio, & obsequium Angeli renunciant, pater ratò habet? Nam nec in terris filii sine consensu parentum; ritè & jure nubent. Quam verè auream atque immortalitate dignissimam sententiam variis atque ad rem nostram valdè accommodatis exemplis illustrat Tertulliani Scholiastes Renatus Laurentius De la Barre. Pulcherrimus Ambrosii locus ex lib. I. de Abraham adducitur a Gratiano causâ XXXII. quæstione II. canone XIII. de Rebecca : *Honorantur parentes Rebecca muneribus. Consulitur puella non de sponsalibus (illa enim judicium expectat parentum. non est enim virginis pudoris eligere maritum) sed jam desponsata viro, de profectionis consulitur die. Nec immeritò dilationem non attulit. Jure etenim properare debuit ad maritum. Unde illud Euripideon, quod mihi antur plerique, unde translatus sit, manifestum est. At enim in personâ mulieris, quæ tamen maritum volebat re-*

lin.

linquere, & ad alias petebatur nuptias: Νυμφαῶτων μὲν τῶν
 ἁγίων πατρὶς ἐμὲς Μίσιμωαν ἔχει, καὶ οὐκ ἐμὴν κρῖνεν τὰδε.
 hoc est: sponsalium quidem meorum pater meus curam subibit:
 hoc enim non est meum. Ergo, quod ipsi philosophi mirati sunt,
 servate, Virgines. Mulier etiam, si qua, amisso citò marito,
 adolescentula laqueum infirmitatis suæ timet incidere, si vult;
 nubat; tantùm in Domino: ut electionem mariti parentibus de-
 ferat. Cui sane Hermiones in Andromachâ apud Euri-
 pidem sententiæ consona omnino est Lex In sponsalibus.
 D. de sponsalibus: In sponsalibus etiam consensus eorum exi-
 gendus est, quorum in nuptiis desideratur.

II. Habetur etiam Hormisdæ Papæ, si Deo placet, eo-
 dem, quo Evaristus usus est, stilo & genere dicendi, De-
 cretum tum in causâ XXXI. quæstione II. canone *Tua*
sacritas; tum, variatâ aliquantulùm lectione, Honorii in
 quibusdâ editionibus nomine, inter Decretales Episto-
 las, lib. IV. tit. de desponsatione impuberum, cap. *Tua fra-*
ternitas: Potest autem de filio nondum adulto, voluntas cujus
 nondum discerni potest, pater eum, cui vult, in matrimonium
 tradere: & postquam filius pervenerit ad perfectam ætatem,
 omnino observare & adimplere debet. Hoc ab omnibus Ortho-
 doxæ Fidei cultoribus, sancitum a nobis, tenendum mandamus.
 Item Nicolai I. ad consulta Bulgarorum, causâ XXX.
 quæstione V. canone *Nostrates*: Post sponsalia, quæ futura-
 rum sunt nuptiarum promissa; fœdera quoque consensu eorum,
 qui hæc contrahunt, & eorum, in quorum potestate sunt, cele-
 brantur. Et Concilii Carthaginiensis IV. canone XIII. *Spon-*
sus & sponsa, cum benedicendi sunt a Sacerdote; a parentibus
 suis vel a paranympis offerantur. Et Concilii Toletani III.
 canone X. causâ XXXII. quæstione II. canone *Hoc san-*
ctum. Similis conditio & de virginibus habeatur. Nec extra
 voluntatem parentum vel suam cogantur maritos accipere. Con-
 cilium quoque Turonense II. quod Chariberti Francorum
 Regis tempore celebratum est, canone XX. vehementer
 laudat atque auctoritate suâ latas a Childeberto, Clothar-
 io & Chariberto leges confirmat: ut nullus ullam puellam
 absque parentum voluntate trahere aut accipere præsumat. Ut
 in pluribus Patrum, & Conciliorum locis adscribendis di-
 utius immoremur, instituti nostri brevitatis non sinit.

III. Jam verò, si Divina consulimus oracula, quibus certissimè humana omnia, ad suum quæque officium, diriguntur: quid aliud Sacræ Litteræ inculcant nobis, quid aliud nos docent, nisi quòd summus honor parentibus a filiis tum in alijs omnibus humanæ vitæ officiis, tum in matrimoniis quoque ex eorum consensu contrahendis, sit deferendus? *Audi, fili mi*, inquit Rex sapientissimus Salomon Proverbiorum cap. I. *disciplinam patris tui, & ne dimittas legem matris tuæ: ut addatur gratia capiti tuo, & torques collo tuo.* Et Apostolus ad Colossenses cap. III. *Filii, obedite parentibus per omnia. hoc enim placitum est in Domino.* Hinc patres filiis uxorem quærere jubentur: & boni filii non nisi datam sibi a patre, nisi gravissima aliquando causa aliud suasisset, conjugem apud Sacros Divinæ Historiæ scriptores leguntur accepisse. Trita sunt atque apud eos omnes, qui de Theologicis Dogmatibus scripsere, familiaria exempla. Exodi XXXIV. *Neque uxorem de filiabus eorum accipies filiis tuis.* Deuteronomii cap. VII. *Non inibis cum eis fœdus, nec misereberis earum, neque sociabis cum eis conjugia. Filiam tuam non dabis filio ejus, nec filiam illius accipies filio tuo.* Jeremiæ cap. XXIX. *Date filiis vestris uxores & filias vestras date viris.* Ecclesiastici cap. VII. num. XXVII. non Sapientiæ, ut, mutatis aliquantulum verbis, malè cùm aliis citat Sanchezius Lib. IV. Disputat. XXIII. num. IX. *Trade filiam & grande opus feceris; & homini sensato da illam.* Epistola I. S. Pauli ad Corinthios cap. VII. *Igitur & qui matrimonio jungit virginem suam, benè facit; & qui non jungit, melius facit.* Itaque Abraham uxorem filio suo Isaaco e gentili familiâ accipientiam curavit Rebeccam. Genesios XXVIII. Neque Samson, nisi ex parentum suorum voluntate, feminam Philistæam legitimo conjugii fœdere sibi copulare ausus est. Judicum cap. XIV. *Vidi*, inquit, *mulierem in Thamnatha de filiabus Philistinorum, quam quaeso ut mihi accipiatis uxorem.* Rebeckæ autem promptum facileq; in eo, quem sibi pater destinaverat, sponso non recusando obsequium paulò ante ex Ambrosio commendabamus. Hæc verò omnia idèò longiùs prosecuti nos sumus, ut luculento omnium ætatum omniumque exemplorum documento magis magisque patefieret, quàm gravis parentibus ab ingratis filiis injuria inferatur: dum in re maximè

ximè seriâ gravissimâque, e qua totius vitæ institutum pendet, paterna consilia spernere non verentur: sed, iis sæpe obnitentibus, quibus se ipsos omniaque bona sua accepta referre debent, cum magno familiæ dedecore aut certè detrimentò, nuptias celebrant, juvenilis imprudentiæ, & libidinis impetu, abrepti.

IV. Enimverò gravem hanc esse liberorum in patrem offensionem atque injuriam, agnovit olim exactissimo vir judicio, Ambrosius, Mediolanensis Episcopus, epistolâ XLIII. ad Sifinnium, qua pietatem ejus vehementer celebrat, quòd filio ignovisset, qui, eo inconsulto, uxorem temere acceperat. *Pulebrè itaque gestum, inquit, ut te patrem recognosceres: simul quia justa indignatio fuit. Mâlo enim culpam fateri, ut plus laudetur paterna indulgentia. Sed & ipsa paterna offensio fuit, quoniam venturam in locum filia tuo debuisti eligere judicio, cui fieres pater. Nanque aut naturâ filios suscipimus, aut electione: in naturâ casus est, in electione judicium; magisque in adoptatis offendimus, quàm in genitilibus filiis.* Graviter hac de causâ filios delinquere immanique impietatis crimine involvi, nisi justa aliquando adsit excusatio, constans est Theologorum doctrina, cui plerique illorum, qui de Moribus differunt, suffragantur. Ego verò a plurimis, qui omnium manu teruntur (neque enim omnes vacat) minorum gentium Theologis enumerandis abstinere decrevi. ut semper soleo rationum magis firmitate, quàm recentum auctorum, quorum unus ab alio exscribit, numero, sententiarum veritatem metiri. Impiè ejusdemmodi conjugium copulari, affirmat Concilium Aurelianense IV. anno DXLI. habitum, cànone XXII. protervosque eos homines, qui inire illud ausi fuerint, anathemate damnandos atque a Christiano consortio separandos decernit, his verbis: *ut nullus per imperium potestatis filiam competere audeat alienam, ne conjugium, quod contra parentum voluntatem impiè copulatur, velut captivitas judicetur: sed, sicut est prohibitum, non admittatur: & his, qui perpetraverint, excommunicationis severitas pro modo piaculi imponatur.* Sicuti etiam post non multos annos prudenter sanxit Parisiense Concilium anno DXLVII. celebratum, cànone IV. *Nam & parentum jus prohibet, inquit Dominicus Soto in IV. Sententiarum, distind. XXVIII. in textu* cap.

cap. I. ne, ipsis insciis, filii de nuptiis deliberent; & amoris nexus perpetuando matrimonio necessarius, exposulat, ne leviter concilietur. Quæ prudentissimi Theologi verba ideò huc apponenda censui, quòd ea alii veluti ex Magistro Sententiarum referant auctore: quum tamen textum illum ab eo, quem Petrus Lombardus exhibuit, paullò diversum Soto ipse adornaverit: ut, quæ in quæstionibus fusiùs deinde erat explicaturus, veluti in epitomà quadam, breviter simul & dilucidè connecteret. Sed hæc sunt longè facilliora levioraque, quàm ut nos aliò properantes detineant.

V. Quod nobis ante oculos versatur, illud est, quod habet Oecumenica Tridentina Synodus sessione XXIV. in Decreto emendationis, capite I. *Tametsi dubitandum non est, clandestina matrimonia libero contrahentium consensu facta, rato & vera esse matrimonia, quamdiu Ecclesia ea non irrita fecit; & proinde jure dammandi sint illi, at eos sancta Synodus anathemate damnat, qui ea vera ac rata esse, negant; quique falsò affirmant, matrimonia a filiis familias sine consensu parentum contracta; irrita esse; & parentes ea rata vel irrita facere posse: nihilominus sancta Dei Ecclesia ex justissimis causis, illa semper detestata est atque prohibuit.* Justissimas quidem habuit vivendi dux & magistra Catholica Ecclesia causas, cur nuptias illas, bonis moribus publicæque adversas honestati, omni ætate tantopere improbaret atque execraretur: quas quum secum ipsi attentè perpenderent, æqui rerum existimatores, Concilii Colonienfis Patres, quod anno MDXXXVI. celebratum est, vehementer optarant, ut, de Administratione Sacramentorum, cap. XLIII. ut, canone Evaristi Pontificis restituto, illa clandestina matrimonia, que invitis parentibus ac propinquis, Veneris potiùs quàm Dei causâ, contrahuntur, a Generali aliquo Concilio auferrentur: atque interim, donec efficacius aliquod remedium ab Ecclesiâ adhiberetur, si non irrita, prohibita saltem esse, & pænæ canonica, hoc est, excommunicationi, Contrahentes, & qui his ope aut consilio adfuerint, subiacere decreverant. Atqui causarum istarum primam Dominicus Soto in IV. Distinctione XXVIII. quæstione I. articulo I. pro acri, quo præditus erat, judicio, hanc esse statuerat: *siquidem jux naturæ, quo parentes in liberos funguntur, sub quo-*

quo-

quorum sunt potestate, exigat, ut citra eorum consensum nihil nati deliberent, de re potissimum & vinculo, unde totum vitæ institutum pendet. quale est conjugium. Quanquàm potissima gravissimaque omnium causa in frequentia adulteria refundatur, in quibus homines, qui, clam cum unâ contracto matrimonio fœdere, ad publicas deinde alterius nuptias facinorosè transvolabant, perpetuò vivere, necessarià quodammodo culpà, cogebantur. Unde rem animadversione dignissimam, quam Concilium postea Tridentinum amplectum est, subdiderat ibidem Soto: quòd nempe nihil aliud sancta Ecclesia, quàm rem consultissimam faceret, si rationem excogitaret, qua posset matrimonia clandestina, scilicet, quæ duobus tribusve saltem testibus probari non possent, perinde irrita ac nulla affirmare atque illa, quæ inter cognatos in quarto gradu contrahuntur. De qua utique re, inquit gravissimus ille Theologus, in Tridentino Concilio exiit sæpe sermo inter Patres. At quia nunquam ad hoc Sacramentum perventum fuit; ab eodem interim sermone fuit superfluum. est enim res, quæ vel per solum Oecumenicum Concilium vel per Summum Pontificem quam maturissimo consilio potest debetque adedè desiniri. Hæc Soto.

CAP. V.

Rata filiorum familiæ, in vitis parentibus, conjugia. Sed justam tamen parentes habent irascendi causam. Thomas Sanchezius largiter confutatus. Non illi Thomas Aquinas & Scotus suffragantur. Thomas fidiſſimus Patrum interpres. Verba Thoma Aquinatis. Illorum sententia explicata, & ex alio loco confirmata. Lellio S. Thoma restituta. Filiorum familiæ in amplectendo Religiosa vita statu libertas. Scoti acumen. Mens ejus explanata. Filios familiæ non licet aliquando a nuptiis abstinere. Ex Christianâ Charitate, non licent filio nuptia, quas pater cum malâ muliere contrahi prohibet. S. Bonaventura emendatus. Neque alii auctores Sanchezio favent. Eorum explicata sententia. Glossa illustrata. Quo sensu licere aliquid dicamus. Sanchezia non patrocinatur Covarruvias. Cur Canonici Interpretes ex honestate, non ex necessitate, paternum consensum ad filiorum familiæ conjugia re-

qui-

quirunt. Non potest filius ad matrimonium cogi: nisi tamen sacramento fidem suam ille obligaverit. Id ex Gratiano magis declaratur, & Canonibus Pontificum. Urbani II. Responsum. Non licet filio impares nuptias, renitente patre, contrahere: etsi ad matrimonium cogi non possit. Res civilium Legum exemplo illustrata. Singularis Martini Navarri interpretatio. Alii Juris interpretes allati.

I. **V**erùm ut, unde dilapsa est, eò revertatur oratio: & rata verè habentur atque ab omnibus haberi debent; quæ, invitis reluctantibusque parentibus, ex Concilii Tridentini normâ, a liberis contrahuntur vel imparia matrimonia; & paterna nihilominus jura gravissimè inde violantur. sicuti etiam in Augustano Decreto anno MDXLVIII. Carolus V. Augustus monuerat. Quis ergo rationis aded expertus humanæque vitæ ignarus, si æquiori judicii trutinâ paternæ injuriæ magnitudinem atque atrocitatem libraverit, non ultro fateatur, justam patri irascendi causam esse hanc filii proterviam expetendarumque ex ingrato filio poenarum? juxta Legem, *Si filius. C. de patris potestate: Quem, si pietatem patri debitam non agnoscit, castigare jure patriæ potestatis non prohiberis.* Neque enim Thomam Sanchezium, laboriosum illum & diffusum de Matrimonio disputatorem, multùm moror, qui sutili quadam, ut ego quidem judico, distinctione docet lib. IV. disputatione XXIII. num. X. exquirendum planè esse a filio de ineundo conjugio paternum consilium; sed licere ei tamen, consultis parentibus, quanquàm invitis, uxorem, quam voluerit, vel nullâ iustâ causâ exigente, accipere. Arbitretur, per me licet, ut vult, Sanchezius quique eum auctorem fidè sequuntur: imminenti a gravi culpâ filium faciat, qui eum parentibus honorem defert ac reverentiam; ut scilicet, postquam eorùm voluntatem exploraverit exquisiveritque consilia; nullâ honestâ ratione ductus, sed cæcâ quadam temeritate, atque ut suæ indulgeat libidini, pejorem, quam ipsi dissuadent, partem amplectatur exosamque illis feminam in domum inducat? Mihi longè potior est ipsa naturæ vox, gentium omnium & seculorum communis consensus, Christianorum Patrum; Principum Theologorum; Jurisprudenten-

dentum, quos ego quidem viderim, serè omnium, auctoritas. Quodd autem suas in partes Thomam Aquinatem & Johannem Duns Scotum, pertrahere conetur; hoc verò, pro summo meo erga egregios duos Theologiæ Scholasticæ Principes studio, ferre nequaquam possum.

II. Etenim fidissimus ille & celeberrimus Catholicorum Patrum interpres, S. Thomas Aquinas, neque opinatus unquam est neque opinari potuit, licere filio absque parentum consensu, quas pro arbitrato suo maluerit, nuptias celebrare: sed II. II. quæstione CIV. articulo V. id tantum docet, liberam datam esse cuique a naturâ optionem, utrum eligat, conjugium an cœlibatum; neque ex his ad unum præ alio vivendi genus cogi posse: quanquàm in iis, quæ ad disciplinam rerumque humanarum administrationem pertinent, præsidibus suis, ac maioribus debeant homines morigerari. *Tenetur autem, inquit, homo homini obedire in his, quæ exterius per corpus sunt agenda: in quibus tamen, secundum ea, quæ ad naturam corporis pertinent, homo homini obedire non tenetur; sed solum Deo: quia omnes homines naturâ sunt pares. puta, in his, quæ pertinent ad corporis sustentationem & prolis generationem. Unde non tenentur nec servi dominis, nec filii parentibus obedire de matrimonio contrahendo vel virginitate servandâ, aut aliquo alio hujusmodi. Sed in his, quæ pertinent ad dispositionem actuum & rerum humanarum, tenetur subditus suo superiori obedire, secundum rationem superioris. sicut miles duci exercitus, in his, quæ pertinent ad bellum; servus domino, in his quæ pertinent ad servilia opera exequenda; filius patri, in his, quæ pertinent ad disciplinam vitæ & curam domesticam: & sic de aliis. Quare quum ad vitæ morumque disciplinam & domesticam curam atque *οἰκονομίαν*, viri & uxoris societas maximè spectet, ut ex Aristotele in Libris Oeconomicorum, quos nos jamdiu illustravimus, constat: quid aliud ex S. Thomæ auctoritate concludendum superest, nisi quodd, si ad matrimonium liberi anhelant, citra gravem injuriam non possint prohibentibus puellam aliquam parentibus reluctari? Quod tutissimus ille veritatis Christianæ doctor fusiùs explicaverat in quæstione, ut vocant, quodlibetali II. quæst. V. articulo IX. *Quum obedientia Prælato debeatur, ad illa se extendit debitum obedientiæ, ad quæ se extendit jus prælacionis. Ha-*
bet*

bet autem pater carnalis jus praelationis in filium. Primum quidem quantum ad domesticam conversationem. Sic enim est paterfamilias in domo, sicut Rex in Regno. Unde, sicuti subditi Regis tenentur obedire Regi in his, quae pertinent ad gubernationem Regni; ita etiam filii & alii domestici tenentur obedire patrifamilias in his, quae pertinent ad dispensationem domus. Secundo quantum ad morum disciplinam. Unde Apostolus dicit ad Hebraeos XII. Patres quidem carnis nostrae habuimus eruditores; & obtemperabamus eis. Debet enim pater filio non solum educationem; sed etiam disciplinam, ut Philosophus dicit. In his ergo filius tenetur obedire patri carnali & non aliis. ubi omnino existimo, mutilam esse lectionem in Venetâ editione Juntarum MDLXXXVIII. & supplendum, & non in aliis. Hinc, ut scribit II. II. questione CLXXXIX. articulo VI. si filiorum ope non multum parentes indigeant, possunt, praetermissis parentum obsequio, filii Religionem intrare, etiam contra praeceptum parentum: quia post annos pubertatis quilibet ingenuus libertatem habet, quantum ad ea, quae pertinent ad dispositionem sui status, praesertim in his, quae sunt divini obsequii: & magis est obtemperandum patri spirituum, ut vivamus, quam parentibus carnis, ut Apostolus dicit ad Hebraeos.

III. Scotus verò, cui ingenii acumen in illâ temporum barbarie magnam peperit nominis celebritatem, optimè cum S. Thomâ hac in parte consentit: quatenus sui juris atque arbitrii in eligendo vitae genere filius non potest a patre ad matrimonium cogi. Unde in IV. Sententiarum, distinctione XXIX. questione I. quum sibi ex Tit. de desponsatione impuberum capite I. objecisset, debere a filio, cui puero adhuc nec satis gnarò puellam pater desponderat, paternum promissum adimpleri, cum ad ætatem adultiorè pervenerit, suffragante etiam Legè. Sed quæ patris. D. de sponsalibus. respondet, quòd illud Caput potest exponi de debere de congruo, non autem de necessitate præcepti. Et ad aliud, quòd adducitur de ff. dicit, quòd ita loquitur Jus civile: sed Jus Canonicum est contrarium. Quæ profectò verissima est Scoti explicatio: nisi tamen gravior aliqua causa filium vetet cœlibem esse; atque, ut periclitanti patri succurrat, uxorem jubeat accipere. tunc enim filiusfamilias graviter peccat, si pertinacius obstitat pater-

no de contrahendis nuptiis præcepto. ut uberius S. Thomas declarat in IV. Distinctione XXIX. articulo IV. *Dicendum, quod quum in matrimonio sit quadam quasi servitus perpetua; pater non potest cogere filium ad matrimonium per præceptum, quum sit libera conditionis: sed potest eum inducere ex rationabili causâ. Et tunc, sicut se habet filius ad causam illam; ita se habet ad præceptum patris: ut si illa causa cogat de necessitate vel de honestate; & præceptum similiter cogat. aliâs non.* Et S. Bonaventura in Distinctionem eandem quæstione III. *Non est præcipiendum a parentibus filio, præcepto obligatorio, quod contrahat: quia non potest continere, si vult; & iterum, si vult, contrahere. Et adhuc per præceptum non potest pater ad contrahendum cum hac vel cum illâ eum obligare, nisi charitas vel rationabilis causa eum liget, vel promissio ipsius voluntaria. Rationabilis autem causa ligat, quando pater habet inimicitias; & non potest evadere, nisi filius cum consanguineâ inimici contrahat. Charitas verd ligat, quando pater prohibet filio, ne contrahat cum muliere malâ.* Ita editio Veneta an. MDLXXIII. ex recensione Johannis Balainii Andrii: in qua ad illa verba: *quia non potest continere, si vult, deleo τὸ non; & lego: quia potest continere.*

IV. Immo, quod magis mirandum, neque Sanchezio favent alii ex iis, quos ipse opinionis suæ patronos citat quique nobis sunt ad manus, auctoribus. Nam, etſi Abbas, Henricus, Cardinalis Hostiensis aliique Sacrorum Canonum tractatores, ita illud Hormisdæ Papæ interpretentur, ut filius paternis promissis in accipiendâ uxore stare debeat, ex honestate, non ex necessitate; non id tamen intelligunt, ut a gravi crimine excusentur liberi, si puellam aliquam, invitis parentibus, in matrimonium sibi socient; sed, ut parentum consensum non necessario requiri ad conjugium, significant, quod, ex Canonico Jure, parentibus etiam reluctantibus, subsistit. Unde utrumque verum est atque ab omnibus admittendum esse puto: scilicet quod honestas in primis æquitasque exigat, ut filius non ingratum se & pertinacem in connubiis jungendis adversus patrem præferat; & gravissimè nihilominus peccet, si ab imparibus nuptiis, quibus ille non acquiescit, minimè abſtineat. quod enim honestati refragatur, viciosum sit & culpabile, necesse est. Ita glossa in can. *Hoc*

San.

Sanctum. causâ XXXII. quæstione II. ad verbum parentum: *Secundum Canones licet filie, præter voluntatem parentum, nubere, Unde nec est necessaria patris voluntas quantum ad hoc, quin teneat matrimonium, licet non adsit voluntas ejus. Aliàs bene dico, requirendum ejus consensum, maxime si est minor.* Eo nimirum sensu licet, quo ait Paullus lib. LXII. juxta Florentinos Pandectas, sive LX. juxta vulgatas Digestorum editiones, ad Edictum: *non omne quod licet, honestum est.* Lege, *Non omne.* D. de regulis Juris. Unde opportunè admodum in rem nostram monuit Modestinus lib. singulari de Ritu nuptiarum: *Semper in conjunctionibus, non solum quid licet, considerandum est; sed & quid honestum sit.* Lege XLII. D. de Ritu nuptiarum. quod & locum inter alias Civilis Juris regulas meritiò obtinuit. Nec aliud tradit Didacus Covaruvias Epitom. in IV. lib. Decretalium II. parte cap. III. §. VIII. Unde non miror, inquit, Stephanum Bertrandum Consilio CXLVIII. I. Volum. respondisse, legatum Virgini factum, si Titio nupserit, non esse caducum, nec amitti, si ipsa virgo alteri nubat, ex consensu patris. *Honestum enim virgini existit, a patre consensum exigere ejusque voluntatem in matrimonio contrahendo sequi: siquidem & inhonesta atque impudica foret, si parētis volūtati refragaretur.*

V. Vel etiam addendum, quod verissimum est, Canonicos idcirco interpretes in eam convenire sententiam, quòd filius ex honestate, non ex necessitate, debeat patri morem gerere: quòd scilicet is, qui nullo modo in conjugium consensit, non potest per legem ullam ad illud, cuius maxima esse debet & sacrosancta libertas, compelli, juxta Alexandri III. ad Papiensem Episcopum Rescriptum, capite *Cum locum.* De sponsalibus & matrimoniis. a Concilio postea Tridentino Sessione XXIV. cap. IX. confirmatum: quum eum tamen, qui jurejurando se femine ducendæ obstrinxerat, Legis Ecclesiasticæ auctoritate compellendum esse Pontifex idem sanxisset. cap. *Ex Litteris II.* Titulo eodem. Atque id præcipuè, nempe coactas nuptias esse non debere, ex Sacris Canonibus ostendendum sibi Gratianus susceperat, causâ eadem XXXI. quæstione II. in quam, vulgari illo neque satis certo Paleæ discrimine, Hormisdæ Papæ Decretum intrusum erat, antequàm in Decretalium Epistolarum volumen transcriberetur. **Ubi etiam**

etiam sub Urbani Papæ nomine canonein I. Gratianus adducit, quo, ex sanctissimis Canonum Legumque scitis, decernit Pontifex, puellam, quam pro viribus renitentem pater & ipse coactus principi cuidam adolescenti desponsaverat (siquidem rem ita se habere compertum fuerit) ad matrimonium illud minimè esse compellendam: & Urbani II. responsum ad Sanctium, Aragonum Regem, canone II. *De neptis tuæ conjugio, quam te cuidam militi daturum, necessitatis instante articulo, sub fidei pollicitatione firmasti: hoc, aqutate dictante, decernimus, ut, si illa virum illum omnino, ut dicitur, renuit, & in eadem voluntatis auctoritate persistit, ut viro illi prorsus se denegat nupturam; nequaquam eam invitam ac renitentem ejusdem viri cogas conjugio sociari.*

V. Neque inde tamen sequitur, quodd ex sacrosanctâ Canonum lege fas sit filio parentum voluntati, ut impares cum puellâ aliquâ nuptias contrahat, adversari. ut vir consultissimus Prosper Fagnanus egregiè adnotavit in caput, *Tua fraternitas, de desponsatione impuberum.* num. IX. atque ante illum Dominicus Soto in IV. Sententiar. distinct. XXIX. articulo IV. ubi hæc simul veluti maximè inter se convenientia adstruit: & non posse a patre filium ad matrimonium *ἀναγκῆ* compelli; & debere tamen aliquando filium patri matrimonium præcipienti parere, graviter alioqui, si dissentiat, peccaturum. Quemadmodum etiam Civiles Leges eo pœnarum genere, quo vir constans meritò conturbari possit, neminem ad conjugia compellendum esse præscribunt, nempe Lex *Non cogitur.* D. de ritu Nuptiarum. L. Titia. D. de verborum obligationibus. & Lex *Neque.* C. de nuptiis. quæ est Diocletiani & Maximiani Augustorum ad Titium: *Neque ab initio matrimonium contrahere, neque dissociatum reconciliare quisquam cogi potest.* Unde intelligis liberam facultatem contrahendi atque dissolvendi matrimonii transferri ad necessitatem non oportere. Et tamen quanti faciant Romanæ Leges, quantumque pluris, quàm Pontificiæ, paternum in legitimis liberos conjugii consensum, quantumque eum religione desiderent, nemo est qui ignoret. Nec filium quidem famulus, ad Sabinum inquit Diocletianus & Maximianus AA. & CC. Lege XIII. C. de Nuptiis, invitum ac uxorem ducendam co-

gi, legum disciplina permittit. Igitur, sicut desideras, observatis juris praeceptis, sociare conjugio tuo, quam volueris, non impedieris: ita tamen, ut contrahendis nuptiis patris tui consensus accedat. Atque huc referri potest singularis illa Martini Navarri ab Azpilcueta interpretatio in Confessoriorum & Pœnitentium Enchiridio capite XIV. num. XV. quatenus, ex Pontificiæ Legis præscriptione in cap. I. de desponsatione impuberum, debet filius eam, quam illius adhuc pueri nomine pactus erat pater, in uxorem accipere: videlicet quod non solum debet de honestate, sed etiam de necessitate, quoad effectum non peccandi. Itaque & qui ex Canonici Juris interpretibus, Alexander de Nervo, Præpositus, Fagnanus aliique in Caput I. de desponsatione impuberum, gravissimi criminis filium disertè damnant, qui ingrata parentibus connubia, ex juvenilis ardoris levitate, inire audet; illud tamen Pontificis Rescriptum, quod debeat filius paternæ in contrahendis nuptiis voluntati morigerari, cum glossâ, de debito honestatis, non necessitatis, uno veluti consilio exponunt.

CAP. VI.

Sanchezii hallucinatio. Solo viri & mulieris consensu matrimonium perficitur. Cassanei, Duareni, Spencei, Oldendorpii, opinio à Concilio Tridentino damnata. Pressior adversus Sanchezium argumentatio. Filiorum familiæ matrimonia, quibus parentum consensus deficit, Ecclesiæ improbata. Caroli V. monitum: Caroli Borromæi, et Patrum Colonienfium.

I. Verùm quid paucos, in tantâ utique copiâ, Canonicarum rerum scriptores recenseo? si opinioni adstipulari suæ censet Sanchezius, quotquot ex honestate solâ paternum consensum ad liberorum nuptias requirunt; non Viguerii alicujus aut similium hujusce hominum niti auctoritate non satis firmâ debuerat, nec pauculos parti suæ adscribere Canonici Juris auctores; sed, post Abbatem Antiquum, Abbatem Siculum, Hostensensem, Johannem Andreæ, Ancharanum, in suæ confirmationem doctrinæ ceteros adducere Canonicos Interpretes plerosque omnes, quorum ea concord est atque

que una sententia, si paucos aliquot ignobiles auctores excipiamus, quòd, ex solà honestatis atque æquitatis lege, paternę voluntati filius in contrahendo matrimonio non repugnare jubeatur: quum noti iis maximèque perspecti essent Canones, qui, civilibus Romanisque legibus antiquatis, solo viri & mulieris consensu matrimonium perfici testantur. Nicolai scilicet I. ad Consulta Bulgarorum cap. III. *Sufficiat secundùm leges solus eorum consensus, de quorum conjunctionibus agitur.* ex causâ XXVII. quæstione II. can. II. Innocentii III. ad Brixensem Episcopum: *Matrimonium in veritate contrahitur per legitimum viri & mulieris consensum.* Tit. de Sponsalibus & matrimoniis. capite XXV. & Lucii III. ad Episcopum Burgensem: *Raptor dici non debet, quum habuerit mulieris assensum, & prius eam desponsaverit, quàm cognoverit: licet parentes reclamarent, a quibus eam dicitur rapuisse.* Tit. de raptoribus, capite VI. Quoniam verò a Tridēfino Concilio Bartholomæi Cassanei, Francisci Duareni, Claudii Spencei, Johannis Oldendorpii aliorumque opinio meritò damnata est, qui filiorum familiars matrimonια absque parentum consensu inita subsistere ullo modo posse inficiabantur; omnesque proinde Catholicę veritatis studiosi & sectatores, ad solam honestatem parentum consensum in filiorum nuptiis referunt, non ad necessitatem: si consensum illum, veluti honestum duntaxat, non necessarium, exigi, idem est ac gravi culpâ carere filios, qui, parentibus invitis, nuptias celebrant: auctores nulli qui Catholico nomine censerentur, relinquendi nobis a Sanchezio erant; sed omnes prorsus sua in castra turmatim transferendi: nostraque porrò sententia, quę de gravi impietatis crimine ingratos hujusmodi liberos reprehendit, veluti Catholicę adversa veritati, diris omnibus devovenda. quam tamen Sanchezius ipse non qualitercunque probabilem, sed *probabilissimam*, vocat.

II. Qua vero ratione a gravi lethaliq̃ue culpâ (ne; si gravem tantum appellaremus, lethalis ne esset, an verò levis, ambigeret, sicuti solet, Sanchezius) matrimonii illa excusanda, quę, teste Oecumenicâ Tridentinâ Synodo, Sancta Dei Ecclesia, æquē ac clandestina, summopere detestatur atque improbat? Non ipse certè excusabat Carolus V. in Augustano Decreto: in quo postquàm audien-

dos illos non esse præmonuisset, qui vellent, matrimonia a filiis familiâs contracta dissolvi, ubi parentum assensus non adesset: nihil quidem se obedientie filiorum parentibus debite detractû velle professus est; sed nolle tamē, ut patres potestate suâ in præpediendis præcidendisve matrimoniis abuterentur: *Veruntamen*, inquit, *quia censemus ad bonestatem pertinere, ne filii matrimonia contrahant absque consilio & consensu parentum, admoneantur crebrè a Concionatoribus hujusce ipsorum officii.* Non excusabat vir sanctissimus Carolus Borromæus, qui in Concilio Mediolanensi VI. anno MDLXXXII. tit. quæ ad matrimonii Sacramentum pertinent, gravissimè præcipit, ut, si filii familiâs Matrimonio copulari voluerint, hos Parochus valdè cohortetur, ut parentibus, in quorum potestate sunt, eum honorem tribuant, ut, illis ne insciis quidem, nedum invitis, rem tanti momenti ineant. Non denique Concilii Colonienfis Patres, qui cap. XLIII. id Parocho cautum esse voluerunt, ne liberos citra parentum auctoritatem conjungeret.

CAP. VII.

DE pænâ, quam filio exosas nuptias contrahenti infligere potest pater. Justiniani de filia ingrata & luxuriosa decretum. Loco obscuro tenebra ab Jureconsultis addita. Nostra de Corpore Juris Civilis & vetus querela. Julii Caesaris consiliû. Jus civile sub certam legem redigere cogitavit & Marcus Tullius. Varia Jurisconsultorum, & Theologorum etiam, quaestiones. An si filia, absque parentum consensu homini honesto nupsit, exheredari possit. Dominici Soto judicium. Quale esse debeat luxuriosum vivendi genus, ut filia exheredari possit. An Leges Civiles fuerint per Canones abrogata. Covarruvias defensio. Strictiori jure debita Legitima, quàm dos, filia. An faminarum pæna ad mares porrigatur. Quando filia exheredari non potest. Major faminarum, quàm virorum, infamia. Ubi levior culpa, levior pæna. Validissima pro filio familiâs atque invicta, ne exheredetur, argumentatio. Quæ viro ætas apta incundo conjugio. Aristoteles explicatus.

I. **S**Upereſt jam, ut de pœnâ, quam ingrato filio pro auctoritate ſua poteſt meritò pater infligere, videamus. Qua de re ſi diſputare longiùs voluero, verendum mihi valdè eſt, ne adverſus imprudentem illum filium, qui triginta jam natus annos, graviffimam patri ſuo injuriam & honorum etiam reiſque familiaris detrimentum imparibus nuptiis attulit, inhumaniùs agere velle videar, communique atque tutiori Jurisprudendum ſententiæ pertinaciùs obniti. Etenim Juſtinianus celeberrimâ illâ Novellâ Conſtitutione CXV. qua juſtas omnes filiorum exheredandorum cauſas, ut patrum & liberorum utilitati quamoptimè conſuleret, colligendas ſibi ſuſceperat; hanc undecimo loco duntaxat adſcripſerat, quæ ad inſtitutum noſtrum maximè pertinet, de filiâ ſcilicet, quæ parentum injuſſu nuptias contrahere, laxatis, ut procaciores femine ſæpe ſolent, modetiæ frenis, per ſummam licentiam auderet: *Si alicui ex prædictis parentibus volenti ſua filia vel nepti maritum dare, & dotem ſecundùm vires ſubſtantia ſua pro eâ præſtare; illa non conſenſerit: ſed luxuriouſam degere vitam elegerit. Si verò uſque ad XXV. annorum ætatem pervenerit filia; & parentes diſtulerint eam marito copulare, & forſan ex hoc contigerit in ſuum corpus eam peccare, aut, ſine conſenſu parentum, marito ſe (libero tamen) conjungere; hoc ad ingratitudinem filia nolumus imputari: quia non ſua culpa, ſed parentum, id commiſſiſſe cognoscitur.* Unde exſcripta eſt Authentica ad Legem, *Si filiam. C. de inofficioſo teſtamento. Sed ſi poſt XXV. annos te difference filiam marito copulare, ea in ſuum corpus peccaverit, vel, ſine conſenſu tuo, marito ſe (libero tamen) copulaverit; eam exheredare non poteris.* Mirum autem eſt dictuque difficile, quantas obſcuro per ſe loco tenebras Jurisconſulti, acutiſſimi hominum & contentioſiſſimi, addiderint: quorum etiam turbæ, ſi Deo placet, ſe Theologi immiſcuerunt: dum ſuam quiſque ſententiam ex Juſtiniani verbis expiſcari nititur; atque, ut nullus ſit contentionibus finis, glosſematis atque aliunde adſcitis explicationibus, Legum ipſarum mentem in aliena ſenſa detorquet. Quod diſcordiarum contentionumque ſeminarium ſeridè cogitanti mihi vetus illa gravisque oborta eſt querela, quæ magnis ſæpe viris incidit,

de hoc Jure civili, quod litibus ferendis potius, quàm sedandis, accommodatum videtur. Atque utinam, ut hominum semper vota in ea, tanquàm meliora, quibus caremus, feruntur, perficere potuisset Julius Cæsar, quod, ut in eius Vitâ scribit Tranquillus, animo destinaverat, scilicet, *Jus civile ad certum modum redigere atque ex immensa diffusâque legum copiâ, optima quaque & necessaria in paucissimos conferre libros!* Aut etiam, quod cogitaverat Marcus Tullius: quanquàm, ut erat hominis ingenium, longè forsan uberius atque copiosius, quàm ut delicati modicique duntaxat cibi patientes stomachi digererent. ut ex hac magni vastitatis Operis adumbratione in I. de Oratore libro apparet: *Si enim aut mihi facere licuerit, quod jandiu cogito; aut alius quispiam, aut, me impedito, occuparit, aut, mortuo, effecerit, ut primùm omne jus civile in genera digerat, quæ perpauca sunt; deinde eorum generum quasi quædam membra dispertiat; tum propriam cujusque vim definitione declaret: perfectam artem Juris Civilis habebitis, magis magnam atque uberem, quàm difficilem & obscuram.* Quid enim facturus esset Magnus Pompejus, non satis liquet, qui consul redigere in libros leges voluit: *sed non perseveravit, obrectatorum metu.* ut scribit Isidorus Hispalensis Originum lib. V. cap. I.

II. Hic ergo Jurisconsulti, ut nullam non litigandi causam habeant, acriter quærent, an si quinque & viginti annis minor filia, absque parentum consensu, homini vel honesto nupserit, exheredari possit, ut, ratione ex contrario sensu Justinianæ Authenticæ deducâ, volunt Paulus Castrensis in Le-em, *Si filiam. C. de inofficioso testamento.* Glossa in canonem III. *De raptoribus*, causâ XXXVI. quæstione I. aliique plures, quorum collectionem, si ad exactam trutinam reducatur, ægerrimam judicat Dominicus Soto in IV. Sententiar. Distinctione XXIX. quæstione I. artic. IV. an verò locum pœna hæc duntaxat habeat, ubi turpi matrimonio filia paternæ familiæ decus dehonestasset, ut cum Baldo in Legem, *Nec filium. C. de nuptiis.* & in L. *Si Pater. C. de Sponsalibus.* Parisio lib. III. consilio XXIX. Ancharano in consilio XVI. aliisque, contendunt Petrus Barbosa IV. parte. l. 1. ff. *soluta matrimonio*, num. XXXIV. & Fernandus Rebellus de Obligat. Justitiæ parte II. lib. II.

quæ-

quæstione XIV. num. XVI. An, ut justam exheredationi causam, luxurioso vivendi genere, præbeat filia, satis sit, si semel aut iterum corporis sui copiam faciat, ut præ ceteris omnibus vult Surdus tract. de Alimentis tit. VII. quæstione IV. num. XXXIV. an verò necesse sit, ut vulgò se, tanquam publica perditæ meretrix, prostituat, ut censet Covaruvias in Caput, *Raymutius de Testamentis*. num. XV. Sanchezius lib. IV. Disputatione XXXIV. num. VI. alique non pauci, quibus ipsa Justiniani verba suffragari videntur. An civiles eas leges, quibus conjugiorum, invitis parentibus, licentia puniendæ decernitur, Sacri Canonæ aboleverint; adeoque cuicumque femina nubat, sive nobili sive ignobili viro, atque etiam mancipio, sive ea adultior, sive imbecillioris adhuc pubertatis, parentibus maximè repugnantibus; ex Canonum sacrosanctâ lege, exheredari nequeat: ut celebres utriusque Juris periti arbitrantur, Covaruvias de Matrimonio II. part. capite III. §. VIII. Hostiensis, & Abbas in caput I. *de de ponsatione impuberû*. Hyppolitus Riminaldus lib. II. consilio CXXXII. Petrus de Ancharano consilio XXI. Alexander lib. I. consil. XCVII. Philippus Decius in Legem, *Nuptias*. de Regulis Juris. Sylvester in Summâ ad verbum *Hereditas*. num. VIII. Fachinæus lib. III. cap. XLIV. alique bene multi, quorum longam seriem atque utinam satis fidam! texit Sanchezius. e quibus tamen Covaruvias *αὐτομάτως* immeritò ab aliquo reprehenditur, quòd, quum filiam ob turpe, injussu parentum, initum connubium exheredari non posse statuisset; ei nihilominus deberi a patre dotem, paulò post inficiatus esset. Compertum nanque est, strictiori longè jure legitimam portionem, quàm dotem, deberi; neque eam, quæ auferendæ doti sufficit, causam satis esse hereditati: An verò Civiles adhuc Leges per canones stare non prohibeantur. ut nos postea comprobabimus. An quæ ingrata in filiam statuitur, ex Justinianæo scito, pœna ad mares etiam porrigatur, ut visum est Minchacæ de success. creat. p. I. lib. I. §. X. num. DCXXXIV. an verò in solis feminis filiabusque sistat, ut Sanchezio & plerisque aliis auctoribus.

III. Hæc & alia hujusce generis plura disputant Jurisconsulti: quæ si vellemus omnia revocare ad examen; a

traditione nimis nostrâ aberraremus. Sed, quantacunque illa sit opinionum diversitas, atque unius adversus alium altercatio; in eo tamen conveniunt omnes, quod manifestissimum est: puellam nempe, quam parentes nuptui tradere distulerunt, postquam quinque & viginti annos explevit, non ab omni tantum exheredationis periculo abesse, si libero deterioris conditionis atque ordinis homini se ex arbitrio conjunxerit; verum etiam si meretriciam amplexa artem, corpus suum publicæ libidini exposuerit. Quare quum longè leviozem patri injuriam per impares nuptias inferat filius, quàm per meretriciam vitam puella; majorique longè infamiæ atque dedecori feminarum obnoxia sit, quàm virorum, turpitudine, ut pulchrè Tiraquellus ostendit L. I. connub. num. XLV. si patri filiam exheredare non licet, quam, dilato supra quinque & viginti ætatis annos matrimonio, turpissimi virorum amores irretierunt: quantò minùs exheredandus erit filius, qui annis triginta non minor, puellam, quanquam sibi imparē nobilitate, ingenuam tamen, honestam, vitâ ipsâ chariorem omnibusque votis concupitam, invito justèque etiam dissentiente patre, in uxorem suscepit? quum ubi levior est culpa; leviozem quoque esse pœnam debere, omnes fateantur, necesse sit. Atque huic ego sententiæ quamlibenter subscribo: verissimam eam, si ita volunt, atque æquissimam, prædico: approboque in super, quod sine ullâ distinctione respondere solitus erat Jurisconsultorum post restitutas Litteras maximus Cujacius, non ob id solùm exheredari filium filiamve posse, quòd injussu patris nuptias contraxissent. Validissimum siquidem est pro tricenario illo juvene, ne, propter paternæ auctoritatis gravem contemptum, hereditate spoliatur, quod nuper attuli, argumentum: cui succumbere libens malo, quàm, ad vanam quandam ingenii ventilationem, in alteram partem antiquo more, subtiliùs longè quàm veriùs, disputare. Quis enim ex jure pœnæ vir subdatur, a qua nocentiorē turpioremque feminam disertè eximit Justinianus? quum præcipuè ea viri ætas, quæ a trigésimo ad quintum usque & trigésimum ætatis annum decurrit, conjugio maxime apta, ex Platonis lege, videatur, Dialogo VI. de Legibus. etsi paullò majorem ætatem lib. VII. Politicorum

cap.

cap. XVI. prætulerit Aristoteles, non sex & triginta definit annos, ut plures eum voluisse arbitratur; sed, septem circiter & triginta, paulò plus, minùsve. *πρὶ τῶν ἡλικιῶν ἐτῶν ἑπτὰ καὶ τριάκοντα, ἢ μικρόν.*

CAP. VIII.

Filius, quinque & viginti annis minor, exheredationi obnoxius, si sordidam aliquam duxerit absque patris consensu. Ulpiani locus illustratus. Hæc filii exheredandi causa non est ab Justiniano sublata. Justiniani mens exposita. Martini Laudensis opinio. Andreas Fachinaus avaritias reprehensus. Mens Justiniani potiùs, quàm verba, perpendenda. Eodem jure censendum, quod eadem nititur ratione æquitatis. Romana Leges asseruntur. Accursii observatio & Bartoli. Discrimen temeraria consuetudinis, & legum, qua ratione nituntur. Quid sit leges scire. A puellâ ad adolescentem in unâ ferè eademque causâ argumentatio. Julius Paullus explicatus. An filius quinque & viginti annis minor exheredari possit, si nobilem feminam, absque patris consensu, ducit. Posset etiam ad provectiorem ætatem pœna per leges porrigi. Hispana Leges. Gallia commendatio. Leges Gallicanæ. Nostrum de illis legibus judicium.

I. **C**eterùm non ita me aliorum auctoritate duci velim,

Nullius addictus jurare in verba magistri, ut ea omnia approbanda mihi esse existimem, quæ pro filio, qui absque parentum consensu, uxorem duxerit, mitiores Jureconsulti protulerunt. Nam, si de adolescente, qui quinque & viginti annis minor fuerit, sive patriâ sub potestate, sive emancipatus, loquamur; exheredari eum posse cum Jacobo Cujacio Observationum lib. III. cap. V. aliisque non contemnendi nominis auctoribus, ut Baldo, Paulo Castrensi, Vazquesio, censuerim, si, injussu patris minùs honestam minùsque dignam se conjugem, cum familiâ dedecore, suscepit. Ita me Ulpianus docet Lege, *Non tantùm. D. de bonorum possessione contra tabulas.* in qua quum §. III. dixisset, petente nepote avi sui hereditatem, postquàm mortuus ei fuerit pater, qui, avo
non

non consentiente, matrimonium contraxerat, avitum rescindendum esse testamentum; habendumque nepote a illo, quantum ad successionis jura pertinet, perinde ac in avi potestate pater fuerit; non ita tamen, ut emancipatio non verè intervenerit, ne injustæ illæ nuptiæ injustusque filius ac spurius, censeantur: quum ex civili jure nullum sit matrimonium, quod non ex patris voluntate filius non emancipatus iniverit: quum hæc, inquam, subobscurè dixisset Jureconsultus, quibus explicandis plerique, & præsertim Viglius, insudarunt, subdit: *Nam & si tam ignominiosam duxeris uxorem filius, ut dedecori sit tam ipsi, quam patri, mulierem talem habere; dicemus & ex ea natum ad bonorum possessionem avi admitti: quum possit avus jure suo uti eumque exheredare.*

II. Neque enim placet illorum responsio, qui hanc filii exheredandi causam sublatam esse volunt per Novellam Justiniani Constitutionem CXV. in qua, nullà de filio mentione factà, in filiam quinque & viginti annis minorem, quæ turpitudine vitæ ingratam se & procacem adversus Majores suos præstiterit, hanc esse patri auctoritatem statuit Augustus, ut, si voluerit, illam exheredet. Quid autem fuerit Justiniano in Novellà illà propositum, ex his ejus verbis patet: *Quia causas, inquit, ex quibus ingrati liberi debeant judicari, in diversis legibus dispersas & non apertè declaratas invenimus, quarum aliqua nec dignæ nobis ad ingratitudinem visa sunt; aliqua verd, quum essent digna, prætermissa sunt: idèd necessarium esse perspeximus, eas nominatim præsentì comprehendere: ut, præter ipsas, nulli liceat ex aliâ lege ingratitudinis causas opponere, nisi quæ in hujus Constitutionis serie continentur.* Verum quod ita Martinus aliquis Laudensis respondeat, alii que, qui nullas alias exheredationis justas causas agnoscunt, nisi quas Justinianus expresserit nominatim, non miramur. Quid enim respondere aliud possent, aut concipere, qui Justiniani potius verbis, quàm menti, ad superstitionem usque, adhærent? Miramur autem et jure miramur, Ulpiani pressos auctoritate, huc eos confugere potuisse, qui justæ liberorum exheredationi alias quoque causas vel graviores; vel earum certè, quas Imperator enumeravit, similes superesse, affirmant. E quibus ipse sibi ma-

ximè repugnat Andreas Fachinæus, quòd lib. VI. Controuersiarum Juris cap. LXXVIII. rejectas ab Justiniano, prudentissimo Principe, duntaxat esse velit leuiiores & dissimiles causas, non maiores vel similes, quas aut Justinianus approbavit, aut, propter similitudinem, approbasse existimandus est: & tamen lib. III. capite XLIV. doceat, eas tantummodò causas, quas Justinianus commemorat, justas esse & jam obtinere, omnibus aliis, quæ in antiquis Legibus continebantur, rejectis, ut ipse statuit. Quod si ἀντιπαρὸν non est; nihil aded erit contrarium alteri, ut non cum illo optimè jungatur & cohereat.

III. At, si semel concedant nobis, quod, ex communi Jurisconsultorum decreto, supra demonstravimus, non religiose aded ac ferè pueriliter Justinianæ verba observanda esse, ut, similibus etiam ex causis, patri non liceat ingratum filium exheredare; similis autem sit paternæ auctoritatis contemptæ adspersioneque avito honori turpissimæ maculæ causa, de qua nos modò agimus: non video planè, cur pœnæ huic subtrahi minori filius ætate debeat, qui, minus honestâ uxore præter patris voluntatem ductâ, non gravi solùm patrem injuriâ; sed & familiam universam dedecore affecit. quandoquidem una eademque ratio, quæ suæ prodigam honestatis juniorem feminam, obnoxiam exheredationi facit, in sordido etiam adolescente atque erga parentes suos ingrato, locum ferè obtineat, Familiæ scilicet pudor & paterna offensio. Quis enim nesciat, qui vel a primo limine civilem scientiam salutaverit, nihil certius apud æquos legum conditores atque interpretes inveniri, nihil ferè frequentius, quàm, etiam ubi de pœnâ agitur, eodem peræquè jure censendum esse, quod eadem nititur ratione æquitatis? Unde inter Regulas Juris jure meritoque relata est Pauli Juriconsulti sententia ex lib. XV. Quæstionum: *In omnibus quidem, maximè tamen in Jure, æquitas spectanda est.* Præclara hujuscæ rei documenta Romanæ Leges suppeditant. Lex, *Illud quæsitum.* D. ad Legem Aquiliam: *Quum enim circa furti actionem hac ratio sit, ne ex uno delicto tota familia dominus careat; eaque ratio similiter in hanc actionem damni injuriæ interveniat, sequitur, ut idem debeat existimari.* Ubi notare nos jubet glossa, quòd ubi est eadem ratio; & idem

& idem jus. Quod etiam notat in Authent. *Quas actiones. C. de Sacrosanctis Ecclesiis. Lex, Si postulaverit*, quæ de questionibus fervorum agit. D. *ad Legem Juliam de adulteriis. Sed etsi negaverint; nihilominus publicantur. Ratio enim adhuc eadem est. Lex, Postumi. D. de iniusto rupto & irritato facto testamento. §. Postumos: Divus Marcus decrevit, idem in postumo, quod & in filio, servandum: nec ratio diversitatis reddi potest. ad quem locum glossa: ergo idem ius. Lex, Divi Adriani. C. de constitutâ pecuniâ: Equitatis enim ratio diversas species actionis excludere nullo modo debet. Lex, Nam ut ait Pedius. D. de Legibus & Senatufconsultis: Quoties lege aliquid unum vel alterum introductum est; bona occasio est & cetera, quæ tendunt ad eandem utilitatem, vel interpretatione vel certè iurisdictione, suppleri. nempe, ut explicat glossa, procedendo de similibus ad similia. Idem & Accursius adnotat in Legem, A Titio. D. de verborum obligationibus. & Bartolus in Legem. Regula. D. de juris & facti ignorantia. cujus hæc est ibidem valde insignis observatio: Nota, quod si præfatio legis est generalis, licet lex sit specialis, generaliter intelligitur. Idem etiam si lex est specialis, ratio tamen est generalis, quod generaliter lex est intelligenda.*

IV. Atque hoc potissimum discrimine id secernitur, quod ex temerario vulgi arbitrio inchoatum, longo postea annorum usu firmatum est, ab eo, quod, ratione ducte, conditum est ac sancitum: quod quæ ratione nititur, lex ad similes causas, ipsâ juris æquitate ita exigente, trahi potest; cæca autem consuetudo, quam error, non ratio, peperit, non porrigitur ulterius; seu, ut cum P. Juventio Celso, qui Adriano a consiliis fuit, loquar, lib. XXIV. Digestorum, quod non ratione introductum est; sed errore primum, deinde consuetudine, obtentum, in aliis similibus non obtinet. Hoc demum est leges scire. hoc est, ut sapientissimè idem Celsus ait lib. XVI. Digestorum, non verba earum tenere, sed vim ac potestatem. Leg. XVI. D. de Legibus. Quapropter, si eâ potissimum de causâ exheredari meritò posse visa est Justiniano ingrata filia, quæ, nullâ pudoris ratione habitâ, patrisque spreâ auctoritate, villiori homini, ac deterioris longè notæ, se impudenter tradiderit, quod nimia inde in patrem atque in universam

latè

latè familiam injuria redundaret; quamquam excusandam illam a pœnâ Augustus non immeritò voluerit, si quinque & viginti ætatis annos, dilato a parentibus connubio, prætergressa fuisset: gravissimam autem, neque facillè abluendam, tum patri, tum familiæ universæ, labè inferat adolescens, qui sordide se & probrosè uxori, repugnâte patre, applicaverit; sive, ut Jurisconsultus ait, *tam ignominiosam duxerit uxorem, ut dedecori sit tam ipsi, quàm patri, mulierem talem habere*: cur verba legis contra legem ipsam interpretantur; atque Justiniani, sapientissimi & prudentissimi Principis, mentem ad eum sensum detorquent, ut, quod de filio, inhonestam pudendamque uxorem cum atroci parentum suorum injuriâ ducente, veteres Leges justissimè sanxerant, imprudenter abrogaverit? aut cur non potius, si una ferè est & communis, aut certè non absimilis, adolescentis & puellæ causâ; quodcumque tandem illud est, quod in procacem ingrathamque filiam, quæ vili homini, parentum injussu, nubit. Justinianus decreverit; id etiam de imprudentiori adolescente, ad diuturnum parentum suorum dedecus, impares nuptias celebrante, statui jure posse, pari pœnâ, intelligamus? *Nam & posteriores leges, auctore Julio Paulo, ad priores pertinent, nisi contraria sint*. idest, non solùm ut corrigantur & determinantur, ut vult glossa; sed etiam, ubi deficiunt, ut humanâ imbecillitate contingere aliquando solet, suppleantur. *Legè. Sed & posteriores. D. de Legibus & Senatufconsultis.*

V. Quid si præterea dixerimus, licere adhuc patri exheredem filium scribere; quinque & viginti minorem annis, etiamsi non indignam se sponsam susceperit adolescens, quando puellam illam vehementer abhorret pater, neque justa dissentendi causâ filio patrocinator? juxta probatam aliis, neque improbandam nobis, Pauli Castrensis opinionem, qui exheredationi locum superesse in filiâ sentit, quæ, infra præfixam a prudentissimo Principe ætatem, vel nobiliori viro, parentibus invitis, se matrimonij lege conjunxisset. Immo verò severiores publicâ auctoritate fieri leges potuissent, ut neque adultior etiam & provectior ætas excusaret, quominus liberi, qui in paternâ degunt potestate, exheredationis pœnæ subicerentur; si matrimonium aliquod, impar præsertim neque suæ factis

tis consonum conditioni, absque parentum consensu, ini-
 rent. quemadmodum apud alias Gentes rectissime institu-
 um scimus. Nam, ut Taurinas Hispanorum leges omit-
 tamus, de quibus ad fastidium usque disputant Hispani
 legum Scriptores plerique omnes; & Pragmaticam San-
 ctionem, editam Vallisoleti anno MDXXXVII. qua ex-
 heredandæ filix facultas patri liberrima permittitur, si
 clam præter ejus voluntatem nubat, etiamsi quinque &
 viginti annorum ætatem exceßerit: dummodò, ut aliqui
 addunt, novercâ careat. quam tamen in dubium revocat
 Covaruvias Epitom. II. part. de Matrimonio capite VI.
 num. XXII. in posteriori editione Venetâ Heronymi
 Scoti an. MDXCVII. & magnus ille Theologus Sanche-
 zius, qui Didaci Covaruvias verba capere non potuit, in
 desuetudinem abiisse testatur lib. III. disputat. XLVII.
 num. V. Ut, inquam, has & hujusmodi leges omittamus:
 in Galliâ certè, ubi maxima semper publicæ honestatis
 Ecclesiasticæque disciplinæ ratio habita est, Christianissi-
 mi Reges solemni edicto præscripserunt, ut minores quin-
 que & viginti annis filix, &, qui triginta nondum annos
 compleverunt, filii, omni paternæ hereditatis successio-
 nisque jure spoliarentur, si nuptias, invitis parentibus,
 contraherent. Ita Parisiis primùm sanxisse fertur Hen-
 ricus II. anno MDLVI. cujus postea legem Henricus III.
 Blæsis anno MDLXXIX. & Ludovicus XIII. cognomento
 Justus, Ludovici Magni pater, Parisiis anno MDCXXIX.
 confirmarunt: illudque etiam addiderunt, ut, etsi filiifam-
 iliâs majorem illam & præscriptam sanctione Regiâ æ-
 tatem attigissent, ab hereditate nihilominus repelli pos-
 sent, nisi a parentibus consilium de ineundo matrimonio
 exquisivissent. Aded nulla ætas ab observantiâ, quam pa-
 rentibus suis debent, liberos eximit. Has verò & alias
 ejusdemmodi Leges, siquæ alibi vigent, veluti æquissimas
 atque ad pietatem filiorum erga parentes excitandam fò-
 vendamque maximè accommodatas, quis unquàm repre-
 hendendas sibi, tanquam sacris Canonibus & Tridentini
 præsertim Concilii decretis adversas, existimet, & non
 omni potius veneratione prosequatur? Ego certè pru-
 dentissimorum hominum, qui non illas privato commo-
 dò, sed publico bono, condiderunt, sapientiam valdè ce-
 lebro atque admiror.

DE

L I B E R . I I .

QUO GALLICANÆ DE EXHEREDANDIS LIBERIS LEGES DEFENDUNTUR.

C A P . I .

Quid primo libro confecerimus. Celebre adversus civiles & Gallicanas Leges argumentum. Libertas in contrahendis nuptiis ab Apostolo & Canonibus commendata. Tridentini Concilii Decretum, et Canon. Hujusmodi Principum leges pluribus improbatæ. Didaci Covarruvias sententia.

I. **Q**Uæ superiori libro exposuimus, Salvine Amplissime, ita se habent, ut, quanquàm filius ille familiæ, contra quem disputare ceperamus, & gravissimam patri injuriam & maximum universæ suæ familiæ detrimentum, impari conjugio, intulerit; non liceat tamen patri in eum, qui triginta jam annos attigit, graviore exheredationis pœnâ animadvertere. Quanta porro sit paternæ offensionis magnitudo atque atrocitas, documento esse possunt cum alia varii generis plura, quæ prosecuti ibidem sumus, argumenta; cum Gallicanæ etiam Leges, quarum sicuti summa ratio est atque æquitas; ita & summa esse debet in toto Galliarum Regno auctoritas.

II. Sed hîc nobis ad totius tractationis nostræ exitum properantibus vetus illa, quam acerrima Theologorum atque Jureconsultorum contentio celeberrimam fecit, nec cerrò scio, an opportuna satis, sese objicit difficultas, de his & similibus tum antiquiorum tum recentiorum Principum legibus: quibus, adversus Sacrosanctam Canonum & Tridentinæ postea Synodi auctoritatem, Matrimonii inter Christianos libertatem impediri, & quodam veluti ligari vinculo, plures existimarunt. Libertatem nanque commendat in contrahendis nuptiis Apostolus I. ad Corinthios, cap. VII. *Dico autem non nuptiis & viduis: bonum est*

est illis, si sic permaneant; sicut & ego. Quod si non se continent, nubant. & infra de vidua. cui vult, nubat: tantum in Domino. ad eum ferè modum, quo in Numerorum libro capite ultimo, de filiabus Salphaad legimus. Nubant, quibus volunt: tantum ut sua tribus hominibus. Atque, ut vetera interim prætereamus Romanorum Pontificum decreta, Alexandri III. capite Cum locum, de Sponsalibus & matrimoniis. Lucii III. cap. Requisivit. Gregorii IX. cap. Gemma, tit. eodem: quibus liberè, non coactè, jungenda esse connubia atque ab omni procul pœnarum metu, declarant: sic Tridentinum Concilium decernit Sessione XXIV. de reformatione Matrimonii cap. IX. Ita plerumque temporalium Dominorum ac Magistratum mentis oculos terreni affectus atque cupiditas excæcant, ut viros & mulieres, sub eorum jurisdictione degentes, maximè divites, vel spem magna hereditatis habentes, minis & pœnis adigant cum eis matrimonium invito contrahere, quos ipsi Domini vel Magistratus illis præscripserint. Quare quum maximè nefarium sit, matrimonii libertatem violare; & ab eis injurias nasci, a quibus jura expectantur; præcipit Sancta Synodus omnibus, cujuscunque gradus, dignitatis & conditionis existant, sub anathematis pœnâ, quam ipso facto incurrant, ne quovis modo directè vel indirectè subditos suos vel quoscunque alios cogant, quominus liberè matrimonia contrahant. Accedit ejusdem Concilii Canon XII. Sessione eadem: Siquis dixerit, causas matrimoniales non spectare ad Judices Ecclesiasticos, anathema sit.

III. Plures itaque, de quibus superiori libro agebamus, religiosè veriti, ne legibus illis civilibus, quibus exheredationis pœna in liberos, conjugium, absque parentum consensu, leviter ineuntes, decernitur; sacra Matrimonii atque Ecclesiæ jura violentur: omni, quo possunt in illas conatu insurgunt, quas Ecclesiasticæ immunitati & libertati conjugiorum putant vehementer adversari. Nullam ergo vim esse istarum Legum docent, quas temere Principes & contra fas tulerunt; ac veluti iniquas, majori longè sanctiorique auctoritate abolevit Ecclesia. Hinc neque patri fas esse adolescentulam exheredare, quæ publicum, ex sacrosanctis Tridentini Concilii legibus, conjugium cum fordido infamique homine, parentum injussu, celebraret.

braret. Et de Hispanis quidem legibus scribere non dubitat Covaruvias Hispanus Epitom. in IV. lib. Decretalium II. part. capite III. §. VIII. *jure canonico sublatis esse, nec vim legum habere, quatenus pœnas inferunt matrimonium contrahentibus, sine parentum consensu. Nam, etsi Hispaniarum Principes eas tulerint ad illam honestatem persuadendam, quæ consistit in exigendo parentum consensu ab ipsis filiis ad conjugalem contractum; non tamen, inquit, habent vim legum: quum id sancire ad Romanos Pontifices pertineat.*

CAP. II.

AN ex Ecclesiastico, an verò ex Divino Jure, connubiales inter Christianos causa ad Ecclesiam pertineant. Matrimonii & civilium rationum distinctio. Leges Christiano matrimonio præscribere, ad solam Ecclesiam spectat. Optati Galliarum personatus scriptor. Ijaaci Haberti pro Ludovico Rege Responsum. Honorii III. sententia explicata. Alexandri III. Decretum illustratum. Arrogantior Spissai oratio. Ut summi Principes de exheredandis justè liberis leges ferant, non est opus Pontificiâ auctoritate. Summa Regum in rebus humanis auctoritas. Alia ratio causarum humanarum, alia divinarum. Christianissimorum Regum Leges a Concilio Turonensi II. laudata. Concilii Triburienfis Decretum. Objeçtio dissoluta. Leges Francorum aliqui ex parte ab adversariis comprobari debent. Qui consilium ab alio exquirere jubetur, non jubetur sequi. Clandestina conjugia meritò punita. Gallicana leges eo ex capite impugnata, quòd exheredatione puniant publicas filiorum familiâs, absque parentum consensu, nuptias.

I. **Q**UORUM ego opinionem dum diligentius explore; mirari planè subit, oculatissimos illos apicum quorumcunque in utroque jure investigatores, quorum solertiz atque acumini minima quæque legum patent & conscriptorum discrimina, non satis hac in parte discrevisse, quid sacrum sit, quid civile, quid honestum atque a Canonibus commendatū, quid vitiosum & pœnâ dignum; quid ad Ecclesiæ, quid ad Principum auctoritatem pertineat. Nam quantum ad connubiales causas spectat, quas, si ex Apostolico decreto, quod

D

se-

seculorum omnium consuetudo apud Christianum populum firmavit, ut sentit Sanchezius libro VII. disputatione III. sive, ut nos cum majori & meliori Canonorum Interpretum parte opinamur, ex jure divino, sibi merito Ecclesiastici judices vindicant; distinguendum accuratè est Matrimonium ipsum, seu Matrimonii *essentia*, ab his, quæ extra Matrimonii rationem omnino sunt, & civilium rerum ordine continentur: quanquàm inde consequantur.

II. De matrimonio ipso, quod etiam Sacramentum est, judicare, ut, firmum ne an irritum censendum sit, jure, an injuriâ, celebratum; Ecclesiæ tantùm est, cujus administrationi atque potestati sacra omnia commisit Christus. Sicuti & Ecclesiæ solius interest, impedimenta apponere, variis connubialia fœdera legibus constringere, aliaque præscribere hujusmodi, sine quibus vanum sit inter Christianos ac prorsus nullum matrimonium, necesse est. at cetera, quæ Matrimonio in civili ordine accedunt, ut hereditatum & successionum jura aliaque hujusmodi, nihil causæ afferri potest, cur, nequid in publicæ privatæque rei detrimentum vergat, politicæ potestatis judicio subjiciantur: atque, ut ad obscurum quendam & sub adscititiâ Operati Galli larvâ latitantem hominem pro Ludovico Justo Rege doctissimè simul ac elegantissimè respondit Isaacus Habertus Vabrensis Episcopus, in lib. de Justitiâ connubialis Ediçti, intelligendum est, illud omne, quod in matrimonio Juris Divini positum est, sacramentale esse, proindeque ad Ecclesiam spectare, quæ Divini Juris cognitionem interpretationemque absolutissimam, sola in terris erroris culpæque expers, columna & firmamentum veritatis, exercet. Unde, tanquam Divini Juris interpretis ac oraculi, de veritate, validitate, substantiâ, causis, partibus, contractu consensuque, ut materiâ & formâ, conditionibus effectisque Sacramenti Matrimonii, decernere, unius Ecclesiæ est. Id Fidei caput esse, nemo dubitat Orthodoxus. Ex his omnibus Christianissimus Princeps siquid in edicto suo attigit, illud, non ut ex sui, sed Divini vel Ecclesiæ, itè Juris Constitutione, præjudicatum, expressit. Verùm alia sunt ad matrimonium pertinentia, quæ sacramentum ipsum non componunt aut efficiunt; sed antecedunt, comitantur aut consequuntur: ut, reverentia ac metus parentum, publicæ Legis & consuetudinis observantia, familia decus, &

orna-

ornamenta, honestatis & pudoris salus famaue sollicitudo, patrum integritas, rerum & fortunarum conservatio, hereditatum ac successionum iura, aliaque id genus quamplurima, quae Principem, tanquam boni publici inspectorem, arbitrum vindicemque, respiciunt. Ea verò sunt, de quibus non sub nuditate, ut inquit, aut Juris Divini Canonique pœnis; sed Civilis planè Juris dicundi formâ, Rex Justissimus edicto suo cavit, cavere potuit ac debuit.

III. Hactenus Episcopus Vabrensis: cui Romanorum Pontificum decreta favent, &, quod prodigio simillimum est, ea ipsa, quibus impugnari sententia nostra vulgò consuevit. siquidem capite *Tuam de ordine cognitionum Honorius III. de Reginæ Cypriæ natalibus, hoc est, utrùm ex legitimo connubio procreata esset, nec ne, judicium, ad Apostolicum tribunal pertinere docet; successionis autem causam, quæ inde pendebat, Ludovici Regis Francorum sententiæ reservari; idque tantùm monendum sibi esse ducit, nequid de successionis jure Rex ante decernat, quàm ea de natalibus causa Apostolico ex arbitrio absolvatur: ne ordo perturbetur judiciorum. Tuam non credimus, inquit, latere prudentiam, causam natalium Reginae Cypri ad examen nostrum (utpote quæ ad Forum Ecclesiasticum pertinet) esse delatam. & infra. Quia verò, antequam natalium causa terminata esset, dependentem ex illâ successionis causam incipere, nihil aliud esset, quàm diversis processibus intricare negotiũ, & confusione quadam, judicii ordinem perturbare: mandamus, quatenus si fortè ab ipsâ Regina furris super hoc requisitus, donec jam dicta causa natalium Apostolico judicio sinem acceperit, patienter expectes. In eandem porrò sententiam scribit Alexander III. ad Londonensem & Vigorensem Episcopos, capite, Causam qua. II. qui filii sint legitimæ. ad Regem nempe Anglorum pertinere, non ad Ecclesiam, de hereditariis bonis judicium. quanquàm Ecclesia matrimonii causam ad suum meritò revoceat examen. Causam, inquit, quæ inter R. & F. super eo, quòd mater dicti R. dicitur non fuisse de legitimo matrimonio nata, agitari dignoscitur, vobis commisimus terminandam. Verùm, quia Litteris nostris inseri fecimus, ut sæpe fato R. possessionem omnium, quorum possessor extitit, quando avus suus proficiscendi Hierosolymam iter arripuit, ante principalis causæ*

sa ingressum, faceretis restitui, si eadem possessione fuisset per violentiam spoliatus: nos attendentes, quod ad Regem pertinet, non ad Ecclesiam, de talibus possessionibus judicare; non videamur juri Regis Anglorum detrahere, qui ipsarum judicium ad se asserit pertinere: Fraternitati vestrę mandamus, quatenus Regi possessionum judicium relinquentes, de causis principali, videlicet, utrũ mater prædicti R. de legitimo suo matrimonio nata, plenius cognoscatis. Atque hinc est, ut putato, quod arrogantius, majorique forsan factionis, quàm Christianę pietatis, studio, & periculosè etiam, Spissæus agebat, vir, ut eum Jacobus Augustus Thuanus describit Hist. lib. XCIII. ad an. MDLXXXVIII. profunda eruditionis ac judicii, ad hæc imperterrita eloquentia præditus: quod Pontificibus nullum jubendi aut statuendi jus sit de rebus, quæ ad civilem administrationem spectant, in ditionibus Regi Christianissimo subiectis: & siquid jubeant statuatur, eorum jussis ac statutis Regis subditi, etiam si sacris initiati sint, parere non teneantur.

IV. Quare, ut Regiarum legum æquitas de exheredandis liberis, qui, præter parentum suorum consensum, uxorem acceperint, adversus obtrectatores asseratur, non opus est cum Francisco Molino. L. II. de ritu nuptiarum, diff. VII. num. XLIII. ad summi Pontificis tacitam quandam veluti approbationem, aut ad generalia regni totius Comitatus, in quibus, vidente sacro Ordine & consentiente, edictum hujusmodi Rex promulgaverit, confugere: sed hæc Imperatori, Regibus, summis aliis Principibus, data est divinitus potestas, hæc, Romanis ipsis Pontificibus fatentibus, auctoritas, ut, quas ad civile populorum bonum publicamque humanarum rerum honestatem conducere vident, æquissimas leges ferant: quia, ut Canon habet Victori Papæ attributus de consecratione, distinctione III. canone *Celebritatem*. alia est ratio causarum secularium, alia divinarum: Sic Concilii Turonensis III. quod anno DLXVII. habitum est, Patres, canone XX. summo perè commendarunt, quod Childebertus, Clotharius & Charibertus Reges, solemnī lege vetuerant, nequis puellam, absque parentum voluntate, acciperet. ut etiam supra animadvertimus: quum non solum, inquirunt, Domini gloriosę memoria Childebertus, & Clotharius Reges, constitutionem legum de hac re enstodierint & servaverint, quam nunc Domi-

aus

us Charibertus Rex, successor eorum, praecepto suo roboravit: ut nullus ullam puellam, absque parentum voluntate, trahere aut accipere praesumat. Nec Concilii Triburienfis decreto, quod nobis opponitur, & Romanas inter Decretales relatatum est, capite I. de sponsalibus, & matrimoniis, aliud definitur, quàm, verum esse matrimonium, quod mutuo viri & feminae consensu contrahitur: etiamsi alià lege, quàm gentis suae mos ferat, quis uxorem acceperit.

V. Quod autem objiciunt, magnum inde matrimonii apud Christianos libertati impedimentum provenire, dum, prænarum metu, quibus nolunt, sepe adolescentes & puellae junguntur; invidiosius longè est quàm verum. Atque in primis Leges illas Francorum, quatenus exigunt, ut triginta majores annis filii, non nisi cum parentum suorum consilio, matrimonio copulentur, nihil sacrosanctae huic libertati detrahère; illosque aded exheredari posse, qui huic defunt erga parentes pietatis officio; ipsi, opinor, adversarii non diffitebuntur, si paucos quosdam excipiamus. qui enim, inquiunt, consilium ab alio exquirere jubetur, illud sequi non cogitur: atque, ut observat Bartolus in Legem LXXIX. *Cum pater. D. de legatis & fidei commissis II. §. Mando. verba, quae proferuntur in modum consilii, non important necessitatem.* Ita præ aliis affirmat Fulvius Pacianus de probat. lib. II. cap. III. num. CXVII. Quatenus etiam clandestina connubia, quae, ubi Tridentinum Concilium promulgatum non est, vera sunt, ex antiquis Canonibus, ac rata matrimonia, leges ejusdemmodi severissimè prohibent; eas valde sibi, ni fallor, comprobandas esse sentient, quas exactae Canonum observantiae militare conspiciunt, quotquot sanctitas adversus clandestina conjugia ab Hispanis Principibus poenas ab omni injustitiae labe vindicant, auctores apud Covaruviam de Matrimonio II. part. capite VI. & Sanchezium libro VII. disputatione XLVII. Sed quòd exheredationis gravissimam poenam in liberos humanae leges decernant, qui, turpi ingrati animi vitio, parentum suorum consensum in contrahendis solemni ritu nuptiis, adolescentuli adhuc, negligunt: hoc demum est, quod illi, bono forsàn animo, acerrimè impugnant; quodque in causà existit, cur non Regias solum,

sed & Cæsareas ab Justiniano prudentissimo Principe lata leges, e Christiano procul orbe rejiciant.

C A P. III.

Quid responderi posset, ex Cajetano, Navarro, & Johanne Tabienſi. Theologicarum Canonicarumque verum libri, vulgari consuetudine, Summa inscripti. Magnifica illorum temporum inscriptiones. Tabienſis verba. Noſtra in Legum Gallicanarum defenſionem reſponſio. Libertas non eſt, peccare poſſe; ſed libertatis imbecillitas. Deus ὁμοῦλός ἀνθρώποις. Chriſtianorum Patrum poſt Auguſtinum acutiſſimus Thomas. Quid non poſſit Deus, cujus perfeſtiſſima eſt libertas. Anſelmi, Archiepiſcopi Cantuarienſis, commendatio. Anſelmi argumentatio. Ex Bernardo tria libertatis genera. Alia magni Auguſtini loca. Pulcherrimum dictū Auguſtini. Gregorii Nyſſeni, et Nili Monachi, ſententia laudata. E Divinis Litteris veram libertatem non habet qui peccat. Paradoxon Stoicum, quodd Sapientes ſint liberi & liberi ſervi, e Cicerone illuſtratum. Epicurus laudatus, eiſque iſtruſtrata ſententia. Auſtoris a libris levamen. Alexandri Aphrodiſienſis. Liber ἀπὸ ἐμψυχμῆος καὶ τῷ ἐφ' ἡμῖν. Ἀμαρταντῶν, quidquid αὐτῆς ἐστὶν creatum eſt. Qua ratione convenit homini libertas. Ipſa libertatis ratio explicatur. ἀρχιτεταῖς quid ſit?

I. **U**tinam verò ipſa ſibi auſtorum iſtorum doctrina cohæreret! quibus facilè reſpondere poſſem, canonicā minimè effici auſtoritate, ut injuſtæ aut irritæ civiles leges reddantur, quæ nullo modo ad Matrimonii rerumque ſacrarum offenſionem diriguntur; ſed ad injuriam duntaxat puniendam, quam parentibus inferunt ingrati filii, acceptā præter eorum voluntatem uxore. hac ſiquidem ratione ea tantū conditores auſtoresque legum procurant, quæ ad politicam ſpectant poteſtatem, communem ſcilicet tranquillitatem Reipublicæ privatamque domorum ſeu familiarum concordiam. Quanquā inde aliquid forſan conſequatur, quod κατὰ οὐμῆκενδς & præter legiſlatoris mentem.

in sacræ illius libertatis diminutionem vergat aut verge-
re videatur, quam Christiana matrimonia requirunt. Au-
ctores responsionis hujus habeo, acerrimos illos Ecclesia-
sticæ immunitatis assertores, Cajetanum in Summâ V.
Excommunicatio. c. XXXI. vers. VI. Martinum Navarrum
in Enchiridio cap. XXVII. num. CXX. ipsumque etiam,
a quo hi aliquâ in re, ubi de funebribus sumptibus agi-
tur, dissident, Johannē Tabiensē, qui in Summâ (illius enim
temporis atque Instituti homines libris suis de Theologicis
Canonicisque rebus Summæ ferè nomen præfigere consue-
verant) in Summâ, inquam, quam Summam Summarum,
magnificâ & tunc nimis usitatâ inscriptione, appellantur,
V. *Excommunicatio*. casu XX. valere aliquando Principum
leges concedit, quibus paterfamiliâs res suas a liberis ad
alios abalienare prohibetur: *etiamsi ex tali sequatur pri-
vatio lucris Ecclesiarum. Et si tertio sequitur*, inquit, *quod
non possit ea legare Ecclesiis; hoc non dicitur esse contra li-
bertatem Ecclesiasticam directe vel indirecte: quia non nomi-
natur Ecclesia, vel aliquid pertinens ad Ecclesiam; nec im-
mediate sequitur contra Ecclesiam, quamvis possit sequi. Ter-
tio præter intentionem, quod non possit legare Ecclesia; & sic
non est indirecte contra Ecclesiam: nec etiam directe, quia non
faciunt in odium clericorum; sed ut provideant filiis suis, vel
puniant delictum, ut in hæreticis. Non id tamen dicam,
quod tanti viri docent & impune profitentur, ne sacra con-
nubialis fœderis jura, quorum summa animû nostrum inces-
sit religio, ullo modo, vel κατὰ συνήθειαν, violari a me
videantur.*

II. Illud verò constanter sanctèque affirmabo, Christia-
norum conjugiorum libertatem, quæ sine honestate esse
nequit, per leges illas non minui aut impediri; sed liber-
tatis potiùs abusum: procaciumque filiorum reprimi ad-
versùs parentes petulantiam. Neque enim libertas est,
peccare, & pacem turbare familiarum; sed libertatis po-
tiùs defectus quidam & imbecillitas. ut optimè more suo
ratiocinando deducit S. Thomas Aquinas I. part. quæstio-
ne LXII. articulo VIII. ad III. argum. *Liberum arbitrium
sic se habet ad eligendum ea, quæ sunt ad finem; sicut se ha-
bet intellectus ad conclusiones. Manifestum est autem, quod ad
virtutem intellectûs pertinet, ut in diversas conclusiones pro-*

cedere possit, secundum principia data: sed quod in aliquam conclusionem procedat, pratermittendo ordinem principiorum, hoc est ex defectu ipsius. Unde quod liberum arbitrium diversa eligere possit, servato ordine finis; hoc pertinet ad perfectionem libertatis ejus. Sed quod eligat aliquid, divertendo ab ordine finis (quod est peccare) hoc pertinet ad defectum libertatis. Unde major libertas arbitrii est in angelis, qui peccare non possunt, quam in nobis, qui peccare possumus. Eademque ratione maxima erit & perfectissima in Deo, qui est omnino atque οὐκ ἔστιν ἀνάγκη, ut idem, Christianorum Patrum post Augustinum acutissimus, Thomas cum Magistro Sententiarum argumentatur in II. distinctione XXV. artic. I. Ad rationem liberi arbitrii non pertinet, ut indeterminatè se habeat ad bonum vel ad malum: quia liberum arbitrium per se in bonum ordinatum est, quum bonum sit Obiectum voluntatis; nec in malum tendat, nisi propter aliquem defectum, quia apprehenditur ut bonum: quum non sit voluntas aut electio, nisi boni aut apparentis boni. & idè, ubi perfectissimum est liberum arbitrium, ibi in malum tendere non potest: quia imperfectum esse non potest. Sed hoc ad libertatem arbitrii pertinet, ut actionem aliquam facere vel non facere possit. & hoc Deo convenit. bona enim, quae facit, potest non facere; nec tamen malum facere potest. Hoc unum non potest, qui potest omnia, ut lepidè adnotat S. Augustinus cum aliis pluribus in locis, tum in lib. I. de Symbolo vel Regulâ Fidei ad Catechumenos capite I. Deus Omnipotens est; & quum sit Omnipotens, mori non potest, falli non potest, mentiri non potest, & quod ait Apostolus, negare se ipsum non potest. Quàm multa non potest, & Omnipotens est? Et idè Omnipotens est, quia ista non potest. Nam si mori posset, non esset Omnipotens. Prorsus Omnipotens pater noster peccare non potest. Unde Anselmus, singulare illud non Benedicinz solè Familix, sed & Catholicæ totius Ecclesiæ, ornamentum, Archiepiscopus Cantuariensis, cui vel sanctitate vel eruditione atque eloquentiâ neminem posteriorum Theologorum præferre possis, Dialogo de Libero Arbitrio, capite I. nec libertatem nec partem libertatis agnoscit, peccare posse. Quoniam, inquit, liberum arbitrium, divinum & bonorum Angelorum, peccare non potest; non pertinet ad definitionem libertatis

tatis arbitrii, posse peccare. Denique nec libertas nec pars libertatis est, peccandi potestas. Quod ita pulcherrimè demonstrat. An putas, quod additum minuit, & sublatum auget libertatem, id aut libertatem esse aut partem libertatis? Non hoc putare possum. Potestas ergo peccandi, quæ addita voluntati minuit ejus libertatem; & si dividatur, auget; nec libertas est nec pars libertatis.

III. Nec aliorum Patrum testimonia dissentiant: ut Bernardi in libro de Gratiâ & Libero Arbitrio, in quo, celebri vulgarique apud Theologos divisione, tria libertatis genera distinguit, à peccato, à miseriâ, à necessitate. Nemo proinde, inquit, putet idè dictum liberum arbitrium, quidd aquà inter bonum aut malum potestate aut facultate versetur: quum cadere per se quidem potuerit, non autem resurgere, nisi per Domini Spiritum. Alioquin nec Deus nec Angeli Sancti, quum ita sint boni, ut non possint esse & mali; nec prævaricatores item Angeli, quum ita sint mali, ut jam non valeant esse boni; liberi arbitri esse dicuntur. Et, ne ceteros longiùs persequamur, magni illius, quem nunquàm satis pro dignitate laudabimus, Augustini, innumeris in locis, & præsertim in Enchiridio ad Laurentium capite XXX. Ipsa est vera libertas propter rectè faciendi licentiam; simul et pia servitus propter præcepti obedientiam, ubi alia lætio habet: propter rectè facti latitiam. & capite CV. Postea verò sic erit, ut malè velle non possit (scilicet homo) nec idè libero carebit arbitrio. Multò quippe liberius erit arbitrium, quod omnino non poterit servire peccato. Neque enim culpanda est voluntas: aut voluntas non est, aut libera dicenda non est, qua beati esse sic volumus, ut esse miseri non solum nolumus; sed nequaquàm prorsus velle possimus. Sicut ergo nunc etiam anima nostra nolle infelicitatem; ita tunc nolle iniquitatem, semper habitura est. Lib. XIV. de Civitate Dei cap. XI. Arbitrium igitur voluntatis tunc est verè liberum, cum vitijis peccatisque non servit. Lib. XXII. capite XXX. Nec idè liberum arbitrium non habebunt, quia peccata eos delectare non poterunt. Magis quippe erit liberum, à delectatione peccandi usque ad delectationem non peccandi indeclinabilem liberatum. & infra. Nam utique peccando nec pietatem nec felicitatem tenuimus: voluntatem verò felicitatis nec perditâ felicitate perdidimus. Certè Deus ipse, nunquid quia

quia peccare non potest; ided liberum arbitrium habere negandus est? Erit ergo illius civitatis & una in omnibus & inseparabilis in singulis, voluntas libera. Ubi de divinâ libertate eodem ferè modo argumentatur, quo adversus Julianum, Operis Imperfecti lib. I. sed præ omnibus aliis pulcherrimum mihi semper, & quod omnium mentibus inscribatur, dignissimum, visum est dictum illud Augustini in IV. eorundem librorum, quos de Civitate Dei contra gentes ad Marcellinum scripsit, cap. III. *Bonus etiam si serviat, liber est; malus autem, etiamsi regnet, servus est: nec unius hominis; sed, quod gravius est, tot dominorum, quot vitiorum.* Cui planè consonæ sunt duæ illæ apud Johannem Damascenum in Eclog. Litt. D. tit. XXVII. sententia: una Gregorii Nysseni in Orat. Domin. de homine querentis, ὅτι τῷ πονηρῶν τῆς αἰμαρτίας δουλείας ἀντὶ τῆς αὐτοῦ καὶ ἐλευθερίας προετίμησεν. καὶ ἡλλαξάτο τῆ δουλείᾳ τῆ Θεοῦ τὸ τυραννεῖσθαι ὑπὸ τῆς καταθραύσεως δουλείας. idest. quidd malam peccati servitatem ei, quæ sui juris libertas est, prætulit. & corruptentis facultatis tyrannidem pati maluit, quàm servire Deo. Altera Nili Monachi: οὐκ οἶσθα ἵτι ὦν ἡτῆναι ψυχὴ παθῶν, τίτω γίνεταί καὶ δῆλος μαστιγίας; ἀλλ' οὐκ ἴσμεν ἡμῶς παίδους τέκνα, ἀλλὰ τῆς ἐλευθερίας, ὅπως τῆς αἰμοσύνης διακριθέντες ἐλευθερία σωμῶν. αἰρεῖτον μᾶλλον ἀνθρώπων δούλον ζεῖσθαι, καὶ οἰκοτρῖβαν οἰκότητα; ἢ δουλωθῆναι ὅτι παθεῖσι κατααίτοις. id est. Nescis, quibus passionibus anima superetur, harum & verberonem servum fieri? Non sumus autem nos ancilla filii, sed liberae, ut a peccato separati, liberè agamus. Eligendum magis est homini, servum fieri & vernarum vernam, quàm execrandis unquam passionibus servire.

IV. Quod veteres Christianorum Patres non e Sacris tantum Litteris hausere, in quibus, Johannis capite VIII. legimus: *omnis qui facit peccatum, servus est peccati.* & ibidem. *Si ergo vos Filiius libera verit, verè liberi eritis.* II. ad Corinthios capite III. *Ubi Spiritus Domini, ibi libertas.* Petti epistolâ I. capite II. *Quasi liberi & non quasi velamen habentes malitia, libertatem; sed sicut servi Dei.* Et epist. II. cap. II. *libertatem illis promittentes, quum ipsi ser-*

ut sint corruptionis. a quo enim quis superatus est; huius & servus est. Sed e veteri quoque, Stoicâ præcipuè, Philosophiâ. cujus hoc erat Paradoxum Decretum, ὅτι οἱ σοφοὶ ἐλεύθεροι, καὶ οἱ ἄσοφοι δούλοι. i. e. quod Sapientes liberi, & stulti, servi. elegantissimè a Marco Tullio illustratum. Dictum est igitur, inquit Cicero, ab eruditissimis viris, nisi sapientem, liberum esse neminem. quid est enim libertas? potestas vivendi, ut velis. Quis igitur vivit ut vult, nisi profectò qui recta sequitur, qui gaudet officio, cui vivendi via considerata atque provisa est, qui legibus quidem, non propter metum, pareat; sed eas sequitur atque colit: quia id salutare maximè esse iudicat. qui nihil dicit, nihil facit, nihil cogitat denique, nisi libenter ac liberè; cujus omnia consilia resque omnes, quas gerit, ab ipso proficiunt eodemque referuntur; nec est ulla res, quæ plus apud eum polleat, quàm ipsius voluntas atque iudicium? & pauld post. Igitur omnes improbi, servi. Nec hoc tam re est, quàm dictu, inopinatum atque mirabile. Non enim ita dicunt, eos esse servos, ut mancipia, quæ sunt dominorum facta nexu, aut aliquo jure civili. sed, si servitus sit, sicut est, obedientia fracti animi & abjecti & arbitrio carentis suo; quis neget, omnes leves, omnes cupidos, omnes denique improbos, esse servos? An ille mihi liber videatur, cui mulier imperat; cui leges imponit, prescribit, jubet, vetat, quod videtur; qui nihil imperanti negare potest, nihil audet? poscit: dandum est. vocat: veniendum. ejicit: abeundum. minatur: extimescendum. Ego verd istum non modò servum; sed nequissimum servum, etiamsi in amplissimâ familiâ natus sit, appellandum puto. Nec absimile est illud Epicuri, sapientis certè viri, apud Senecam epistolâ VIII. Philosophiæ servias, oportet, ut tibi contingat vera libertas. Philosophiæ enim est, animum nostrum à perturbationibus liberum sui que compotem efficere. quò sensu, à Platone dicta est in Phædone Philosophia μετὰ τὴν θάνατον, mortis meditatio, ut vertit Macrob. lib. I. in Somn. Scip. c. XIII. seu, commentatio, ut interpretatur Cic. Q. Tusc. l. I. & χωρὶς τοῦ σώματος ἀπὸ τοῦ σώματος, separatio animæ a corpore. Nempe homo, ut Macrobius explicat, mori etiam dicitur, cum anima adhuc in corpore constituta, corporeas illecebras, Philosophiâ docente, contemnit; & cupiditatum dulcèssimas reliquasque omnes exuitur passiones.

V. Alia & mihi colligenda erant præclara sapientum virorum monumenta, quibus subinde legendis privatas inter molestias, quas gravis mihi parùm amicorum hominum ambitio aliquando faceffit, animum semper iensi non parùm recreari meum: nisi, & ulterius me divagari delicata quædam ingenia prohiberent; &, quæ hucusque mea in ad-versaria retuleram, testimonia facis superque ostenderent, quàm non pertineat peccandi potestas ad eam perficiendam atque ὡς ὁδῶς constituendam libertatem, quam Ar-bitrii vocant, & τὴν τῶν ἐπιγυγίων ἐλευθερίαν, *actionum liber-tatem*, Peripateticorum longè optimus & doctissimus, A-lexander Aphrodisiensis in Lib. περὶ εἰμαρμένης καὶ τοῦ ἐφ' ἡμῶν. i. e. *de Fato & Libertate*, ad Severum & Antoninum Augustos: quàmque vera sit illa Augustini sententia, Tra-datu XLI. in Johannem, capite VIII. *prima libertas est, carere criminibus*. Quancquam enim quidquid αὐτεξέσιον creatum est, sit etiam ἀμαρτην; humanamque adeò li-bertatem vitium istud non possit non consequi, quæ non est ὡς ὁδῶς bona: hæc tamen libertas non convenit ho-mini κατ' ἀναδ' ὁλοσιν, quatenus peccare potest, quod est a perfectione libertatis deficere; sed quatenus ratio-ne fruitur atque intelligentiâ. ut acutè advertit Christia-nus Philosophus Nemefius in Lib. de Naturâ hominis ca-pite XLI. φημὶν τὴν τοῦ ὄντος τὸ λογικὸν συνεισέτασθαι τὸ αὐτεξέσιον. i. e. *Dicemus igitur cum ratione conjunctum esse sui juris libertatem*. Unde fit, ut homo primùm deli-beret de iis, quæ sunt ἐφ' ἡμῶν, atque in consultationem eadunt: deinde veluti αὐτεξέσιος, quod sibi opportunius visum fuerit, seligat. Est enim Aristoteli lib. III. Ethico-rum capite III. ceterisque omnibus Peripateticis aliisque etiam, qui fatalem quandam necessitatem inficiantur, πρᾶξεις, sive unius rei præ aliâ delectus, βουλευτικὴ ὁρεξις τῶν ἐφ' ἡμῶν. i. e. ex Petri Victorii versione, *appetitus eo-rum, quæ in nostrâ potestate sunt, profecta e deliberatione*. Ἐκ τοῦ βουλευέσθαι γὰρ γένεαις, addit ibidem Aristote-les, ἐπιγόμεθα κατὰ τὴν βούλησιν.

CAP. IV.

GRave impietatis crimen, uxorem, invitis parentibus, ducere. Adversariorum cavillatio. Quid Jureconsultis libertas. Malus libertatis usus nunquam sacris Canonibus probatus. Romani Pontifices censentur non posse, quod non possunt sine peccato. Valet filiorum familiâs conjugium prater parentum voluntatem; sed non est immune a culpâ. Canonica immunitati favent Gallicanae Leges, non officiant. Sancta res, matrimonium. S. Paullus explicatus. Corona in Ethnicorum nuptiis adhiberi solita. Tertullianus illustratus. Angelorum nomine Episcopi denotati. Genuina S. Ignatii Antiocheni epistola e Mediceo Codice a Cl. V. Antonio M. Salviniô descripta.

Pulchra Augustini ad Christianos adhortatio. Alia crimina, qua ad Ecclesiasticum Tribunal spectant, per civiles leges punita. Canones per civiles Leges corroborantur. Canonibus adjumentum a civilibus Legibus. Vidua, quæ intra luctus tempus nubit, ab infamiae notâ immunis. Nicolai Papæ Rescriptum. Donatiani a S. Augustino non reprehensi, quod Casaræarum Legum præsidio uterentur. Clementis V. scitum illustratum. Tuscum jurgium ex Augustino. Suis ipsorum armis adversarii impugnantur. Adversariorum pro Legibus Civilibus adversus clandestina conjugia argumenta. Vox Contractus non satis latina. Quodnam boni Principis munus. Aliena dicta Sanchezius pro suis adsciscit. Quodnam pulcherrimum victoris genus.

I. **U**T autem ad rem nostram veniamus; atrox valdè est longèque majus, quàm sibi cœlibes aliqui homines atque a familiarum administratione alieni, persuadent; impietatis in parentes crimen, iis invitis, uxorem ducere; atque inter patrem & liberos capitale odium excitare solet, teste Baldo in Legem. *Omnem. C. ad Senatusconsultum Tertullianum.* Si ergo graviter peccare, libertas non est, sed vitium, libertatis atque imbecillitas; neque libertati Leges illæ officiant, quæ graviore exheredationis pœna liberos in officio continent, ne, contractis patre dissentiente nuptiis, immaniter delinquant. Quod si subtiliùs, quàm humana negotia ferant, nos argumentari quis cavillectur, aliterque ac

nos

nos delineavimus, libertatem apud Jureconsultos accipendam esse contendat, quatenus nempe servituti ea opponitur, aut quatenus a Florentio lib. IX. Institutionum, definitur, *naturalis facultas ejus, quod cuiquā facere libet, nisi si quid vi aut jure prohibetur*. Lege IV. D. de statu hominum. itemque ab Justiniano Institutionum lib. 1. tit. III. de jure personarum. is velim secum ipse cogitet, neque a Legibus eam probari libertatem, quæ non ex jure agit. juxta illud etiam antiqui Poëtæ:

Juri servitium defer. sic liber habebis.

Unde Q. Symmachus lib. II. epist. LXXXVIII. *Vox juris ac legum est, bonæ fidei contractum non posse rescindi.* & præclare Cassiodorus lib. VIII. epist. XIII. *Vos leges dicitis, dum nos jura condimus.* Quam verò sacri Canones commendant, libertas, non illa certè est, quæ bonis moribus adversatur, comitemque culpam ac patris injuriam habet; sed quæ ab omni longè abest impietate ingratiq; animi notâ, & rectè agendo elucescit: quum Canones, quorum est publicæ in divinis humanisque quodammodo rebus honestati consulere, non tantum ut quid fiat, curent; sed ut rite etiam, honestè eâque, qua par est, integritate celebretur: etsi non irritum statim pronuncient, cui actionis innocentia defuerit. Ita demum sacrosancti Canones consubstantialis libertatis jura illæsa atque intacta servari jubent, ut simul & parentibus honorem deferri velint; neque eorū in nuptiis ineundis consensum idcirco negligi, quod non per illum filiorum familiæ matrimoniū constituatur. Non nos, agebat olim Ennodius Diaconus, *Beatum Petrum, sicut dicitis, a Domino cum sedis privilegiis vel successores ejus, peccandi judicamus licentiam suscepisse.* Refert Symmachi Patris nomine Gratianus, canone I. Distinctione XL. Et Gregorius Papa lib. IX. epistolâ XLI. ad Anatolium, Constantinopolitanum Diaconum: *Atque idèd, inquit, hos per nos fieri nullatenus potest, ne peccatum in meâ animâ ex ejus [Johannis scilicet Episcopi] depositione veniat.* Causâ VII. quæstione I. canone Scripsit.

II. Unde, etsi firmum sit ratumque conjugium, quod puella atque adolescens, invitis parentibus, contraxerunt; quum tamen honestas morum, & disciplina necessariò exigant, ut paternum consensum non prætermittant, in re uti-
que

que tantum momenti, ex qua familiarum pendet amplitudo & salus: cur sacrosanctæ Canonum auctoritati eas repugnare Leges censebimus, quæ libera quidem matrimonia esse non vetant; sed ita tamen libera, ut, si quis eâ libertate ad parentum injuriam, atque ad humanarum Divinarumque Legum conculcandam proterendamque sanctitatem, abuti voluerit, gravissimè eum puniendum per exheredationem esse decernant? quod non est Canonice ob stare libertati; sed prævum atque Canonum præscriptioni adversum, adversum bonis moribus, ipsi adversum æquitati, libertatis usum, quoad fieri potest, impedire. Ego verò Leges hujusmodi non tantum Canonice immunitat non officere; sed & maximè favere atque opitulari, judicaverim. Nam & præter antiqua Romanorum Pontificum Patrumque decreta, quæ, ut supra vidimus, alia ferè non approbant conjugia, nisi quibus parentes consensum præbuerint suum; Tridentini Patres, Sessione XXIV. cap. X. Episcopos, ut eâ, qua decet, modestiâ & honestate nuptias fieri curarent, admonendos esse duxerunt. *sanctæ enim, inquit, res est matrimonium & sanctè tractandum.*

III. Apostolus verò Paulus, cujus summa nobis auctoritas ex epistola I. ad Corinthios capite VII. opponetur, liberam quidem femine, & quod majus est, viduæ, potestatem nubendi facit; sed ita tamen, ut *in Kupio, in Domino*, cui voluerit, nubat: id est, non tantum ut suæ ejusdemque Religionis viris jungatur, juxta illud ejusdem Apostoli epist. II. ad Corinthios eisdem cap. VI. *Nolite jugum ducere cum infidelibus.* ut, post antiquiores plerosque Patres, explicant Anselmus & Thomas Aquinas, & multò ante notaverat, gravis cum primis auctor, Tertullianus, Lib. de Coronâ militis: *Coronant & nuptia sponsos; & ideo non nubimus ethnicis, ne nos ad idololatriam usque deducant, a qua apud illos nuptia incipiunt. Habes legem a Patriarchis quidem: habes Apostolum in Domino nubere jubentem:* sed etiam ut, quas natura, quas honestas, quas Canonica auctoritas præscribit, leges non violet, neque rem Divinâ institutione consecratam, Christianas nuptias, ab iniquâ parentum injuriâ, infausto omine, auspicetur. Hoc planè beatissimum illud est omniumque bonorum copiâ affluentissimum inter Christianos conjugium, cui

cui summis laudibus Tertullianus lib. II. ad uxorem, applaudebat: conjugium, inquam, quod Ecclesia conciliat & confirmat oblatio & obsignatum Angeli renunciant, pater ratò habet. Ubi Angelorum nomine, Johannis Apostoli imitatione, Sacerdotes seu Episcopos denotat Tertullianus, quorum maximè decet auctoritate nuptias celebrari. ut, vir Apostolicorum temporum, Ignatius docet epistolà ad Polycarpum: *Decet, ut & ducentes uxores & nubentes, cum Episcopi arbitrio conjungantur: ut nuptia juxta præceptum Domini, non autem ob concupiscentiam, coisse videantur.* Quod sic græcè effertur in Mediceo Codice, e quo genuinas Ignatii Antiocheni Episcopi epistolâs, ab Isaaco Vossio ante plures annos non diligentissimè expressas, postulante nobilissimo Viro Henrico de Novà Villâ, suâ ipse manu, accuratissimè exactissimèque exscripsit, incomparabili vir doctrinâ, Antonius Maria Salvini noster, in Florentino Lyceo publicus Græcarum litterarum Professor; ediditque Oxonii C. Aldrich: *πρίναι δὲ τοῖς γαμοῦσι, καὶ τὰς γαμουμένας. μετὰ γνώμης τῶ ἐπισκόπου τὴν ἵνασιν π. αὐθαι. ἵνα οὐ γὰρ αὐτοὶ ἢ καὶ τὰ ἄλλα καὶ κατ' ἐπιθυμίαν.* sic omnia, ex Ignatii monito, e Divini Honoris dignitate peragantur. *πάντα ἐς τιμὴν θεῷ, ἡρώδω.* Per Patrem verò non eum intelligendum puto, qui omnium pater est Deus Omnipotens, ut vult Renatus Laurentius De la Barre; sed hominem, cujus consensu, ex honestatis æquitatisque lege, liberorum connubia firmari oportet. sequitur enim. *Nam nec in terris filii sine consensu patrum ritè & jure nubent.* Opportunè igitur & pulchrè admodum Augustinus Tractatu XLI. in caput VIII. Johannis: *Non ergo dicat Christianus: Liber sum, in libertatem vocatus sum. servus eram; sed redemptus sum; & ipsâ redemptione liber effectus sum. Faciam quod volo. nemo me prohibeat a voluntate meâ, si liber sum. Sed si istâ voluntate peccatum facis, reponit Augustinus, servus es peccati. Noli ergo libertate abuti ad liberè peccandum; sed utere ad non peccandum. Erit enim voluntas tua libera, si fuerit pia: eris liber, si fueris servus: liber peccati, servus justitiæ, dicente Apostolo: Quum servi essetis peccati, liberi eratis justitiæ. Nunc autem liberati a peccato, servi autem facti Deo, habetis fructum vestrum*

in

in sanctificationem; finem verò vitam aeternam. Hoc conemur, ut id agamus.

IV. Nonne plura alia crimina, quorum meritò caussa Ecclesiastico Tribunali referenda est? nonne incestus nuptias? nonne perjuria? nonne iniquissimos ex scœnatione quæstus, Civiles etiam Leges severissimè incussoque gravissimorum suppliciorum terrore prohibuerunt? Quas tamen Leges Canonum obsistere libertati, nemo sanioris mentis affirmaverit. Quid enim vetat, Principum etiam & Magistratum potestate Pontificias Canonicasque Leges corroborari? ut, qui virtutis aut religionis studio honestatem sectari nolunt, civilium saltem pœnarum metu, a peccandi licentiâ cohibeantur; atque ita Sacerdotium & Imperium, suo quodque jure suosque intra limites, eidem fini allaborent. Ipsi certè Canones adsciscere sibi civili e Lege fulcra atque adminicula non dedignantur. Quade re notissima est communique omnium suffragio recepta Lucii III. sententia capite *Intelleximus. De novi operis nuntiatione: Sicut Leges non dedignantur sacros Canones imitari; ita et sacrorum Statuta Canonum Principum constitutionibus adjuvantur.* Ubi respicit Pontifex ad Justinianas Leges, Authentic. *de Monachis.* §. ultimo, Collatione I. Authent. *Ut Clerici apud proprios Episcopos primùm conveniantur; & post hoc apud civiles judices.* §. penultimo, Collatione VI. & Authent. *de Ecclesiasticis Titulis & Privilegiis aliisque Capitulis.* §. I. Collatione IX. ad quas etiam respexit Gratianus causâ II. quæstione III. canone *Euphemium.* Quo sanè in loco sic de viduâ argumentatur. *Quum enim Leges seculi, præcipuè in Matrimonio, sacros Canones sequi non dedignentur; non videntur pronunciare infamem, qua Apostolicâ & Canonicâ auctoritate non illicitè nubit.* Quasi scilicet a contrario sensu, si nuptiæ illæ per Canones improbarentur, quas, elapso nondum luctûs tempore, vidua contraheret, juxta civilium Legum severitatem, publicam infamiæ notam, & quæ inde non parva incommoda consequuntur, non effugeret. Sic autem ad Lucii Pontificis locum notat glossa: *In causâ Ecclesiasticâ Leges possumus allegare, ut etiam, si Canones deficient, possit judicari secundum Leges. ita tamen, ut iis uti demùm possimus, ut glossa ibidem subdit, nisi Canones contradicant.* Sicuti etiam Nico-

E

laus

laus Papa aliique Romani Pontifices præscripserunt, quorum sacrosancta Decreta collegit Gratianus Distinctione X. *Lege Imperatorum*, inquit Nicolaus epistolâ ad Episcopos, qui apud Convicinum convenerant, *non in omnibus Ecclesiasticis controversiis utendum est, præsertim quum inveniantur Evangelica ac Canonica sanctioni aliquotiens obviare. & infra. Non quodd Imperatorum leges, quibus sæpe Ecclesia utitur contra hæreticos, sæpe contra tyrannos atque contra pravos quosque defenditur, dicamus penitus revendas; sed quodd eas Evangelicis, Apostolicis atque Canonicis Decretis, quibus postponende sunt, nullum posse inferre præjudicium asseramus. Neque ipsos hæreticos Donatianos eâ de causâ reprehendendos sibi S. Augustinus existimabat, quodd Cæsarearum legum præsidio uterentur. Si autem, inquit Lib. II. contra Litteras Petiliani capite LVIII. in adjutorium etiam terreni Imperii leges assumendas putastis, non reprehendimus. Fecit hoc Paulus, cum adversus injuriosos civem Romanum se esse testatus est.* Sed & celebre illud Clementis V. in Vienne nli Concilio scitum, quodd *lex superioris per inferiorem tolli non potest*, capite *Ne Romani. de electione & electi potestate*. ita intelligendum esse docet glossa, ut lex illa *juvari posset per panæ adjectionem*. Quod & superiora exempla luculenter demonstrant, & clandestina ipsa conjugia, quæ Ecclesia vehementer reprobatur & detestatur: quibus civiles leges graviore pœnas adjecerunt.

V. Hic verò locus ipse admonet, ut, non Tusco aliquo jurgio, quod, Augustino teste lib. III. contra Academicos capite IV. *dici solet, cum quæstioni intentatæ non ejus solutio, sed alterius obiectio, videtur mederi:* sed certiori quadam faciliorque *ᾠπὶς ἀνθρώπων*, ut ajunt, ratione, quæ nobis adversarii non illibenter concedunt, adversus eos retorqueamus. Qui enim, nimîa quadam Canonica connubialisque libertatis religione, negant, eximii scilicet auctores, jure à Principibus animadverti in eos posse, qui parentum suorum consensum in contrahendis nuptiis, immani impietatis crimine, negligerent; iidem tamen, si paucissimi. porro excipiantur, damnare civiles leges non audent, quæ clandestinis nullove teste initis connubiis exheredationis pœnam in Hispaniâ atque alibi statuere. Immo verò approbandas eas censent, veluti summæ utroque

in

in Foro auctoritatis: quibus tantum abest, ut Canones corrigan-
 tur, aut eorum ullâ ex parte sanctitas lædatur atque
 Majestas, ut confirmantur hi potius, plurimumque inde
 accipiant adjumenti. Nam etsi, inquit, Fori sit Eccle-
 siastici de Matrimonio, quoad ejus *νόμιον*, iudicium; non ta-
 men Principibus ea adempta verè est, aut censeri debet,
 potestas, ut, veluti summi humanarum rerum arbitri, le-
 ges condant pœnasque statuunt in eos, qui, contra Juris
 ordinem, matrimonia contraxerint: & licet ejus legis,
 quam supremus Princeps tulit, vim infringere nequeat,
 qui alteri subjacet; potest tamen ad illam observandam
 pœnarum metu populos adigere: præcipuè quum non Sa-
 cramenti solum dignitate apud Christianos gaudeat Ma-
 trimonium; sed sit etiam civile pactum atque humana
 conventio, sive, ut Jurisconsultorum non latinâ satis vo-
 ce & nos utamur, contractus, quod Græci *συνάλλαγμα*
 dicunt. Unde, sicuti qua ratione Sacramentum est, ad
 Pontificium tribunal verè spectat; ita & qua Civilis con-
 tractus rationem habet, civilibus subdi legibus aliquomo-
 dò potest. scilicet, non quantum ad *νόμον*; sed, quantum
 ad illorum pœnas justamque animadversionem, qui, san-
 ctissimi juris violato ordine & legibus pessumdatis, clan-
 destinis conjugii pacem Reipublicæ & familiarum per-
 turbant. Nam & boni Principis interest, privatarum etiam
 domorum mala, & gliscentes in Reipublicæ perniciem
 discordias, salubri legum remedio coercere. quemad-
 modum aliis quoque criminibus, quorum planè causam
 non nisi Pontificibus usurpare licet, præfigi, sine ullo Ca-
 nonum detrimento, civiles pœnæ consueverunt. Ita ferè
 cum suis auctoribus Thomas Sanchezius lib. III. disputa-
 tione XLVII. cui perquam placet aliquando Dominici
 Soto aliorumque verba pro suis venditare.

VI. At quàm pulchra hæc est, quàm erudita, quàm so-
 lida Canonumque præscriptioni consona, contra clande-
 stinas nuptias, in civilium Legum defensione, optimo-
 rum hominum argumentatio? quàm postea, ubi de matri-
 monio, præter parentum voluntatem, hoc est, adversus
 bonos mores, adversus præscriptas ab honestate atque à
 sacris Canonibus leges, inito, agitur; turpis est atque in-

constans eorumdem dissensio? Undenam fortius atque efficacius potuimus, quàm ex ipsis adversariorum principis, adversus illos disputare? ut non quæsito aliunde colore, aut ex αἰτιῶν longè locis eruto argumento; sed, quod pulcherrimum est atque utilissimum victoriæ genus, suâ ipsorum doctrinâ convincerentur.

CAP. V.

Nostrum ad hominem argumentum. Alia Evaristani Canonis explicatio, juxta corruptam ejus lectionem. Filiorum familiâs abque parentum consensu conjugia, aequè ac clandestina, Tridentinum Concilium detestatur. Concilii Tridentini Decretum explicatum. Vir consultissimus, Prosper Fagnanus. A clandestinis nuptiis in rem nostram argumentatio. Canoniam libertatem non licet Episcopis coarctare. Parochi ab Episcopis prohibiti filios familiâs, invitis eorum parentibus, matrimonio conjungere. Communis adversariorum difficultas. Pœnam non mereri, quod sit permittente Jure. Præcipuum adversariorum fundamentum evertitur. Quo sensu aliquid permitti dici possit. Quo sensu Ecclesia filiorum familiâs conjugia absque parentum consensu permittat. Ubi culpa, ibi pœna. Paterna injuria, non matrimonium, per Gallicanas Leges punitur. Civilium Legum exemplo res illustrata. Filii emancipati matrimonium, vel sine patris consensu, per Leges Romanas valet. Pœna tamen in eum statui potuit, si in honestam uxorem & probrosam duxisset. Locus Digestorum explicatus. Quæ ratione, renitente per injuriam patre, succurri possit filio, ut, absque ullo crimine, matrimonium contrahat. Caroli V. Decretum. Patrum Colonienſium admonitio.

I. **A** Ge verò quidquid adversus Leges obijci potest, quibus parentum injussu contractæ nuptiæ puniuntur; æquè & adversus pœnas militat, quibus in clandestina conjugia civiles Leges animadvertunt: quidquid etiam ad adferendas vindictasque contra secunda & clancularia connubia latas à Principibus leges adduci solet, jure meritorumque probat, ingratos impiosque filios ab ineundis absque parentum consensu imparibus nuptiis, exheredationis pœnâ deterreri potuisse.

tuisse. Nam, si idcirco, absque ullo violatæ æquitatis crimine, clandestinas has nuptias proscribere Principibus licuit; eorumque leges de exheredandis liberis, qui contrahere illas non dubitassent, justissimæ, sanctissimæ publicoque bono maximè utiles censentur, quod clandestina illa conjugia Canones vehementer abhorrent: improbat etiam valdè atque execratur Ecclesia, quæ exosa parentibus filii celebrant matrimonia; atque ita execratur, ut Evaristo Papæ attributus Canon adulteria & stupra καὶ αἱ ἐνοχὴ nuncupaverit: si veteri tamen lectioni stemus, quam adstruit Basilii Pontius lib. II. de matrimonio cap. I. & ego corruptam judico. ita ut loco istorum verborum: *nisi voluntas propria suffragaverit & vota succurrerint legitima.* legamus: *etiamsi voluntas propria suffragaverit.* Omnibus certè seculis, post Christiani nominis memoriam, reprobata sanctæ Dei Ecclesiæ hæc fuisse atque prohibita ingratorum hominum, invitis parentibus, conjugia, post veteres Patres & Concilia, Oecumenica Tridentina Synodus sessione, quam diximus, XXIV. capite I. testatur: cujus huc integra verba non abs re vel iterum apponenda nobis esse existimamus. *Tametsi dubitandum non est, clandestina matrimonia, libero contrahentium consensu facta, rata & vera esse matrimonia, quamdiu Ecclesia ea non irrita fecit; & proinde jure damnandi sint illi, ut eos sancta Synodus anathemate damnat, qui ea vera ac rata esse negant; quique falsò affirmant, matrimonia a filiis familiæ sine consensu parentum contracta, irrita esse, & parentes ea rata vel irrita facere posse: nihilominus sancta Dei Ecclesia ex justissimis causis illa semper detestata est atque prohibuit.* Quo in loco non illa non ad clandestina tantum matrimonia referri debet, quibus paullò post Tridentini Patres vim omnem civilis conventionis summà, qua pollent, auctoritate auferunt; sed, ut in Caput Tua fraternitas. de Desponsatione impuberum. num. XI. vir consultissimus Prosper Fagnanus adnotat, ad ea quoque conjugia, quæ, invitis parentibus, a filiis familiæ contracta, valent quidem; sed & naturæ humanæ honestas & Canonum sacrosancta æquitas, detestatur. Cui perquam accommodæ explicationi facit Lex CXL. *Pluribus rebus. D. de verborum obligationibus.*

II. Si ergo iusta Ecclesiæ clandestinas in nuptias censura facit, ut dignæ ex Principum animadversione videantur: cur non, eadem de causâ, exheredatione puniri filios familiâs possint per civiles leges, qui, cum gravi patrum iniuriâ, uxorem ducere audent, quod matrimonia huiusmodi Canonica auctoritate improbantur? Alioquin, si leges hæc Principum Canonica jura violarent, quum quid adversus Canones decernere Episcopis non liceat, aut: Canonica libertatem, quam Romani Pontifices præscripserunt, aliquo modo coarctare, ut bene advertit Covarruvias de Matrimonio II. part. capite VI num. XVIII. neque ipsa Episcoporum statuta valerent, quibus, aut filios familiâs nuptias, absque parentum consensu, contrahere, aut Parochi filios familiâs, parentibus reluctantibus, in matrimonium conjungere, prohibentur. quale, inter alia plurimum Episcoporum, illud est Patrum Colonienſium in Concilio, quod anno MDXXXVI. habuerunt, cap. XLIII. *Quantum fieri potest, cavebit Parochus, ne liberos citra parentum auctoritatem conjungat.* plurimumque Gallicanæ Ecclesiæ Conciliorum: ut Conventus Melodunensis anno MDLXXIX de Matrimonio: *Non liceat filiis familiâs, sine parentum consensu, nuptias contrahere.* Concilii Provincialis Cameracensis an. MDLXV. cap. III. *Moneant Pastores puberes & aptos ad contrahendum matrimonium, ne pietatem erga parentes deferant: sed eorum arbitrio & consilio ineant matrimonia; malintque Iacob sanctum virum imitari, quam reprobum Esau.* Concilii Provincialis Rothomagensis an. MDLXXXI. de Matrimonio: *Paræcis tamen mandamus, ne faciliè ad matrimonia liberos, invitis parentibus, contrahentes, aut vagos recipiant & ignotos homines.* quod iisdem verbis sancit an. MDLXXXV. Concilium Provinciale Aquisense. Et Cardinalis Antonii Mariæ Galli in Synodo Auximanâ an. MDXCIII. decretum: *Quamvis pro validitate matrimonii consensus parentum non requiratur: quum tamen ex huiusmodi matrimoniis, qua, invitis parentibus, fiunt, multa scandala exoriri soleant; mandamus, ut nullus Parochus eos, quos sciverit, invitis parentibus, matrimonium velle contrahere, matrimonio conjungat; sed eâ de re nos reddat certiores, ut, quid sit agendum, maturè possimus deliberare.* Quis autem, si Canonica læditur hinc & vitia-

tur

tur libertas, non valdè secum miretur, nullo religionis motu optimos Episcopos vellicari, ut in frequentibus, quas habent, Synodis, ab hujusmodi se legibus abstineant? aut quis hæc Episcoporum decreta, quæ communi Sacerdotum, quibus neque pietas deest neque eruditio, suffragio comprobata sunt, in controversiam revocare audeat leviterque ac temerè castigare?

III. Unde etiam facilè solvitur communis illa difficultas, quam ex Covaruvii aliisque auctoribus magno supercilio urget Andreas Fachinzus lib. IV. cap. IV. nempe pœnam non mereri, quod sit permittente jure. scilicet, juxta Legem Gracchus. C. ad Legem Juliam de adulteriis. cui & addenda fuerat Lex CXCV. D. de regulis Juris. quæ est Paulli ex lib. LXIV. ad Edictum: *Nemo dampnum facit, nisi qui id facit, quod facere jus non habet*. Quum autem, inquit, filiusfamiliæ matrimonium absque parentum consensu contrahere Canonico jure permittatur; non apparet, quæ possit in eo locum habere exheredatio: nisi iniqua hæc exheredationis pœnâ decreta Canonica, divinaque adeo jura, gravissimè violentur. Facilè, inquam, difficultas hæc solvitur: etsi palmare quoddam adversus nos visum fuerit doctissimis viris argumentum.

IV. Quod enim isti asserunt, Matrimonia illa Canonicis permitti legibus, quæ invitis parentibus contrahuntur; id si ita intelligendum esse volunt, ut etiam approbet Ecclesia, quod adversâ parentum suorum voluntate filiusfamiliæ temerè audent: hoc verò constantissimè inficiamus; inficarique omnes debent, qui paternam hac in re injuriam seriò perpendunt atque examinant. Qua verò ratione approbare Ecclesia videri possit, quod, teste Tridentino Concilio, vehementer reprobatur, & detestatur? Si autem eo sensu conjugia illa permitti dicant, ut parentum quoque consensio, nē non necessariò ad Matrimonii solam exigat Ecclesia; sed, parentibus etiam renitentibus, filiorumfamiliæ adhuc nubia subsistant: id planè verissimum est atque a Tridentino Concilio ad vitanda majora incommoda, quæ sequi aliàs potuissent, prudentissimè definitum. Verùm etsi sacrosancti Canones firma & rata matrimonia esse voluerint, quæ legitimo solemnique ritu, parentibus invitis, liberi celebrarent, contraquam civiles Leges decreverunt, quum in mu-

tuâ viri & mulieris conventionem, non in parentum consensu, situm sit Marrimonium, ut uberius deduximus supra: atamen negare non possumus, quin Canones damnent, quod Naturæ honestas prohibet, gravissimum hunc, scilicet paternæ auctoritatis contemptum. Quare quum ubi culpa est, pœnæ aliquis tribuatur locus, necesse sit; non Canonibus repugnare; sed militare potiùs, sed favere, sed patrocinari, censendæ sunt civiles Leges, quæ in protervos ingratosque filios, non ex conjugii, quod Sacramentum est apud Christianos, odio, sed ex publicæ privatæque honestatis & concordie amore, exheredatione animadvertendum esse sanxerunt. Atque ita, non matrimonium, quod Ecclesia permittit; sed paterna injuria, quam Ecclesia prohibet; per civilem potestatem punitur. Ego verò hîc non video (quæ est ingenii mei imbecillitas) cur æquæ huic responsioni adversarii non acquiescant: si veritatis tamen studio, non vanæ causæ contentionis, argumentantur. Simile exemplum, si istud desiderant (exemplis enim plurimùm illustrari res solent) suppeditant mihi Romanæ Leges. quod Jurisconsultorum, quos viderim, nemo hactenus hanc rem observavit. Etsi enim nullam esse conjugii vim Romani Legislatores statuerint, quod parentum suorum injussu filiifamiliâs inirent; filii tamen emancipati matrimonium, cui paternus minimè consensus adfuisset, valere non prohiberunt. Ita Modestinus lib. II. Regularum: *Filius emancipatus, etiam sine consensu patris, uxorem ducere potest: & susceptus filius heres erit ei.* Lege XXV. D. de ritu nuptiarum. Et nihilominùs justè exheredari filius hic emancipatus potuit, saltem si vili se feminæ atque inhonestæ applicuisset. quod notat Accursius in Legem *Non tantum. §. Si emancipatus.* D. de bonorum possessione contra tabulas. ad illa verba: *uxore non ex voluntate patris ducta.* quod fieri potuit, inquit Accursius, ut supra, de ritu nuptiarum *Lege Filius.* Sed non impunè, ut quando ignominiosam: quia poterit exheredari secundùm hæc jura, ut statim dicet. Hæc autem verba in eadem Lege subjiciuntur: *quum possit avus jure suo uti, eumque* (nempe filium, non nepotem, ut quidam non bene explicant) *exheredare.* Quemadmodùm ergo vel probrosam uxorem absque parentum consensu ducere emancipatus filius civili Lege permittebatur; & licebat tamen patri

patri, illatam sibi injuriam exheredationis poenâ per eandem Legem ulcisci: ita & Canones, quorum magna frequenter est cum civilibus Legibus cognatio, liberam filiofamilias esse siverunt accipiendæ, quam veller, uxoris facultatem; & paternus tamen contemptus, quo viciatur potius, quàm perficitur matrimôni libertas, potuit legum severitate coërceri. Neque etiam sacra illa connubialis libertatis jura ullatenus minui timendum est, si iniquior in filium pater fuerit; ambientiquè vel splendidas nuptias adolescenti consentire pertinaciter recusaverit. Siquidem habet filiusfamilias, cujus imploret auctoritatem, Judicem nempe Ecclesiasticum, cujus erit, causas a patre, cur dissentiat, exquirere; & si iniquas illas esse impiasve judicaverit, aut a pravo illum consilio dimovere, aut, si protervè renuerit, paterni consensûs defectum publicâ potestate supplere. ut ex civilibus Pontificiisque Legibus gravissimi viri tradiderunt. Id se nolle dixerat in Augustano Decreto Carolus V. ut nempe patres potestate suâ in præpediendis liberorum conjugii abuterentur. Et Patres Colonienses, de quibus supra facta est a nobis mentio, quum Parochum seriò admonuissent, ne liberos citra parentum auctoritatem conjungeret, subdunt: *Quodd si parentes negligentes fuerint, aut in admittendo matrimonio jam contracto rigidiores negatores; admonebit eos, ut liberos matura ætatis eloquent, neve vinculo jam per Ecclesiam indissolubili pertinacius obliſtentur.* Nec dissimiliter an. MDLXV. Concilium Cameracense cap. IV. de Matrimonio: *Moneant identidem parentes, ne per vim filios adigant ad hoc illudve matrimonium.*

CAP. VI.

AD Rescripta Romanorum Pontificum, atque ad Tridentinum Decretum responsio. Cardinalium Interpretum declaratio. Aliquorum sententia, non eos Magistratus anathemate feriri, qui conjugia impediunt; sed qui ad illa cogunt. Quâ injustè cogunt, non qui jure, a Concilio Tridentino damnati. Potest quis aliquando ad matrimonium cogi. Romanorum Pontificum Rescripta. Lucius III. cum Alexandro III. conciliatus. Cogenſus ad matrimonium, qui, sponsalibus sacramento firmatis, sponsam defloraverit. Alexandri III. Decretum. Mosæca Legis explicatio. Gregorii Papæ Rescriptum. Valida lex, qua virginis stuprator ad eam ducendam compelleretur. Lex

Con-

Continet. D. explicata. Dominici Soto laus. *Qua ratione liberè exsolvat, qui fidem suam obligavit. Concilii Toletani Canon XXXVI. Diocletiani, & Maximiani Rescriptum. Ad violata à se sponsa conjugium impelli homo potest. Eorum, quæ dicta sunt, complexio. Parentum injuriam prohibent Principes, non filiorum familiæ matrimonia.*

I. **J**Am verò facilè constat, quid ad Rescripta illa Romanorum Pontificum respondendum sit, quibus, pœnarum metu, neminem ad ingrata invisaque sibi connubia cogi jubent; atque ad Tridentini etiam Concilii Decretum, quod tamen, si Lugdunensi editioni credimus Laurentii Durandi an. MDCXXXIV. ex Cardinalium Interpretum declaratione, *non comprehendit privatas personas; sed Dominos temporales & Magistratus cujuscumque Dignitatis.* Atque, ut Fernandi Rebelli de Obligat. Justitiæ par. II. lib. III. quæstione XI. num. I. aliorumq; non minoris notæ auctorum, sententiâ non multùm confidamus, qui, non improbando prorsus discrimine, aliud esse docent cogere, aut violentiam alicui inferre, ut matrimonium contrahat; aliud, ne contrahat cum impari præfertim feminâ, impedire: eosque aded, qui compellunt, horribili anathemate a Tridentinis Patribus damnari, non eos, qui a turpi conjugio leves adolescentes retrahere per gravissimas pœnas nituntur: Tridentini certè Concilii, cujus divinitus inspiratas Leges Catholici omnes colimus, & veneramur, ea fuit æquitas & moderatio, ut neque voluerit neque verò potuerit, eo pœnæ genere, quo nullum majus habet Ecclesia, Principes immerentes punire; eâque potissimùm de re a Christiano remove consorcio, quod illi pro viribus æquitati honestatique allaborent. Eos igitur tantùm Magistratus anathemate ferit, qui injustè cogunt, publicæque potestate ad extorquendum illud fœdus abutuntur, quod non violentia, sed mutuis utriusque amor, conciliare debet. ii siquidem, qui jure cogunt, injuriamq; non inferunt, sed propulsant, cur non, quemadmodùm a culpâ, ita & ab anathemate, quod sine gravissima culpâ esse non potest, excusentur? Quod gravissimi auctores docent, Rebellus de Obligat. Justitiæ lib. II. quæstione XIV. section. I. Coninchus de Matrimonio disputat. XXVIII.

Mol-

Molfesius in Summâ tract. IV. cap. VII. Johannes Angelus Bossius de Matrimonii contractu cap. XIX. num. XXIX. alique etiam, quibus congerendis non laboramus. Posse enim aliquando ad Matrimonium jure hominem compelli, constat ex veteribus Romanorum Pontificum Rescriptis, ut ex capite *Ex Litteris II. de sponsalibus, & matrimoniis.* quo per censuram Ecclesiasticam cogi hominem jubet Alexander III. qui, jurisjurandi religione, futuro se matrimonio obstrinxerat: ita tamen, ut ante moneatur. quem admodum adnotat glossa in Caput *Requisivit.* tit. eodem. & , *nisi rationabilis causa obstiterit.* sicuti in eodem capite *Ex Litteris.* optimè præscribit Romanus Pontifex. Quæ ratione conciliari bene potest cum Capite *Ex Litteris.* Lucii III. Decretum, quo mulierem quandam, quæ, nullâ jurisjurandi ratione habitâ, nubere renuebat, monendam esse potiùs, quàm cogendam, statuit: *quum coactiones,* inquit, *difficiles soleant exitus frequenter habere.* Cap. *Requisivit.*

II. Cogendum potiori jure ad matrimonium esse virum, qui, sponsalibus sacramento firmatis, sponsam defloravit suam, res est æquitati, maximè consentanea, quam adstruere videtur glossa in Caput *Requisivit: Propter delictum præcedens,* inquit, *quandoque quis compellitur ad matrimonium.* atque ex Capite I. *de eo, qui duxit in matrimonium, quam polluit per adulterium,* exemplum hominis affert, qui uxori suæ insciam aliam matrimonii nomine superinduxerat. Hunc autem ad legitimum alterius hujus feminae, quam duxerat, conjugium, nisi ea renuerit, uxore mortuâ, compelli posse & debere Alexander III. respondet. *Consultationi tuæ taliter respondemus,* inquit, *quod, nisi mulier divortium petat, ad petitionem viri non sunt aliquatenus separandi.* Ubi glossa: *Et ita compellitur vir remanere cum ea, si voluerit, propter culpam & dolum ipsius viri.* Itaque & Principem posse saluberrimâ lege gravissimam pœnam in eum decernere, qui violatam a se sub Matrimonii fide feminam dotare detrectet, nisi accipiat uxorem; vel ipsi acriores libertatis connubialis auctores defensoresque non dissentiant: quod coactione illâ non Juri Canonico adversaretur, sed maximè faveret: quum Exodi cap. XXII. de virgine etiam nondum desponsatâ hæc per Mosem Deus præscripserit: *Si seduxerit quis virginem, nondum desponsatam, dormieritque*

cum

cum eâ; dotabit eam & habebit eam uxorem. ad quæ verba sic glossa in Caput 1. de adulteriis & stupro: si pater eam dare sibi voluerit; & ipsa in eum consenseri; & etiam si ipse eam accipere voluerit. aliàs punietur. ut ad Sipontinum quoque Episcopum rescripsit Gregorius Papa Tit. eodem. cap. 1.^o. Pervenit ad nos, quoddam Felix quandam virginem stupro decerpit. quod si verum est, quanvis esset de lege pœnâ plectendus, nos aliquatenus legis duritiam mollientes, hoc modo disponimus: ut, aut quam stupravit, uxorem habeat; aut, si renuendum putaverit, corporaliter castigatus excommunicatusque, in monasterio, in quo agat pœnitentiam, retrudatur, de quo nulla sit egrediendi sine præceptione licentia. Unde & validam illam legem, qua virginis stuprator ducere eam, ad graves pœnas evitandas, cogeretur; validumque & firmum, quem matrimonio hujusmodi homo ille præstaret, consensum agnoscit Soto in IV. Sentent. distinctione XXIX. quæstione I. articulo III. atque ita intelligendam esse notat Legem Continet igitur. D. de eo, quod metis causâ gestum erit. Sed vim accipimus atrocem & eam, qua adversus bonos mores fiat; non eam, quam Magistratus rectè inculit. scilicet, ut explicat Soto, non Theologicæ tantum Scientiæ, sed & Canonici Juris callentissimus, quoddam vis, quam Magistratus rectè intulit jure licito, non vitiat contractum. Qua verò pœnæ atrocitate ad fidem sponsæ suæ servandam cogi vir possit, qui jurejurando se illam in uxorem ducturum spondidisset, disputare nostrâ non interest. Neque huc facit scholastica illa Raptarum lex: *Rapta raptoris mortem vel nuptias optet*. Sed videri breviter hac de re possunt, Boilius de Matrimonii Contractu cap. XI. num. LV. & Thomas Sanchezius lib. I. de Sponsalibus disputatione XXIX. num. IX.

III. Neque enim hac ratione læderetur ullo modo libertas, quam ipsa matrimonii natura postulat. siquidem, ut liberè quis nuptias contrahere censeatur, non requiritur, ut, postquam fidem suam sacramento obligavit, liceat ei a pacto rescire. aliàs promissa a nemine liberè exsolverentur: sed satis abundèque est, ut liberum ei ab initio fuerit atque integrum, pacisci; atque ad matrimonii fidem non violentiâ aliquâ, sed sponte suâ, & libidine perductus fuerit. ut enim disertè docet glossa in Caput *Requisivit. de sponsalibus & matrimoniis*. non dicitur *invitus*, qui propter

voluntariam promissionem urgetur ad promissi solutionem. ex canone XXXVI. Concilii Toletani IV. quem Gratianus refert causâ XII. quæstione II. can. LXVI. atque etiam ex Lege V. C. de obligationibus & actionibus. quæ est Diocletiani & Maximiani Augustorum ad Camerinum & Martianum. Sic autem se habet: Sicut initio libera potestas unicuique est habendi vel non habendi contractus; ita renunciare semel constitutæ obligationi, adversario non consentiente, nemo potest. Quapropter intelligere debetis, voluntaria obligationi semel vos nexos, ab hac, non consentiente alterâ parte, cujus precibus fecistis mentionem, minimè posse discedere. Sed neque ullus est querelæ locus, si ad honestum vitiata se sponsæ conjugium suppliciorum metu homo in le adigatur. Nam, ut opportunè admonet Dominicus Soto in IV. distinctione XXIX. quæst. I. articulo IV. postquam ille suâ sponte vitium perpetravit, non censetur invitus id pati, quod inde subssecutum est. Quum ergo canonicâ auctoritate Principes illi minimè damnentur, qui justè ad matrimonium aliquod, ut diximus, impellunt; sed laudentur potiùs probenturque ab omnibus eorum leges, quibus Canonica jura adjuvantur potiùs, quàm lædantur: liceat autem, ingratos filios a paternâ injuriâ, quantum fieri potest, coercere, ut privatæ simul & publicæ tranquillitati consulatur; poenarum que gravitate adversus eas, quas tantopere detestatur Ecclesia, initas, invitis parentibus, nuptias obniti: quo unquam violatæ connubialis libertatis crimine appellandi sint Christiani Principes, non video, qui latâ lege incussoque exheredationis metu, quantum in ipsis est, ab injusto connubio filios familiâs justissimè deterrent. Neque enim connubia jungi, sed, cum parentum injuriâ jungi, ex Romanorum Pontificum Conciliorumque mente Civiles leges prohibent. Neque verò ea est feminarum inopia, ut, si una justis de causis parentibus displiceat, longè alias plures non sit filius, quas parentes approbent, facilè reperturus.

)(SSSSSSSSSSS)(

CAP.

CAP. VII.

Aliorum sententia proponitur. Ex istis legitima portio, non ex natura jure, sed ex legibus, filiis debita. Quando profus, & quando obsit juris ignorantia. Papiniani discrimen. Severi, & Antonini Rescriptum. Ea sententia pulchro exemplo illustrata. Raptoris bona rapta femina non deferuntur, si raptori illa nupserit. Nullum inter raptorem & raptam, & Justinianâ lege & antiquioribus Conciliis, Matrimonium. Nunc verò ratum illud est Matrimonium, ex Romanorum Pontificum & Concilii Tridentini decreto. B. Thome Aquinatis deceptio. Rapta mulieri dos a raptoe tribuenda. Justiniani mens ob oculos posita. Justiniani verba. Bonorum, quæ habet raptor, veluti lucri cujusdam, ratio habenda. Glossæ argumentum. Didacus Covarruvias constitutus. Ipsius Justiniani explicatio. Exemplum accommodatissimum.

I. **Q**uanquam, ut huic obviam eant difficultati, acuti quidam homines, longè aliâ viâ, atque utinam satis fidâ tutâque! gradiuntur. siquidem Matrimonii, Canonumque aded, libertati leges hujusmodi non adversari inde probant, quòd, ubi de liberorum exheredatione agitur, non pœna aliqua propriè infligi videtur; sed lucrum tantùm ab exheredato homine removeri. Neque enim, inquirunt, pœna verè est, quæ bona non sua non acquiruntur potiùs quàm amittantur. At verò legitima portio, ut ipsi quidem sentiunt, non nisi per leges filiis vindicatur: &, si naturæ jura spectantur, non reverà debetur; sed eadem illius est, ac lucri cujusdam expetendi, ratio. ut glossa disertè docet in Legem *Si emancipata. C. de juris & facti ignorantia*. ubi, etsi in damnis vitandis juris ignorantiam non obesse concedat; negat tamen, in adeundâ post legitimum tempus patris hereditate prodesse posse: quia, inquit, *non est debita, sed quasi debita, ut inf. de cu. fur. l. fin. §. 1. & sic non est verè damnum*. Quare, si exheredem eum esse civiles leges jubent, qui matrimonium, absque parentum consensu, contraxerit, non conjugiorum libertatem pœnâ aliquâ coarctant; sed id tantùm filiis non deferendum esse statuunt, quod a patre acquirere potuissent, si, in contrahendis nuptiis, ejus acquievissent

sens voluntati. quod fieri posse quis neget? aliud est enim ut bene Papinianus Lege Titio. D. de conditionibus, & demonstrationibus. §. II. eligendi matrimonii, pœna metu, libertatem auferri: aliud, ad matrimonium certâ lege invitari. Unde etiam Severus & Antoninus Augusti Alexandro ad hunc modum rescripserunt: *Quum avum maternum eâ conditione filiam tuam heredem instituisse proponas, si Anthylli filio nupsisset; non prius eam heredem existere, quàm conditioni paruerit, aut, Anthylli filio recusante, matrimonium impeditum fuerit, manifestum est. Lege I. C. de institutionibus & substitutionibus &c.*

II. Ita ferè homines illi argumentantur: quorum hæc licet nobis non satis arrideat responsio; illustrari tamen ex eo potest, quod contra Didacum Covaruvias aliosque Canonici Juris interpretes Jurisconsulti plerique affirmant: subsistere adhuc, post sacrosanctos Ecclesiæ Canones, Justiniani prudentissimi Principis leges, quæ raptoris bonæ raptæ femine, cui applicari aliàs jussa fuerant, deferenda esse prorsus negant, si raptori illa suo nupsit. ut constet ex Lege unicâ. C. de raptu virginum, seu viduarum, nec non sanctimonialium. §. *sin autem.* & ex Authenticâ de raptis mulieribus, quæ raptoribus nubunt. §. *sed mirati sumus.* Nam, etsi, contraquàm Justinianus voluerat, liberam femine facultatem Canones fecerint, ut raptori suo, si voluerit, firmo matrimonio jungatur, ut, antiquatis Conciliorum, Cabilonensis & Aquisgranensis, decretis, quæ apud Gratianum leguntur causâ XXXVI. quæstione II. canone *De puellis.* can. *Si autem.* can. *Placuit.* sanxerunt Lucius III. Romanus Pontifex, capite *Cum causam. de raptoribus.* Innocentius III. cap. *Accedens.* titulo eodem. clarissimèque omnium Tridentini Patres sessione XXIV. de Matrimonio capite VI. his verbis: *Decernit sancta Synodus, inter raptorem & raptam, quandiu ipsa in potestate raptoris manserit, nullum posse consistere matrimonium. Quod si rapta a raptoe separata, & in loco tuto & libero constituta, illum in virum habere consenserit, eam raptor in uxorem habeat.* Approbavitque etiam ex S. Hieronymo non minus in. er Christianos Patres B. Thomas Aquinas II. II. quæstione CLIV. artic. VII. ubi, legendi forsân festinatione deceptus, ut magnis quandoque viris contingit, veluti

Iuti Concilii Meldenfis citat, quod reverà est, & disertè Gratianus, Ivo & Burchardus exprimunt, Concilii Aquisgranensis: *Placuit, ut hi, qui rapiunt feminas vel furantur aut seducunt, eas nullatenus habeant uxores: quamvis eis postmodum conveniat, aut eas dotaverint, vel nuptialiter cum consensu parentum suorum acceperint.* Et si, inquam, ratum haberi nunc debeat conjugium, quod cum raptore suo mulier contraxerit, dummodò potestate ejus liberata fuerit: attamen quæcumque illa raptoris bona vindicare sibi uxor non poterit, quibus illam eo ipso, quo nubit, civiles leges spoliant & Canonica non donat auctoritas: nisi quòd, ut Tridentini Patres ibidem præscribunt, *teneatur præterea raptor mulierem raptam, sive eam in uxorem duxerit, sive non duxerit, decenter, arbitrio judicis, dotare.* Justinianus enim non ἀλλὰ ἤ facinorosi prædonis opes omnes & fortunas abductæ feminæ attribuendas esse sancit; sed eà duntaxat lege, ne raptori nubat. Quòd si nupserit, nihil ei juris ad hereditatem sive facultates raptoris, superesse aut acquiri statuit; sed bona illa omnia ad mulieris parentes, qui matrimonio hujusmodi non consenserunt, devolui. Ita disertissimè Justinianus: *cujus verba ab aliquibus mirum est in controversiam & dubitationem vocari. Sancimus itaque, si rapta mulier, cujuscunque sit conditionis vel ætatis, raptoris nuptias eligendas censuerit, parentibus præsertim non consentientibus, nec ex beneficio legis, nec ex testamento, raptoris hereditatem suscipere, vel quocunque modo substantiam vindicare: sed præmium, quod per legem nostram rapta mulieri datum est, ut raptoris & eorum, qui ei auxilium tempore invasionis præbuerint, bona vindicet; hoc ad parentes, si ambo vel unus supersit, qui nuptiis specialiter non probantur consensisse, ex tempore raptus ipso jure transferri: & patrimonium raptoris non raptam jam habere mulierem, quæ conjugio se raptoris inquinare non piguit; sed in personas transferri, quas superius nominavimus, ei non consentientes conjugio. Nam nefarios hujusmodi coitus panis corrigi, non præmiis competit honorari.*

III. Quare facultatum illarum, veluti lucri cujusdam, habenda est ratio, quod lege delatum habet mulier, si raptoris sui connubio abstinerit: si verò nupserit, non pœnà aliquà propriè afficitur; sed sibi non acquirit, quod
non

non aliquà Naturæ institutione, sed, solà civilium Legum Romanorumque Principum beneficentiâ, obtinere certâ lege potuisset. *Cum enim*, ut bene argumentatur glossa in Caput *Cum secundùm leges. de hereticis.* in VI. ad illa verba, certoque casu. illa ibi tractet de lucro captando, non de diminutione sui patrimonii; & pœna illa sibi per legem obveniat: quare lex eo, quod confert, privare non potest? Unde facillè intelligimus, quàm vehementer aberraret non alia tantùm glossa in Canonem, *De puelis.* causâ XXXVI. questione II. sed & Didacus Covaruvias de Matrimonio II. part. cap. III. §. IX. quo in loco ea, quæ raptoris sunt, bona, sine aliquà conditione, a lege ipsi raptæ feminae deferri affirmat. *Et licet lex civilis*, inquit, *prohibeat matrimonium inter raptam & raptorem, in dictâ Lege unie;* illa tamen lex non adjecit pœnam prædictam huic prohibitioni: sed simpliciter matrimonium prohibuit. Unde non potest eadem civilis lex auferre in pœnam matrimonii contracti bona illa, quæ, absque conditione, raptæ detulerat. Ita Covaruvias. Verùm ita olim Legem suam a quibusdam explicatam fuisse, Justinianus ipse mirabatur. *Sed mirati sumus*, inquit, *quòd conati sunt aliqui dicere, raptam mulierem, sive volentem sive nolentem, etsi raptoris sit amplexa matrimonium, contra nostrâ constitutionis tenorem, debere tamen eam raptoris habere substantiam, vel quasi legis premium, vel ex testamento fortè, si hoc etiam factum esse contigerit. Qui enim talia dicere præsumpserunt, prædicta Legis seriem intelligere non potuerunt.* Hactenus Justinianus. Quod sanè exemplum puto rei, quam tractamus, accommodatissimū. Quemadmodum enim libera nubendi potestas nullum inde impedimentum habet, quòd raptæ mulieri, quæ raptoris matrimonio sui consensit, raptoris bona & fortunæ auferantur: quia scilicet non detrimentum illa verè facit; sed lucri tantùm accessione caret atque emolumenti: ita & auctores illi, nec inconcinne, arbitrantur, libero filiorumfamilias conjugio obstaculum nullum per illas leges creari, quibus exheredationi obnoxii sunt, si absque parentum consensu matrimonium inierint, quòd paterna hereditas non naturâ ipsâ liberis debeatur: eademque adeò leges, quod illis in legitimam portionem jus tribuerunt, possint absque injuriâ, certâ aliquâ de causâ, revocare; liberio-

remque ita parentibus instituendorum ex arbitrio heredum facultatem permittere. Quod sicui ista non sufficerat; illa tamen omnia, quæ in Gallicanarum Hispanarumque Legum defensionem profecuti hætenus sumus, tanti ad faciendam fidem momenti esse arbitror, ut leges hujusmodi æquis rerum existimatoribus non nisi æquissimè videantur.

CAP. VIII.

Transitus ad aliam quæstionem. Scilorum quorundam ignorantia atque ambitio. Illorum in nos calumniæ & maledicta. Matrimonium apud Christianos Sacramentum est. Impedimenta præscribere, quæ matrimonium apud Christianos dirimant, non licet Principibus. Quid Principes possint. Irrita Principum leges de matrimonio apud Christianos, etiam ut contractus est. Exemplo Casarearum legum id osensum, quæ, quatenus irrita filiorum familiis conjugia decernunt, nihil valent. Adversus Gallicanas etiam Leges valet clandestinum matrimonium. In Galliâ Tridentina. Decreta non recepta. Isaaci Haberti animadversio. Regia ad Gallicanum Clerum responsio. Natalium causa ad Ecclesiasticum tribunal spectat. Ejus est de lege judicare, cujus est legem condere. Adversariorum objectio dissoluta. An contrahentium voluntate possit inter Christianos verum esse matrimonium, quod non sit Sacramentum. Nullum sine ministri voluntate Sacramentum. Connubiali passionem subsistere apud nos posse, cui desit Sacramenti ratio, gravium Theologorum sententia. In Melchiorum Canum censura. Canus a Scribonio defensio: sed frustra. Concessio. Bellarmini adnotatio.

I. **E**A verò, qualiacumque sint argumenta, non ita intelligenda esse velim, ut propterea Principibus nostris liceat leges aliquas aut impedimenta celebrando inter Christianos matrimonio, etiam qua civilis humanusve contractus est, ita apponere, ut nullum illud prorsus sit atque irritum, si quis aliter, quàm civiles leges præscripserint; ad Canonum tamen normam, nuptias inire voluerit. Quod licet ex iis satis intelligi possit, quæ uberrimè huc usque deduximus; ad-

admonere tamen obiter visum est ad sciolos aliquos turbulentissimique ingenii transfugas redarguendos, qui Theologos Canonicisque Juris interpretes, si Deo placet, se publicè jactitant atque inscribunt: quum tamen ignorent, quam modò attulimus, unanimem hanç esse Canonicorum omnium interpretum sententiam: scilicet pauca quædam Romanorum Pontificum decreta, ut occasio ferebat, legisse, nec percepisse sententiam, satis illis visum fuit, pro sapientiâ hominum singulari, ad magnificam illam Canonici interpretis nuncupationem: Illorùm ego ambitioni si fucum facere atque adulari voluerò, calumnias quidem & maledicta devitem: quin etiam gratiam aliquam promerear, animumque inani quadam laudationum specie, ut facere asturi homines solent, demulceam. Sed longissimè absit, ut potior a me hominis, quàm Ecclesiasticæ immunitatis, ratio habeatur.

II. Quum connubiale igitur fœdus Christianâ in Republicâ Deus ad amplissimam illam maximèque divinam Sacramenti dignitatem evexerit, ut Catholici omnes adversùs hæreticos nostri temporis fatentur; hinc factum est, ut nulla ampliùs sit humanæ Reipublicæ in Matrimonii *assiet* apud Christianos potestas: sive, ut sacramentum est, conjugium consideretur, sive, ut humana etiam conventio. quomodò ipsi sacramenti rationi subternitur. Quare, etsi pro summâ suâ in rebus humanis auctoritate, possit Princeps Legum æquitate civilia pleraque jura moderari, quæ Matrimonium ipsum circumstant, & κατὰ συνήθειαν sequuntur; ut diximus supra; ipsam tamen Matrimonii rationem attingere nullo modo potest, quam uni Ecclesiæ commisit Christus. Id est, ut planiùs, nec sine exemplo, loquar: si, quod divinum est, ab humano, civilemque contractum ab ipsâ Sacramenti ratione, secernere velit Princeps; & de Sacramento quidem se nihil præscribere dicat, quòd humanæ potestatis finibus id quod instituit Christus, non contineatur; sed de civili tantùm conjugiorum fœdere, quod humani juris est, velle se leges condere: atque ita, exempli causâ, exigere, ut nemo deinceps, nisi coram decem fide dignis hominibus nuptias paciscatur, aliàs vim nullam conventio nuptialis habeat, qui decem testes non assuerint: frustra omnis illa est atque otio-

sa Principis de Matrimonio, etiam quatenus civilium contractuum ordine comprehenditur, sanctio: hominisque adeo matrimonium subsistit, qui eo: am Parocho tantum duobusq; testibus, vel ad Regiæ iussionis injuriâ, illud celebraverit. Quod res ipsa, ne Canonica Jura repetamus, abundè demonstrat. Cæsareæ siquidem leges, dum nullum esse vanumque matrimonium, quod absque parentum consensu filiifamiliâs iniverint, statuerunt; non de ipsâ certè sacramenti ratione quidquam sibi usurpare voluerunt; sed civili tantum contractui eas præfigere condiciones, sine quibus honestè illum & cum publicâ quiete, perfici non posse existimabant. Et tamen, quia Ecclesia conjugia hujusmodi irrita non fecit; aut si irrita, juxta aliquorum opinionem, ex Pontificiâ auctoritate, aliquando fuerunt, quamdiu Ecclesia irrita ea non fecit, ut non ab simili in re loquitur Tridentinum Concilium: nemo dubitat Catholicorum, non potuisse unquam per civiles illas leges effici, ut irrita redderentur, quæ apud Christianos, invitis parentibus, filiifamiliâs contraherent, matrimonia. Rata enim illa Patres, Romani Pontifices, & Tridentinum etiam Concilium, agnoverunt.

III. Gallicanæ etiam Leges incredibili conatu adversus clandestinas, & præter parentum voluntatem, initas nuptias insurrexerunt, ut eas, si fieri posset, eliminarent atque abolerent: quatuorque etiam fide dignos testes contrahendis nuptiis Henricus III. Blæsis postulavit. Et tamen, quòd iis in regionibus Tridentinæ emendationis decreta, nescio quo Gallicanæ libertatis obtentu, recepta non fuerint, quibus vis omnis clandestino matrimonio aufertur; nihil planè profecerunt, quominus verè inter se puella atque adolescens, adversus Regia jura, conjugium secretò contraherent. ut, Episcopus Vabrensis Isaacus Habertus verissimè animadvertit in libro de Justitiâ connubialis edicti, adversus nefarium illum & seditiosum Operam Gallum, quem anno MDCXL. subscribentibus Gallicanis Episcopis, gravi justâque censurâ proscripsit Johannes Franciscus Gondyus, Primus Archiepiscopus Parisiensis. *Non multum, inquit Habertus, laborandum est de conciliandis Regis edictis cum Ecclesiæ sententiâ. Nullo siquidem unquam edicto matrimonia filiorumfamiliâs invalida ac*
nulla

nulla esse absque consensu parentum tutorumve, constitutum est: etsi hic error multis imposuerit. Prohibita quidem sunt, si invalida & nulla, esse baudquāquam definitum. Unde etiam decessorum suorum vestigiis insistentes Rex Christianissimus Ludovicus, ea iterum prohibuit ac austerius interdixit: invalida tamen ac nulla esse, contra Tridentina Synodi decretum ac Theologorum unanimem etiam in Regno suo sententiam, minime sanxit. Quod etiam Regis nomine ad Clerum Gallicanum anno MDCXXX. responderunt Magnus Regni Cancellarius & Consistoriani Comites: quum XL. Blaesensis Edicti articulum Ludovicus Justus superiori anno, lata lege, confirmasset. Unde, etsi Henricus III. testes quatuor ad matrimonium exegerit; rata tamen verè est connubialis convectio, cui illi, præter Regiū Rescriptū, defuerint. Qua verò aliā ratione profanum iudicem, qui a Republicā scilicet humanā constituitur, natalium causā severissimè interdixit Ecclesia; atque ad suum tantū tribunal spectare quæstionem illam voluit, utrū spurius quis esset, an verò legitimo loco natus, capite *Causam*. Qui filii sint legitimi. capite *Lator*. tit. eodem. cap. *Tuam. de ordine cognitionum*. canone XII. Concilii Tridentini Sessione XXIV. nisi quoddam connubialis ipsius inter Christianos fœderis *veria* extra limites omnino est politicæ potestatis? ut etiam ex Johanne Andreæ acutè observavit Prosper Fagnanus in Caput *Utrum autem. de cognatione spirituali*. ad num. XXII, ejus est enim de lege judicare, ejus est legem condere. Quare, si fas esset Principi, matrimonio, ut contractus est, impedimenta apponere, quæ dirimentia vocant, quibus scilicet irritum efficeretur; ad Principem quoque certum de matrimonio, ut contractus est, iudicium pertineret.

IV. Neque nostræ Canoniceque sententiæ obstat quod objiunt, Christiano in conjugio civilis contractus rationem ab ipsâ Sacramenti ratione divelli posse & separari. ut, si quis facinorosus homo cum gravi Christiani nominis injuriā, civili tantum, non etiam Divino, jure, contrahere vellet matrimonium. sine voluntate enim ejus, qui adultæ ætate suscipit, & ministri, nullum conficitur Sacramentum, ut ex Florentino Concilio constat & Tridentino. Quod si contingat, inquit, nihil jam causæ apparet, cur Princeps, ejus summa est humanā in Republicā au-

cloritas, de matrimonio nequeat, ut civilis quædam inter Christianos pactio illud est, ad arbitriū decernere; certāque aliquam legem ad contractūs hujusce *æstis* requirere. Nam, præterquamquod posse unquā inter Christianos contingere, ut verum ac legitimum validumque sit connubiale pactum, quod non simul etiam adjūctam divinitus Sacramenti rationem habeat, constantissimè inficiantur nobiles Theologi, quorum etiam aliqui liberiores opinando extiterunt, Thomas Sanchezius de Matrimonio lib. II. disputatione X. num. VI. Ægidius Coninchus disputat. XXIV. d. II. n. XXII. Paullus Laymanus lib. V. Theolog. Moral. tractatu X. parte II. cap. II. num. V. Petrus de Ledesma de Matrimonio quæstione XLII. articulo I. dub. VII. in solut. I. & II. Palao disputat. II. p. II. n. V. Franciscus Bonæ Spei disputat. IV. num. IV. Aversa quæstione I. sectione V. aliique etiam, e quibus gravis auctor, Robertus Bellarminus, de Matrimonii Sacramento lib. I. capite VII. viribus omnibus adversus Melchiorem Canum insurgit, quod vir hic doctissimus, cui eloquentiā, & Latini sermonis castitate, parem vix in totā Thomæorum Scholā communique in barbarie invenias, novā quādam & singulari, ne periculosa dicam, opinione docuerit Locorum Theologicorum lib. VIII. cap. V. non omne inter Christianos verum legitimumque conjugium Sacramentum esse; sed illud tantum, quod cum sacris cæremoniis Ecclesiæque ministro solemniter celebratur. Nec satis firma a Scribonio adversus Bellarminum est Cui defensio. Ut tamen cavillatoribus, qui sibi mirum in modum in sophismatis placent, non solum tanquā verum; sed etiam, tanquā certum, demus, quod valdè dubium est, & communi ante Cajetanum Scholasticorum sententiæ adversum, ratum aliquod inter Christianos verumque posse esse matrimonium, quod non sit etiam, ex pravitae voluntatis, Sacramentum: attamen, ut Bellarminus advertit Controversiā VI. capite XXXII. *quia res est conscientie, ex legibus Divinis pendens, ad pastores animarum sine dubio pertineret.*

~~~~~

## CAP. IX.

**N**ostra responsio. Nulli jam Principum auctoritate clandestina nuptiæ valide inter Christianos esse possunt. Tridentinum Decretum ibi tantum obligat, ubi promulgatum est. Tridentini Concilii verba. Publicum de solemnibus apud Christianos matrimoniis iudicium tanquam de veris Sacramentis esse debet. Christianum matrimonium, Sacramentum. Sacramentum Græcis μυστήριον. Vivente priori uxore, nefas Christianis aliam ducere. Alexandri III. Rescriptum. Glossæ adnotatio. Ubi Tridentinum Concilium receptum non est, clandestina inter Christianos conjugia, Sacramenta esse & iudicari debent. S. Thoma Aquinatis sententia. Quæ ad Matrimonii solæ spectent. Concilium Tridentinum explicatum. Quo sensu rata, conjugia Christianorum. Altera admonitio nostra. Quæ questio nostra. Communis Canonice Interpretum sententia. Causæ connubiales ad Forum tantum Ecclesiasticum spectant. Glossæ animadversio.

**I.** **S**ed duo ego dicam, quibus neminem, nisi refractariæ protervæque mentis hominem, dissensurum puto. Unum illud est: aut sermonem nobis de clandestinis conjugiiis esse: aut de ijs planè, quæ coram Ecclesiæ ministro a Christianis hominibus, solemnî ritu, contrahuntur. Si de clandestinis vetitisque nuptiis agamus; jam primùm omnium satis constat, post Tridentinum Concilium, vim omnem non Sacramenti solum, sed & civilis conventionis, quæ Sacramenti proximum *ὑποκείμενον* est, illas amisisse; neque, nostris his temporibus, Regi unquam ulli aut Imperatori satis esse potestatis, ut clandestina illa matrimonia, veluti civilia cetera pacta, valida & firma habeantur, in iis saltem locis, in quibus Tridentinæ emendationis Decreta promulgata fuerunt. Decreto enim suo sanctissimi illi Patres in unaquaque Parochiâ robur inesse voluerunt, triginta post dies, quàm fuisset ibi primùm promulgatum. Alioquin, ut bene argumentatur Dominicus Soto in IV. lib. Sententiar. distinctio. XL. quæstione unicâ articulo V. duo essent capita, quod utique monstrum vineam Domini demoliretur. Sic enim Tridentina Synodus Sessione XXIV. capite I. decernit: *Qui*

*aliter, quàm præsente Parocho, vel alio Sacerdote, de ipsius Parochi seu Ordinarii licentiâ, & duobus vel tribus testibus, matrimonium contrahere attentabunt; eos sancta Synodus ad sic contrahendum omnino inhabilis reddit: & hujusmodi contractus irritos & nullos esse decernit, prout eos præsenti Decreto irritos facit, & annullat. Si verò de solemnibus, quæ palam apud Parochum duosque aut tres testes fiunt, conjugii loquamur: etsi, ex occultâ contrahentium malitiâ, Sacramenti forsan dignitate destituantur, quam a Christo acceperunt; publico tamen Ecclesiæ judicio Sacramenta censerî debent: quum ex sacrâ illâ externâque cæremoniâ, qua Matrimonii Sacramentum insigniri solet, ut Sacramenta, celebrari videantur. Quandoquidem eo more ac rita, quo instituit Christus, connubia inter Christianos homines jungi, par est ut credamus. Christum autem instituisse, ut, sacro ritu, id est, ut Sacramentum, Matrimonium inter Christianos contraheretur, Catholica Ecclesia docet, ex illis Apostoli verbis ad Ephesios, cap. V. Propter hoc relinquet homo patrem & matrem suam, & adharebit uxori suæ: & erunt duo in carne unâ. Sacramentum hoc magnum est. Ego autem dico, In Christo & in Ecclesiâ. Unde Siricius Papa epistolâ I. cap. IV. veluti cujusdam sacrilegii loco habet, Christianæ mulieris adulterium: Illa benedictio, inquit, quam nupturæ Sacerdos imponit, apud Fideles cujusdam sacrilegii instar est, si ullâ transgressione violetur.*

II. Aut igitur cuilibet inter Christianos conjugio Sacramenti ratio inest, aut inesse debet & videtur: tantaque porro est Christianâ in Republicâ Matrimonium inter & Sacramentum connexio & colligatio, ut ad Matrimonium mulierem pertinere neget S. Leo Romanus Pontifex epistolâ XCII. ad Rusticum Narbonensem Episcopum, a qua Sacramentum abfuerit, quod Græci *μυστήριον* vocant. Unde, inquit, *quum societas nuptiarum ita ab initio constituta sit, ut, præter sexuum conjunctionem, haberet in se Christi, & Ecclesiæ sacramentum; dubium non est, eam mulierem non pertinere ad matrimonium, in qua docetur nuptiale non fuisse mysterium.* Eadem est tum aliorum Patrum, tum Augustini præcipuè, sententia, qui lib. de Bono conjugali cap. XVIII. *In nostrarum quippe nuptiis, inquit, plus valet sanctitas Sacramenti, quàm fecunditas uteri.* Et lib. de Fide & Ope-

& Operibus cap. VII. In Civitate Dei nostri, in monte sancto ejus, hoc est, in Ecclesiâ, nuptiarum non solum vinculum; verum etiam Sacramentum ita commendatur, ut non liceat virum uxorem suam alteri tradere. Cujus sacramenti, inquit libro de Nuptiis, & Concupiscentiâ, tanta observatio est in Civitate Dei nostri, in Monte sancto ejus, hoc est, in Ecclesiâ Christi, ut, quum, filiorum procreandorum causâ, vel nubant femina, vel ducantur uxores; nec sterilem conjugem fas sit relinquere, ut alia secunda ducatur. Itaque, etsi Sacramenti ratione connubiale pactum apud Christianos, summo contrahentium scelere, forsan defraudaretur: quum tamen ex Christi institutione civilis conventionis & Sacramenti ratio connecti inter se & copulari debeant; sit, ut connubiale Christianorum fœdus, quantum quidem ad ejus *etiam* pertinet, non politicę, sed Ecclesiasticę potestati, subjiciatur. Nam quod rei sacrę connexum est & conjunctum, divino præsertim jure, humano non subjacet judicio. ut Alexander III. ad Anglorum Regem rescripsit, capite Quanto. de Judiciis: *Causa verò jurispatronatus ita conjuncta est & connexa spiritualibus causis, quod non nisi Ecclesiastico judicio valeat definiri.* Ubi adnotandum monet glossa, quod causa mixta inter spiritualem & civilem, magis sequitur naturam spiritualis, quàm civilis. Item idem juris est in connexis quoad jurisdictionem, sicut in merè spiritualibus. Item, ratione rei potius dicitur spiritualis, quàm ratione personæ: & sic quod est minùs dignum in sui substantiâ, majoris est efficacia quoad jurisdictionem. Hactenus glossa. & ad verbum: *Connexa.* hæc habet: *Spirituale censetur propter connexitatem: quia quæ religiosis adherent, religiosa sunt. ff. de rei vend. quæ religiosis. & ex tali coherenti sumit suam naturam. sic infra de par. super eo. & idè talis causa per Judicem Ecclesiasticum tantum tractari debet, ut hic.* Quod idem de clandestinis conjugiiis ante Concilii Tridentini tempora, iisque etiam in regionibus, in quibus Concilium adhuc Tridentinum receptum non est, affirmandum: ita nimirum ut & ipsa, quanquàm Sacramenti ratione, ex humanâ occultatque pravitate, spoliarentur; Sacramenta tamen ex Christi præcepto esse debeant, atque apud Ecclesiam, quæ de occulto hominis consilio non judicat, habeantur. Quilibet enim talis judicari, aut, ut civili voce utamur, præsumi

fumi debet, qualis ipse esse verè debet, seu solet, juxta communem Jurisprudentum regulam in Leg. *Ne codicillos quidem. C. de Codicillis.*

III. Sacramenta certè agnovit ille idem, quem Thomæ plerique hac in parte deferunt, ut Melchiori Cano patrocinentur, S. Thomas Aquinas in IV. distinctione XXVIII. quæstione unicâ articulo III. ubi de clandestino matrimonio: *Respondeo, inquit, dicendum, quòd, sicut in aliis Sacramentis quædam sunt de essentiâ Sacramenti, quibus omissis non est Sacramentum; quædam autem ad solemnitatem Sacramenti pertinent, quibus omissis verum perficitur Sacramentum, quamvis peccet, qui omittit: ita etiam consensus expressus per verba de præsentî inter personas legitimas ad contrahendum, matrimonium facit: quia hæc duo sunt de essentiâ Sacramenti (nempe verba consensum tunc temporis habitum exprimentia & contrahentium libera facultas) alia autem omnia sunt de solemnitatem Sacramenti: quia ad hoc adhibentur, ut matrimonium convenientiùs fiat. Unde, si omittantur, verum matrimonium est: quamvis peccent sic contrahentes, nisi per aliquam legitimam causam excusentur.* Et, quod Bellarminus egregiè adnotavit, agnovisse Synodus Tridentina videtur Sessione XXIV. capite I. ubi clandestina matrimonia, libero contrahentium consensu facta, rata & vera esse matrimonia, quamdiu Ecclesia ea non irrita fecit, definit. Rata enim Christianorum conjugia, Canonicâ voce, propriè intelliguntur, quòd non, quemadmodum Barbararum gentium matrimonia, dissolvi ullâ unquam ratione possint. id autem connubia nostra habent, quatenus sunt Religionis Sacramenta. ut Innocentius III. docet capite *Quanto. de divortiis.* Nam & si matrimonium verum inter infideles existat, inquit, non tamen est ratum: inter fideles autem verum & ratum existit: quia sacramentum Fidei, quod semel est admissum, nunquam amittitur; sed ratum efficit conjugii sacramentum, ut ipsum in conjugibus, illo durante, perduret. Hactenus Innocentius.

IV. Alterum, quod monendum duxi, illud est: non in eo quæstionem nostram versari, utrùm, si Sacramenti forsitan ratione, singulari aliquâ de causâ, Christianorum conjugium careret; posset ei Princeps leges præfigere, apponere impedimenta. Nam, si nullam divinitus institutum  
esset

esset matrimonii Sacramentum, plurimum certè juris in connubialem passionem, ut in cetera hominum fœdera, humana sibi Respublica vindicaret, ut cum S. Thomâ paullo post dicemus. Sed illud duntaxat inquirimus, an Christiano conjugio, quod utique Sacramentum etiam est, non ut Sacramento quidem; sed κατ' ἀνάγκην, ut civili cuidam contractui, ex humanâ tantùm auctoritate possint præscribi conditiones; quarum defectu vis omnis connubialis fœderis corrueret. Quod prorsus ex Canonum sententiâ negamus: atque, ut alios interpretes omittamus, Felinum, Alexandrum de Nevo, Abbatem, Hostiensem, Covaruviam, Fagnanum, ceteros omnes; ex glossâ etiam auctoritate cum aliis in locis, tum etiam in Caput *Ex tenore, de foro competenti*. ad illa verba: *nisi sit talis causa, quæ ad Ecclesiasticum judicem pertinere noscatur. sicut, inquit glossa, sunt causa matrimoniales*. Et de natalium, quæ huic adnexa est, causâ, veluti de quadam sacrâ & divinâ re, agit in Cap. *Tuam, de ordine cognitionum*. ubi, ut supra quoque diximus, Honorius III. differri a Ludovico Rege de successionis jure sententiam jubet, donec jam dicta causâ natalium Apostolico judicio finem acceperit. Et ita patet, inquit glossa, quod judex civilis etiam incidenter & per reconventionem de causâ spirituali cognoscere non potest. Quum autem sibi objecisset, videri, quod saltem incidenter de tali quæstionè cognoscere possit. C. de judi. quotiens. C. de ord. jud. L. Adit. ff. de ju. om. jud. Si idem. & ff. de jud. qui non cogitur. respondet glossa, verum esse, quod prius dicitur, licet secus sit in contrariis causis civilibus. Unde patet, si humano ex more agimus, atque id, quod re ipsâ est, non, quod nos ipsi comminiscimur, spectamus, quum matrimonium Christianâ in Republicâ, & conventio quædam sit & simul τοῦ θ' εὐχ, Divinâ ex institutione, Sacramentum; asserendum ἀπλῶς esse, non eam humanæ Reipublicæ esse potestatem, ut leges aliquas ferat circa matrimonii νόμον, quod apud nos Christus instituit. Sophismata sunt, quæ acutuli levesque ambitione homines opponunt, non solida veritatis argumenta. Ipsi etiam Ethicis res adeò sancta visa est matrimonium, quod Modestino conjunctio est maris & femina, & consortium omnis vitæ, divini & hu-

mani

*mani juris communicatio. Lege Nuptia. D. de ritu nuptiarum.* ut nuptiarum leges atque jura ad pontificum notionem pertinere voluerint. De Augusto narrat Dio, quum Liviam vellet ducere, lib. XLVIII. Διαζύχτος δ'ὦν τῷ Καίσαρι καὶ πεθομένοι τὰς ποτιφίας, ὡς οἱ ὅσοι ἐν γὰρ ἔχουσιν αὐτῷ ἀγαγίσθαι, ἀπεκρίναντο, ὅτι εἰ μὴ, ἐν ἀμφιβολίᾳ τὸ πῦμα ἐν ἀναβλήθῃ τῷ γάμῳ ἐκ ἧν, ὁμολογουμένου δὲ αὐτῷ, εὐδὲν κωλύει ἡδὴ αὐτῷ γένεσθαι. idest, ex Xilandro: Ambigenii autem Casari, ac sciscitanti a pontificibus, fas ne esset sibi eam pregnantem ducere: responsum est, si quidem ex quo mulier concepisset, dubitaretur, opus esse, ne nuptia differantur: quia vero de eo constaret, nihil impedire, quin statim fierent.

## CAP. X.

**N**atalis Alexander confutatus. Fagnani in Sanchezium animadversio. Ecclesie jura a Natale violata. S. Thomas a Natalis opinione vindicatus. Ethnicorum matrimonio possunt a Principe dirimentia, quæ vocant, impedimenta præfigi. Matrimonium non nisi inter Christianos Sacramentum. S. Thomæ Aquinatis verba. Potestate hac apponendorum conjugio impedimentorum Principes, inter Christianos, non fruuntur. Clara S. Thomæ sententia. Thomæ aliqui Thomæ hac in parte desertores. Ineptum aliquorum acumen exploditur. Contractus tantum civilis, non ipsa Sacramenti ratio, Romano Pontifici subjicitur. Moderatiores Thomæ cum Thomæ Sanchezio conveniunt. Fagnani in Sanchezium censura. Sive Divino, sive Ecclesiastico jure, leges de matrimonio ferre Christiani Principes prohibeantur, illas ferre non possunt. Matrimonium inter tutorem & pupillam, inter senatorem & libertam, per Canones valet. Triburiensis Concilii decretum. Connubiales causæ Episcoporum duntaxat judicio commissa. Canon Concilii Agathensis, Carthaginensis a Gratiano attributus. Abbates a causis connubialibus prohibiti. Abbas Cassinensis exceptus. Legati à Pontificis latere, causarum connubialium judicio abstineri jussi. Matrimonia non jure fori, sed poli, reguntur. Gratiano restitutum, quod ei abstulit

San-

*Sanchezius, Dominicus Soto a Natalis opinione vindicatus. Civiles de matrimonio Leges nullius ponderis a Soto agnita, nisi ab Ecclesiâ probentur. Quâ ratione Principis auctoritatem consideret Soto. Id ex ipso magis explicatum, & confirmatum ex S. Thomâ. Alia Dominici Soto loca. Argumenti dissolutio. Quodd aliquod sit matrimonii impedimentum, Ecclesia auctoritas facit. Mixti generis causa ad quod tribunal pertineant. Gravissimum S. Bonaventura testimonium. Auctoris consilium. Sciorum inscitia.*

I. **A**Tque hinc etiam omnes intelligunt, quo quantoque jure Romani Censores notaverint, quod imprudenti sibi excidere passus fuerat, vir ap-primè Sacræ Historiæ eruditus, Natalis Alexander, Dissertatione XVIII. in Historiam Ecclesiasticam Seculi II. articulo I. *Quin Regum & Principum statutis inhabilitas ad contrahendum induci possit, servatis Ecclesiæ juribus, quam impedimenta dirimentia constituere posse, de Fide est; non ambigo. In omnes enim contractus, qui ad bonum Reipublicæ ordinantur, supremam potestatem Princeps habet, qua certas ipsis conditiones apponere potest, quarum defectu irriti sint. Unde, quum matrimoniales contractus maximè bonum publicum spectent; Rex lege latâ inhabilitatem inducere potest ad matrimonia certas inter personas contrahenda. Quo ferè argumenti genere usum Thomâ Sanchezium lib. VII. disputatione III. num. II. graviter reprehendit Fagnanus. Etsi enim ita dictum suum moderatus esse Natalis videatur, ut, servatis Ecclesiæ juribus, dirimentia matrimonium impedimenta Principes constituent: qua tamen unquam, sodes, ratione Ecclesiæ jura servabuntur, si pro summâ suâ in iis, quæ ad publicum bonum spectant, potestate Principibus liceat id sibi vindicare, quod Ecclesiastici juris est, ut per politicas leges Christiana matrimonia dirimantur? Locutum se cum S. Thomâ Aquinate, & eximio Concilii Tridentini Theologo, Dominico Soto, causatur Natalis eo in Scholio, quo se a Romanorum Censorum castigationibus vindicat. Sed neque Soto, neque verò tutissimus Catholicæ assertor auctoritatis, Aquinas, ei suffragantur.*

II. Verba hæc habet Thomas in IV. Sentent. distinctio-



QUESTIONE XXXIV. quÆstione unicA articulo I. *Ad quartum dicendum, quòd personæ illegitimæ ad matrimonium contrahendum dicuntur ex eo, quòd sunt contra legem, quia matrimonium constituitur. Matrimonium autem, in quantum est in officium naturæ, statuitur lege naturæ: in quantum est Sacramentum, statuitur jure divino: in quantum est in officium communis, statuitur lege civili. Et ided ex qualibet dictarum legum, potest aliqua persona effici ad matrimonium illegitima. Nec est simile de aliis Sacramentis, quæ sint Sacramenta tantum.* Hic autem S. Thomas non docet, hanc esse Christianam in Republica Christianis Principibus potestatem dirimendi per humanas leges matrimonii: sed, ut semper solet plura, quæ in unam eandemque rem sæpe conveniunt, acutè discernere, & quid cuique κατὰ αὐτὸ attribuentum sit, diligenter advertere; hoc etiam in loco varia matrimonii munera & officia variosque status distinguit; & quid illorum cuique seorsum & κατὰ τὸν ἑκάστην, competat, tradit ut ex verbis patet, quæ subduntur: *Et quia lex naturalis, secundum diversos status, recipit determinationes diversas, & jus positivum etiam variatur secundum diversas hominum conditiones in diversis temporibus: ided Magister ponit in diversis temporibus diversas personas illegitimas fuisse.* Hæc S. Thomas. Itaque quatenus ad humanæ Reipublicæ conservationem propagationemque matrimonium refertur & civilium pactorum ordine comprehenditur, jure a Principe leges accipit, cuius est publico bono pro viribus prospicere: & quemadmodum humanæ aliæ conventiones, quum Sacramentum non sit, appositis impedimentis, coarctatur; sublati, liberum esse permittitur, variisque pro temporum & locorum diversitate legibus regitur. Unde Princeps a Christiano nomine alienus, in quem nihil sibi auctoritatis idcirco adserit Ecclesia nostra, bene populorum suorum conjugia certis legibus ita moderari potest, ut nulla prorsus sint atque irrita, si, præter patriam Barbarorum consuetudinem, celebrentur. Nec enim, nisi inter Christianos, matrimonium est Sacramentum. Ita inter alios idem Aquinas optimè docet in IV, distinctione XXXIX. quÆstione unicA articulo II. *Ad tertium dicendum, inquit, quòd inter infideles est matrimonium,*

ut dictum est, prout matrimonium est in officium naturæ. Ea autem, quæ pertinent ad legem naturæ, sunt determinabilia per jus positivum: & idem, si prohibentur ab aliquo jure positivo apud eos infideles contrahere matrimonium cum infidelibus alterius ritus, disparitas cultus impedit matrimonium inter eos. Ex jure enim divino non prohibentur: quia apud Deum non differt qualitercumque aliquis a Fide deviet quantum ad hoc, quod est a gratiæ alienum esse. similiter nec aliquo Ecclesiæ statuto, quæ non habet de his, quæ foris sunt, judicare. ut etiam fatetur Innocentius III. cap. Gaudemus. de divortiiis. Sed, quanquam integrum esset summo cuique Principi de matrimonio, ut naturæ & humanæ Reipublicæ officium illud est, ob amplissimam suam humanis in rebus auctoritatem, decernere, si ipsa tantum rei natura spectaretur: quia tamen apud Christianos ad Sacramenti dignitatem evectum divinitus atque translatum est; hinc æquissimo jure factum, ut jam non humanæ, sed Ecclesiasticæ potestati, subsit, neque ulla amplius Principibus sit in constituendis conjugio impedimentis, nisi consentiente & probante Ecclesiâ, auctoritas. Ita disertissime Thomas Aquinas in IV. distinctione XLII. articulo II. cujus idcirco verba uberius refero, ut, qui eum ducem ambiciosius jactant, neque tamen hac in parte sequuntur; non veritatis, sed factionis studio, se cetera ejus sectari agnoscant. *Ad quartum dicendum*, inquit Thomas, *quod prohibitio legalis humana non sufficeret ad impedimentum matrimonii, nisi interveniret auctoritas Ecclesiæ, quæ idem etiam interdicat.*

III. Quid hæc ad enervandam Aquinatis infringendamque auctoritatem comminiscuntur, qui Christianâ in Religione id juris Regibus attributum volunt, ut, non Ecclesiasticâ, sed suâ ipsorum auctoritate, æquè de matrimonio ac de aliis quibuscumque humanis conventionibus, leges ferant: ut, si quis eorundem legibus in contrahendis nuptiis non steterit, cetera verò, quæ Canones præscribunt, adhibuerit omnia, nullo irritoque fœdere cum feminâ copuletur? Nam quòd aliqui importunè ac uti angustos satis huic Principum potestati limites præfigere sibi videntur, atque intemeratam servare illamque Canonum auctoritatem, quòd a Sacramento conjugum (quæ u-

na

na eademque res est apud Christianos ) distinguant; atque civilem tantum contractum Regum arbitrio obnoxium subditumque faciant, non autem Sacramentum: nam illi, ut micissimè adversus ineptientes homines loquar, nihilò plus Ecclesiæ, quàm Magistratui humano, Christianum in matrimonium impertiuntur. quum & summus Pontifex non nisi contractus civilis, quod Sacramenti *utroque* est, immutandi moderandique potestatem habeat; ipsum verò Sacramentum a Christo Domino institutum nullà Ecclesiæ auctoritate variari possit aut aboleri. Quapropter longè moderatiores Thomæ maximà ex parte affirmant, potuissent quidem, si ex summà suà potestate agere Principes permitterentur, nuptialium pactorum vim omnem, nisi certæ aliquæ accederent conditiones, infringere: sed illis tamen potestatem huiusmodi Ecclesiæ inhibuisse, quæ causas omnes connubiales, & quidquid ad matrimonia dirimenda facit, ad sacrum duntaxat tribunal deferendum decreverit. Quæ est ipsa Thomæ Sanchezii opinio lib. VIII. de impedimentis Matrimonii disputatione III. num. II. ubi, veluti ex Apollinis oraculo, certò atque indubitanter pronunciat, *posse Principem Secularem ex genere & naturâ suâ potestatis, matrimonii impedimenta dirimentia fidelibus sibi subditis, ex iustâ causâ, suis legibus indicare, eo pacto, quod id Pontifex summus potest, nisi sibi hanc potestatem reservasset.* Etsi verò id, quod Sanchezius opinatur, contra sacrorum Canonum & Tridentini Concilii decreta, ac receptissimas Theologorum & Canonistarum traditiones, esse affirmet maximæ vir auctoritatis, Prosper Fagnanus in Caput *Utrum autem de cõgulatione spirituali.* num. XIX. non multum tamen ego illis hac in parte dissentiam: dummodò nulla jam apud nos esse Principibus dirimendorum conjugiorum jura *utroque* fateatur: irritumque adeò atque inane futurum, quidquid impedimentorum contrahendis nuptiis, non approbante confirmanteque Ecclesiâ, ipsi apponerent; firmiter verò permanens Christiani hominis matrimonium, qui adversus humanam illa & profana Rescripta; ad Canonicam tamen institutionem, nuptias pacisceretur. Sive enim divino jure prohibita sint Christiani Principes impedimenta matrimonio auctoritate suâ constituere, quod ego quidem sentio; sive hæc illis sit ferendarum huiusmodi legum.

gum potestas canonico sublata jure, quam aliàs habere potuissent: jam apud omnes constat, qui rectè sentiunt, nullis humanæ Reipublicæ obstaculis irrita effici aut dirimi inter Christianos posse matrimonia.

IV. Quod ex superioribus exemplis satis, opinor, liquet: & si quis alia desiderat, habet, quæ hac in re præclara admodùm atque opportuna alii adnotarunt. Sic enim, ex Canonicâ auctoritate, tutorem inter atque pupillam, inter senatorem & libertam, Matrimonium subsistit: quod tamen civiles Leges irritum decreverunt. *Lex Tutor D. de sponsalibus. Lex Filiam Senatoris. D. de Senatoribus*: ut glossa docet in Canonem *Ita diligere*, causâ XXX. quæstione III. ad verbum: *Quandoquidem*. Et in Canonem *Siquis ingenuus*. causâ XXIX. quæst. II. ad. v. *Habeat*. Sic Triburiense Concilium divelli a conjugio non posse hominem quendam natione Francum declaravit, qui nobilem e Saxoniâ uxorem, non Francorum lege, duxerat. cap. *De Franci. De sponsalibus & matrimoniis*. Sic aliæ omnes, quas sacrosancta Naturæ jura aut Canones non confirmarunt, civiles de Matrimonio, quantum ad ejus usum spectant, leges, nullum Christianâ in Republicâ momentum ad infirmandas aut dirimendas nuptiarum passionem obtinuerunt. Tantùmque abest, ut connubiales quæcumque Christianorum causæ profanorum hominum arbitrio subdantur, ut vel in ipso sacro Ordine non cujuscumque Præsulis, sed Episcoporum duntaxat judicio, committendas illas esse Canones sanxerint: Alexandri II. præsertim Decretum can. *Multorum*. causâ XXXV. quæstione VI. & Canon XXV. Concilii Agathensis, quem veluti Carthaginensis citat Gratianus can. *Seculares*. causâ XXXIII. quæst. II. atque in Concilio Lateranensi gravissimè Innocentius III. Abbates hac de causâ reprehenderit, quòd, Christiana in matrimonia inquirere soliti, in alienæ potestatis fines temerè manus immisissent. *Volentes igitur*, inquit, *in his & Episcoporum dignitati & Abbatum providere salutem, præsentì decreto firmiter prohibemus, nequis Abbatum ad talia se presumat extendere, si proprium voluerit periculum evitare: nisi forsan quisquam eorum speciali concessione, vel aliâ legitimâ causâ, super hujusmodi valeat se tueri*. cap. *re Accedentibus. de excessibus Prelatorum*. Sicuti Abbas Cassi-

nenſis tueri ſe poterat, ex Alexandri III. Reſcripto cap. *Ex Litteris. de conſanguinitate & affinitate*. Atque æquiſſimæ huic veterum Canonum legi Tridentini Patres magnâ omnium conſenſione ſubſcripſerunt ſeſſione XXIV. cap. XX. *Ad hac, cauſſæ matrimoniales & criminales, non Decani, Archidiaconi aut aliorum inferiorum iudicio, etiam viſitando; ſed Episcopos tantum examini & iuriſdictioni, relinquuntur: etiamſi in præſenti inter Episcopum & Decanum ſeu Archidiaconum, aut alios inferiores, ſuper cauſarum iſtarum cognitione lis aliqua in quacumque inſtantiâ pendeat*. Immo, quod magis urget, Legatos quoque, quos de Latere appellant, quorum ſanè maxima eſt ſecundum Romanum Pontificem auctoritas, ab hac violandâ Episcoporum poteſtate religioſè abſtinere iuſſerunt, his verbis: *Legati quoque etiam de Latere, Nuntii, Gubernatores Eccleſiaſtici, aut alii, quancumque facultatum vigore, non ſolùm Episcopos in prædictis cauſis impedire, aut aliquo modo, eorum iuriſdictionem iis præſumere aut turbare non præſument: ſed nec etiam contra Clericos aliasve perſonas Eccleſiaſticas, niſi, Episcopo prius requiſito eoque negligente, procedant*. Neque enim matrimonia hodie jure fori, ſed jure poli, reguntur, ut ſapientiſſimè ſancit Gratianus cauſâ II. quæſtione III. §. *Hinc colligitur*. cujus celeberrimâ ſententiâ, veluti Canonicum quoddam pronunciatum, cepit jamdiu ab Interpretibus uſurpari: quamquàm turpi errore Santhezius, qui plura congerere, quàm digerere, poſſet, lib. VIII. diſputatione VII. num. I. quod Gratiani eſt, Gregorio Magno attribuerit auctori.

V. Dominicus etiam Soto in eâ eſt ſententiâ, quod Regibus aliisque Principibus, pro ſummâ illorum in civiles conventiones auctoritate, leges de matrimonio, veluti de cõtractu quodam humano, dirimentibuſque impedimentis, condere liceret, niſi altiori ſanctiorique jure, quum apud nos Sacramenti ratione Matrimonium gaudeat, cohiberentur. Sed, quod poteſtate hac Magiſtratus noſtri hodie fruuntur, nullibi affirmat. Immo verò diſertè negat, niſi profanæ hujusmodi leges a Concilio vel a Pontifice Maximo probentur. Eximii Theologi locum callidè Natalis obtruncavit, quem nos idcirco magis integrum exhibemus **ex Lib. IV. Sententiarum diſtinctione XL. quæſtione uni-**

ca ar-

cà articulo V. *Respublica civilis*, inquit Dominicus, & *Princeps*, qui ejus habet facultatem, *leges potest de paciſcendis ſtipulandiſque nuptiis condere*; atque adeò ſic conſanguineos & affines a matrimonii concinnandis arcere, ut, ſi illa contra inire tentaverint, nulla ſint. Verumtamen in bujuſmodi ferendis legibus *Reſpublica civilis ſubdita prorsus eſt Eccleſiaſtica*, ut, abſque permiſſu Concilii aut Pontificis Maximi, eas ferre nequeat. Quod ſi Papa contradixerit, irrita erunt prorsus & inanes. Matrimonium nempe, ut naturæ tantum officium eſt; & humanam ſeorſum Rempublicam, ut Naturæ tantum jure definitur, primo loco conſiderat Soto. Poſtquàm autem eam, quæ Principibus ex ipſa rei dantatatur naturæ competere poteſt, in connubialia pacta poteſtatem uberius explanaffer, ita ſubdit: *Nihilominus ſecundum membrum e, uſdem reſponſi probatur*. Nam, quum Eccleſiæ incumbat de Sacramentis cenſere, & ut diſtinctione XXXV. dicebamus, in his, quæ pertinent ad regnum calorum, *Reſpublica civilis ſpirituſali ſit ſubdita*; nequit civilis in matrimonialibus cauſſis, præſertim in conſtituendis perſonis legitimis vel illegitimis, ab Eccleſiæ ſanctionibus & poteſtate deſpectere. alioqui duo eſſent capita. quod utique monſtrum vineam Domini demoliretur. Unde D. Thomas diſtinct. XLII. quaſtione II. articulo II. ad IV. Prohibitio, inquit, legis humanæ non ſufficeret ad impedimentum matrimonii, niſi interveniret auctoritas Eccleſiæ, quæ idem etiam interdicit. Et idem obſervandum eſt in diſcernendo, quodnam matrimonium ſit legitimum. quod reverà judicium ad Eccleſiam ſpectat. De dotibus verò & hereditatibus decernere, atque de aliis, quæ merè ſecularia ſunt, ad ſeculare attinet judicium. In eandem ſententiam loquitur diſtinct. XXIX. quaſtione I. articulo IV. Immo, quum matrimonium, ut ſæpe diximus, ſic ſit Sacramentum, ut ſit etiam civilis contractus; nil vetat, quominus, ut priori ratione ad Forum Eccleſiaſticum ſpectat; poſteriori, civili etiam aliquatenus ſubdatur, Non quòd Principes (verba obſervatu digniſſima) ea poſſint, quæ ſunt de matrimonii ſubſtantia, demutare; ſed tamen quòd valeant contrabentes mulctare, ubi in bonum publicum contrabendo deliquerint. & diſtinctione XLII. quaſtione II. artic. II. ad illud argumentum, quòd, quum legalis adoptio jure civili & gentium introducta fuerit; jus autem civile ſine auctoritate Eccle-

sic non possit impedimentum matrimonio obijcere; nulum ex tali cognatione impedimentum oriri videatur: ad hoc, inquam, argumentum ita respondet, ut, quàm Natalis Alexandri opinioni ipse dissenserit, luculentissimè ostendat. *Secundum verò, inquit, per primam conclusionem solutum est. Nam, etsi cognatio hac jure gentium & civili sit introducta; quoddam tamen sit matrimonii impedimentum, Ecclesiastica auctoritas facit.* Quare, si propriè & ex rei veritate, loqui volumus, non Christianorum Principum auctoritate impedimenta matrimonio constituuntur, aut constitui possunt, nec nuptiarum pacta efficiuntur irrita, ut asserit Natalis: sed, quæ connubiales Christianorum contractus, appositis impedimentis, verè dirimit, una est Ecclesia, quæ profanis aliquando legibus ad publicam tranquillitatem honestatemque morum utitur; illasque veluti consecrat, ut, quod ipsæ prohibet sunt facere, non suo, sed Ecclesiastico jam jure, certa aliqua conjugia impediunt. Quod innuere forsan videtur Bellarminus, dum ait Controversiâ VI. de Matrimonii Sacramento capite XXXII. mixti generis causas, id est, partim politicas, sacras partim, sive, ut ajunt, spirituales, *ad politicum Magistratum pertinere posse, sed cum subordinatione ad Ecclesiasticum; simpliciter autem ad Principem Ecclesiasticum pertinere, ut in Concilio Tridentino sessione XXIV. canone XII. definitum est.* Beatus itaque Thomas & Dominicus Soto, longè aliter, ac Natalis Alexander censuit, & locuti sunt & senserunt. quorum ego gravissima Thomæque omnibus Theologis venerabilia nomina hic potissimum urgeo, quoddam istorum duntaxat auctoritate Natalis ad præposteros sensus abutatur: etsi non me latet, quàm plura alia Theologorum primi nominis testimonia proferri a me potuissent, e quibus S. Bonaventura, maximæ vir fidei atque integritatis, eadem ferè ratione, qua Soto, illi de cognatione legali difficultati occurrerat lib. IV. distinctione XLII. artic. II. quæst. II. *quia Ecclesia tale impedimentum suâ constitutione & approbatione fecit esse validum. alioquin non posset impedire.*

VI. Ego verò non rem hanc pro dignitate tradere institueram, nec adversus Natalem ire, eruditissimum & diligentissimum Scriptorem, quem ab eruditione & labore admirari sæpe soleo; sed stultissimam sciolorum quorundam

dam impudentiam obiter, si fieri posset, reprimere & coë-  
 cere, qui, bonarum omnium Litterarum ignari, nescio  
 quo ambitiosę ostentationis studio, non alio fulti, nisi so-  
 phismatum atque inscitę, pręsidio, hanc Principibus no-  
 stris concedere non dubitarunt, quam seu Divina  
 seu Canonica jura abstulerunt, dirimendorum  
 conjugiorum potestatem: edque etiam de-  
 mentię prolapsi sunt inter altercan-  
 dum, ut divinã fieri non potu-  
 isse auctoritate dicerent, ut  
 nullus inter Christia-  
 nos esset conju-  
 bialis contra-  
 ctus,  
 qui non simul esset  
 Sacramen-  
 tum.





## LIBER III.

## CAPUT I.

**L**ippis ac tonsoribus notum, quod extremâ superioris Libri parte differuimus. Petri de Soto non magna auctoritas. Totus superioris Disputationis ordo proponitur. Magni cujusdam Canonista & Theologi de se ipso judicium. Non inutilis excursus noster. Divi Marci sententia. Quaestio a nobis in superioribus libris tractata. Menchaca opinio. Pium patris nostri familiâs consilium. Quid ille scire vellet. Nos illi tandem acquiescimus.

I. **N**EC ego levia atque inconstantia ingenia dum operosius, quàm res fortè postulabat, sapere aliquando jubeo; sentio, quòd me & quàm longè, extra propositæ tractationis limite disputationis ardor protraxerit: eoque etiam magis Dissertationis hujus nostræ nos piget, quòd lippis ac tonsoribus notius est, quòd ait Covaruvias de Matrimonio II. Parte cap. VI. §. X. num. XVI. *a Laicis, etiam summis Principibus, non posse lege prohiberi matrimonium cum alienigenis, vel cum certo hominum genere. & hoc ipsum passim, inquit Didacus, Nostrates fatentur, qui Leges Civiles aliquot matrimonia prohibentes, ut improbas, refellunt.* Quid enim Petrum aliquem de Soto moror, cujus non est tanti auctoritas, ut proptereà velimus a communi Canonico omniû Interpretum verissimâque sententiâ discedere? Nunc ergo præstat, ut, unde disserendo dilapsi sumus, eò redeamus. Quid enim tamdiu, aut quòd, aberramus, ut ingenio potiùs nostro, quàm causæ ipsi, quam agitandam suscepimus, deservisse videri possimus? Atqui illud tantùm agendum erat, illud summo studio animique contentione inquirendum a nobis, an nobilem Juvenem, triginta jam natum annos, exheredem scribi fas sit, quòd, invito parente, nuptias cum honestâ puellâ contraxerit. Id supra, nec immeritò, negabamus, per civiles Leves,  
in his

in his saltem regionibus nostris, licere. Qua occasione, quod disputatio vocabat, eò libenter excurrimus: & Gallicanis Hispanisque Legibus, quod in ingratos illiusmodi filios exheredationem statuunt, adversus alios assertis vindicatisque; quasivimus subinde adversus Magnum quendam Canonici juris Interpretem [ita enim de se ipse iudicat] quid & quantum Christianis Principibus liceret de Matrimonio decernere. Unde veniam ab æquioribus quibusque Iudicibus nos facile obtenturos speramus, siquid ingenio paulò liberalius indulserimus. Neque enim omnino frustra Legum illarum de liberis eam ob rem exheredandis æquitatem & sanctimoniam adversus cavillatores, explicavimus: quod, etsi causa nostra non illarum auctoritate nitèretur, exheredandusque adeò non esset noster hic filius familiars, qui, annorum triginta ætate non minor, ingratas patri nuptias iniisset; inde tamen apparebat, quantam planè conjugis huiusmodi, quamque immanem injuriam parentibus filii inferrent, cum gravissimæ exheredationis pœnæ equissimisque Legibus ansam iure dare potuerint. Quoniam verò, siqua ex Romanis Legibus exheredationis pœna hac de re filios familiars manet, quod, parentum injussu, jungant connubia; ea certè non ultra quinque & viginti ætatis annos porrigitur; triginta autem annos attigit seu etiam explevit ille, qui tractationi nostræ argumentum fecit, filius familiars: id unum censendum nobis superest, quod Divus Marcus alià in causâ rescripsit: *enim non rectè facere; penam tamen in eundem statutam non esse*. Quam sententiam retulit Ulpianus libi XXV. ad Edictum. L. *Et si quis. D. de Religiosis & sumptibus funerum*.

II. Sed cur etiam spinosam illam & sententiarum concertatione valdè intricatam, ingrati animi causam, quæ in paciscendis, præter paternam voluntatè, conjugis sita est, tam diligenter sumus accuratèque perscrutati, ut, quæ hanc in rem doctissimi viri differunt, discuteremus omnia, atque ad nostrum revocaremus iudicium? quæ scilicet in eo quæstio nostra versaretur: an potuerit debueritque filius ille familiars hereditatè privari, qui, duæ etià imparis conditionis uxore, non patrem tantum gravissimè læsit; sed & magno fuit toti paternæ domui, ut

in ipso tractationis limine innuimus, detrimento. Atque ab hac mente, a qualicunque hoc exheredandi filii consilio optimus ille senex longissimè abest, cujus voluntati Dissertatione hac nostrà gratificamur. Ut enim tutò, neque imprudenter, posset opinioni Menchacæ fidere, qui de *Succession. creat. par. I. lib. I. §. X. num. DCXXXIV.* id ei juris facit, ut ingratum filium, si voluerit, ob nuptias illas exheredet; tutò aliena posset exempla sequi, quæ, pro vario hominum ingenio, minimè desunt; atque aliquando in Jurisconsultorum voluminibus occurrunt: ut, inquam, fas homini esset tricenarium filium hac de causâ exheredem scribere, quod hic, se invito & reluctante, uxorem, honestam illam quidem, sed imparem tamen, acceperit: non vult tamen, qua est humanitate facilitateque animi, e paternæ severitatis legibus in filium animadvertere. Aliorum quidem, qui morem patri toto vitæ cursu gesserunt, filiorum salutem, decorem, fortunam, prospicere cupit, atque indemnitati: sed non eâ tamen lege, ut inhumanius atque aliquantò forsân durius, quàm pietas ferat, vel in protervum totique paternæ familiæ valde incommodum adolescentem egisse videatur. Quærebat itaque vir optimus, cujus eò magis pietas commendanda nobis est, quo gravior in illum est injuria filii; & nunc iterum querit, an rescindere sibi factum a se testamentum liceret, quo æquas inter filios fortunarum omnium portiones dividi jusserrat; & posterioribus tabulis ita de rebus suis omnibus decernere, ut, dotatis pro æquâ portione feminis, filiorum etiâ cuilibet, pari institutionis titulo, legitimam quidem partem relinquat, quam scilicet illis leges naturali ex æquitate deserunt: sed cetera tamen omnia bona, in quorum partem ingratus filius ex primo testamento venturus fuerat, in alios tantum duos, natum maximum minimumque, vel hereditatis, vel legati, vel quocunque alio potest nomine, transcribat: qui duo nempe filii paternæ omnibus in rebus voluntati summo studio obsecundarunt. Cur verò id ei per divinas humanasque leges non liceat, quod non odio aliquo, aut animi parum probi vitio, facere instituit; sed, ut obediētiore obsequentioreque filios insigniori aliquo paternæ benevolentie argumento remuneret, atque in bonis beneque moratis

ratis liberis familiæ suæ splendorem atque amplitudinem, majori, quàm fieri possit, facultatum copiâ conservet? Atque ita aliquando post immensos veluti diffundentis sese ingenii errores nos ordo disputationis in viam atque ad caput totius tractationis nostræ reduxit. ubi ed acrius ac festiviùs, Salvine Consul, absolvendum nobis, quid, quid superest, videtur, quò ad exitum propiùs jam tendit oratio.

## C A P. II.

**M**utari ex arbitrio conditum jam testamentum posse. *Leo Pandectarum restituta. Ambulatoria usq; ad mortem hominis voluntas. Pauli Apostoli testimonium. Acuta Innocentii Papa VII. observatio. Christianus Cicero, Lactantius. Vera apud Cælum Lactantium lectio. Christiani, filii Judæorum. Testamenti per Modestinum definitio. Suprema hominis voluntas religiosè a veteribus observata. Justiniani hac de de re sententia. Lex XII. Tabularum a Sexto Pomponio explicata. Justinianus illustratus. Æneis comburi a Virgilio jussa, pulcherrimum Latina Lingua Poema. Octavii Augusti versus. Quanam tabula suprema? E. Canonibus confirmatio. Gregorii Magni Rescripta. Heredis pæna, qui testatori non paruerit. Ab hac, quoad legitimam portionem, exceptus filius. Insignis Aphronia, Romana femina, patientia. Patrisfamilias in mutando revocandoq; testamento potestas: etsi coram summo Principe testatus fuerit. Institutus ab aliquo Imperator, potest exheredari. Digna vox majestate regnantis. Ad Principes monita. Vox impia Julia. Quod boni Principis munus? Caligula avaritia. Pulcherrima Divi Pertinacis sententia. Rumpendorum testamentorum exempla, etiam aliquando per testamenta alia minùs solennia. Theodosii & Valentiniiani Rescriptum. Ex Constantini Lege locus apud illos emendatus. Novella Justiniani Constitutio. Testamento pias ob causas duo testes sufficiunt.*

**I.** Am verò satis superque constat, non ita patris arbitrium prioribus tabulis contritum colligatumque esse, ut testamento, quod semel ille decrevit, neque ullo firmavit jurejurando, stare compellatur,  
Enim

Enimverò novo testamento, quod rite acque ex solemnitate Juris conficiatur, veteres tabulas infirmari omnino atque infringi, sciunt omnes, qui vel primis labris Justinianas Institutiones degustarunt, ex Lib. II. Tit. XVII. *Quibus modis Testamenta infirmantur*. §. *Posteriore quoque*. Quod & Hermogenianus præscripserat E<sup>rit quæ</sup> Juris lib. IV. *Nemo enim*, inquit, *eam sibi legem potest dicere, ut a priori voluntate ei recedere non liceat*. Lege *Si quis in principio*. D. de *Legatis & Fideicommissis* III. Et Martianus Lib. IV. Institutionum, cuius sententiam iisdem ferè verbis Justinianus transcripsit, ex L. *Si quis priore*. D. ad *Senatusconsultum Trebellianum*. juxta Severi atque Antonini Augustorum Rescriptum ad Coccejum Campanum. *Severus* enim legitur tum apud Justinianum in Institutionibus, tum in antiquissimo atque apud totam Europam celeberrimo Pandectarum Florentinorum Codice, quo Justinianum ipsum usum doctorum plerique hominum arbitrantur. ut intelligatur L. Septimius Severus, M. Bassiani Antonini Caracallæ pater: quanquàm in vulgatis Digestorum editionibus *Verus* habeatur. Qua de causâ ambulatoriam hominis voluntatem usque ad vitæ supremum exitum appositè Ulpianus appellavit lib. XXXIII. ad Sabinum. L. *Cum hic status*. D. de donationibus inter virum & uxorem. §. *Pœnitentiam*. Et L. *Quod si iterum*. D. de adimendis vel transferendis legatis vel fideicommissis.

II. Morte verò vires demum accipit suas firmaturque testamentum, ut, ex Romanarum Legum mente, epist. ad Hebræos cap. IX. advertit S. Paullus. *Ubi enim testamentum est, mors, necesse est, intercedat testatoris. Testamentum enim in mortuis confirmatum est. alioquin nondum valet, dum vivit, qui testatus est*. Quo Apostoli testimonio acutè utitur Innocentius III. ad Archiepiscopum Lugdunensem cap. *Cum Martha*. de celebratione Missarum. ut rationem asserat, eamque gravem cum primis atque opportunam, cur vetus Divinarum Pollicitationum Testamentum desierit; æternum verò sit ac permanens, novum Legis Evangelicæ. Unde novum, inquit, id est, ultimum, esse describitur, inde æternum, id est, perpetuum, comprobatur. Novissimum etenim hominis testamentum immobile perseverat, quia testatoris obitu confirmatur. Quod multò

ante

ante egregiè illustraverat, Christianus Cicero, Laëntius Divinarum adversus Gentes Institutionum lib. IV. qui est de verà Sapientià, cap. XX. Idcirco *Moyſes & iidem ipſi Propheta, Legem, qua Judeis data erat, testamentum vocant; quia, niſi teſtator mortuus fuerit, nec confirmari teſtamentum poteſt, nec ſciri, quid in eo ſcriptum ſit, quia clauſum & obſignatum eſt. Itaque, niſi Chriſtus mortem ſuſcepiſſet, aperiri teſtamentum, ideſt, revelari & intelligi, myſterium Dei non potuiſſet. Verùm Scriptura omnis in duo teſtamenta di- viſa eſt. Illud, quod adventum Domini paſſionemque antecē- ſit, ideſt, Lex & Propeta, Vetus dicitur. Ea verò, qua poſt reſurrecciónem ejus ſcripta ſunt, Novum Teſtamentum nomi- natur. Judai Veteri utuntur, nos Novo. Sed tamen diverſa non ſunt: quia Novum Veteris adimpletio eſt; & in utroque, idem teſtator eſt Chriſtus, qui pro nobis mortem ſuſcepit, nos heredes aterni regni fecit, abdicato & exheredato populo Ju- deorum. Sicut Hieremias Propheta teſtatur, cum loquitur ta- lia. Ecce dies veniens, dicit Dominus, & conſummabo Domui Iſraël, & Domui Juda, teſtamentum novum, non ſecundùm teſtamentum, quod diſpoſui patribus eorum in die, qua appre- hendi manum eorum, ut illos educerem e Terrâ Ægypti: quia ipſi non perſeveraverunt in teſtamento meo; & ego neglexi eos, dicit Dominus. Venetam enim anni MCCCCLXXVIII. e- ditionem ſecutus ſum, ut in Laëntio ſcriberem: Sed ta- men diverſa non ſunt. Scilicet, teſtamenta. non, *diviſa non ſunt*, ut in poſteriori aliquâ editione vidi, & Florentinâ. etiam Philippi Juntæ an. MDXIII. quam ſedulò curavit Marianus Tuccius. Explicat paulò poſt Laëntius, quid apud Hieremiam per Domum Iſraël & Domum Juda ve- rè intelligendum ſit. Domus autem Juda & Iſraël non uti- que Judeos ſignificat, quos abdicavit; ſed nos, qui, ab eo con- vocati ex gentibus, in illorum locum adoptionemque ſucceſſimus; & appellamur filii Judeorum. quod declarat Sibylla, cum di- cit: *ἱσὺαῖος πατὴρ τῶν Ἰουδαίων οὐρανίου*. ideſt. Judeo- rum beatum divinum genus caeleſtium.*

III. Nec aliud innuit ipſa teſtamenti definitio, quam Modèſtinus attulit lib. Pandectarum: ita ut ſit voluntatis no- ſtræ juſta ſententia de eo, quod quis poſt mortem ſuam fieri velit. L. Teſtamētū. D. Titulo illo de Teſtamenti, & qui teſtamenta facere poſſint, & quemadmodum teſtamenta fiant. juxta vulga-  
tam

tam leſionem, eamque pleniorẽ, quàm Florentini Pandectæ exhibeant. Unde ſumma Vetereſ religio inceſſit, ut, poſtquàm quiſ mortuus eſſet, ſupremam ejus voluntatem, veluti ſacram quandam atque e cælo delapſam, legem, ſibi obſervandam colendamque exiſtimarent: modò nihil contra jura & Naturæ honeſtatem teſtator decreviſſet. Ita graviffimè Juſtinianus Novellâ Conſtitutione XXII. de Nuptiis Collatione IV. §. *Diſponat. Diſponat itaque*, inquit, *unusquiſque in ſuis, ut dignum eſt; & ſit lex ejus voluntas. ſicut & antiquiſſima nobis Lex, & prima penè Reipublicæ Romanorum, diſponens, ait ( dicimus autem XII. Tabularum, ſecundùm antiquam & patriam linguam ) ita dicens: Uti legaviſſet quiſque de ſuâ re, ita jura eſſo. nullo valente, citra illius voluntatem, nec ſi ſacram inſuppetet formam, nec ſi quiſpiam aliud omnium aliquid aliter diſponere malens. Eodem ferè modo Legem illam XII. Tabularum explicaverat Sextus Pomponiuſ lib. V. Leſionum ad Q. Macium. Latiffima poteſtas, inquit, tributa videtur & heredes inſtituendi, & legata & libertates dandi, tutelas quoque conſtituendi. Sed id vel interpretatione coanguſtatum eſt legum, vel auctoritate jura conſtituentium. L. Verbis Legis. D. de Verborum ſignificatione. Antiquiſſimam autem, & Romanæ penè Reipublicæ primam Juſtinianus vocat, quòd, poſt ſexaginta nondum ab exactis Regibus annos, XII. Tabularum Leges, ex Solonis præcipuè inſtitutis, conditæ perlatæque fuerint: creatique tunc Decemviri, qui illas ſcriberent, & Reipublicæ ſummâ cum poteſtate præeſſent. ut eum aliis Romanæ Hiſtoriæ auctoribus teſtatur Liviuſ lib. III. Ex hoc veluti fonte omnis apud Romanos dimanavit ſupremarum voluntatum obſervantia: atque id porrò unum, ne Æneidi præceret Virgilianæ, officere cecinit oſtim Auguſtus, quòd Æneida, expolitum nondum Opus, Maro comburi teſtamento juſſiſſet.*

*Sed legum eſt ſervanda fides. ſuprema voluntas  
Quod mandat fierique jubet, parere neceſſe eſt.*

quanquam, prudentiori longè conſilio, pulcherrimo Latinæ Linguae & divino propemodum, Poëmati, quàm Legi, conſulere Octaviuſ ipſe, pro ſummâ ſua auctoritate atque erga Latinas Litteras ſtudio, maluerit: ut ex his ejus verſibus conſtat.

*Fran-*

*Frangatur potiùs legum veneranda potestas,  
Quàm tot congestos, noctesque diesque, labores  
Hauferit una dies, supremaque jussu parentis  
Amittant vigilasse suum.*

Et infra. *Sed quod malè jusserat ipse,*

*Sit vetuisse meum.*

Quare, ubi de bonis secundùm tabulas possidendis agitur, non omnes tabulas Prator sequitur, ut Ulpianus præscribit lib. XXXIX. ad Edictum; sed supremas, hoc est, eas, quæ novissime ita sunt factæ, ut post eas nulla factæ sint. Supremæ enim hæc sunt, non quæ sub ipsum tempus mortis factæ sunt; sed post quas nulla factæ sunt: licet hæc veteres sint. L. Tabulas. D. de bonorum possessione secundùm tabulas. Nihil in veteribus Legibus frequentius.

IV. Et Canones confirmarunt: quibus Gratianus illud Gregorii cognomento Magni accensuit ex lib. III. epist. IX. ad Januarium Caralitanum Episcopum. *Pro fundandis etiam Monasteriis, quæ a diversis jussa sunt construi, si injussu perspicis hæc ab iis, quibus indicta sunt, excusatione differri; solumter, secundùm quod Leges præcipiunt, admonere te volumus, ne pia vivorum aut defunctorum voluntates, tuas, quod absit, remissione cassentur.* Canone Admonere. causâ XVI. quæstione I. Et Can. XIII. quæst. II. *Ultima voluntas defuncti modis omnibus conservari debet. quæ est Gregorii ejusdem sententia, desumpta ex lib. IX. epist. XX. ubi sic habet: Sed quia perlatum ad nos est, Pompejanam, religiosam feminam, velle de eodem monasterio ancillas Dei tollere, & per sua, unde acceptæ fuerant, monasteria revocare, atque illic congregationem construere monachorum; necesse est, ut, si impletum hoc fuerit, defuncti depositio (an, ut emendant alii, dispositio?) modis omnibus conservetur. Quodd si testatoris voluntati non paruerit heres; hereditate, jure optimo, decedit, veterum Legum auctoritate, quas laudat Justinianus L. Quæstionem. C. de Fideicommissis: quæ jussis dispositionibus testatorum omnimodò heredes obedire compellunt; & sic strictius causam exigunt: ut etiam amittere lucrum hereditatis faciant eos, qui testatoribus suis minimè paruerint. Nisi siquid naturæ jure debeatur, ut est legitima filii portio. Hanc enim non amitti, certum mihi est ex Authentica; Hoc amplius. quæ ibidem subditur; & plenior atque*

ex-



expressior habetur Collat. I. Constitutione Novellâ I. de heredibus & Falcidiâ. §. Siquis autem. in hunc modum: Si quis autem non implens, quod dispositum est; sed, dum competat ei, qui honoratus est, quod relictum est, etiam ex decreto iudicis admonitus, annum totum protraxerit, non agens hoc, quod praeceptum est: siquidem aliquis illorum fuerit, qui necessarii ex lege percipiunt; in plus autem, quam quod lex ei dare vult, scriptus est heres, tantum accipiat solum, quantum lex ei dari, secundum quartam ab intestato partem, concedit: aliud verò totum auferri. Quin etiam quorundam animis ea infedit erga supremas parentum suorum tabulas reverentia, ut, quamquam illas, veluti inofficiosas, accusare aliquando meritò potuissent; bonorum tamen extorres fieri maluerint, quam paternam convellere voluntatem. Qua in re egregium præ ceteris omnibus patientiæ exemplum Aphronia dedit, Ebutiæ filia. Nam, ut Valerius lib. VII. narrat cap. VIII. quum haberet (Ebutia) duas simillimas probigatis filias, Pletoniam & Aphroniam; animi sui potius inclinatione provecta, quam ullis alterius injuriis aut officiis commota, Pletoniam tantummodo heredem instituit; filiis etiam Aphroniæ ex admodum amplo patrimonio, viginti nummos legavit. Aphronia tum cum sorore sacramento contendere noluit; testamentumque matris patientiæ honorare, quam iudicio convellere, sanctius esse duxit: eò se ipsam indigniorem injuriâ ostendens, quò eam aequiore animo sustinebat.

V. Neque verò magis religiosè ac sanctè supremæ testatoris voluntati obtemperandum esse, Romanæ Leges sanxerunt, quam illam servari debere in condendis revocandisque, pro hominis arbitrio, testamentis libertatem. Nam, etsi coram summo Principe quis testatus fuerit; valeatque, Theodosiano jure, sine testium solemnitate, illud testamentum: integrum tamen homini est, quod decrevit, corrigere; posterioribusque tabulis voluntatem retractare suam. Voluntates etenim hominum, ut ad Johannem Præfectum Prætorio Honorius & Theodosius Augusti rescripserunt, audire volumus, non jubere: ne post sententiam nostram inhibitu videatur commutationis arbitrium: quum hoc ipsum, quod per supplicationem nostris auribus intimatur, ita demum firmum sit, si ultimum comprobetur; nec contra iudicium suum defunctus postea venisse detegatur. L. Omnium, C. de

*C. de Testamentis.* Immo & si quis Imperatorem fortè ipsum heredem scripserit; ei nihilominùs postea licet, exheredato Cæsare, alium quemcunque voluerit, heredem ex lege instituere, ex celebri Constantini Augusti sanctione ad Præfectum Urbis Volusianum. *L. Siquis. C. Qui testamenta facere possunt, vel non.* Unde, cum heredes instituuntur Imperator seu Augusta, jus commune cum ceteris habere dicuntur a Valente, Valentiniano & Gratiano A A A. Leg. VII. C. tit. eodem. Eademque de causâ testamentum imperfectum nihil Imperatori ad obtinendam hereditatem suffragatur, ut Paulo visum est Lib. V. Sententiarum Leg. *Ex imperfecto. D. de Legatis & Fideicommissis III.* Quod Imperatores aliqui, optimo virtutis, si in eâ perstitissent, exemplo, sanxerunt, Severus & Antoninus, Alexander, Justinianus alique. *Licet enim, inquit Alexander Antigono, Lex Imperii solèmnibus Juris Imperatorem solverit; nihil tamen tam proprium Imperii est, quàm legibus vivere.* Leg. *Ex imperfecto testamento. C. de Testamentis, & quemadmodum Testamenta ordinentur.* quo etiam modo Paulus locutus est & Séverus atque Antoninus. Hæc profectò digna vox est Majestate regnantis, legibus alligatū se Principem profiteri. Leg. IV. C. *de Legibus & Constitutionibus Principum & Edictis.* Quam verè auream Theodosii Augusti & Valentiniani Cæsaris ad Volusianum sententiam, utinam Principes omnes animo sibi nunquam atque oculis excidere paterentur; dignosque adeò se illi Symmachi commendatione præstarent: *Plus apud vos justitia, quàm licentia, valet!* Nam tyrannorum est, & feralis, vox illa Juliæ ad Antoninum Caracallam, quam utinam Pseudo-theologorum nemo, magno Reipublicæ exitio, auribus Christianorum Principum occineret! *si liber, licet.* ut est apud Ælium Spartianum. Atqui boni Principis est, prodesse non minùs, quàm præesse; Reipublicæ: neque Caligulam, insigne illud humanæ turpitudinis avaritiæque portentum, imitari decet, qui, teste Tranquillo in ejus Vita, testamentum primipilariū, qui, ab initio principatûs Tiberii, neque illum, neque se, heredem reliquissent; ut ingrata, rescidit; sed Publium Helvium Pertinacem; de quo sic Julius Capitolinus: *Legem sanè tulit, ut testamenta priora non priùs essent irrita, quàm alia perfecta essent; nève ob hoc*

*fiscus*

*fiscus aliquando succederet. Ipsoque professus est, nullius se aditurum hereditatem, quæ aut adulatione alicujus delata esset, aut lite perplexa, ut legitimi heredes & necessarii privarentur: addiditque Senatusconsulto hæc verba: Sanctius est, Patres Conscripti, inopem Rempublicam obtinere, quam ad divitiarum cumulum, per discriminum atque dedecorum vestigia, pervenire.*

VI. Sic etiam testamentum, cui centum aut mille testes interfuissent, per aliud rumpitur, quod, ex solemnî Romanarum Legum normâ, coram septem duntaxat testibus conditum fuerit, ut cum Interpretum vulgo colligo ex Leg. *Heredes palam. D. de Testamentis. §. Quid est palam.* & ex L. *Quam tabula. D. de bonorum possessione secundum tabulas.* Sic testamentum militis corrumpitur, quod communi jure ipse confecerit, si aliud postea militis jure opposuerit, ut constat ex Leg. *Militis codicillis. D. de militari testamento. §. Miles jure communi.* & notavit Ulpianus lib. II. ad Sabinum: *Tunc autem prius testamentum rumpitur, cum posterius ritè perfectum est: nisi fortè posterius vel jure militari sit factum &c.* Leg. II. *D. de injusto rupto & irritato facto testamento.* Sic solemnia alia testamenta per alia minùs solemnia aliquando revocantur. ut, si, solemniori septem testium numero, alienus homo heres institutus fuit; aufertur ab illo hereditas, si, quinque postea tantùm testibus adhibitis, in liberos transferatur, aut in eos generaliter, qui ab intestato successuri essent. Ita enim Theodosius & Valentinianus Augusti decernunt in Rescripto ad Florentium Præf. Prætor. quod habetur Leg. *Hæc consultiſsimâ. C. de testamentis.* Ex imperfecto autem testamento voluntatem tenere defuncti, nisi inter solos liberos a parentibus utriusque sexûs habeatur, non volumus. Si verò in hujusmodi voluntate liberis alia sit extranea mixta persona; certum est, eam voluntatem defuncti, quantum ad illam duntaxat permixtam personam, pro nullo (an nulli?) haberi, sed liberis ascribere. Et infra. *Siquis autem, testamento jure perfecto, postea ad aliud venerit testamentum; non aliàs, quod ante factum est, infirmari decernimus, quàm si id, quodd secundò facere testator instituit, jure fuerit consummatum. Nisi fortè, in priori testamento scriptis iis, qui ab intestato ad testatoris hereditatem vel successionem venire non poterant,*

in secundâ voluntate testator eos scribere instituit, qui ab intestato ad ejus hereditatem vocantur. Eo enim casu, licet imperfecta videatur scriptura posterior; infirmato priore testamento, secundam ejus voluntatem, non quasi testamentum, sed quasi voluntatem ultimam intestati, valere sancimus: in qua voluntate quinque testium juratorum depositiones sufficiunt. Similia ferè jam præscripserat Constantinus ad Basum Lege Inter omnes. C. Familia eriscunda. quam præ oculis Theodosius & Valentinianus habuerunt. unde etiam apud hos constat, emendandum esse locum, & legendum: *pro nulla haberi*. que admodum Constantinas scripsit. Quæ intelligenda tamen omnia, juxta Novellam Justiniani Constitutione. n. CVII. *De testamentis imperfectis, a parentibus in filios factis; & de divisione rerum, a filiis coram parente, & de ejus facultatibus factis, & subscriptis*. Collat. VIII. Testamenti autem, quod ad pios sacrosque usus, sive, quod ajunt, causas refertur, longè melior faciliorque est ratio: cui, ad priores solennesque tabulas infirmandas, duo solùm testes suffiunt, ut singulari ad Judices Vellethrenses Rescripto sanxit Alexander III. capite *Relatum 1. de Testamentis*. *Relatum est*, inquit Alexander, quodd, quum ad vestrum examen super reuictis Ecclesia causa deducitur; vos, nisi septem, vel quinque, idonei testes intervenerint, inde postponitis judicare. Et infra. *Mandamus*, quatenus cum aliqua causa talis ad vestrum fuerit examen deducta; eam, non secundam Leges; sed, secundam Decretorum statuta, tractetis, tribus, aut duobus, legitimis, testibus requisitis: quoniam scriptum est. *In ore duorum, vel trium, testium fiat omne verum.*

## C A P. III.

**I**nsignis Lex Papiniani. Pactum non valet, quo faciendi testamenti libertas coarctatur. Nec subsistit etiam ob hanc causam donatio, præterquam si Deo, aut Ecclesia fiat. Alia pacta a civili lege improbata. Si jurejurando firmentur, valent. Leonis Philosophi Constitutio XIX. Principum in infringendis pactis potestas. An revocari possit testamentum, jurejurando confirmatum. Non valere juramentum, nec perjurum esse, qui revocat, censent aliqui; & breviter consulantur.

H

Jo-

*Jobannis Voicles error. Velle & nolle, non est monachorum. Opposita durandi opinio. Nostra sententia. Ad rumpendum testamentum jurejurando firmatum, nisi intercefferit decennium, necessaria certa derogationis formula. Prudentissima Didaci Covarruvias admonitio.*

I. **V**erùm quid exempla prosequor testamentorum, quæ, ex illâ testandi libertate, infringi possunt & solent? quâsi verò commune totius Jurisprudentiæ Decretum possit in dubitationem revocari: aut Papinianus insigni illâ lege, qua, lib. 1. Definitionum, singula complectitur otiosorum testamentorum capita, non etiam adscripserit, primum testamentum alio rumpi, ex quo heres existere poteris. Leg. 1. D. de injusto rupto & irrito facto testamento. Nec pactum valet, quod dotali instrumento comprehensum est, ut, si pater vitâ fungeretur, ex aequâ portione ea, quâ nucebat, cum fratre heres patri suo esset, ex Leg. XV. C. de Pactis. quòd libertatem faciendi testamenti patri non possit auferre, ut innuunt ibidem Valerianus & Gallienus Augusti. Et quidem meritò, si Romanarum duntaxat legum ratio habeatur, Nam, ut ad Basiliam referripit Imperator Antoninus, pacta, quæ contra leges constitutionesque, vel contra bonos mores sunt, nullam vim habere, indubitati juris est. Leg. VI. C. tit. eodem. Sicuti plura planè sunt pacta, quæ civili jure dissolvuntur, aut irrita declarantur in Codice, tit. de pactis conventis tam super dote, quàm super donatione ante nuptias, & paraphernis. Unde colligunt, qui de civilibus rebus disputant, non subsistere, præterquam si Deo aut Ecclesiæ fiat, omnium bonorum vel futurorum donationem. quemadmodum nec stipulatio valet, qua libera testandi voluntas aufertur, ex Leg. Stipulatio. D. de verborum obligationibus. Sic etiam pactum dotali instrumento comprehensum, ut contenta dote, quæ in matrimonio collocabatur, nullum ad bona paterna regressum haberet, juris auctoritate improbat: nec intestato patri succedere filia ratione prohibetur. Lege III. C. de collationibus. Atque huic Alexandri Imperatoris Rescripto affine illud est Justiniani L. Siquando. C. de inofficioso testamento. de filio, qui, certis quibusdam rebus a patre acceptis, pactus fuerat, se querelam de inofficioso paterno testamento non intentaturum.

Si

Si enim post obitum patris filius, cognito paterno testamento, non agnoverit ejus judicium; sed oppugnandum putaverit: veteri iurgio expulso, hujusmodi pacto filium minimè gravari, Justinianus decernit: secundum Papiniani responsum, quo desinuit, meritis magis filios ad paterna obsequia provocandos, quàm pactionibus adstringendos. Quodd si pactioni ejusmodi jusjurandum addatur; tunc equidem illa ex vi religionis valet, ut adversus civilem legem sancit Bonifacius VIII. cap. *Quavis*. de pactionibus in VI. *Quavis* pactum patri factum a filio, cum nuptiis tradebatur, ut, dote contenta, nullum ad bona paterna regressum haberet, improbet lex civilis: si tamen juramento non vi, nec dolo præstito firmatum fuerit, ab eadem omnino servari debet: quum non vergat in aterna salutis dispendium, nec redundet in alterius detrimentum. Immo verò, etsi, absque ullo sacramento, paterfamilias in matrimonium filiam suam eà lege collocasset, ut ex aqua parte cum fratribus suis paternorum bonorum heres esset femina: istiusmodi tamen pactum suo in Imperio, hoc est, apud Græcos, servari, abrogatà Codicis lege XV. de pactionibus. voluit longè postea Leo Philosophus, Constantinopolitanus Imperator. ut patet ex ejus Constitutione XIX. ad Stylianum, Henrico Agyleo interprete. Hæc ibi, inter alia, habet Leo. *Posteaquam, inquam, istiusmodi quandam esse legem animadvertimus: tamen si etiam ante vestram sanctionem, ipsam, ne susciperent, excluderent communis hominum voluntas; tamen nos nihilominus omnem illi prorsus sanctionem & usum, decreto adimimus. At quid dicit? Etiam si, inquit, pater, quum in matrimonium collocaret filium; illum, post decessum suum, ex aqua parte cum aliis fratribus paternorum bonorum heredem fore, pacto promiserit: in potestate tamen illius, si velit, erit, ut pactum ejusmodi negligat; aliisque liberis amplius attribuat; & illi, cui aquam portionem in hereditate pactum concedebat, minorem assignet. Hoc itaque, quanquam alioquin, quomodo diximus, in Republicâ nullum locum habeat; nostro etiam decreto, velut in exilium ejectum, omnibus modis in Republicam ingressu prohibemus. Statuimus verò, ut parentum nemo jura filiorum, quibus cum reliquis liberis equalem hereditatis portionem servatum iri, in nuptialibus contractionibus proponerint, innovare tentet. Ac si quis pactiones suas aspernari, & illius, cui tantundem, quantum alii fratres habituri sunt, promiserit,*

H 2

por-

*portioni detrabere, compertus fuerit; sciat is, penitentiam mutatam voluntatem invalidam atque vanam habendam, Ex aqua enim cum aliis fratribus secundum initum pactum filius in bona succedet. Neque verò mendacium veritati praferri ulla ratio patitur, neque pacta conventa per improbationem adulterari, equum est; neque rationabili animali id facere convenit. Atqui, siquid aliud; hoc certè hominem decet, ut verbis suis fidem praestet, nisi mendaciis veritatem corrumpendo, destitutus ratione, eorum alio, qua ratione praeclara sunt, excidere velit. Quasi verò ignoraverit Imperator ille Philosophus, posse a Principibus, pro summâ illorum auctoritate, plura inter homines pacta, quae non e re esse judicantur, improbari atque infringi. Sed de toto Constitutionis hujus argumento redibit iterum sermo Libro quarto.*

II. Unum illud est, de quo aliqua esse potest controversia, & aliqua certè est inter Jurisprudentes: an posterioribus tabulis testamentum revocari possit, quod jurejurando confirmatum fuerit. Sunt enim aliqui, teneri adeò ac solliciti libertatis in testamentis condendis humanæ assertores, ut majorem illius, quàm sacramenti ipsius, rationem habere videantur: quum doceant, bonis adversari moribus illud de testamento non revocando jusjurandum perjuriique adeò crimine damnandum non esse, qui illud ex arbitrio auferat aut immutet. Ita sententiæ hujus princeps Bartolus in Leg. *Siquis in principio testamenti*. D. de Legatis III. & in Leg. *Stipulatio*. D. de verborum obligationibus. cui, cum Baldo, ex Jurisperitis aliqui adhærent, & quod longè admirabilius est, aliqui etiam e Theologis. Quis enim in animum induxerit suum, ita de jurejurando sentire illos potuisse, qui optimè sciunt, sanctam religionemque esse sacramenti affirmationem, qua Deum verum attestamur, hoc est, testem adducimus veritatis? Unde Concilii Constantiensis Patres æquissimo proscripserunt jure XLIII. hunc Johannis Vviclei, hæretici hominis, errorem: *Juramenta illicita sunt, quæ fiunt ad roborandum humanos contractus, & commercia civilia*. Sess. VIII. Quis, inquam, crediderit, ita illos sentire potuisse, qui experimento ipsi suo perspectissimum habent, licere cuiquam suæ nuncium remittere voluntati, solemni quæ strictioris atque Evangelicæ vitæ voto hanc constringere omnino potestatem testandi? quod

quod, si morum officeret honestati, penitus non liceret. Quem verò Catholicorum illud lateat, quod, tanquā ex Augustino Sermone III. de communi vitā Clericorum refert Gratianus can. *Non dicatis*. causā XII. quæst. I? *Quum hujus nostræ Congregationis fratres, non solum facultatibus propriis, in ipsâ ordinationis susceptione renunciaverint, & se per promissam obedientiam penitus aliorum potestati, & imperiis in Christo, & pro Christo, subdiderint; certum est, eos nihil habere, possidere, dare, vel accipere debere, sine superioris licenti*. Quare Augustinus serm. LVI. ad Fratres in eremo, qui est de vitâ Clericorum, juxta Chevallonii editionem, miserè deplorat Januarium presbyterum, qui communem vitam in monasterio professus; ausus tamen fuerat, morti proximus, testamentum conficere. *Testamentum, inquit, fecit presbyter, socius noster, nobiscum manens, de Ecclesiâ vivens, communem vitam proficiens, testamentum fecit, heredes instituit. O dolor illius societatis! o fructus natus non de arbore, quam plantavit Dominus! His &c. &c.* *ἡ ἀρχὴ* opponitur alia Guilielmi Durandi opinio, qui, non sine aliorum quorundam suffragio, asserit in Speculo tit. de instr. editio. §. *compendiosè*. juramento testamentum fulciri corroborarique, ut, sublatâ penitus revocandi testamenti potestate, frustra omnino sit, quod postea scribitur, testamentum.

III. Mihi verò, etsi neutra placeat sententia, nec perpendenti seriò omnia placere possit; non libet tamen adversus illos, sive Jurisprudentes, sive Theologos, longiùs disputare. Sentio quidem, quod, communi jam consensione, ceteri approbarunt, perjurum esse, qui fidem suam sacramento adegerat, ne testamentum revocaret; & revocat tamen: sed valere nihilominùs, quod postea decreverit; & prioribus idcirco tabulis posteriorem, eamque ultimam, præferendam esse voluntatem. Quanquam, nisi inter primum & alterum testamentum annorum decem spatium intercesserit; ut munitæ sacramento tabulæ infirmetur, necessaria mihi certa aliqua derogationis, sive abrogationis etiam, formula videatur. *Non est enim præsumendum*, ut benè prudenterque admonet Didacus Covaruvias de Testamentis II. Parte Rubr. num. XX *quenquam velle mortale crimen committere, nisi evidenter hoc consulerit*. I.



*Merito. ff. pro socio. maxime in actu, qui probe mortem fit. cap. Litteras. & ibi glos. verbo tam grave. de presumpt. Unde, cum revocatio prioris voluntatis constet in presumptis, vel evidenti testantis intentione; dicendum est, non videri primum testamentum sublatum per secundum, in casibus, quibus ex hac revocatione testator perjurus esset: nisi appareat manifeste. Haftenus Covaruvias. cui favet glossa quædam singularis in Cap. Cum non deceat. de electione & electi potestate in VI. ad v. Effectus. Sed cur plenissimum hunc contentionum altercationumque funem trahendum mihi in loco non opportuno imprudenter existimem? quando optimus ille senex, cui filii unius culpa mutandi testamenti voluntatem injecit, nullo se obstrinxerit sacramento, quominus plenâ, quam Civilia ei Canonicaque Jura impertiuntur, libertate fruatur.*

## CAP. IV.

**Q**uando rescinditur testamentum. Quid hereditas? Ciceronis definitio. Legata testamento adveniunt; at ad iriam spectat heredis institutio. Testamenti definitio illustrata. Jacobi Rillii, Viri Clarissimi, supplementum improbatum. Constantini Augusti argumentum. Calphurnii Longini sententia. Justa sententia qua sit. Quid iustum apud Jurisconsultos. Iustum testamentum, quatenus heredis institutionem continet. Nihil in Codicillis legitimum. Testamentorum a Codicillis discrimen. Terentianum dictum. Justa Rillii laus. Auctoris suâ in patriâ solitudo. Nostri patrisfamilias consilium. Si legata tantum adjicit, non mutat prius testamentum. Satis illi est, codicillos scribere. Codicillorum definitio. His hereditas directè neque datur, neque adimitur. Vera Papiniani laus. Excipitur militis hereditas. Codicillorum origo. Quando cepere legata codicillis demandari. De Ulbiani sententiâ quaesitum. Exaquaata ab Justiniano fideicommissis legata. Codicillis legata relinqui posse. Justiniani locus explicatus. Auctoris sententia. C. Trebatius Ciceroni charus. Labeonis Antistii doctrina. Qua ratione valeant in codicillis legata.

**I**Mmo verò, postquàm huc nos quæstionum series perduxit; illud demum dicam, & verè, quod nonnemo forsan mirabitur: otiosam videri posse minimèque cõsentaneam totam hanc nostram de infirmando patris illius familiæ testamento disputationem. quasi scilicet conditum inter liberos testamentum mutare homo velit, unumque ex illis exheredare. Nam, si rem ipsam non ex vulgi opinione, sed ex veritate atque ad exactam Civilis Prudentiæ normam, pensemus: tunc rescindi testamentum dicitur, & verè dici debet, cum alius posterioribus tabulis instituitur heres; seu, cum exheredatur ille, quem priori testamento heredem institueramus. Sive enim adoptione, quam agnationem sui heredis Papinianus & Justinianus vocant, sive posteriori testamento, rumpatur; jam apud omnes constat, exheredem fieri, qui fuerat alioquì per hereditatem in universum testatoris jus successurus. Quid est enim aliud hereditas, quàm *successio in universum jus, quod defunctus habuit tempore mortis?* Leg. *Nihil est aliud. D. de verborum & rerù significatione.* Et Leg. *Hereditas. D. de regulis juris.* quæ est Juliani lib. VI. Digestorum, & Caji lib. VI. ad Edictum Provinciale, definitio. Huic autem similis est illa alia Marci Tullii in Topicis, ubi agit de definitione. ibi nanque sic hereditatem definit. *Hereditas est pecunia, quæ morte alicujus ad quempiam pervenit jure: nec ea, aut legata testamento, aut possessione retenta.* Unde, etsi legata, quæ testamento apposita sunt, varientur postea, augentur, minuantur transferanturve; eadem tamen maneat *κληρονομία ἡς αἰς*, seu, heredis heredumve institutio; idem maneat testamentum, oportet: & siqua est mutatio, ea adventitia tantùm sit, & *κατὰ συμβεβηκός*. Neque enim ad testamenti *ῥόγαν* spectant legata: sed, heredis tantùm institutio, ut Jurisconsulti, eosque inter, Arnoldus Vinnius in Institut. *de Testamentis ordinandis*, adnotant ex Leg. *Qui testatur. D. de heredibus instituendis: §. Qui neque legaturus est.* Neque adedò ad hereditatem, teste Boëtho ad eum in Topicis locum de definitione. *Non igitur legatum, aut possessionis retentio, substantiam hereditatis efficiunt.* Atque hinc testamenti definitio, quam supra ex

Modestino attulimus, non ita intelligi debet, ut sit qualiscumque de eo, quod post mortem fieri decernimus, sententia; sed iusta: hoc est, ne jus testamentorum & codicillorum confundatur, ut heredis institutionem necessario contineat. Sicuti eam definitionem, veluti mancā, non incongruenter implere sibi visus est Jacobus Rillius, Florentinus, Vir Clarissimus, in suis Juris Civilis Elementis lib. II. cap. X. litt. G. Ego, inquit, definitionem Modestini optimam puto: si tamen hæc postrema verba addantur, quæ desunt in dictâ Leg. 1. ff. qui testam. fac. poss. hoc est, heredis institutionem necessario continens. Aliàs cum Codicillis Testamenta confunderentur. Ego verò, ut ingenio sim imbecillius, neque ad Civilem scientiam comparato; satis tamen, vel absque Rilliano illo additamento, codicillorum a testamentis discrimen in Modestini definitione intelligo: sicut & veteres intellexerunt Jurisconsulti omnes. Ut enim Imperator olim Constantinus ad Maximum Præfectum Prætorio argumentatus est, si idem codicilli, quod testamenta, possent; cur diversum his instrumentis vocabulum mandaretur? quæ vis ac potestas unâ sociasset? Leg. VII. C. de codicillis.

II. Igitur, si heredis institutione testamenta maximè constant, atque a codicillis distinguuntur, juxta Calphurnii Longini sententiam: Non potest ullum testamentum valere, quod heredem non habet. Leg. Proximè. D. de iis, quæ in testamento delentur, inducuntur & inscribuntur; hanc satis superque distinctionem definitione ipse suâ Modestinus complectitur, dum testamentum non qualitercumque sententiam nostræ voluntatis de eo, quod post mortem nostram fieri velimus, vocat; sed iustam: id est, non solemnem tantum, sed legitimam quoque, omni ex parte perfectam, & legibus Romanoque jure præscripam, sententiam. quemadmodum & Ulpiano Tit. XXI. de Testamentis. testamentum est mentis nostræ iusta contestatio, in id solemniter factum, ut post mortem nostram valeat. Sic enim iustum, voce Jurisconsultorum propriâ, accipi debet, quod æxϕis Græci dicunt, id est, omnibus numeris absolutum atque ad exquisitam Legum rationem exactum conformatumque. ut, iusta uxor, id est, jure legitimo uxor, Ulpiano lib. II. de adulteriis. Leg. Si uxor, D. ad Legem Juliam. & Ciceroni I. Tuscul. Quæst. iustus filius Paullo lib. XXXVII. Responsorum.

rum. Leg. *Paulus. D. de statu hominum* & *Cajo lib. I. Institutionum. Leg. Generalis. D. de adoptionibus & emancipationibus. iusti liberi Justiniano Inst. de hereditatibus, quæ ab intestato deferuntur. §. Sui autem. iustæ nuptiæ eidem Inst. de patriâ potestate. §. I. & de nuptiis. τ. I. iustus dominus M. Tullio I. Officiorum. iusta hereditas Paulo lib. XXXII. ad Edictum. Leg. Ea verò. D. pro socio. & Varro-  
ni lib. II. de re rusticâ. iusta materfamiliâs Livio lib. XXXIX. Frequentissima est apud Livium vocis hujus elegancia. Denique illud *iustum* generaliter accipiunt, quod omni jure præditum est, ut hujusmodi appelletur. Unde Isidoro Hispalensi lib. X. Originum, *Iustus dictus, quia jura custodit; & secundum Legem vivit*. Hac porro ratione testamentum Modestino dicitur, *iusta sententia*; Ulpiano *iusta contestatio*, quodd ea demum sit plena, atque, ex Romano solemnique jure, legitima ultimæ voluntatis nostræ declaratio. Id autem testamentum non habet, nisi quatenus heredis institutionem comprehendit: quum hanc esse rite justæque de rebus post mortem nostris decernendi rationem Romanæ Leges voluerint, ut heredem instituamus: ut nempe, postquam corpore soluti fuerimus, supersit adhuc in eo, qui universo juri succedit & vivat voluntas nostra. At verò nihil in Codicillis legitimi justique adeò, invenitur: neque illi jure, aut Romanâ aliquâ lege, promulgati introductique fuere; sed moribus paullatim, & populi Romani consuetudine, ut paullò post explicabimus: neque inde jus in ipsam hereditatem Fideicommissario Legatariove ullum acquisitum est. contraquam in Testamentis contingit, quæ, ex sacrosanctâ Romanarum Legum auctoritate, successionem heredi in universa defuncti jura, institutionis nomine, deferunt. Sint ergo Codicilli voluntatis quidem nostræ sententia; sed tamen non iusta. quo uno certè discrimine constat, quàm bene a codicillis & quocumque alio instrumento, testamenta distinguantur. Quæ si omnia Rilius eâ, qua cetera profecutus est, diligentiam perpendisset; maluisset, opinor, explicare, quàm supplere, Modestini definitionem. Licet enim gravissimos auctores habeat, quorum se exemplo tueatur, Accursium, Azonem, Paulum C. strensem; acutiores tamen diligentioresque in his rerum vocumque civilium discriminibus existi-*

sti-

stimari veteres illi debuerant, qui Romana nobis jura condiderunt, quàm tota hæc recentiorum turba. Mihi sanè Terentianum illud mirum in modum placet, Prolog in Andriam, ut æmulari Veterum negligentiam, siqua nostris videtur, malim, *quàm istorum obscuram diligentiam*. edque magis nihil Modestini definitioni deesse pato, quo postea vidi in meam doctissimos viros sententiam conspirasse, Franciscum Duarenum in Tit. *Qui testamenta facere possunt*. & Covaraviam I. Rubr. Part. de Testamentis. Hæc æqui bonique consulere eos velim, qui Rillio, ut par est, patrocinantur & favent: cujus etiam doctrinæ, atque optimo promovendæ ad Civilem scientiam Juventutis consilio, non scriptis solùm; sed & frequenti inter amicos sermone, plurimùm deferre soleo: etsi peregrinus, quantum licet, in patriâ meâ vivam, & paucis tantùm familiaris, spectatæ doctrinæ eruditionisque viris. plurimi enim vanum quandam divitiarum fulgorem aut ambitionem sectantur. Nunc ad cetera progrediamur.

III. Quum itaque noster pater familiâs non id agat, ut, quem equo cum aliis liberis institutionis honore heredem testamento fecerat, ingratum exheredet filium, aut unum filiorum alteri, hereditatis nomine, præferat: sed, posterioribus, quas scripturus est, tabulis omnes singulosque velit filios instituere heredes; id verò unum sibi animo proposuerit, ut, quæ legitimæ cujusque portioni supersunt, cetera bona, non jam ad filios omnes indiscriminatim deferat, sicuti primo constituerat testamento; sed ad illos duntaxat, qui omni officiorum genere paternam sibi benevolentiam promeruerint (siquidem iis, quod reliquum est, leget, aut quocunque alio, præterquam institutionis & hereditatis titulo, relinquat); illud faciliè consequitur, quod vident omnes, hac legatorum adjectione non infirmari, quantum ad *veritas* quidem spectat, sed confirmari potius, testamentum: eas verò, quæ postea de legandis bonis forsan conscribuntur, tabulas, codicillorum potius, quàm mutati testamenti, naturam aliquatenus sapere. nisi tamen quis testamentum *ἐπιθετικόν* appellare malit, quatenus iidem, qui priùs, heredes instituuntur. Sed cur frustra pater familiâs velit, eadem heredum institutione, testamentum repetere? quando codicillis, facili illo ultimæ voluntatis

ratis humanæ compendio, & bonis filiis gratificari, & suæ facere satis potest voluntati. *Caput* enim, ut bellè ait summus Prudentiæ arbiter Justinianus Institut. lib. II. de Legatis §. Ante heredis. atque fundamentum intelligitur totius testamenti, heredis institutio. Κωδικίλλος δὲ, auctore Theophilo; Græco illo Institutionum interprete, ἰσὺ ἁλλωπαρὶς ἐν διαθήκῃ γράμμις τις ἀτάσος ἀναπαλήρωσις. idest: Codicilli autem sunt eorum, quæ in testamento testatoris voluntati desunt, supplementum. Unde Codicillis hereditatem directam neque dari neque adimi posse; & ided nec exheredari aliquem posse, notissimum est Romanæ prudentiæ decretum, ex Institutionib. de codicillis. §. Codicillis. ex Leg. Hereditatem. C. & ex Leg. Si idem. de codicillis. denique ex Leg. Scævola. D. ad senatusconsultum Trebellianum. Cujus fanè rei rationem hanc affert lib. XV. Quæstionum Papinianus, quem juris asylum & doctrina legalis thesaurum verâ laude nuncupat Spartianus in Septimio Severo. Quod per manus traditum est, inquit Papinianus, codicillis hereditatem dari non posse, rationem illam habet: ne per codicillos, qui ex testamento valerent, ipsum testamentum, quod vires per institutionem heredum accipit, confirmari videretur. Leg. X. D. de jure codicillorum. Hac tamen lege nullitis hereditas excipienda est, quam codicillis dari Jurisprudentes permiserunt, ut, inter alios, idem Papinianus respondit lib. VII. Responsorum. Militis codicillis ad testamentum factis etiam hereditas jure videtur dari. Leg. XXXVII. D. de militari testamento. ubi sic glossa: Et non mireris, si dictus Cæjus in codicillis pro dimidiâ institutus, habere debet dimidiam hereditatis: quia militis codicillis ad testamentum factis, etiam hereditas jure directo videtur dari: licet secus sit in codicillis pagani.

IV. Quanquam autem, veteri jure, scilicet, antequàm in usum Codicilli venirent, legata non nisi testamento relinqui possent, ut Justinianus ipse testatur Institutionum lib. II. de fideicommissis hereditatibus. §. Praterea. attamen, postquàm, Augusti temporibus, codicillorum exemplum L. Lentulus primus dedit; & quæ jure non debebat Lentuli filia, legata solvit, Romanisque passim moribus probati receptique sunt codicilli; legata quoque deinceps, æquè ac fideicommissa, ratione optimâ ceperunt codicillis deman-

dari

**dari** : sive invalescente statim usu, ut ex Pandectarum auctoritate quidam opinantur; sive, quod certius multò est nobisque visum, longè postea per Legem Justiniani. Nam, quidquid sit de Ulpiani sententiâ ex lib. LXVII. ad Edictum, quam a Triboniano ipso, Magno illo Justiniani in Magno Opere adjutore, interpolatam non ægrè persuasdeor, quum in Florentinis Pandectis, maximè insigni totius antiquitatis Codice, ea legatur, Leg. I. Tit. *de Legatis & Fideicommissis* l. lib. XXX. Quidquid, inquam, sit de verâ Ulpiani lectione; &, an alii fuerint ante Justinianum, nec ne, exequandorum fideicommissis legatorum auctores: illud planè certum atque apud omnes exploratum est, æquata *δὴ τὰς αἰτίας*, per omnia, fuisse fideicommissis legata, ex celebri Justiniani Lege *Omne verbum. C. Communia de Legatis & Fideicommissis*: Sit igitur, secundum quod diximus, ex omni parte verborum non inefficax voluntas, secundum verba legantis vel fideicommittentis: & omnia, que naturaliter insunt legatis, & ea fideicommissis inherere intelligantur; & contra, quidquid fideicommittitur, hoc intelligatur esse legatum: & siquid tale est, quod non habet naturam legatorum, hoc ei ex fideicommissis accommodetur &c. Quod & ipse docet, seu explanat, Institution. lib. II. de Legatis. §. Sed non usque. Sed non usque, inquit, ad eam Constitutionem standum esse existimavimus. Scilicet, ad illam, quæ prima est in Codice, eo titulo: *Communia de legatis*. Cum enim, pergit Imperator, antiquitatem invenimus, legata quidem strictè concludentem; fideicommissis autem, quæ ex voluntate magis descendebant defunctorum, pinguiorem naturam indulgentem: necessarium esse duximus, omnia legata fideicommissis exæquare, ut nulla sit inter ea differentia: sed, quod deest legatis, hoc repleatur ex naturâ fideicommissorum; & siquid amplius est in legatis, per hoc crescat fideicommissorum natura. Hactenus Justinianus.

V. Unde frequentiori ferè Jurisprudentum suffragio receptum est, ut jam non testamento solùm, sed codicillis etiam, liceat patrifamiliâs fidei æquè committere ac legare: ita tamen, ut quamquam legata sint, quæ codicillis discernuntur: non ut legata, sed, ut fideicommissa, ob exæquationem illam, valeant. qui est sensus verborum Justiniani Institution. *De Fideicommissariis hereditatibus*. §. *Præterea*:

terea: quum aliqui legata, nisi ex testamento, non valeant. Id enim tantum vult, non valere ex codicillis legata, qua legata sunt, καὶ ἀνὰ δὲ πλάωσι: etsi ex Iurisconsultis aliqui non itaisperceperint. Hæc verò postquam scripsissem; remque totam mecum expendissem diligentius, sic breviter sentio: moribus quidem populi Romani usurpatum ante Justinianum fuisse, ut legata codicillis relinquerentur. Neque enim negare possumus, quod maximè Imperator fide, Justinianus lib. II. Institution. de Codicillis, testatur; non tantum fideicommissa; verum etiam legata, codicillis scripta esse a Lucio Lentulo, cum in Africà moreretur. Exemplum ceteros secutos, nullus dubito: maximè postquam Codicillorum usum Augusto probavit C. Trebatius, vir a civili Doctrinà Ciceroni olim commendatissimus, ad quem Topica extant, plenus civilium exemplorum liber; & codicillos facere non dubitavit, severissimis homo moribus, Labeo Antistius, quem *Legum atque morum populi Romani jurisque civilis doctum apprime fuisse*, ex Attei Capitonis auctoritate narrat Gellius lib. XII. cap. XII. Veruntamen, siqua tunc legata codicillis mandabantur: ea nullo jure nullaque lege debuisse ab herede solvi, quum, ex legibus, non nisi ex testamento valerent: sed solvi tamen, ex pudore quodam atque erga defunctos homines reverentià, consuevisse. Id de Lentuli filià constat, quæ legata sibi a patre, codicillis relicta, solvisse fertur: etsi illa jure non deberet, ut ait Justinianus. Siqua verò ante tempora Justiniani fuit legatorum fideique commissorum exæquatio, ut aliqua forsàn fuisse ex Ulpiani testimonio videtur; eam usu quodam potius, & populi favore, quàm legitimo jure, constitisse. Sed Justinianus postea latà lege legitimum fecit, quod moribus tantum & populi consuetudine continebatur, ut legata fideicommissis æquaret: atque inde factum, ut legata, quanquam, ut legata, non valeant; quatenus tamen, ex illà exæquatione, quandam veluti fideicommissorum rationem induerunt, valere jure optimo magnà ex parte censeamus. Hæc mea est sententia, quæ Justiniani gravissimà nititur auctoritate. Siquis aliter sentiat, doceri non illibenter velim.



## CAP. V.

**I**s legari posse, qui possunt heredes institui. Inutilia olim legata, pœna nomine, relicta. Id explicatum. Africani verba a Triboniano forsan interpolata. Africani sententia. Divi Antonini Pii Rescriptum. Vetus Jus ab Justiniano emendatum. Non hic de legatis, pœnæ nomine, relinquendis agi. Nihil iniqui in patris nostri familiâ consilio. Legitima portio, Græcis νόμιμον μέρος, & propriè apud Latinos, quarta legitima partis. Filiusfamiliâs, quodammodo dominus. Novellæ Justiniani Constitutiones, Authentica ab Accursio, & cur, dicta.

**S**EJ nostrâ tamen parùm interest, utrum codicillis, an testamento, velit pater legata liberis suis relinquere, quando neminem ex illis æquâ hereditatis institutione defraudat. Posse enim paterna bona, quæ justæ cujusque hereditati accedunt, huic vel illi filiorum legari, eâ ratione certum est, quæ omnes ii possunt legati titulo res accipere, qui possunt heredes institui, Justiniano auctore Institutionib. de Legatis. §. Legari. Sicut & ille legandi potestate fruitur, cui testari jure permissum est, ut testatur Paullus lib. singulari de Jure codicillorum. Leg. Conficiuntur. D. de jure codicillorum. §. Codicilli. Et confirmare possumus ex Ulpiano lib. I. Fideicommissorum. Leg. Sciendum est. D. de legatis & fideicommissis I. Neque verò obstat, quòd ingratus noster filiusfamiliâs in malè juncti matrimonii pœnam legatis, quæ ceteris suis fratribus præstet, gravari hac ratione, veluti justus & ipse heres, videatur. Etenim, quæ legata, pœnæ nomine, veluti inutilia, veteres Jurisconsulti damnarunt, ea non ἀνόητος, sed, sub conditione, ut ajunt, deferri consueverant: ut nempe hæc vel illa, legati titulo, alteri dare heres juberetur, si testatoris voluntati non pareretur; si verò pareret, nihil illi præstandum esset. Qualia leguntur exempla apud Justinianum Institution. lib. II. de Legatis. §. Pœna quoque nomine. apud Ulpianum. Leg. Uxori sue. D. de penù legat. apud Paullum. Leg. 1. D. Ad Legem Falcidiam. §. Item si ita legatum sit. & Leg. Si penum. D. Quando dies legatorum vel fideicommissorum cedat. Ea  
por.

porrò legata, quæ non in honorem, sicuti debent, sed in pœnam cedunt, nullius esse momenti Africanus respondit: cuius verba in Digestis lib. XXXIV. a Triboniano interpolatâ docti viri suspicantur. Sic enim habet Leg. I. Titulo, *de iis, quæ pœnæ nomine relinquuntur. Filiofamiliâs, vel servo, herede instituto, etiam si in patris dominive pœnam illicitè vel probrosè datum est, nullius momenti legatum esse respondi. Non enim id solum, quod in heredis; sed omne, quod, in cujusque, lucrum aliquod ex ultimâ voluntate sentientis, talem pœnam in testamento scriptum sit, nullius momenti habendum est. Ubi tamen illicitè vel probrosè, additamentum videntur Triboniani. quanquam Africani sententia percipi adhuc possit; & illam bene perceperit glossa. Nunc quaritur, inquit glossa, an valeat legatum eorum centum, quæ jussus sui dare Sempronio, si non darem decem Sejo; & dicitur, quod non: quia, in mei patris vel domini pœnam, fuit relictum. & sic illicitè vel probrosè. Auctor verò est Julius Capitolinus, Divum Antoninum Pium, primum constituisse, ne pœnæ causâ legatum relictum maneret. Attamen qualiacunque hæc vetera de legatis jura correxit meliori longè consilio Justinianus tum in Codice, Le. e unica *de iis, quæ, pœna nomine, in testamento vel codicillis scribuntur, vel relinquuntur.* tit. XLI. lib. VI. tum in Institutionibus de Legatis: ubi, postquam antiquorum Jurisprudentum placita retulisset, Sabinique cum primis, qui Antonino Pio *ὁυ γὰρ ποτὶ* fuit, & nec heredem; pœna nomine adjici posse existimabat; subdit Imperator. *Sed hujusmodi scrupulositas nobis non placuit; & generaliter ea, quæ relinquuntur, licet pœna nomine fuerint relictæ, vel adempta, vel in alium translata, nihil distare a ceteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut aliàs probrosa.* Quod & Juris Canonici tractatores confirmant in cap. *Raynaldus. de Testamentis.* verb. *adjicens.**

II. At non è re fortâ fuerit, non sine aliquâ molestiâ, hæc de legatis attigisse, quæ, pœnæ nomine, præcipiuntur: quum longè dissimilis sit rei, quam tractamus, ratio. Neque enim patri nostro familiâs propositum est, ad coercendum comprimendumque aliquem ex heredibus, legatorum illi gravia onera imponere, nisi iussa testatoris ex-  
ple-

pleverit, quod profectò per Justinianum liceret: sed, postquam, ut sæpe diximus, ipiùsque dicere argumentum ipsum nostrum jubet, filiorum unus impari matrimonio non leve universæ familiæ detrimentum intulit; nec ullum malo huic jam remedium superest; reliqua omnia, ultra legitima n cuiusque portionem, bona officiosis morigerisque filiis ἀπλῶς legare, ut summæ istorum erga patrem assidueque observantiæ, majori aliquo beneficio, respondeat; consulatque hac ratione suæ in posterum familiæ.

III. Quis hîc verò aliquid excogitet, aut, post longam accuratamque meditationem, reperiatur, quod Romanis Legibus morumque aut naturæ honestati adverferetur, si pater, quum æquo institutionis honore singulos indiscriminatim liberos affecerit; plus deinde uni, quàm alteri, legati titulo, relinquat? Siquidem, ut jure paterfamiliàs testetur, unam tantùm cuique filiorum legitimam portionem, hereditatis nomine, debet, quæ Græcis dicitur *ρόμιον ἀλῶς*, seu, *ut os*; Justiniano autem Leg. *Si totas*. C. de inofficiosis donationibus, debitum bono in subsidium; & propriè *quarta legitima portionis*, Institutionib. De inofficioso testamento. §. *Sed hæc ita accipienda sunt*. qua etiam fit, ut Paullus Jurisconsultus lib. II. ad Sabinum, *dominum quodammodo*, filiumfamiliàs dixerit. Leg. *In suis heredibus*. D. *De liberis & postumis heredibus instituendis*. Quidquid verò præterea rerum bonorumque est, sine ullâ inofficiosi testamenti notâ, ut voluerit, & quibus voluerit, pro arbitrio distribuere pater ut potest, ut prudentissimè Justinianus sanxit Novellâ Constitutione XVIII. de triente & semisse. §. *Frequenter*. *Icebit enim ei, reliquum octuncium fortè aut sexuncium, habere, & largiri, sicut voluerit, filiis ipsis, aut cuilibet extraneorum: & naturâ primò curatâ competenter, sic ad extraneas largitates accedere: hoc observando in omnibus personis, in quibus ab initio antiq̃ quartæ ratio, de inofficioso lege decreta est*. Hactenus Novella Constitutio. Novellas enim [ut id semel dicamus] eas Justiniani Constitutiones cum Gregorio Magno apud Gratianum causâ XI. quæst. I. can. *De personâ*. & ceteris, qui, usque ad Accursii ætatem, eum secuti, appellare magis ali-

quan-

quando libet, quas in unam veluti congeriem, extra Codicem, relatas, τὰς παρὰ Justinianus ipse vocat; & Authenticas, novâ voce, ut ab Epitome Julianâ distinguerentur, dixit postea, magnâ reliquorum Antecessorum consensione, Accursius.

## CAP. VI.

**L** Ex XII. Tabularum dura. Quæ concepta fuerit. Vetus legatorum licentia per Furiam & Voconiam Leges constituta. Furia, olim Fusia. Hac minùs quàm perfecta Lex. Voconium Plebiscitum quando latum. Mendosa Livianæ Epitomes lectio. Præcipua duo Legis Voconia capita. Locus Ciceronis ex Actione III. in Verrem restitutus, atque adversus Hotomani fusè explicatus. Vetus lectio. Roberti Stephani emendationem ceteræ amplexæ editiones. Hotomani in Ciceronem explanatio. De Tullio optimè meritis Paulus Manutius. Res tota e Cicerone sub adspèctum posita. Leges in posterum, non in præteritum valere. Incanta Verris avaritia. Hotomani explicatio improbata. Quid de Voconia Lege Veteres scripserint. Absurda Hotomani sententia. Hujus verba. Nostra Ciceroniani loci explicatio. Verris edictum, & consilium. Verba Ciceronis explanata. Philippi Junta & Gryphii editiones. Quid licere per alium dicatur. Catonis dictum. Ciceronis ratio roborata. Ciceroniani loci paraphrasis. Minimum de Verris improbitate judicium. Absurda sententia Ciceroni ab Hotomano afficta. Voconia Legis, juxta recens commentum, ἀντίγραφος. Partes duæ ἀντιγραφικαί. Nulla explanationis nostra ἀσυστά.

**I** E Quidem, si vetustissima tempora spectemus, ut semper soleo antiquitatem animo longiùs repetere; per illam XII. Tabularum Legem: *ut quisque legasset suæ rei, ita jus esto*. tam ampla, ut Justinianus ipse narrat Institution. lib. II. de Lege Falcidiâ, tributa erat patrimonii totius legatis exauriendi patrifamiliâs potestas, ut inde ferè nihil ad heredem, cui scilicet adeundæ hereditatis onus incumbit, perveniret.

I

Quam

Quam idcirco legem, veluti acerbissimam, duram nimis & agrestem, non immerito reprehendit Alexander ab Alexandro Genialium Dierum lib. VI. cap. X. in quo scilicet prolequitur, quæ Lege XII. tabularum utiliter & commodè, quæve parùm consultè & nimis severè, scripta videbantur. Sic verò integrè ea Lex concepta fuit: *Paterfamiliàs uti legasset super pecuniâ tutelæve suæ rei, ita jus esto.* sive, ut est apud Ciceronem lib. II. de Inventione: *Paterfamiliàs uti super familiâ pecuniâque suâ legaverit, ita jus esto.* Quare, ad nimiam hanc legatorum licentiam coarctandam cōstringendamque, latæ postea fuere Leges, Furia, & Voconia. Iuriâ, sive Fusiâ [Fusia enim dicta est olim, quæ nunc Furia: sicuti Valesii, qui nunc Valerii, teste Macrobio Saturnaliorum lib. III. cap. II.] Furiâ, inquam, Lege, quam Tribunus plebis, Caius Furius, sive Fufius, rogavit, cautum fuerat, necui plusquàm mille asses, aut, ut effert Theophilus, *χίλια νομίσματα*, legarentur. Hæc minùs quàm perfecta lex visa est Ulpiano tit. I. de Legibus & Moribus. Nec immerito. *Minùs*, inquit, *quàm perfecta lex est, quæ vetat aliquid fieri; & si factum sit, non rescindit: sed pœnam injungit ei, qui contra legem fecit, qualis est Lex Furia Testamentaria, quæ, plusquàm mille assium, legatum mortisve causâ prohibet, præter exceptas personas: & adversùs eum, qui plus ceperit, quadrupli pœnam constituit.* Nihilò melior, quanquàm multò celebratior, Voconia, a Tribuno pleb. Q. Voconio Saxâ, de mulierum hereditatibus, quam, Cneo Servilio Cæpione & Q. Marcio Philippo iterùm consule, quinque & sexaginta annos natum se, magnâ adhuc voce, & bonis lateribus, suasilæ, Marcus Cato apud Ciceronem .n lib. de Senectute, gloriatur. scilicet, an. U. C. DLXXXIV. paullò ante Macedonicum cum Perseo Rege bellum: postquam lustrum a Censoribus conditum est; censuque civium capita *CCCLXXIII. CCXLIV.* ut refert Liviana Epitome lib. XLI. quo tamen in loco mendosè *Volumnius* legitur, exceptâ Amstelodamensi Elzevirianâ ann. MDCLXIV. in omnibus, quas plurimas habui, editionibus: Romanâ etiam eâque primâ omnium, quam an. MCCCCLXX. diligentissimè adornavit, et tulitque cum honorificâ præfatione, Paulo II. Pontifici Johannes Epiicopus Aleriensis.

II. Ea

II. Ea, ni fallor, Lex duobus præcipuè sub capitibus [hec enim duo dumtaxat, non alia, siqua fuisse forsan videntur, ad institutum nostrum pertinent] comprehendebatur: quorum uno sancitum fuerat, *qui post eos Censores census esset, nequis heredem virginem, neve mulierem, faceret*. ut est apud Tullium Actione III. in Verrem; altero verò, qui census esset, nequis plus alteri legaret, quàm esset ad heredem heredesque perventurum. ut non Theophilus tantum testatur; sed & innuere videtur Cicero illis eadem Actione verbis, quibus Verrem incautè in proponendo suo edicto avaritiæ redarguit. *At, si hoc, juris, non unius causa hominis, cautissies, cautius composuisses. Scribis: Si quis heredem fecit, fecerit. quid si plus legarit, quàm ad heredem heredesque perveniat? quod per legem Voconiam ei, qui census non sit, licet*. quasi scilicet ei, qui census esset, minimè per Voconiam legem liceret, plus feminæ, vel etiam unicæ filiæ, legare, quàm ad heredem heredesque perveniret. Suae enim hic obiter Ciceroni restituenda est lectio, quam nimia docti homines curâ corruperunt: atque hujus simul loci adversus Franciscum Hotomanum explicanda sententia. Nam, quum vetustiores omnes, vel maximæ fidei, editiones, quas consului, legerent: *qui census non sit*. ipseque in sua editione secutus esset anno MDXXXIX. Robertus Stephanus, typographorum nemini vel diligentia; vel eruditione, secundus; postea tamen primus hic omnium, ut puto, negatione ratus ejus loci sensum scdissimè depravari; anno MDXLIII. emendavit: *qui census sit*. Quam magni Censoris emendationem, veluti oraculum quoddam Delphicum, mox pleræque, melioris quæque notæ, ut Manutiana, amplexæ sunt editiones; & qui in Cicerone castigando illustrandoque eruditissimi homines elaborarunt. Atque inter illos Hotomanus ita Ciceronem intelligendum esse arbitratur, ut Voconius vetuerit, mulieres a census heredes institui, nisi in hac singulari causâ, si plus esset in legatis, quàm in hereditate. Tum enim census mulieres heredes instituere permiserit. At de non census, neque hoc, neque superiori capite, quicquam sanxerit. *Quærit igitur*, inquit de Cicerone Hotomanus, *quum prius illud legis Voconia caput, etiam in non census. valere Verres voluerit, id est, nequis omnino, siue census, siue non census, mulierem heredem insti-*

*instituat: quid juris, si is non census filiam heredem instituerit, qui plus legatis ademerit, quam in hereditate reliquerit? Mihi longè aliter de Voconia Lege, totoque illo Ciceronis loco, videtur: etsi in Hotomani opinionem iverit, singulari vir doctrinà, &, siquis alius, de Tullio optimè meritus, Paullus Manutius. Atque, ut quamlongissimè ab Hotomano recedam, emendationem eam explicationemque existimo cum Ciceronis sententià cohærere neutiquam posse. Id verò ceteri forsitan non improbabunt, si, quid eo in loco Ciceroni propositum fuerit, breviter aperuerimus.*

III. P. Annius Aiellus, qui census non esset, nullà prohibente lege, unicam filiam bonis suis heredem instituerat. *Faciebant omnia cum pupillà, inquit Tullius, legis aequitas, voluntas patris, edicta Prætorum, consuetudo juris ejus, quod erat tum, cum Asellus est mortuus.* nempe, Cajo Sacerdote Prætorè. Verùm, qua erat ingenii improbitate C. Verres, Prætor designatus, ut hanc pupillæ hereditatem adimeret, edixit, siquis, sive census, sive non census, ab A. Postumio, Q. Fulvio Censoribus, postve ea, mulierem aliquam heredem fecisset, faceretve, se, quum legem Voconia intelligeret, testamentum illud non esse admissurum, nec petitionem, nec possessionem daturum. Quàm inhumanum, improbum, monstrosum, sit edictum ejusmodi, ostendit luculenter Cicero: quum leges, quarum certè maxima est auctoritas, quid in posterum faciendum sit, determinent, non ante facta vocent in iudicium. *Qui plurimum tribuunt edicto, inquit, Prætoris edictum, legem annuam dicunt esse. tu edicto plus complecteris, quam lege. Si finem edicto Prætoris asserunt Calendas Januarii; cur non initium quoque edicti nascitur a Calendis Januarii? an in eum annum progredi nemo poterit edicto, quo Prætor alius futurus est: in illum, quo alius Prætor fuit, regredietur?* atque inde non satis Verrem cavisse edicto suo ait, ne avaritiæ suæ omnibus daret insigne argumentum: quòd ita edictum illud composuisset, ut quivis intelligeret, *non populo esse scriptum, sed Publ. Annii secundis heredibus,* non juris scilicet communis causà; sed, ut Lucio Annio, qui a Publio secundum filiam institutus erat, Publii hereditatem, ereptam liberis, ex cerro pretio condonaret. *Scribis, inquit, siquis heredem fecit, fecerit. quid si plus legarit, quam ad heredem beredes-*

ve perveniat? quod per legem Voconiam ei, qui census non sit, licet. Cur hoc, quum in eodem genere sit, non caves? quia non generis, sed hominis causam, verbis amplecteris. ut facillè appareat, te pretio esse commotum. Jam verò, si hæc ita verba explicentur, ut tunc de num a censu hominibus per Voconiam legem heres filia institui potuerit, quando legatis onerata atque exhausta propemodùm esset hereditas: quis non videat, quàm Ciceronis pulcherrima sententia turbetur, confundanturque omnia? Quid hinc unquam erat, fodes, quod Verres edicto suo cavete debuerit? nonne amplà illà, nullisque terminis circumscriptà sanctione, satis superque caverat, ne ulla feminæ hereditas deferretur, quidcunque tandem accidisset, etiamsi plus legatis adimeretur, quàm relinqueretur hereditate? Neque enim aliquid Verres exceperat.

IV. Illud verò mirabile, & veteribus seculis inauditum, quod Voconix legi adstringitur. Quotquot enim Veterum Voconix meminerunt; aut illà cautum fuisse docent, nequis census mulierem ullam heredem institueret, aut, ne plus a censo homine legaretur, quàm esset heres habiturus. De Dione enim & Quintiliano, paullo post videbimus: & Julii Paulli e lib. IV. Sententiar. Recept. tit. VIII. locus aliò spectat, non ad testamentum, neque ad heredis heredumve institutionem. Nunc verò, si qua Hotomano fides, testatori, qui census esset, licuit per Voconiam legem plus legare, quàm ad heredem perveniret: eaque re heredem filiam facere, si legatis hereditatem non delibasset solùm; verùm etiam onerasset totamque ferè absumpsisset. Unde & illorum verborum, quæ a Cicerone subduntur: *Atque hoc si in posterum edixisses, minùs esset nefarium; tamen esset improbum: sed tum vituperari posset, in dubium venire non posset. nemo enim committeret. hunc esse putat sensum Hotomanus: Si edixisses, te non daturum possessionem ei filia, quæ illo casu instituta heres esset, quò casu lege Voconia permissum erat mulieres instituere, nimirum cum plus legatum est, quàm in hereditate relictum: improbum illud quidem [ neque enim usque eò rejicienda sunt filia a parentum hereditatibus ] sed tamen minùs nefarium, quàm nunc est, fuisset. Quum enim de eo nihil caveris, committent multi, ut ita filias instituant, cum legatis hereditatem penè inanem reliquerint: propterea, quòd id*



*licere tuo edicto putabunt, quod lege Voconia permissum erat. Inutile autem & irritum erit omnium testamentum.*

V. Apage, Hotomane, tuas istas explicationum tricas, quibus res ipsa obscuratur potius, quàm illustretur. Plana est & vera, juxta antiquam lectionem, Ciceronis sententia. Nam Quintus Voconius, qui, communi Reipublicæ causâ, legem illam rogaverat, non ut feminæ alicujus hereditatem aucuparetur; omnia, quæ, vel in hereditatibus, vel in legatis contingere possent, diligenter circumspexerat: & de hereditatibus quidem statuerat, mulieribus eas relinqui non licere; de legatis verò, non plus his absumendum esse, quàm ad heredem heredesve perveniret. ut hac potissimum ratione feminarum obviam irer cupiditati, immensisque in illas virorum largitionibus. Non Voconium imitatus est C. Verres: etsi hic cupiditati hominum se obviam ire profiteretur. Sed ita edictum concepit suum, ut facillè appareret, non juris, sed Lucii Annii, causâ, interpositum illud esse; neque ad equitatem rei, sed ad pretium, furacem Prætorum edicendo respexisse. Si enim generis, non hominis tantum causam, complexus fuisset; non cavisset solum, ne ab hominibus non census heredes filiarum instituerentur: verum etiam, ne plus ipsarum bonorum, legati jure, quàm alii hereditate, perciperent. At, quum cognosceret, Publ. Annii Afelli filiam, heredem, non legatariam, a patre non censo, cui sanè id licebat, factam esse, nihil sibi de legatis curandum existimavit, quibus, toto ferè exhausto patrimonio, ditari a parentibus non census filiarum potuissent: sed satis illi visum fuit, id juris edicere, quo hereditas Annii filiarum eriperetur: ne scilicet, si virgines, si mulieres, a non census patribus familiæ heredes aut possent aut potuerint institui. Quid si quis non census, quando præcepta jam sibi est Verrino edicto instituendæ filiarum potestas, plus filiarum legarit, seu, in filiam, legati nomine, contulerit, quàm instituto cuicumque alii, hereditatis jure, reliquerit? *quod per legem Voconiam ei, qui census non sit, licet.* id est, quod facere is, qui census non sit, a Voconia lege non prohibetur. ut infra apud eundem Ciceronem. *Pater dat filia: prohibes. leges fiunt: tamen te interponis. de suis bonis ita dat, ut ab jure non abeat* (malè Florentina editio Philippî Juntæ an. MDXV. & Lugdunensis Sebastiani

stinni Gryphii an. MDXLV. *babeat*, cum adspiratione) *quid habes, quod reprehendas? nihil opinor*. Sic enim illud licere per alium, ex veteri Romanorum scriptorum consuetudine, dicimus, quod alius non prohibet, non vetat, non impedit. *Id enim licere dicimus, quod cuique conceditur*, ut Tullius ait lib. V. Tusculanarum Q. Sic Plautus Prolog. *Afinaria: Afinariam volt esse, si per vos licet*. Terent. Prol. *Heauton. Date potestatem mihi, statariam agere ut liceat per scientium*. Martialis lib. I. ep. CXIV. *Per quem perire non licet meis nugis*. Et lib. IX. ep. XII. *Nobis non licet esse tam disertis*. Ipse Cicero pro Milone. *Clodium nihil delectat, quod aut per naturam fas sit, aut per leges liceat*. Pro Sext. Roscio: *Id quod postea, si per vos, iudices, licitum erit, aperiatur*. II. Philipp. *Petis, ut tibi per me liceat quemdam de exilio reducere*. Notissimum illud est Marci Catonis, Confularis & Censorii Viri, apud Gellium lib. XII. cap. XXII. [nec enim, Majorum exemplo, pudeat pudebitve, ubi res tulerit, Philologum, seu, ut planius loquar, Grammaticum agere] *Siquid est, inquit, quo utar, utor. sin est, ego sum. Cuique per me uti atque frui licet*.

VI. Si ergo paterfamilias non census heredem quidem filiam non fecerit, quod Verris edicto cautum fuerat; sed legatis tamen ita patrimonium exinaniverit, ut plurimum inde ad filiam, minimum ad heredem perveniret, quod neque Verres neque Voconium Plebiscitum prohibuerat: nonne edictum Verrinum facillimè eludi potuit; & filiae adhuc parentum suorum, qui censu non essent, bonis ditiores fieri, quàm si forsan institutæ essent heredes? Cur, si voluit Verres muliebrem ex nimia fortunarum copia luxuriam coercere, sicuti hereditates a mulieribus abstulit; non ita etià legata, Voconii exemplo, moderatus, est, ut non plus inde filiae, quàm heredes ipsi, haberent? quia nimirum, non, quemadmodum Q. Voconio, ita Verri, juris alicujus communis æquitas propòsita erat; sed obuenturum sibi e Publii Annii hereditate emolumentum: virumque adeò mulierosum non cohibendarum mulierum studium ad edicendum impulit; sed, fœcunda malorum omnium parens, avaritia. Et quidem, si edictum illud ad futura, non ad præterita tempora, relatum esset, minùs esset nefarium. Improbum sanè esset [quis enim dubitet?] sed tamen tunc vitupe-

rar' solùm posset: in dubium venire non posset: quodd nemo esset in posterum commissurus, ut testamento faceret heredem filiam. Quum vero ejusmodi esset edictum, ut facile intelligerent, non ad populum, sed ad substitutum filia Publ. Annii heredem illud pertinuisse; nemo etiam fuit, illorum planè, qui censi non fuissent, qui post illum Prætorum ab instituendâ herede filia, alicujus edicti metu, abstereretur. Quod hominum de singulari Verris improbitate judicium valdè postea exaggerat Cicero. *Solus enim, inquit, tu inventus es, cui non satis fuerit corrigere voluntates vivorum, nisi etiam rescinderes mortuorum.* Atque hæc mea est Ciceroniani loci restitutio simul atque explanatio: quæ, ut paullo longior fuerit; plurimùm tamen facit ad Voconiam legem intelligendam.

VII. Nunc verò quisque judicet, utra verior aptiorque sit, mea an Horomani & aliorum, sententia. Nam, ex ejus explanatione, non turbatur solùm; sed & infringitur totius vis argumenti, quo Verris improbitatem exagitantam sibi Marcus Tullius proposuerat. Ita enim explicat Horomanus, ut suprâ diximus, ut magis Voconiam legem Cicero, quàm Verrinum ipsum edictum, reprehendere videatur: quum noster ille homo ad eum Ciceronis locum disertè scribat, minùs nefarium edictum ejusmodi futurum fuisse, si edixisset in posterum Verres, se non daturum possessionem ei filia, quæ illo casu instituta heres esset, quo casu lege Voconia permissum erat mulieres instituere, nimirum cum plus legatum est, quàm in hereditate relictum. Et subdit, perinde ac Ciceronis verbis Verrem ipsum alloqueretur. *Quum enim de eo nihil caveris; committent multi, ut ita filias instituant, cum legatis hereditatem penè inanem reliquerint: propterea quodd id licere tuo edicto putabunt, quod lege Voconia permissum erat. Inutile autem & irritum erit omnium testamentum.* Illud verò, magnum fuisset Verri non præsidium duntaxat, verùm etiam solamen, si edictum hoc quaecumque suum Voconia legis auctoritate defendere aliquatenus potuisset. Neque hoc tunc erat Ciceroni consilium, ut Voconiam incusaret legem, aut eodem, quo Voconium, loco criminis Cajum Verrem haberet: sed, ut singularem hujus supra omnes Romanos Magistratus licentiam atque improbitatem omnibus patefa-

patefaceret. Quæ verò præterea, si argumentari libet, in unâ eademque lege major ulla ἀντιφασίς, quàm præscribere, ne, censi hominis testamento, plus legato infumeretur, quàm heres percipiturus esset: & simul etiam permittere, ut tunc demum filia institueretur heres, quando quarta solùm ei bonorum pars, nihilque ampliùs, relinqueretur? postquàm enim hereditatis quadrantem illa e lege, jure institutionis, recepisset; nihil porro obstitisset, quominùs longè maxima patrimonii totius portio, bes scilicet, aut integer potiùs dodrans, legaretur: quum filia nihil præterea relinquere liceret. Atqui duas istas ἀντιφασίς partes de Voconia lege comminiscuntur, qui hæc duo maximâ consensione & frequenter, statuunt Voconii Plebisciti capita: nequis census virginem neve mulierem, supra quadrantem, suorum bonorum heredem institueret; & ne plus cuiquam legaret, quàm ad heredem heredemve perveniret: non Hotomanus solùm & Manutius; sed Carolus quoque Sigonius de antiquo jure Civium Romanorum lib. I. cap. XII. & lib. I. de Judiciis cap. VI. Johannes Rosinus Romanarum Antiquitatum lib. VIII. cap. XVIII. Leonardus Coquæus in Augustinùm de Civitate Dei lib. III. cap. XXI. Covaruvias in cap. Raynutius de Testamentis num. XXIII. Jurisconsultorum ipse optimus & doctissimus, Jacobus Cujacius in Institut. de Lege Falcidia; & ne singulos immenso vanoque labore persequamur, eruditi ætatis nostræ homines plerique omnes. At quàm bene nostræ contra Voconia legis explicationi conveniunt omnia & cohærent! Nam Quintus Voconius, ut luxuriam atque insolentiam muliebrem certâ aliquâ lege moderaretur, caverat in primis, ne censi alicujus hominis hereditas ad feminam perveniret. Id autem non satis esse vidit ad nimias mulierum opes coercendas. Fieri enim poterat, ut aliquis ex quadrante, aut sextante, aut unâ etiam uncia, heres institueretur: reliquus verò dodrans, aut dextans, aut denique deunx, unica filia, aut alteri cuicunque mulieri, legaretur. Idcirco, ut rei huic Tribunus plebis consulere, atque omnem a lege suâ fraudem removeret; insuper addidit, ne plus alteri legaretur, quàm esset heres accepturus. Nulla hîc legis ἀεὶς ἀσάβια; summa verò superioris sententiæ absurditas est.

## C A P. VII.

**D**ionis Cassi locus fusè discussus. Incerta eruditorum hominum συλλογὴ. Adhibita Dioni qualiscunque interpretatio. Dionis locus corruptus, ut sæpe in numerorum notis contingit. Roberti Stephani mutila & depravata editio. Xylandri in Dione vertendo & emendando cura. Nova per Henricum Stephanum & correctior editio. Aliter apud Dionem legi voluit Xylander. Qui census diceretur, ex Asconio Padiano explicatum. Depravatio loci in Dione offensa. Integer locus representatus. Summa Antonii M. Salvinii modestia atque eruditio. Dio ab eo emendatus. Nostra de corrigendo Dione conjectura proponitur, atque illustratur. Qui Classici a M. Catone dicti. Catoniana orationis fragmentum. Duæ a quibusdam distinctæ Voconia Leges. Alexandri ab Alexandro confusio. Alia Tulliani loci lesio. Freigii cum auctore consensio.

1. **N**Ullum opinionis suæ auctorem affert Hotomanus: sed afferunt tamen alii & præcipuum, Græcū hominem, Dionem Cassium, qui lib. LVI. ad annum DCCLXII. de Augusto testatur, quod a quibusdam feminis tribuit, ut supra XXV. heredes esse possent, licet hoc lex Voconia vetaret. Quibus ex verbis satis sibi colligere videntur, per legem Voconiā census hominibus licuisse, quadrantem bonorum feminæ in hereditatem relinquere: quum census is deceretur, qui centum millia sestertiū professione detulisset. Hæc autem συλλογὴ quàm incerta sit, & nullius propemodum adversus firmissimam Romanorum scriptorum auctoritatem momenti, non est, cur longius ostendam. Ut enim alia taceam argumenta, quæ homini in disputationibus aliquantulū exercitatio bene multa suppeditant; ita Dionem quilibet forsitan interpretari potest, ut, quum homini censo, per Voconiam legem, heredem facere filiam, sive ex asse, sive ex certâ aliquâ patrimonii portione, nullo modo liceret; indulserit Augustus, ut aliquæ ex illis heredes instituerentur: ita tamen, ut nullos ipse vellet hereditati huic terminos prædefinire. Nam, quum dubitari meritò posset, quantaquantâ patrimonii parte, &, an toto etiam patrimonio, feminas illas testamento inscri-

inferibere heredes fas esset; noluit Augustus, ut, quas a Voconia lege eximeret, mulieres quartam definitè hereditatis portionem, nihilque supra, acciperent (quam portionem quicumque institutus heres retineret, ex Falcidia tunc lege, ut paullo post dicemus, oportebat): sed, ut supra XXV. æris, si testatori libuisset, vel ex triente, vel ex semisse, vel ex dodrante, vel ex toto etiam asse, relinquerentur heredes.

II. Verùm Dionis hunc ego locum in Roberti Stephani Parisiensis editione an. MDXLVIII. editionibusque addè posterioribus, interpolatum puto. neque enim vacat nunc consulere vetusta Dionis exemplaria, siqua in Bibliothecà Medicèa aut alibi, extant, ut aliquod certè extat; & recensuit, Vir Clarissimus, Jacobus Gronovius. Interpolatum igitur, ut alibi sæpe apud omnes veteres scriptores in numerorum notis contingit, locum hunc puto: *Τῶν τε γυναικῶν τισὶ καὶ παρὰ τὸν Οὐισιάνειον νόμον, καὶ ἢ εὐδιώα αὐτῶν εὐδυνὶς ὑπὲρ δύο ἡμῶν μυριάδας νότιας πληροποιεῖν ἐξέω, συνεχέονσι τούτο ποιεῖν*. idest: *Quibusdam ex mulieribus etiam præter legem Voconiam, juxta quam nulli illarum licebat majorem duabus myriadibus & semisse, seu, quod idem est, XXV. millibus nummum, hereditatem accipere, concessit hoc facere*. scilicet, Augustus. Nemo est, qui nesciat, quod ingenuè ipse fatetur Robertus Stephanus, quàm depravata, atque infinitis ferè locis mutila, ea fuerit Dionis editio: utcumque magnus ille Censor magnam in emendando curam cum Henrico filio adhibuerit. Itaque, decem ferè post annos, Guilielmus Xylander Augustanus, vir diligentissimus, qui primus omnium, ni fallor, Dionis, qui supersunt, libros, a quinto & trigésimo ad sexagesimum usque, uberrimis adnotationibus illustravit, græcum quoque Dionem emisit multò quàm ante correctiorem. quod græcum quidem exemplar ad manus nondum meas pervenit. Suam Xylander ipse industriam, qua multò plura ac graviora, quàm Robertus Stephanus, correxerit, modè laudat ad Johannem Hericium Hervvartum, laudatissimum virum, eà in præfatione, quæ cum Dione simul latino, & Dionis per Johannem Xiphilinum Epitome edita est Basileæ anno MDLVIII.

apud

apud Johannem Oporinum. Quanquàm præclaram hanc Xylandri curam aliquantulum postea elevare conatus sit Roberti filius Henricus Stephanus, qui in. MDXCII. Dionem Græco-latinum cum Xylandri ipsius interpretatione edidit, præfatus, se, quum Xylandri adnotationes in manus sumpisset, & suam patrisque operam in curandis vel potius sanandis, plerisque Dionis vulneribus commendari ab eo; sed nequaquam eandem in aliis præstari, animadvertisset [quod ab eo, tamen factum esse credebat] plura secundis curis sanasse; & nonnulla etiam, quæ infanabilia existimabantur.

III. Inter cetera verò plurima, emendatione maximè dignum visum esse Xylandro illum de Voconia Lege locum, ex hac ejus versione facilè apparet, quam non solum Henricus Stephanus in suà Parisiensi editione retinuit; sed & eodem anno MDXCII. in Francofurtiensis Johannes Leunclavius, qui & Dionis fragmenta in unum primus digessit: *quumque lege Voconia mulieribus prohiberetur, nequa majorem centum millibus nummum hereditatem posset adire; eà quoque lege quasdam solvit*. Unde videtur Xylander voluisse apud Dionem legi: *ὅπερ δὲ καὶ ἐν τῇ παλαιᾷ οὐσίᾳς κληρονομεῖν*. etsi neque Xylander neque Henricus Stephanus, textum Græcum mutare ausi fuerint. Eorum certè tantum testamenta atque hereditates Voconia lex spectabat, qui censu essent, seu centum millia sesterium possiderent. Nam, teste Asconio Padiano in III. Verrinam Ciceronis, *more Veterum, censu dicebantur, qui centum millia professione detulissent*. hujusmodi adèd facultates census vocabantur. Unde, qui minùs habuissent, atque ad censum adèd non pertinuissent, Voconia sub lege non comprehendebantur. Qua ergo ratione, qui plures quidem, quàm XXV. nummum; sed longissimè tamen infra C. millia; puta qui XXX. aut XL. aut L. suis in bonis numerarent; ad Voconiam spectasse legem censeantur? atqui, si eo, quo excudit Robertus Stephanus, & post eum, ceteri, modo, Dionis locus legatur, et XXV. duntaxat millibus majorem hereditatem intelligamus: aut censu etiam erunt, quorum opes ad triginta tantum aut quinquaginta æris millia pertigissent, quod ab omni veritate abhorret; aut, si censu ii tantum, qui C. saltem professione detulissent;

ab he-

ab hereditatibus etiam hominum non censorum dicendus erit Voconius mulieres lege suâ prohibuisse. Dio siquidem scripserit, vetuisse Q. Voconium, ne major XXV. sestertium hereditas ad feminam perveniret. Neque ex illis ejus verbis certo aliquo argumento constat, quod de censorum hominum hereditatibus Dio loquatur: nisi si quis censum eum velit dicere, qui aliquid tantum supra quinque & viginti millia æris haberet. Falsum verò, si quid aliud, falsissimum, eorum, qui censi non essent, coercitas ullo modo esse per Voconiam legem hereditates: quod & Asconius testatus est ad illa verba: *Quum intelligam legem Voconiam. Voconius legem tulerat, nequis censui, hoc est, pecuniosus, heredem relinqueret filiam. Hoc ergo caput editi est, legem Voconiam probantis Prætoris. nempe Cæii Verris.*

IV. Sic autem vulgò excusus est totus ille locus lib. LVI. ubi prosequitur Dio, quid fecerit Augustus, postquam eos pro concione laudasset, qui, uxore ac liberis susceptis, Rempublicam Romanam propagare studerent, asperrimâque contra oratione cælibes increpasset: *Καὶ τότε μὲν ταῦτα ἀμφοτέροις αὐτοῖς διὰ ἔχθη. [ scilicet Augustus ] μετὰ δὲ ἐν τῷτο, τοῖς μὲν τὰ τέχνη ἔχοντι τὰ γένη προσεπαύησεν, τοῖς δὲ γεγαμηκότας ἀπὸ τῶν ἀγνῶστων τῶν ἐπιτιμίων διαφορὰν διαχώρισε. καὶ ἐν αὐτῶν ἑκατέρῃς, ἐς τὸ τοὺς παρθαρῆσαντας οἱ ἐν τῷ χρόνῳ τούτῳ ἀναγινώσκουσιν, προσεπίδρακε. τῶν τε γυναικῶν ποὶ καὶ παρὰ τὸν Οὐνοκῆνον νόμον, καθ' ὃν ἐνδιμῖα αὐτῶν ἐνδυνὸς ὑπὲρ δύο ἡμισυ μυριάδας ὑστέρως κληρονομεῖν ἔχον, συνωχῶντες τῷτο ποιεῖν. καὶ ταῖς ἀετιπαρῆθιναις παῖθ' ὅσα παρὰ αἱ τέχνουσαι εἶχον, ἐχαρίσατο. id est, si omnia ad verbum explicentur. Et tunc quidem talia utrisque eis allocutus est. Postea verò liberos habentibus præmia adauxit; eos verò, qui uxorem duxerant, ab iis, qui sine uxore erant, honorum ac pænarum discrimine, secrevit. Et annum utrisque, ad hœc, ut qui paruissent ei in tempore hoc, innoxii efficerentur, insuper dedit. tum mulierum quibusdam etiam adversus Voconiam Legem, juxta quam nulli eorum aliquam majorem XXV. millibus nummum hereditatem*



tem accipere licebat, permisit id facere. & iis, quæ perpetuam virginitatem servassent, omnia, quæ matres habebant, largitus est. Ubi tuus, Salvine Consul, frater, vir latinè græcèque doctissimus, Antonius M. Salvinus, cui & modestiæ morum & Græcarum Litterarum scientiâ, Italia parem habet neminem, legendum, me admonuit: καὶ ἑκατέρωθεν ἑτέροις, alteris, id est, calibibus. non ἑκατέρωθεν, id est, utrisque, & cœlibibus & maritis. Nam maritis hac indulgentiâ Augusti opus non erat.

V. Quare, si aliquis conjecturæ mex locus, ut, quam-minima sit emendatio, sic ego mutilum Dionem suppleverim: ὅθεν δυνάμει ἡμῶν μυριάδας ἑσίας κληρονομῆν. Atque ita forsân Dio verè scripsit: scilicet, ut sestertiûm CXXV. millia intelligantur. Sed, dum notarum compendio librarii postea student, & pro β' ἡμῶν μυριάδας; scribit aliquis, unius litteræ incuriâ, β' ἡμῶν μυριάδας; numerus ipse, ut sæpe fieri solet, immutatus est. Scio enim maximè pecuniosos, & veluti primæ classis, homines, qui censi essent, centum & viginti quinque millia æris ampliusque possedisse: quorum tamen hereditates adire, ex Dionis testimonio, feminis quibusdâ Augustus concesserit. Classici ii a Marco Catone dicti, ut explicat Gellius lib. VII. cap. XIII. Classici dicebantur non omnes, qui in classibus erant: sed primæ tantum classis homines, qui centum & XXV. millia æris ampliusve censi erant. Infra classem autem appellabantur, secundæ classis, ceterarumque omnium classium, qui minore summâ æris, quàm supra dixi, censebantur. Hoc ed strictim se notasse ait Gellius, quoniam in Marci Catonis oratione, qua Voconiam legem suavit, quæri solet, quid classicus, quid infra classem. Atque utinam ea extaret M. Catonis oratio! cujus hoc insigne admodum de muliebri insolentiâ fragmentum apud eundem Gellium habemus lib. XVI. cap. VI. Principio nobis mulier magnam dotem attulit. Tum magnam pecuniam recipit, quam in viri potestate non committit: eam pecuniam mutuam dat viro. Postea, ubi irata facta est, servum receptitium sectari atque flagitare virum jubet. Neque enim, ut Voconiam legem qualitercumque intelligeremus; tanto cum labore essent nobis ex his aut illis veterum scriptorum locis eruenda omnia. Nunc autem

autem, dum neque ad nos Catoniana oratio pervenit, neque ea Liviani libri XLI. pars, in qua de lege Voconia agebatur; tantâ undique laboramus obscuritate, ut sint etiam, qui cum Francisco Hotomano in Ciceronem, & Joachimo Mysingero in Institut. de Lege Falcidia §. *Supereſt*. duas distinguant Voconias leges. Quàm multa quæſo turbat hîc confunditque Genialium Dier. lib. VI. cap. XV. auctor alioquî sedulus atque eruditus, Alexander ab Alexandro? Nos verò, qualicumque hac noſtrâ ventilatione, magnum operæ pretium feciſſe arbitramur, ſi, legem Voconiam illuſtraturi, turpiſſimum mendum abſtulerimus, quod per CLX. & ampliùs, annos, non ex librarii alicujus aut typographi oſcitantia; ſed, ex certo quodam doctiſſimorum hominum conſilio, Ciceronianas Verrinarum Actionum editiones infece- rat. ut jam cum antiquis maximâ ex parte exemplaribus vetuſtioribuſque editionibus, eâ, qua diximus, ratione legamus illum Actionis III. locum: *quod per legem Voconiam ei, qui cenſus non ſit, licet*. Sive etiam, ſi libuerit, juxta aliam lectionem, quam alicubi notatam memini: *quod per legem Voconiam ei, qui cenſus ſit, non licet*. quæ certè & ipſa accommodata eſt ſententiæ noſtræ lectio. Nam iis, qui cenſi eſſent, procul dubio non licebat plus filiæ, aut cuicumque alteri, legare, quàm ad heredem heredeſve perveniret. quod vult ibidem Tullius. Quanquam, quod poſteâ vidi, longè ante nos, anno MDLXXXIII. eam Ciceronis lectionem in Baſileenſi editione reſtituerit Johannes Thomas Freigius, qui ad eum locum: *Cenſus non ſit*. ſic notat. *Negatio hic perperam tollitur a quibuſdâ. Nam, ut lex Voconia vetabat eum, qui cenſus eſſet, mulierem heredem inſtituere; ita vetabat, mulieri plus legare, quàm ad heredem perveniret. Rurſus, ut ei, qui cenſus non eſſet, licebat per eandem legem, mulierem heredem inſtituere; ita & mulieri legare plus, quàm ad heredem perventurum eſſet. Nec parùm lætatus ſum, quòd in tantâ doctòrum hominum turbâ unum invenerim mecum conſentire.*

(SSSSS)  
(SSSS)

CAP.

## C A P. VIII.

**U**Tilissima lex Voconia visa Sexto Cæcilio. Parùm ea probata Ciceroni. Sexti Peducei egregia fides. Seneca sententia. Qua ratione mulieribus suis a Romanis provisum, Prima Fideicommissariorum hereditatum origo. Nova a vobis Justiniano lux. Duplex Justiniani locus conciliatus. Augustini de Voconia lege gravissimum iudicium.

**N**ihil porro Plebiscito Voconio utilius visum est olim Sexto Cæcilio, quem Gellius, sive, ut malunt alii, Agellius, hominem prædicat in disciplinâ juris atque legibus populi Romani noscendis interpretandisque scientiâ, usu, auctoritateque illustri. cap. I. lib. XIX. Venetæ, quam habeo, editionis an. MCCCC-LXXXIX. in aliis enim liber ille, qui ultimus est, vigesimus enumeratur. Verùm lex ea Ciceroni, sapientissimo atque eloquentissimo viro, parùm probata fuerat lib. II. de Finibus Bonorum & Malorum. Integrum Tullii locum huc apponere idcirco placuit, quod plurimum inde lucis Voconia legi accessurum existimamus: *Memini me adesse Publi. Sestilio Rufo, cum is ad amicos rem ita deferret, se esse heredem Quinto Fabio Gallo. cujus in testamento scriptum esset, se esse ab eo rogatum, ut omnis hereditas ad filiam perveniret. id Sestilius factum negabat: poterat autem impune, quis enim redargueret? nemo nostram negabat. eratque verisimilius, hunc mentiri, cujus interesset, quàm illum, qui id se rogasse scripsisset, quod debuisset rogare. Addebat etiam, se in legem Voconiam juratum, contra eam facere non audere, nisi aliter amicis videretur. Aderamus nos quidem adolescentes, sed & multi amplissimi viri: quorum nemo censuit, plus filia dandum, quàm posset ad eam lege Voconia pervenire. tenuit permagnam Sestilius hereditatem. Unde, si secutus esset eorum sententiam, qui honesta & recta emolumentis omnibus & commodis anteponerent, ne nummum quidem unum attigisset. Et infra. Quàm multa verò injustè fieri possunt, quæ nemo possit reprehendere? Si te amicus tuus moriens rogaverit, ut hereditatem reddas suæ filia, nec usquam id scripserit,*  
ut

ut scripsit Pabius, nec eriquam dixerit; quid facias? tu quidem reddes. Ipse Epicurus fortasse redderet, ut Sex. Peducaeus Sexti F. is, qui hunc nostrum reliquit, effigiem & humanitatis & probitatis sue filium, tum doctus, tum omnium vir optimus & iustissimus; nam sciret nemo eum rogatum a Cajo Plotio, equite R. splendido Nursino, ultro ad mulierem venit; eique nihil opinanti viri mandatum exposuit, hereditatemque reddidit. Unde illud forsan de suo Sapiente accipit Seneca lib. de Tranquillitate Animi. Nec ideo est vilis sibi, quia scit se suum non esse: sed omnia tam diligenter faciet, tam circumspiciet, quam religiosus homo sanctusque solet tueri fideicommissa.

II. Ex quibus patet, hanc potissimum sapienterque a Romanis, qui censi essent, repertam aliquando fuisse rationem, ne hereditate uxor aut filia spoliarentur: si scilicet amicum æquumque hominem, qui honesta & recta emolumentis omnibus atque commodis, anteponeret, & qualem describit Flaccus lib. III. Od. III.

*Iustum & tenacem propositi virum;*  
instituerent ex Voconia lege heredem: quem postea tamen rogarent, aut rogassent antea, ut restitueret mulieris hereditatem. Hanc si institutus heres non restitueret; aliquid tamen mulieri dari, alio quocunque, præterquam hereditatis, nomine, consuevit; atque ea portione, ut non plus femina, quam heres ipse, accipere videretur. Si vero restitueret; non legi id ulli, sed hominis tantum verecundia, egregia erga amicum fidei, moderationisque animi, tribuendum erat: quam Voconia lex hereditatem feminis auferret; legata tantum permetteret, quæ hereditatem tamen ipsam non excederent. Hanc ego esse putato primam Fideicommissariam Hereditatum, quas *fiduciarias* Ulpianus vocat Leg. Certi Condilio. D. de rebus creditis. si certum petatur &c. originem: atque hunc Iustiniani sensum, cum ait in Institution. ad tit. de Fideicommissariis Hereditatibus. §. II. Sciendum itaque est, omnia fideicommissa primis temporibus infirma fuisse: quia nemo iustus covebatur prestare id, de quo rogatus erat. Quibus enim non poterant hereditatem vel legata relinquere; si relinquebant, fidei committebant eorum, qui capere ex testamento poterant. Et ideo fideicommissa appellata sunt: quia nullo vinculo juris;

K

sed

*sed tantum pudore eorum, qui rogabantur, continebantur. Et hæc quidem Fideicommissa καθόλου, seu universalia. Nam singularia a Lucio Lentulo primum, Divi Augusti temporibus, ceperunt: ut Justinianum intelligere soleo tit. de codicillis. §. Ante Augusti tempora. Qua autem ratione testamentum ipsum de Fideicommissaria hac hereditate concipi debuerit consueveritque, instituto primum herede, atque, ut restitueret, rogato; prosequitur eo in loco §. In primis. Justinianus. Minus ergo rectam minusque honestam, Voconiam legem Tullius judicavit: idemque visum magno illi humanarum Romanarumque principum, rerum Censori, Augustino lib. III. de Civitate Dei. cap. XXI. Nam tunc, inquit, idest, inter secundum & postremum bellum Carthaginense, lata est etiam illa Lex Voconia, nequis heredem feminam faceret, nec unicam filiam. Qua lege quid iniquius dici aut cogitari possit, ignoro.*

## C A P. IX.

**A**D ἀντίφασιν de Voconia lege docti homines rediguntur. Lex ἀντίφασιας, Veterum sententia. Aut veteres aut recentiores omnes falluntur. Verè heredem ex quadrante institui. Magis id declaratum, Veterum auctoritate standum. Aliud e Veteribus de Voconia legis sententiæ argumentum. Maximè Spartana Reipublice ex nimis mulierum opibus vitium.

**I.** **U**Bi ego, a quibus dissentio, doctissimos viros pendere mecum seriò velim, quàm a veteribus dissentiant ipsi auctoribus: ut æquiori ferant animo, si unus omnium illorum, ut liberè dicam, errorem redarguere susceperim. ἀντίφασικαί enim, atque eo quidem sensu, quo ἀντίφασιν accipit Philosophus ἐπι- ἰσχυρείας cap. VII. sibi mutuo sunt hæc sententiæ duæ: vetuisse Quintum Voconium, ne a censu mulieres heredes instituerentur: permisisse Voconium, ut a censu mulieres heredes instituerentur. quarum una idcirco si vera, altera falsa sit, necesse est, ex certissimo Aristotelis ibidem totiusque adeò Peripateticæ Philosophiæ, decreto.

Οὐαί

Ὅσαι μὲν ὁ ὠ ἀντιφάσας καθήλκῃ εἰσὶ τῷ καθόλου, ἀνά-  
 ρα τὴν ἐτέρην ἀληθεῖν εἶναι ἢ ψευδῆ. καὶ ὅσαι ἴσα τῶν καθ'  
 ἑκάστα. ὡς, ἔστι Σωκράτης λευκός, οὐκ ἔστι Σωκ. αἴτις λευκός.  
 idest, ex Julii Pacii versione: *Quaecunque igitur rerum uni-*  
*versalium contradictiones sunt universaliter, earum necesse est*  
*alteram esse veram, vel falsam. & quaecunque sunt de rebus*  
*singularibus. ut, est Socrates albus, non est Socrates albus.*

II. Ex illis autem duabus ἀντιφάσας partibus, prima  
 gravissimos auctores habet, Tullium, Augustinum, Padi-  
 anum, alios, qui ex Veteribus Voconiam legem attigerunt  
 e quibus Lucius Florus, sive, quod ego opinor, T. ipse  
 Livius in Epitome lib. XLI. *Censae sunt civium capita* C.  
 LXXXIII. CCXLIII. *Quintus Voconius Saxa Tribunus plebis*  
*legem tulit, nequis heredem mulierem institueret. Suasit legem*  
*Marcus Cato. extat oratio ejus.* alteram verò recentes u-  
 nanimi ferè consensu scriptores adstruunt: quorum pro-  
 inde si vera opinio, falsitatis insimulentur veteres illi, o-  
 portet. Nam, quamquam ex quadrante, non ex asse, quis  
 heres instituitur; verò tamen instituitur, omnique, e legi-  
 bus, veri justique heredis jure gaudet, ut Jurisconsulti o-  
 mnes fatentur. Nec aliud ad heredis institutionem exegit  
 Falcidius, nisi ut apud eum quarta bonorum pars rema-  
 neret. Sic Liviam, quam ex triente tantum heredem scrip-  
 serat Augustus, heredem ἀπλῶς nominat Corn. Tacitus  
 Annal. lib. I. Jam verò, si Voconium permisisse volunt,  
 ut censi mulierem ex quadrante heredem facerent; aut,  
 quod ait Hotomanus, tunc facerent, cum plus legatis  
 infunderent, quàm in hereditate relinquerent; quis non  
 videat, quàm falsum sit, quod veteres Romanarum re-  
 rum auctores testantur? Nec enim hic aliquid illi distin-  
 guunt, quibus neque in legibus intelligendis acumen de-  
 fuit, neque in explicandis eloquentia; nec illo addita-  
 mento utuntur, ut supra quadrantem dicant, ex Voconio  
 Plebiscito, non licuisse censui hominibus heredem mulie-  
 rem testamento scribere; nec hujusmodi aliis Voconiam  
 legem terminis definiunt: sed ἀπλῶς ajunt, ἀπλῶς af-  
 firmant, ἀπλῶς purèque testantur, latam hanc esse a Q.  
 Voconio legem, nequis census heredem feminam insti-  
 tueret. Atqui hoc falsum esse manifestè sequitur; si, quan-  
 quam

quā ex quadrante, aut ex minore legatis ipsis portione; heres tamen potuerit mulier per Voconiam legem ab eo, qui census esset, institui. Quibus verò fides a nobis adhibenda, an veteribus, qui non permisisse Voconium testantur, ut, qui census esset, heredem mulierem aut virginem faceret; an verò recentibus hominibus, qui id asserunt Voconium permisisse? Si scripsissent veteres, licuisse per Voconiam legem, mulierem ex quadrante instituere heredem: nonne falsa mea & stulta opinio, si illud a Voconio sancitum esse affirmarem, nequa mulier heres institueretur? Scripserunt veteres indubitata fidei auctores, cautum esse Plebiscito Voconio, nequa mulier a censo homine heres fieri posset: & non vehementer docti omnes ætatis nostræ viri aberraverint, qui existimant, ab eo, qui census esset, heredem ex quadrante fieri mulierem Voconium non prohibuisse? Nobis verò, si sapiamus, ubi Romana antiquitas agitur, veterum potius standum est testimonio, quàm novitiorum scriptorum commento, qui nonnisi ea cognoscere & testari potuerunt, quæ a veteribus acceperint.

III. Sed & illud præterea addam, quod maximi roboris esse puto ad faciendam fidem, maximæque ad novam opinionem ex omnium animis convellendam auctoritatis. Nam, si aut patri, aut cuicunque alteri censo per Voconiam licuisset legem, filiam aut aliam quamcunque mulierem heredem ex quadrante instituere; neque lex ea iniusta visa esset Ciceroni, neque adversus illam tanto cum impetu Augustinus insurrexisset. Quid enim ampliùs deberetur filix, quàm ut honore afficeretur institutionis, bonorumque ei quadrans relinqueretur? aut quis unquam, Romanorum Principum, post Falcidiam legem atque ante Justinianum, Rescripta reprehenderit, qui, ut infra videbimus, filio quidem heredi quartam patrimonii portionem deberi; sed reliqua tamen bona omnia paterno omnino arbitrio permittenda esse, voluerunt? Quintus autem Voconius sic legem suam composuisset, ut, quæ ex æquitate quadam naturæ liberis deberetur, hereditatem non abstulisset; sed illud duntaxat prohibuisset filiabus relinquere, quod plus iusto esse videbatur, & quod paterfamilias, absque ullo crimine impietatis, poterat ad externos, quos

quos vellet, homines testamento deferre: ne nimia scilicet seminarum potentia Romana Respublica premeretur. Nam & nimias mulierum copias apud Lacedæmones maximo in vitio Reipublicæ ponit Aristoteles lib. II. Politicorum cap. IX. Ἐστὶ δὲ καὶ τῶν γυναικῶν σχισμὸν τῆς πόλεως χώρας τῶν πέντε μερῶν τὰ δύο, τῶν τε ἐπακλήρων πολλῶν γυναικῶν, καὶ διὰ τὴν ποσὴν διδόναι μεγάλας. καί τοι βίβλος ἐν μεθίαν, ἢ ὀλίγῳ, ἢ καὶ μετρίῳ τεταχθεῖ. καὶ δὲ ἔστι δοῦναι τε τὴν ἐπακλήρων ὅτε ἂν βούληται· καὶ ἂν ἀποθάνῃ, μὴ διαθίμενος, ὃν ἂν κατὰ τὴν κληρονομίαν, ἢ ὅτε ἂν θίγῃ δίδωσι. Τοιγαροῦ διυναμὴς τῆς χώρας χίλιοι ἐπακλῆς τριφῶν καὶ πεντακασίους, καὶ οὐλίτας τρισμυρίους ἐν δὲ χίλιοι τὸ πλεονος ἦσαν. γίγνεται δὲ διὰ τῶν ἔργων αὐτῶν δέλος, ὅτι φαυλὸς αὐτοῖς εἶχε τὰ περὶ τῶν ταῦτ' αὐτῶν. μίαν γὰρ πολλὰν οὐχ ὑποτάσσεν ἢ πόλιν, ἀλλ' ἀπόλλυτο διὰ τῆς ἑλγιστοφροσύνης. i. e. Dionysio Lambino interprete: Jam verò ex quinque totius agri partibus due ferè sunt mulierum; tum quia multa puella orbae sunt, ad quas omnium paternorum bonorum pervenit hereditas, tum quia magna sunt puellarum nubentium dotes. Atqui præstabat, vel nullam, vel exiguam, vel mediocre esse præfinitam. Nunc autem & patri filiam paternorum bonorum heredem futuram, cuilibet in matrimonium collocare licet: & si pater mortuus sit intestatus, aut non expresserit testamento, cui filiam suam collocari velit: quem heredem reliquerit, hic, cui velit, collocat. Itaque quum posset ager Spartanus mille & quingentos equites, & triginta millia graviore armatura peditem alere, ne nulle quidem numero erant. Re autem & eventum planum factum est, hoc ab eis perperam esse institutum. Non enim una plaga hanc civitati inflata est, sed ea funditus interiit propter hominum penuriam: Quæ hic igitur tanta illa Voconiz legis improbitas, ut, quid iniquius dici aut cogitari possit, se ignorare Augustinus fateatur? Si non impium, neque inofficiosum patrisfamilias testamentum; cur injusta lex, quæ testamento illi nulla ex parte adversatur? Si lex justa; cur eam optimi justissimique veterum viri, veluti immane quoddam humanæ impietatis monstrum,



II. Ouis enim unquam legem, quam Tribunus plebis rogaverit, Jurisprudentiæ nomine intelligat? quum Lex sit commune quoddam præceptum, ex Papiniano Lege I. D. de Legibus & Senatusconsultis. sive, si strictior placet Justiniani definitio Institutionum lib. I. tit. II. de jure naturali, gentium & civili. . IV. quod populus Romanus Senatorio magistratu interrogante, veluti Consule, constituebat. quatenus nempe species una lex est juris scripti, atque a reliquis legibus, Plebiscitis, Senatusconsultis, Principum placitis, Magistratuum Prætorumve edictis distinguitur. quod etiam discrimen agnovit Isidorus Hispalensis Originum lib. V. cap. X. ubi legem similiter definit: *Lex est constitutio populi, qua majores natu simul cum plebibus aliquid sanxerunt.* Jurisprudentia autem ex Ulpiano lib. I. Regularum, divinarum atque humanarum rerum notitia, iusti atque iniusti scientia. L. Justitia, D. de Justitia & Jure. Opinor enim, nos hîc populariter loqui, locutumque esse Justinianum, ita ut vocemus eam legem, quæ scripto sancit quod vult, aut jubendo, aut vetando, ut vulgus appellaret. Alioquin, si non ex sermonis more usitati, sed paululò altius supraque vulgi consuetudinem loqui volumus, *lex est*, qualis definitur a Marco Tullio lib. I. de Legibus, *ratio summa insita in natura, quæ jubet ea, quæ facienda sunt, prohibetque contraria.* Eadem ratio, cum est in hominis mente confirmata & confecta, *lex est.* Itaque, ait Tullius, arbitrantur prudentiam esse legem, cuius ea vis sit, ut recte facere jubeat, vetet delinquere: eamque rem illi græco putant nomine a suum cuique tribuendo appellatam: ego nostro, a legendo. Nam ut illi aequitatis, sic nos delecti vim in lege ponimus: & proprium tamen utrumque legis est. Quod si ita rectè dicitur, ut mihi quidem plerumque videri solet, a lege ducendum est juris exordium. Ea est enim natura vis, ea mens ratioque prudentis, ea juris atque injuriæ regula. Sic Clementi Alexandrino lib. I. Stromatum, & Senecæ lib. IV. de Beneficiis cap. XII. *lex est, regula iustorum & iniustorum.* Græcis enim vocatur dicitur αὐτὸ τὸ νόμον, quod suum unicuique tribuat. Legem illam paululò post more suo declarat, hoc est, præclarissimè, Marcus Tullius: *Est igitur, quoniam nihil est ratione melius et quæ in homine & in Deo, prima homini cum Deo rationis societas: inter quos*

antem

autem ratio, inter eosdem etiam recta ratio communis est: quæ quum sit lex, lege quoque consociati homines cum diis putandi sumus. inter quos porro est communio legis, inter eos communio juris est: quibus autem hæc sunt inter eos communia, & civitatis ejusdem habendi sunt. Si verò iisdem imperiis & potestatibus parent; multò etiam magis. Parent autem huic ecclésiæ descriptioni, mentique divinæ, & præpotenti Deo: ut jam universus hic mundus, una civitas communis Deorum atque hominum existimanda sit. Atque iterum magnificentissimè lib. II. Hanc igitur video sapientissimorum fuisse sententiam, legem neque hominum ingeniis excogitatam, nec scitum aliquod esse populorum: sed æternum quiddam, quod universum mundum regeret, imperandi probibendique sapientiæ. Ita principem legem illam & ultimam, mentem esse dicebant, omnia ratione aut cogentis aut vetantis Dei: ex qua illa lex, quam Dii humano generi dederunt, rectè est laudata. Est enim ratio mensque sapientis ad jubendum & ad deterrendum idonea. Et infra. Ergo ut illa divina mens, summa lex est, item cum in homine est perfecta, est in mente sapientis: quæ sunt autem varia & ad tempus descripta populis, favore magis, quàm re, legam nomen tenent. Sed æterna hæc atque immutabilis lex, aliaque hujusmodi de legibus paulò subtiliora, quàm quæ vulgus capiat & loquatur; philosophantibus relinquuntur; e quibus, sanctissimus argutissimusque vir, Thomas Aquinas aliquid *δυσωριζόν* legem esse probat I. II. quæstione XC. artic. I. his verbis: Dicendum, quod lex, quædam regula est & mensura actuum, secundum quam inducitur aliquis ad agendum, vel ab agendo retrahitur. Dicitur enim lex a ligando; quia obligat ad agendum. Regula autem & mensura humanorum actuum est ratio, quæ est principium primum actuum humanorum, ut ex prædictis patet. Ratio enim est ordinare ad finem, qui est primum principium in agendis, secundum Philosophum. In unoquoque autem genere, id, quod est principium, est mensura & regula illius generis: sicut unitas in genere numeri; & motus primus in genere motuum. Unde relinquitur, quod lex sit aliquid pertinens ad rationem. Hæc, ut cetera omnia, quæ ad ratiocinandi differendique vim pertinent, ingeniosè aded acutèque Beatus Thomas Aquinas, ut faciliè a nobis veniam illius *ετυμολογίας*

improbarunt? Quodd si improbarunt illi iustissimè; injusta igitur lex, injustum testamentum ob eam, quam ipsi asserunt, causam, quodd Voconius nempe vetuerit, nequis census mulierem ullam, vel unicam etiam filiam, heredem institueret:

## CAP. X.

**A**Lio etiam ex capite vitiosa lex Voconia. Julii Pauli locus diligenter excussus. Veterum codicum lectio restituta. An per mediam Jurisprudentiam Justinianus Voconiam legem intellexerit? Legis definitio. Lex, Aristò sensu, species una Juris scripti. Jurisprudentiæ definitio. Quid populariter per legem intelligamus. Altior legis supra vulgus, et Philosphorum mente, consideratio. Lex Clementi Alexandrino quomodo definita. Lex Græcis νόμος, a νόμῳ νόμος. Lex æterna, ac naturalis, et Tullio præclare illustrata. Lex, aliquid διακονικόν. Legis ὑποκείμενα, quam assertit B. Thomas Aquinas, improbata. Alia legis definitio. Legis et Jurisprudentiæ apud Jurisconsultos distinctio. Ubi Voconia legis meminerit Justinianus. Per Mediam Jurisprudentiam Jurisprudentes ipsi intellecti. Horum aliqui enumerantur. Sexti Pomponii exemplum. Explicatus Paullus. Jus Civile explicatum. Pomponii locus restitutus a Goveano. Quid sit Voconiana ratio. Ad Voconia legis normam antiqua de mulierum legitimis hereditatibus jura conformata. Ad testamentarias tantum hereditates respexit Voconius. Cur mulierum hereditates coercita. Antiquum hoc jus secuti, Ulpianus. Cajus, Divus Alexander, Decius. Admissa ad legitimam successionem filia. Neque id vetuit Voconius. Probatum ex Justiniano. Lex Voconia, præsentissimum coercendis mulierum hereditatibus remedium. Fieri potuit, ut Voconius testamentarias mulierum hereditates vocaret; legitimas permitteret. Qui patuerit Pauli locus depravari. Mediam Jurisprudentiam ex æquo et bono Praetores moderati. Gravissima Justiniani Constitutio. Explicatur, quid nova lex Justiniano. Consuetudo, altera lex. Principum Constitutiones, leges.

NEQUE

I. **N**Equè eà solùm de re Voconia lex sapientibus meritò viris reprehendenda; sed alio quoque ex capite, vitiosa videri potuit, quòd, si nos Julius Paullus non fallit, aut potius in Paulo intelligendo non fallimur ipsi, exceptis consanguineis sororibus, nulli alteri femina hereditatem ab intestato, agnationis jure, deferendam esse decreverit. Sic enim Paullus Receptorum Sententiarum ad Filium lib. IV. tit. VIII. de Intestatorum successione: *Femina ad hereditates legitimas, ultra consanguineas successiones, non admittuntur: idque jure civili, vel Voconia narratione videtur effectum. Ceterum lex XII. Tabularum nullà discretionē sexus cognatos admittit.* Quo in loco quum, Jacobo Cujacio teste, quidam codices habeant, *jure civili, Voconianā ratione; emendat ipse: jure civili, Voconianā rogatione.* Ego verò non temere illorum codicum lectionem sollicitaverim, quam verissimam puto. In eam enim conjecturam facile adducor, ut existimem, Plebiscito Voconium suo ad testamenta solùm, ne plus nimio indulgerent sibi in mulieres viri, non ad agnatorum successiones, aut hereditates ab intestato, respexisse. Nam nullus alius veterum, qui Voconia legis meminerit, id illi attribuit, quod significare Paullum volunt, ut legitimā agnatorum successione solæ ex mulieribus consanguineæ sorores fruerentur. Id equidem ad Mediam Jurisprudentiam referendum esse Justinianus testatur Institutionum lib. III. *de legitimā Adgnatorum successione. w. Ceterum. Et hac quidem, ait Imperator, lex duodecim Tabularum nullo modo introduxit; sed, simplicitatem legibus antiqua amplexa, simili modo omnes agnatos sive masculos sive feminas, cujuscunque gradus, ad similitudinem suorum, invicem ad successionem vocabat. Media autem Jurisprudentia, quæ erat quidem Lege XII. Tabularum junior; Imperiali autem dispositione anterior, subtilitate quadam excogitata, præfatam differentiam inducebat; & penitus eas a successione agnatorum repellebat, omnī aliā successione incognita.* Sed quòd per mediam Jurisprudentiam Voconiam legem Justinianus intelligat: hæc verò dura nimis, præpostera, atque a communi hominum sermone aliena, visa mihi semper est explicatio,

improbarant? Quod si improbarunt illi iustissime; injusta igitur lex, injustum testamentum ob eam, quam ipsi asserunt, causam, quod Voconius nempe vetuerit, nequis census mulierem ullam, vel unicam etiam filiam, heredem institueret.

## CAP. X.

**A**lio etiam ex capite vitiosa lex Voconia. Julii Pauli locus diligenter excussus. Veterum codicum lectio restituta. An per mediam Jurisprudentiam Justinianus Voconiam legem intellexerit? Legis definitio. Lex, Aristoteli sensu, species una Juris scripti. Jurisprudentiæ definitio. Quid populariter per legem intelligamus? Altior legis supra vulgus, et Philosophorum mente, consideratio. Lex Clementi Alexandrino quomodo definita. Lex Grecis νόμος, a νόμος νόμιον. Lex æterna, ac naturalis, et Tullio præclare illustrata. Lex, aliquid διατάξις. Legis ἰσχυρισμός, quam assert, B. Thomas. Aquinas, improbat. Alia legis definitio. Legis et Jurisprudentiæ apud Jurisconsultos distinctio. Ubi Voconia legis meminit Justinianus. Per Mediam Jurisprudentiam Jurisprudentes ipsi intellecti. Horum aliqui enumerantur. Sexti Pomponii expositio. Explicatus Paulus. Jus Civile explicatum. Pomponius locus restitutus a Goveano. Quid sit Voconiana ratio. Ad Voconia legis normam antiqua de mulierum legitimis hereditatibus jura conformata. Ad testamentarias tantum hereditates respexit Voconius. Cur mulierum hereditates coercita. Antiquum hoc jus secuti, Ulpianus. Cajus, Divus Alexander, Decius. Admissa ad legitimam successionem filia. Neque id vetuit Voconius. Probatum ex Justiniano. Lex Voconia, presentissimum coercendis mulierum hereditatibus remedium. Fieri potuit, ut Voconius testamentarias mulierum hereditates vetaret; legitimas permetteret. Qui potuerit Pauli locus depravari. Mediam Jurisprudentiam ex æquo et bono Praetores moderati. Graviissima Justiniani Constitutio. Explicatur, quid nova lex Justiniana. Consuetudo, altera lex. Principum Constitutiones, leges.

Neque

I. **N**Equē eā solum de re Voconia lex sapientibus meritō viris reprehendenda; sed alio quoque ex capite, vitiosa videri potuit, quodd, si nos Julius Paullus non fallit, aut potius in Paulo intelligendo non fallimur ipsi, exceptis consanguineis sororibus, nulli alteri feminæ hereditatem ab intestato, agnationis jure, deferendam esse decreverit. Sic enim Paullus Receptarum Sententiarum ad Filium lib. IV. tit. VIII. de Intestatorum successione: *Femina ad hereditates legitimas, ultra consanguineas successiones, non admittuntur: idque jure civili, vel Voconia narratione videtur effectum. Ceterum lex XII. Tabularum nullā discretionē sexus cognatos admittit.* Quo in loco quum, Jacobo Cujacio teste, quidam codices habeant, *jure civili; Voconiam ratione*; emendat ipse: *jure civili, Voconiam rogatione*. Ego verò non temere illorum codicum lectionem sollicitaverim, quam verissimam puto. In eam enim conjecturam faciliè adducor, ut existimem, Plebiscito Voconium suo ad testamenta solum, ne plus nimio indulgerent sibi in mulieres viri, non ad agnatorum successiones, aut hereditates ab intestato, respexisse. Nam nullus alius veterum, qui Voconia legis meminerit, id illi attribuit, quod significare Paullum volunt, ut legitimā agnatorum successione solæ ex mulieribus consanguineæ sorores fruerentur. Id equidem ad Mediam Jurisprudentiam referendum esse Justinianus testatur Institutionum lib. III. de legitimā Agnatorum successione. *¶ Ceterum. Et hac quidem, ait Imperator, lex duodecim Tabularum nullo modo introduxit; sed, simplicitatem legibus antiquæ amplexa, simili modo omnes agnatos sive masculos sive feminas, cujuscunque gradus, ad similitudinem suorum, invicem ad successionem vocabat. Media autem Jurisprudentia, qua erat quidem Lege XII. Tabularum junior, Imperiali autem dispositione anterior, subtilitate quādam excogitata, præfatam differentiam inducebat; & penitus eas a successione agnatorum repellebat, omni alia successione incognita.* Sed quodd per mediam Jurisprudentiam Voconiam legem Justinianus intelligat: hæc verò dura nimis, præpostera, atque a communi hominum sermone aliena, visa mihi semper est explicatio,

improbarant? Quòd si improbarunt illi iustissimè; injusta igitur lex, injustum testamentum ob eam, quam ipsi asserunt, causam, quòd Voconius nempe vetuerit, nequis census mulierem ullam, vel unicam etiam filiam, heredem institueret.

## CAP. X.

**A**lio etiam ex capite vitiosa lex Voconia. Iulii Pauli locus diligenter excussus. Veterum codicum lesio restituta. An per mediam Jurisprudentiam Justinianus Voconiam legem intellexerit? Legis definitio. Lex, Aristò sensu, species una Juris scripti. Jurisprudentia definitio. Quid populi vider per legem intelligamus? Altior legis supra vulgus, et Philosophorum mente, consideratio. Lex Clementi Alexantrino quomodo definita. Lex Græcis νόμος ἀπὸ τοῦ νόμιον. Lex æterna, ac naturalis, et Tullio præclare illustrata. Lex, aliquid διανομίζον. Legis inuolutio, quam asserti B. Thomas Aquinas, improbat. Alia legis definitio. Legis et Jurisprudentie apud Jurisconsultos distinctio. Ubi Voconia legis meminerit Justinianus. Per Mediam Jurisprudentiam Jurisprudentes ipsi intellecti. Horum aliqui enumerantur. Sexti Pomponii exemplum. Explicatus Paulus. Jus Civile explicatum. Pomponii locus restitutus a Goveano. Quid sit Voconiana ratio, Ad Voconia legis normam antiqua de mulierum legitimis hereditatibus jura conformata, Ad testamentarias tantum hereditates respexit Voconius. Cur mulierum hereditates coercita. Antiquum hoc jus secuti, Ulpianus. Cajus, Divus Alexander, Dacius. Admissa ad legitimam successionem filia. Neque id vetuit Voconius. Probatum ex Justiniano. Lex Voconia, præsentissimum coercendis mulierum hereditatibus remedium. Fieri potuit, ut Voconius testamentarias mulierum hereditates vetaret; legitimas permitteret. Qui patrexit Pauli locus depravari. Mediam Jurisprudentiam ex æquo et bono Praetores moderati. Grævisima Justiniani Constitutio. Explicatur, quid nova lex Justiniano. Consuetudo, altera lex. Principum Constitutiones, leges.

**I.** **N**Equè eà solùm de re Voconia lex sapientibus meritò viris reprehendenda; sed alio quoque ex capite, vitiosa videri potuit, quòd, si nos Julius Paullus non fallit, aut potius in Paulo intelligendo non fallimur ipsi, exceptis consanguineis sororibus, nulli alteri semina hereditatem ab intestato, agnationis jure, deferendam esse decreverit. Sic enim Paullus Receptarum Sententiarum ad Filium lib. IV. tit. VIII. de Intestatorum successione: *Femina ad hereditates legitimas, ultra consanguineas successiones, non admittuntur: idque jure civili, vel Voconia narratione videtur effectum. Ceteram lex XII. Tabularum nullà discretionē sexus cognatos admittit.* Quo in loco quum, Jacobo Cajacio teste, quidam codices habeant, *jure civili; Voconiana ratione*; emendat ipse: *jure civili, Voconiana rogatione.* Ego verò non temere illorum codicum lectionem sollicitaverim, quam verissimam puto. In eam enim conjecturam facillè adducor, ut existimem, Plebiscito Voconium suo ad testamenta solùm, ne plus nimio indulgerent sibi in mulieres viri, non ad agnatorum successiones, aut hereditates ab intestato, respexisse. Nam nullus alius veterum, qui Voconia legis meminerit, id illi attribuit, quod significare Paullum volunt, ut legitimam agnatorum successione solæ ex mulieribus consanguineæ sorores fruerentur. Id equidem ad Mediam Jurisprudentiam referendum esse Justinianus testatur Institutionum lib. III. *de legitimis Adgnatorum successione.* Ceterum. *Et hac quidem*, ait Imperator, *lex duodecim Tabularum nullo modo introduxit; sed, simplicitatem legibus antiqua amplexa, simili modo omnes agnatos sive masculos sive feminas, cujuscunque gradus, ad similitudinem suorum, invicem ad successionem vocabat. Media autem Jurisprudentia, quæ erat quidem Lex XII. Tabularum junior, Imperiali autem dispositione anterior, subtilitate quadam excogitata, præfatam differentiam inducebat; & penitus eas a successione agnatorum repellebat, omnem aliâ successione incognitam.* Sed quòd per mediam Jurisprudentiam Voconiam legem Justinianus intelligat: hæc verò dura nimis, præpostera, atque a communi hominum sermone aliena, visa mihi semper est explicatio,



improbarant? Quodd si improbarunt illi iustissimè; injusta igitur lex, injustum testamentum ob eam, quam ipsi asserunt, causam, quodd Voconius nempe vetuerit, nequis census mulierem ullam, vel unicam etiam filiam, heredem institueret.

## CAP. X.

**A**Lio etiam ex capite vitiosa lex Voconia. Iulii Pauli locus diligenter excussus. Veterum codicum lectio restituta. An per mediam Jurisprudentiam Justinianus Voconiam legem intellexerit? Legis definitio. Lex, Aristò sensu, species una Juris scripti. Jurisprudentiæ definitio. Quid populi vider per legem intelligamus. Altiore legis supra vulgus, et Philosophorum mente, consideratio. Lex Clementi Alexandrino quomodo definita. Lex Græcis νόμος ἀπὸ τοῦ νότυ. Lex æterna, ac naturalis, et Tullio præclare illustrata. Lex, aliquid διακονικόν. Legis ἰσχυρισμός, quam assert. B. Thomas Aquinas, improbat. Alia legis definitio. Legis et Jurisprudentiæ apud Jurisconsultos distinctio. Ubi Voconia legis meminit Justinianus. Per Mediam Jurisprudentiam Jurisprudentes ipsi intellecti. Horum aliqui enumerantur. Sexti Pomponii excerptio. Explicatus Paulus. Jus Civile explicatum. Pomponii locus restitutus a Goveano. Quid sit Voconiana ratio, Ad Voconia legis normam antiqua de mulierum legitimis hereditatibus jura conformata, Ad testamentarias tantum hereditates respexit Voconius. Cur mulierum hereditates coercita. Antiquum hoc jus secuti, Ulpianus. Caius, Divus Alexander, Deterius. Admissa ad legitimam successionem filia. Neque id vetuit Voconius. Probatum ex Justiniano. Lex Voconia, presentissimum coercendis mulierum hereditatibus remedium. Fieri potuit, ut Voconius testamentarias mulierum hereditates vocaret; legitimas permitteret. Qui potnerit Pauli locus depravari. Mediam Jurisprudentiam ex æquo et bono Praetores moderati. Gravissima Justiniani Constitutio. Explicatur, quid nova lex Justiniano. Consuetudo, altera lex. Principum Constitutiones, leges.

I. **N**Equè eà solum de re Voconia lex sapientibus meritò viris reprehendenda; sed alio quoque ex capite, vitiosa videri potuit, quodd, si nos Julius Paullus non fallit, aut potiùs in Paulo intelligendo non fallimur ipsi, exceptis consanguineis sororibus, nulli alteri semina hereditatem ab intestato, agnationis jure, deferendam esse decreverit. Sic enim Paullus Receptarum Sententiarum ad Filium lib. IV. tit. VIII. de Intestatorum successione: *Femina ad hereditates legitimas, ultra consanguineas successiones, non admittuntur: idque jure civili, vel Voconia narratione videtur effectum. Ceterum lex XII. Tabularum nulla discretionè sexus cognatos admittit.* Quo in loco quum, Jacobo Cajacio teste, quidam codices habeant, *jure civili; Voconiana ratione*; emendat ipse: *jure civili, Voconiana rogatione*. Ego verò non temere illorum codicum lectionem sollicitaverim, quam verissimam puto. In eam enim conjecturam faciliè adducor, ut existimem, Plebiscito Voconium suo ad testamenta solum, ne plus nimio indulgerent sibi in mulieres viri, non ad agnatorum successiones, aut hereditates ab intestato, respexisse. Nam nullus alius veterum, qui Voconia legis memnerit, id illi attribuit, quod significare Paullum volunt, ut legitimam agnatorum successione solæ ex mulieribus consanguineæ sorores fruerentur. Id equidem ad Mediam Jurisprudentiam referendum esse Justinianus testatur Institutionum lib. III. *de legitimâ Agnatorum successione*. w. *Ceterum. Et hæc quidem*, ait Imperator, *lex duodecim Tabularum nullo modo introduxit; sed, simplicitatem legibus antiquam, amplexa, simili modo omnes agnatos sive masculos sive feminas, cujuscunque gradus, ad similitudinem suorum, invicem ad successionem vocabat. Media autem Jurisprudentia, quæ erat quidem Lege XII. Tabularum junior; Imperiali autem dispositione anterior, subtilitate quâdam excogitata, præstatam differentiam inducebat; & penitus eas a successione agnatorum repellebat, omni aliâ successione incognita.* Sed quodd per mediam Jurisprudentiam Voconiam legem Justinianus intelligat: hæc verò dura nimis, præpostera, atque a communi hominum sermone aliena, visa mihi semper est explicatio,

II. Quis enim unquam legem, quam Tribunus plebis rogaverit, Jurisprudentiæ nomine intelligat? quum Lex sit commune quoddam præceptum, ex Papiniano Lege I. D. de Legibus & Senatusconsultis. sive, si stridior placet Justiniani definitio Institutionum lib. I. tit. II. de jure naturali, gentium & civili. §. IV. quod populus Romanus Senatorio magistratu interrogante, velati Consule, constituebat. quatenus nempe species una lex est juris scripti, atque a reliquis legibus, Plebiscitis, Senatusconsultis, Principum placitis, Magistratum Prætorumve edictis distinguitur. quod etiam discrimen agnovit Isidorus Hispalensis Originum lib. V. cap. X. ubi legem similiter definit: *Lex est constitutio populi, qua majores natu simul cum plebibus aliquid sanxerunt.* Jurisprudentia autem ex Ulpiano lib. I. Regularum, divinarum atque humanarum rerum notitia, iusti atque injusti scientia, L. Justitia, D. de Justitia & Jure. Opinor enim, nos hic populariter loqui, locutumque esse Justinianum, ita ut vocemus eam legem, quæ scripto sancit quod vult, aut jubendo, aut vetando, ut vulgus appellavit. Alioquin, si non ex sermonis more usitati, sed paululò altius supraque vulgi consuetudinem loqui volumus, *lex est*, qualis definitur a Marco Tullio lib. I. de Legibus, *ratio summa insita in natura, quæ jubet ea, quæ facienda sunt, prohibetque contraria.* Eadem ratio, cum est in hominis mente confirmata & confecta, *lex est.* Itaque, ait Tullius, arbitrantur prudentiam esse legem, cuius ea vis sit, ut rectè facere jubeat, vetet delinquere: eamque rem illi græco putant nomine a suum cuique tribuendo appellatam: ego nostro, a legendo. Nam ut illi æquitatis, sic nos de iustis vim in lege ponimus: & proprium tamen utrumque legis est. Quod si ita rectè dicitur, ut mihi quidem plerumque videri solet, a lege ducendum est juris exordium. Ea est enim natura vis, ea mens ratioque prudentis, ea iuris atque injuriæ regula. Sic Clementi Alexandrino lib. I. Stromatum, & Senecæ lib. IV. de Beneficiis cap. XII. *lex est, regula iustorum & iniustorum.* Græcis enim vōvce dicitur αὐτὸ τὸ νόμον, quod suum unicuique tribuat. Legem illam paululò post more suo declarat, hoc est, præclarissimè, Marcus Tullius: *Est igitur, quoniam nihil est ratione melius, et quæ & in homine & in Deo, prima homini cum Deo rationis societas: inter quos*

autem

autem ratio, inter eosdem etiam recta ratio communis est: quæ  
 quum sit lex, lege quoque consociati homines cum diis putan-  
 di sumus. inter quos porro est communio legis, inter eos com-  
 munio juris est: quibus autem hæc sunt inter eos communia,  
 & civitatis ejusdem habendi sunt. Si verò iisdem imperiis &  
 potestatibus parent; multò etiam magis. Parent autem huic  
 ecclesiæ descriptioni, mentique divine, & præpotenti Deo: ut  
 jam universus hic mundus, una civitas communis Deorum at-  
 que hominum existimanda sit. Atque iterum magnificentis-  
 simè lib. II. Hanc igitur video sapientissimorum fuisse senten-  
 tiam, legem neque hominum ingeniis excogitatam, neq. scitum  
 aliquod esse populorum: sed æternum quiddam, quod universum  
 mundum regeret, imperandi prohibendique sapientiæ. Ita prin-  
 cipem legem illam & ultimam, mentem esse dicebant, omni-  
 ratione aut cogentis aut vetantis Dei: ex qua illa lex, quam  
 Dii humano generi dederunt, rectè est laudata. Est enim ra-  
 tio mensque sapientis ad jubendum & ad deterrendum idonea.  
 Et infra. Ergo ut illa divina mens, summa lex est, item cum  
 in homine est perfecta, est in mente sapientis: quæ sunt au-  
 tem variæ & ad tempus descriptæ populis, favore magis, quàm  
 re, legum nomen tenent. Sed æterna hæc atque immutabi-  
 lis lex, aliaque hujusmodi de legibus paulò subtiliora,  
 quàm quæ vulgus capiat & loquatur; philosophantibus re-  
 linquantur: e quibus, sanctissimus argutissimisque vir, Tho-  
 mas Aquinas aliquid διακρίνων legem esse probat I. II.  
 quæstione XC. artic. II. his verbis: Dicendum, quod lex,  
 quædam regula est & mensura actuum, secundum quam indu-  
 citur aliquis ad agendum, vel ab agendo retrahitur. Dicitur  
 enim lex a ligando: quia obligat ad agendum. Regula autem  
 & mensura humanorum actuum est ratio, quæ est principium  
 primum actuum humanorum, ut ex prædictis patet. Rationis  
 enim est ordinare ad finem, qui est primum principium in a-  
 gendis, secundum Philosophum. In unoquoque autem genere,  
 id, quod est principium, est mensura & regula illius generis:  
 sicut unitas in genere numeri, & motus primus in genere mo-  
 tuum. Unde relinquitur, quod lex sit aliquid pertinens ad ra-  
 tionem. Hæc, ut cetera omnia, quæ ad ratiocinandi disse-  
 rendique vim pertinent, ingeniosè aded acutèque Beatus  
 Thomas Aquinas, ut faciliè a nobis veniam illius ἐτυμολο-  
 γήσας

*ylac* obtinere possit, qua legem a *ligando*, non satis e Grammaticæ legibus, dessebit. a *legendo* enim lex est, ut certissimi auctores sunt, Marcus Tullius eo, quem adduximus, loco, Marcus Terentius Varro lib. V. de Lingua Latinâ, Isidorus Originum lib. II. cap. X. lib. V. cap. III. ceteri, qui latinè scripserunt. nemo, nisi barbaræ ætatis scriptor, a *ligando* deduxerit. Neque verò hioninis, sed temporum, vitium illud fuit, ut cum rerum altissimarum scientiâ latini sermonis castitatem B. Thomas non conjungeret. Lex porro summo huic Theologo artic. IV. *nihil est aliud, quam quâdam rationis ordinatio ad bonum commune, ab eo, qui curam communis habet, promulgata.* qua certè definitione omnia legum genera comprehenduntur, æternæ, naturalis, humanæ, divinæ: quas quæstione XCI. diligenter fecernit atque examinat. Sed frustra hic nos, ubi de civilibus legibus agimus, scholæ consuetudo ad philosophandum trahit. communi enim Jureconsultorum voce, nunquam per Jurisprudentiam lex ea, quæ hujus loci propria est, & popularis dicitur Tullio, intelligetur. Neque etiam alibi Justinianus Voconiam Legem nominat, ubi de medio illo legitimæ per adgnationem successionis jure agit: sed, aut antiquam subtilitatem appellat, ut in *Lege Maximam vitium. C. de liberis præteritis.* aut posteritatem, ut in *Lege XIV. C. de legitimis heredibus.* quum tamen, ubi de testamentis res est, Voconiam semel Legem expresse- rit ad tit. *de Lege Falcidiâ* in Institutionibus.

III. Itaque per Mediam hanc Jurisprudentiam Jurisprudentes ipsos cum Theophilo accipere malim: non eos certè, qui sub Imperatoribus ante Justinianum floruerunt, ut, Salvium Julianum, Julium Paulum, Domitium Ulpianum, Æmilium Papinianum, Publium Juventium Celsum, Ælium Marcianum, plerosque alios, quorum operâ Imperatores ipsi plurimum usi (falluntur enim, qui Mediam hujusmodi Jurisprudentiam posterioribus illis temporibus alligant) sed alios vetustiores, qui, nondum mutata Romanæ Reipublice formâ, post Marcum Catonem Porciæ Familiæ Principem, ad Cæsarem usque atque ad Augustum, Juris civilis scientiâ maximam sibi laudem compararunt, Publium videlicet & Quintum Mucios, Publ. Rutilianum Rufum, Paulum Verginiam, Quintum Tiberonem Stoicum, Sextum Pompejum Græci

Gnaei Pompeii patrum, Jurisconsultorum disertissimum Lucium Crassum, Aquilium Gallum, Balbum Lucilium, Sextum Papirium, Servium Sulpitium, Alfenum Varum, Aulum Ofilium, Aufidium Tuccam, Aufidium Namusam, La-beonem Antistium Labeonis Antistii patrem, Cinnam ceterosque, quos libro singulari Enchiridii diligentissimè profectus est Sextus Pomponius. Hos etiam omnes prudentissimos viros, quibus Media Jurisprudencia maximè constitit, arbitror ab Julio Paulo intelligi, dum scribit, *jure civili Voconianâ ratione*, effectum esse videri, ut feminae ad hereditates legitimas, ultra consanguineas successiones, non admitterentur. Jus enim civile non ex Legibus tantum, Plebiscitis, Senatusconsultis, decretis Principum, profluit; verum etiam ex auctoritate prudentum virorum, ut Papinianus lib. I. Definitionum testatus est. *L. Jus autem. D. de Justitiâ & Jure*. atque ante illum Cicero in Topicis ad Cajum Trebatium: *ut si quis jus civile dicat id esse, quod in legibus, Senatusconsultis, rebus judicatis, jurisperitorum auctoritate, edictis magistratum, jure, aequitate, consistat*. Unde Pomponius de civili Romanorum jure: *His legibus latis, cepit (ut naturaliter evenire solet, ut interpretatio desideret prudentum auctoritatem) necessaria esse disputatio fore*. ita enim locum hunc, in Pandectis Florentinis depravatum, restituendum censeo cum Antonio Goveano Lectionum Variarum Juris Civilis Lib. I. cap. XXIV.

IV. Pergit Pomponius: *Hac disputatio, & hoc jus, quod sine scripto venit, compositum a prudentibus, propriâ parte aliquâ non appellatur, ut cetera partes juris suis nominibus designantur, datis propriis nominibus ceteris partibus; sed, communi nomine, appellatur Jus Civile*. Et infra: *Ita in civitate nostra aut jure, idest, lege, constituitur; aut est proprium Jus civile, quod, sine scripto, in solâ prudentum interpretatione consistit*. idest, quod non auctoritate publicâ, aut populi jussu, scriptum decretumque est: sed, ex prudentum responsis dimanavit. Ut meritò civili jure factum esse quis dixerit, quod istorum, quos ejus juris auctores, conditores antistitesque habemus, sententiâ & communi quodam veluti decreto, constitutum sit. ut cunque paullo aliter, atque e Romanorum sub Principibus more, jus civile distinxerit Justinianus lib. I. tit. II. de *Jure naturali, gentium & civili*. ubi scri-

scripto juri prudentum responsa accenseret, non illi tantum de causâ, quod responsa hujusmodi in Pandectarum libros referri jussisset; verum etiam, quod, acceptâ tunc a Caesaribus auctoritate, jus populo interpretari atque responsitare, posteriores Jureconsulti soliti essent. Nam, Justiniano ibidem auctore §. VIII. antiquitus constitutum erat, ut essent, qui jura publicè interpretarentur: quibus a Cesare jus respondendi datum est, qui Jurisconsulti appellabantur: quorum omnium sententiæ & opiniones eam auctoritatem tenebant, ut judici retedere a responsis eorum non liceret. Quod ne ad antiquiora illa Romane Reipublice tempora referatur, e Pomponio illustramus lib. singulari Enchiridii: Ante tempora Augusti, publicè respondendi jus non a Principibus dabatur: sed, qui fiduciam studiorum suorum habebant, consulentibus respondebant. neque responsa utique signata dabant; sed plerumque iudicibus ipsis scribebant, aut testabantur, qui illos consulebant. Primus Divus Augustus, ut major juris auctoritas haberetur, constituit, ut ex auctoritate ejus responderent: & ex illo tempore peti hoc pro beneficio cepit. Et idem optimus Princeps Adrianus, quum ab eo viri pratorii peterent, ut sibi liceret respondere, rescripsit eis: Hoc non peti, sed præstari solere: & idem, si quis fiduciam sui haberet, delectari se, populo ad respondendum se preparare. Ergo Sabino concessum est a Tiberio Cesare, ut populo responderet. De his Jurisprudentibus Isidorus Originus lib. V. cap. XIV. Responsa sunt, quæ Jurisconsulti respondere dicuntur consulentibus. unde & responsa Pauli dicta. Fuerunt enim quidam prudentes & arbitri æquitatis, qui institutiones civilis juris compositas ediderunt; quibus dissidentium lites contentionesque sopirent. Sic igitur Paullum explicaverim, ut illorum post Voconiam legem temporum Jurisconsulti in eam omnes sententiam convenerint, ut mulieres ultra consanguineos ab intestato non succederent.

V. Id Voconianâ ratione effectum videri ait Paullus. id est, ut ego explico, formâ, *ut hujus*, in morem, ad exemplum, Voconie legis, acceptâ ratione, eo ferè sensu, quo sumit Poëta Lucretius lib. VI. v. DV.

Consimili ratione ex omnibus amnibus humor

Tollitur in nubibus. & v. DCCCLXXIX.

Tadaque consimili ratione accensa per undas.

& Justinianus de hereditatibus, quæ ab intestato deferuntur.

§. Cum

§. Cum

§. Cum filius. Pari ratione & , si nepos neptisve sit ex filio, & ex nepote pronepos proneptisve, simul vocantur. Voconianâ ergo ratione jus istud de legitimâ adgnatorum successione prudentissimi viri constituerunt, quod ad Voconiz Legis severitatem jus suum qualitercumque conformaverint; & , quæ Voconium causa moverat, ut mulieres a Censis heredes fieri, latâ lege, vetaret; eadem illis ad coercendas mulierum ab intestato hereditates præluxerit. Quum enim eâ parte, quæ testamenta heredumve institutionem continet, satis Plebiscito suo cavisset Quintus Voconius, ne muliebris supra modum atque ad civitatis perniciem sese efferreret potentia, census hominibus prohibitis heredes feminas instituere; nihil autem de intestatorum hominum hereditatibus ille cogitasset: id sibi non absimili ratione, quoad legitimas successiones, veteres illi Civilis Juris interpretes observandum esse existimarunt, ut, si feminas ab intestatorum hereditatibus universè non rejicerent; cohiberent tamen, quantum possent; adgnationisque jure, ceteris exclusis mulieribus, sorores tantum consanguineas ad legitimam hereditatem admitterent: quum tamen adgnati mares, etiamsi longissimo, puta, decimo, distarent gradu, ad eam hereditatem vocarentur. *Qua de causâ*, inquit Justinianus Institut. lib. III. de legitimâ Adgnatorum successione. §. Ceterum. fratris tui aut patris tui filia, vel amita tua hereditas ad te pertinebat; tua verò ad illas non pertinebat. Quod idèd ita constitutum erat, quia commodius videbatur, ita jura consilui, ut plerumque hereditates ad masculos confluerent.

VI. Hæc verò est illa Voconiana ratio: quam Paullus commemorat, & antiquiores Romani Juris Antistites præ oculis habuerant. Hos & ceteri secuti posterioris ætatis Jurisconsulti, atque ipsi etiam Imperatores. ut, Ulpianus tit. XXVII. de legitimis heredibus. *Ad feminas, ultra consanguineorum gradum, legitima hereditas non pertinet. itaque soror fratri sororive legitima heres fit.* Cajus tit. VIII. de intestatorum hereditatibus. *In feminis verò alia conditio est: quia inter feminas sola tantum soror consanguinea habetur adgnata, ut, germano suo defuncto, ab intestato ei adgnationis jure succedat.* Reliquæ feminae, hoc est, amita (non, *n-mita*, ut vulgò excusum est) idèd, patris soror, vel fratris



*tris filia, nec in capiendis hereditatibus propinquorum legitima sunt; nec masculis propinquis, agnationis jure, succedant. Ipsarum verò hereditates ad masculos propinquos, agnationis conditione, perveniunt. Alexander Augustus. In successione, quæ titulo consanguinitatis; vel in honorum possessione, quæ proximitatis nomine competit; tam fratres quam sorores, pari jure esse (licet non ex eadem matre suscepti sint) jus certum est. Lege I. C. de legitimis heredibus, Decius Aug. Consanguinitatis jure & feminas ad intestatorum successionem admitti posse, explorati juris est. Lege III. C. ibidem. Consanguineos autem in Jurisconsultorum voluminibus fratres tantum eodem patre atque sorores intelligi, apud omnes constat.*

VII. Hinc etiam multò potiori jure, ex illorum temporum sententiâ, ad legitimas successiones et mulieribus admittæ, quæ heredum suorum numero adscriberentur, ut filia, atque ex filio quoque neptis, quæ in potestate morientis fuerint. Quod enim Quintus Voconius non vetuerit filiam intestati patris hereditati succedere; sed probaverint id potius veteres illi Jurisconsulti: præter alia egregia argumenta, certissimè colligere mihi videor ex Justiniani verbis, quæ, ex antiqui Juris ignorance, obscura plerisque videntur. Lege IV. C. de liberis præteritis vel exhereditatis. Maximum vitium antiqua subtilitatis præsentī lege corrigimus, quæ putavit alia esse jura observanda in successione parentum, si ex testamento veniant, in masculis, & alia in feminis: quum ab intestato simile jus utrique sexui servaverint. Unde, etsi Voconius, ut perditio virorum erga mulieres amorī immensæque largitati frenos aliquos injiceret, testamentariâ eorum, qui censi essent, hereditate mulieribus interdixit; non prohibuit tamen, ne legitimæ ad illas successiones deferrentur. Quod certè præsentissimum erat coercendis mulierum hereditatibus remedium. Nam, si quis census partem hereditatis alteri relinquere, aut aliquid legare, vellet; quum legata illis temporibus, non nisi ex testamento valerent, aut intestatus mori, aut alium quemcunque, præter mulierem, vel unicam etiam filiam, instituere heredem cogeretur. Quid si vera tamen sit illa Cujacii emendatio; verèque rogatione suâ caverit Voconius, ne femine ad hereditates legitimas, ultra consanguineas

neque successiones, admitterentur? jam enim constat, utrumque fieri potuisse, ut simul & mulierem aliquam, vel unicam filiam, heredem institui prohiberet [quod ad testamenta pertinet] & alicui nihilominus femine, sive filie, sive consanguineę sorori, intestati hominis hereditatem concederet. quod ad legitimam successionem spectat. Sed illud tamen longè verisimilius, quod nos conjicimus, nihil ad legitimas hujusmodi successiones; sed, ad testamenta tantum heredumve institutiones legem pertinuisse Voconiam: Paulli verò Jurisconsulti locum quamfacillimè interpolari potuisse. Quum enim librarius forsan quidam, quod distinctis spatio aliquo vocibus scribendum fuerat, *Voconianā ratione*: continuā unā litterarum serie ita exarasset: *Voconianaratione*; inde factum, ut postea, divisim malè vocibus, additæque littera unā, scriberetur: *Voconia narratione*. Sic sæpe in libris falsę pro veris lectiones obtruduntur; bonisq; adeò adfingitur auctoribus, quod nunquam ipsi somniarunt. Hoc quidem nostrum est de toto illo Paullino loco judicium.

VIII; Etsi autem Medię illius Jurisprudentię duritiam ex equo & bono Prętores paullatim moderati fuerint, ut Justinianus testatur Institut. lib. III. *de legitimā adgnatorum successione*. §. *Ceterum*: quum tamen non satis hi asperitatem juris correxissent; longa post tempora, ex Orbe illam Romano penitus abolevit Justinianus ipse, tum eodem Institutionum loco, tum in Codice Lege XIV. *de legitimis heredibus*. Pulcherrima ibi est, quanquam paullò verbosior, & Imperatoris gravitate dignissima, Justiniani Constitutio: cujus aliqua hęc verba ad antiqui Juris illustrationem describere non pigebit. *Cui enim, inquit, ferendum est, ab intestato successionebus suas quidem filias, ad similitudinem masculule sobolis, in parentis vocari successionem, & iterum germanas jure consanguinitatis eandem sibi vindicare prerogativam; deinceps autem legitimas seminarum personas, si jura consanguinitatis non possident, a successione legitimā repelli, quum maribus eadem successio pateat? Quare etenim patris soror non ad successionem filii fratris sui una cum masculis vocatur, sed aliud jus in amitibus, aliud in patruis observatur? Vel quare ratione fratris filius ad successionem patruis vocatur; germana autem ejus ab eadem successione recluditur? Hujusmodi itaque legis*

legis antiquæ reverentiam & nos anteponi novitati legis censemus: & sancimus omnes legitimas personas ( idest, per virilem sexum descendentes ) sive masculi sive feminini generis sint: simili modo ad jura legitima successionis ab intestato vocari: secundum gradus sui prærogativam: non ideo excludendas, quia consanguinitatis jura secundum germanam observationem non habeant. Quum enim unius sanguinis jura remaneant per virilem sexum incorrupta; quare naturam offendimus, & legitimo juri derogamus? cum & aliam maximam injuriam res in se continet, plerisque quasi vulnus intestinum incognitum. Quum enim & ad ipsarum mulierum successionem masculi jure agnationis vocentur; quis patiat, earum quidem hereditatem ad eos legitimo jure deferri; ipsas verò nec invicem sibi, nec masculis, eodem jure posse succedere; sed, propter hoc solùm puniri, quòd semina nata sunt; & paterno vitio, si hoc vitium est, prolem innocentem gravari? Quo in loco Justinianus per novitatem illam legis, cui ait antiquam XII. Tabularum legem anteponendam esse, scita intelligit atque interpretationes prudentum, quæ & legis appellatione continentur. Unde Papiniano lex etiam est virorum prudentium consultum. Lege I. D. de Legibus & senatusconsultis. Aut certè consuetudinem intelligit, quæ, auctoribus summæ Jurisprudentiæ viris, vim legis apud Romanos, jam a pluribus seculis, obtinuerat. Nam diuturni mores consensuentium comprobati, legem imitantur, ut Justinianus sancit Institut. lib. 1. de Jure &c. §. Sine scripto. Et Ulpianus lib. 1. de Officio Proconsulis: diuturna consuetudo pro jure & lege in iis, quæ ex non scripto descendunt, observari solet. Lege XXXV. D. de legibus & senatusconsultis & longâ consuetudine. Immo, juxta Paullum lib. VII. ad Sabinum, magnæ auctoritatis hoc jus habetur, quod in tantum probatum est, ut non fuerit necesse scripto id comprehendere. Lege XXXVI. D. eo titulo. Sed & propriè nova ea Lex dici ab Justiniano potuit, quòd, etsi abique populi jussu publicæ Magistratûs alicuius auctoritate ceperit; fuerit tamen postea Romanorum Principum Rescriptis confirmata, Alexandri, Decii, aliorum; atque, ex Cæsarum auctoritate, communi Jurisconsultorum suffragio recepta. Sic enim Justinianus ipse præcipit in Institutionibus tit. de Jure &c. §. VI. Sed & quod Principi placuit, legis habet vigorem.

vigorem: quum lege Regiâ, quæ de ejus Imperio lata est, populus ei & in eum omne imperium suum & potestatem concedat. Quodcumque ergo Imperator per epistolam constituit, vel cognoscens decrevit, vel edicto præcepit, legem esse constat.

## C A P. XI.

**P**aulus iterum explanatus. Adgnatorum & Cognatorum discrimen. XII. Tabularum Lex ab Justiniano prudenter revocata. Barbarâ Armeniarum lex. Regina aliquot laudata. Rejuncta in Galliâ a regni successione femina, sed non per Legem Salicam. Vera Aristotelis observatio. Periculosa per feminam Reipublica administratio. Aristotelis monitum. Vocatio legis magna auctoritas. Ut Liviam ex triente adversus legem heredem faceret, petiit a Senatu Augustus. Dio explicatus. Vitiosa Xylandri versio. Civilis juris ignarus Xylander. Quid legatum inter & hereditatem differat. Nemo simul & heres & legatarius. Quid καταλειπεῖν. Solonis τειράσιον, & Ennii.

**I**Taque novum ab Justiniano jus constitutum est, & sapientissimè revocata XII. Tabularum lex, quæ, ut Paullus notat, nullâ discretionem sexûs cognatos admittit. idest, ut intelligo, adgnatos, in quibus cognati continentur. qui enim adgnati, & cognati: quanquàm non qui cognati, adgnati quoque sint. Qui autem propriè adgnati, explicat Justinianus, Ulpianus, Cajus, Jurisconsulti ceteri omnes: e quibus planissimè Paullus ipse tit. eodem: *Inter adgnatos & cognatos hoc interest, quòd in adgnatis etiam cognati continentur: inter cognatos verò adgnati non comprehenduntur.* Et ideo patruus est & adgnatus & cognatus; avunculus autem cognatus tantummodò. Eam XII. Tabularum legem refert Cicero de Inventione lib. II. Si paterfamilias intestatò moritur; familia pecuniâque ejus agnatum gentiliūque esto. cui & hæc alia addi debet: Si paterfamilias intestatò moritur, cui suus nec extabit heres, agnatus proximus familiam habeto. Sive, ut alibi copiosior aliquantò habetur: *Intestatorum hereditates primò suorum heredum, velint noventve, sunt.* His de-

L

ficien-

scientibus, agnatus proximus an illam habeto. Id verò sanctissimè sapientissimèque a prudentissimo Principe factum, & L. *Memimus. C. de legitimis heredibus.* confirmatum, iudico, ut vetustissima hæc XII. Tabularum jura reduceret, si de illorum bonorum successione res sit, quæ patrimonium appellantur. Unde & idem Justinianus Novellâ Constitutione XXI. ad Proconsulem Armeniæ Acacium, barbaram illam Armeniorum legem severissimè reprehēdit & corrigit, qua feminæ, inter alia, ab hereditariâ suorum agnatorumque successione excluderentur. id quod, ait, multò etiam magis barbaricè in hunc usque diem moribus apud ipsos comprobatū est, non ipsis tantum ista ferino more opinantibus; sed & aliis gentibus debonellantibus naturam, sexumque femineum contumeliâ afficientibus. quasi non & ipse a Deo creatus sit, aut generationi aliquid conferat: sed, quasi abjectus & ignominiosus, extra omnem dignationem ac honorem haberi debeat. Quòd si non de privata domus; sed de regni alicujus aut principatus successione agatur; tunc equidem non facillè feminas a successione excluderem, quum & vetustis & recentibus temporibus Reginæ aliquot, rebus belli pacisque feliciter gestis, parem maximis Regibus animum præ se tulerint: sed nec etiam facillè admittendas putaverim, ut in Galliâ religiosè observari scimus, non ex Lege Salicâ, ut vulgò volunt; sed, ex solemnî Christianissimi Regni omnibus seculis consuetudine, ut restat Johannes Tilius. Ἐπὶ δὲ τὸ ἀρρενὸς πρὸς τὸ θᾶλυ φύσει, ut verè acutèque vidit Aristoteles Politicorum lib. I. cap. V. τὸ μὴ κρείττον, τὸ δὲ χειρόν. καὶ τὸ μὴ ἀρχόν, τὸ δὲ ἀρχόμενον. τὸν αὐτὸν δὲ τρόπον ἀναγκαῖον εἶναι καὶ ἐπὶ πάντων ἀνθρώπων. idest, ex Dionysio Lambino: Praterèa mas cum feminâ comparatus, melior est, hæc autem deterior: & ille quidem imperare, hæc autem imperio parere debet. Eodem modo se res habeat etiam in omnibus hominibus, necesse est. Et cap. XII. Τὸ τι γὰρ ἀρρενὸς φύσει τῷ θηλείῳ ἀνεμικτώτερον: εἰ μὴ πᾶσι οὐκ αἰσθάνεται παρὰ φύσιν. Nam & mas ad principatum obtinendam aptior est, quàm femina, naturâ: nisi fortè ita comparatus est, ut a natu. à desciverit. Nimis autem periculosa est, & facillè ad externos alienosque homines, cum magnâ populorum per-

nicie,

nicie, prolapsura, Reipublicæ per feminam administratio. Atqui publici hæc tantum boni, communisque utilitatis, habenda est ratio, quæ privato cuicunque juri in immensum præstat. Qua de causâ & non nimis mulierosus sit, necesse est, qui imperat. Monet Aristoteles Politicorum lib. II. cap. IX. Καὶ τοι τί διαφέρει γυναικας ἀρχειν, ἢ τοῖς ἀρχοντας ὑπὸ τῶν γυναικῶν ἀρχεσθαι; ταῦτ' γὰρ συμβαίνει. *Atqui quid interest, utrum mulieres Reipublicæ præsent atque imperent, an Reipublica præfecti mulierum arbitratu Rempubl. gerant? Idem enim utrimque mali proficiscitur.*

II. Verum, ne a Voconia adhuc lege abeamus; qualiscunque demum, æqua, an iniqua, turpis an laudabilis, ea lex fuerit; variaque adeo, pro cujusque arbitrio, hominum judicia: magna profectò illius fuit apud Romanos auctoritas. adeo ut Divus Augustus, qui, summâ usus Principis potestate, mulieres quædam a Voconia lege, ut diximus, solverat; ipse a Senatu petierit, ut sibi adversus Voconiam legem liceret, Liviam suam ex triente heredem testamento facere. Testatur id Dio Lib. LVI. & qui Dionem in Epitomen redegit, iisdem ferè verbis, Johannes Xiphilinus: Καὶ μὲν αὐτοῦ τὰς διαθήκας αὐτῇ Πολύβιος τις Κασσάριος ἀνέγνω. οἷς μὴ ὥρισται βουλευτῇ τοιοῦτόν τι ἀναλίσσασθαι. κατελίπειτο δὲ ἐν αὐταῖς τὰ μὲν δύο μέρη τῆ κλήρω τοῖ Ἰβήρισι, τὸ δὲ λοιπὸν τῇ Λιουίᾳ (alibi Λιβίᾳ) ὡς τινὲς λέγουσιν. ἵνα γὰρ τί καὶ ἐκείνη τῆς ἐξίας αὐτῆς ἀπόστηται, παρὰ τῆς βουλῆς ἡτήσατο, τοιοῦτον αὐτῇ καὶ παρὰ τοῖ νόμων (scilicet, Οὐκένειον, ad quam procul dubio legem respicit uterque auctor) καταλίπειν διευθῆναι. κληρονόμοι μὲν δὲ αὐταὶ ἐγγράφατο. κτήματα δὲ καὶ χρήματα πολλὰ πολλοῖς καὶ τῶν προσηκόντων οἱ καὶ τῶν ἀλλοτρίων, ὥς ὅπως βουλευταὶ καὶ ἐκπιῦσιν, ἀλλὰ καὶ βασιλεῦσι. &c. idest, quod postea subditur, δοθῆναι ἐκίλειον, dari iussit. cujus loci hæc est, juxta Guilielmū Blancum Albiensem, sententia: *Post hæc quidā Polybius Cesarianus tabulas testamenti ejus recitavit, quòd eas non deceret Senatorem legere: in eoque testamento Tibertus ex herede, Livia ex triente, ut nonnulli pu-*

*tant, heredes scripti erant. Nam Augustus, ut eam augeret suis facultatibus, petiverat a senatu, ut liceret sibi tantumdem ei contra leges (verius legem, scilicet Voconiam) relinquere. Ab his heredibus scriptis, multa prædia magnamque pecuniam plerisque hominibus propinquis suis & extraneis legavit; nec senatoribus solum equitibusque; sed etiam regibus. Blanci in Xiphilinum interpretationem adhibere malui, quàm Xylandri, qui Dionem vertit: quodd Xylandri versio, hoc quidem in loco, non negligentior solum sit, verum etiam aliena. sic enim hic vertit: In testamento, sicut quidam memoria tradiderunt, ex bese Tiberius, ex triente Livia heres instituebatur. Nam Augustus, ut suorum quoque aliqua bonorum pars ad Liviam pervenire posset, a Senatu petierat, ut tantum etiam præter legem præscripta legare ei posset. Bona autem & pecuniam, &c.*

III. Qua in re non dicam, quàm Civilis Juris ignarum se Xylander ostenderit. Sciunt enim omnes, qui qualemcumque Juris notitiam hauserunt, quàm hæc duo differant inter se: legare quid alicui, & heredem facere. quod vel ille Ciceronis locus docere Xylandrum potuit: *quid si plus legarit, quàm ad heredem heredesque perveniat?* est enim legatum, sive, *delibatio hereditatis, qua testator ex eo, quod universum heredis foret, alicui quid collatum velit*, juxta Florentini definitionem. L. *Legatum. D. de Legatis & Fideicommissis I.* sive, *quadam donatio testamento relicta*, ut definit Modestinus Lege XXXVII. D. *de Legatis & Fideicommissis II.* sive, *donatio quadam, a defuncto relicta, ab herede præstanda*, ut supplisse Justinianum volunt Institut. *de Legatis. §. Legatum.* Unde rescripsit olim Divus Antoninus, quodd appellatione hereditatis neque legata neque fideicommissa continentur. L. *Si Titius. D. de legatis & fideicommissis III.* oraque est communis illa Jurisprudentiæ regula: *neminem simul & heredem & legatarium esse posse.* Itaque, si ex triente heredem Liviam Augustus, præter legem, instituit; qua unquam ratione id legasse dicatur, quod ei hereditatis jure deferebat? neque enim locus ἀπόρος loqui permittit. Immo verò, quum Tiberius institueretur ex bese heres; cur Augustus a Senatu peteret, ut adversus legem liceret sibi, tertiam bonorum suorum partem legare Liviam? quandoquidem Voconia illa lege nulla prohibebatur femina, trientem, legati nomine, accipere, quando plus ad

he-

heredem perventurum erat. Atque ut καταλειπεῖν idem aliquando sit ac legare; ea tamen non est loco huic accommoda vel opportuna significatio: magis autem propriè frequentiorique apud Græcos sensu, accipi solet pro eo, quod est Latinis relinquere; & hereditati peraquè est ac legatis commune. ut, apud Aristotelem Lib. II. Politicorum cap. IX. de Lacedæmonū legislatore Lycurgo: διδόναι δὲ καὶ καταλείπειν ἑξοίαν ἔδωκε τῷ βουλευμένῳ: dilargiri verò & relinquere voluit posse, qui vellent. Poëticiè verbum illud hac significatione usurpatur a Solone, sapientissimo totius Græciæ viro, in his, quos de suo funere scripsit, versiculis:

Μὴδ' ἔμοι ἀχλαυτος θάνατος μόλοι, ἀλλὰ φίλοι

Καλλείπουν θανόν ἄλγιστ' ἐν σπαραγμῶ.

Quod ita versum est a Cicerone lib. I. Tusculanarum Questionum, qui est de contemnendâ morte:

*Mors mea ne careat lacrymis, linquamur amicis.*

*Mærorem, ut celebrent funera cum gemitu.*

sententiâ prorsus dissimili, ac cecinit noster Ennius:

*Nemo me lacrymis decoret, nec funera fletu*

*Faxit. cur? volito vivens per ora viram.*

## C A P. XII.

**Q**uintiliani declamatoris fides discussa. Quis sit ille Quintilianus. Non est Quintilianus senior, Seneca laudatus. Nicolai Fabri conjectura. Forsan est Postumus Junior. Quintiliani Rhetoris pater declamator. CXIV. Declamationes ex CCCLXXXVIII. sub Quintiliani nomine, a quibus editæ. Declamationis CCLXIV. thema. Bona Ærodii fides. Litterarum his temporibus Princeps, Antonius Magliabechius. Mea sententia. Quintiliano Quintilianus oppositus. Egregio Quintiliani loco Ærodius convictus. Scholarum in declamitando consuetudo. Quid sit declamatio. Declamandi præcepta. Declamandi opus forensibus causis simile. Ficta controversiarum themata, sed forensi tamen consuetudini accommodata. Declamandi utilitas. Præcipua corruptæ Eloquentiæ causa, declamatorum inscitia. Suasoria, & Controversia. Vulgaria declamationum themata. Quintilianus auctor Dialogi de causis corruptæ Eloquentiæ.



*Fiſum de Voconia lege argumentum. Legari mulieri ſemiſis patrimonii potuit. Declarationis CCLXIV. locus emendatus. Voconia lex in deſuetudinem jam abire cepta, ab Juſtiniano demum ſolemniter abrogata. Liberorum namin & filia comprehenſa. Q. Voconius Saxa ex Aricia, municipio, quod celebrat Tullius. Aricini municipii poſteriori atate inopia. Voconia ſimul & Furia Legum mentio apud Tullium. Tractationis de Voconia lege Epilogus.*

I. **S**ed interim ex hoc uno Dionis loco facillimè omnes intelligant, quænam declamatori Quintiliano fides habenda ſit. Neque verò hujus ſibi auctoritate blandiri poſſunt, qui de Voconia lege aliter ac nos, recenti memoriâ, ſcripſerunt: quibus tantùm abeſt, ut faveat, ut quammaximè potiùs adverſetur. Quare non iis certè cogitandum eſt, quid ex Quintiliano adverſus me obijciant; ſed, quid ipſi adverſus Quintilianum respondeant. Non ille autem eſt M. Fabius Quintilianus, qui Oratorias Inſtitutiones ſcripſit, celeberrimus Rhetor atque Orator eloquentiſſimus: cui neſcio an verè adſcribantur impolitæ illæ ſaciſque rudes, quæ vulgò circumferri ſolent, undeviginti Declamationes: neque Quintilianus ille ſenior, cujus fama cum ipſo extinda eſt, ut ſcribit M. Annæus Seneca Præfat. lib. V. aut X. Controverſiarum: ſed recentior multò auctor *à révérence*, cujus declamationibus Quintiliani notiſſimi declamatoris nomen adſcriptum ſit, ut putat vir eruditiſſimus Nicolaus Faber in eum Senecæ patris locum; aut, ut ego judico, Poſtumus Junior, de quo Trebellius Pollio in Trīginta Tyrannis: *Fuit autem, quod ſolū memoratu dignum eſt, ita in declamationibus diſertus, ut ejus controverſie Quintiliano dicantur inſertæ: quæm declamatorem Romani generis acutiſſimum, unius capitis lectio primò ſtatim fronte demonſtrat.* Sic ille tamen, ut voluit, Quintilianus, ſi non Rhetoris avus, ut cum Thadæo Ugoletto plures Pichæuſque ipſe, opinati ſunt; ſaltem pater, cujus, optimi veluti declamatoris, mentio ſit Inſtitutionum Oratoriarum lib. IX. cap. III. laudaturque continuum hoc dictum: *Non exigo, ut immoriaris legationi: immorare.* Hic ergo verè fuerit, ex cujus CCCLXXXVIII. Declamationibus ſuperſunt CXLV. quas qui-

quidem superiori ætate habuit Rodolphus Agricola, ut ex ejus lib. III. de Inventione Dialecticâ constat capite XIV. atque in ruinis Latine Lingue delitescentes primum edidit Parmæ anno MCCCCXCIV. Thadæus Ugolerus; anno postea MDLXIII. emendavit explanavitque Petrus Ærodius; & de num an. MDLXXX. ex vetustissimo Claudii Falceti exemplari egregiè restituit, vir diligentissimus, Petrus Pithæus. Extat, inter ceteras, Declamatio CCLXIV. quæ *Fraus Legis Voconia* inscribitur; habetque hoc thema: *Ne liceat mulieri, nisi dimidiam bonorum partem dare. Quidam duas mulieres dimidiis partibus instituit heredes. Testamentum cognati arguunt.* Quod bonâ ad eod fide excepit, vir bonus, Ærodius, ut potior apud illum antiquiorque una hæc fuerit qualiscunque declamatio, quàm veterum ceterorum omnium, vel Romanarum Historiarum, auctoritas. Unde audacter scribit, ex hoc tandem Quintiliani loco manifestum fieri, ut accipi id oporteat, quod ab aliis auctoribus absque ullâ speciali notâ scriptum est de coërcendis, ex lege Voconia, mulierum hereditatibus: atque ad eod mulieri non solum quartam, uti ex Dione colligebatur; sed dimidiam totius hereditatis, relinquere ex lege licuisse. ut jam nullas Augustino fuerit tam acriter in Voconium Saxam inuehendi locus, si, quale caput hoc legis fuit, ex Quintiliano cognovisset.

II. Ego verò, ut dissimilia sunt inter homines judiciorum judicis, si in aliquo Criticorum Senatu, vel a Litterarum his temporibus Principe, Clarissimo Magliabechio, vel ab alio quoquam Censorio viro, sententiam roger; breviter & verè censuerim: ubi in mores institutaque Majorum inquiritur, uni ad eloquentiæ exercitationem compositæ declamationi longè præferenda esse gravissima Tullii, Livii, aliorum, testimonia, qui fallantur omnes, oportet, si per Voconium licuit heredem feminam ex semisse facere. Cur enim unus, quantum ad gestarum rerum fidem, ceteris omnibus vel antiquioribus præponeretur? atque ut his defuerit ad faciendam fidem auctoritas, qua summa semper polluerunt: cur a Senatu Princeps jam Romanæ Reipublicæ Augustus impetraret, ut sibi adversus legem liceret, Liviam ex triente heredem instituere? quod narrat Dio. jam enim, si Quintiliano huic credimus, per-

missum erat per Voconiam legem, ut heres mulier ex dimidiâ patrimonii parte relinqueretur. Quid si, ne aliena tantum persequamur testimonia, Quintiliano Quintilianum ipsum, gravissimum auctorem, opponam? hunc enim, cuius CXLV. extant declamationes, eundem esse ac Institutionum Oratoriarum scriptorem, Ærodius arbitratur. Atqui ille idem, qui de Institutione Oratoriâ libros XII. ad Marcellum Victorium scripsit, &, efflagitante Tryphone bibliopolâ, emisit; eorundem librorum nono, cap. II. disertè testatur, uxorem institui heredem per leges non potuisse. En locus ipse, quo maximè illustratur, quod supra de Fideicommissariarum Hereditatum origine notavimus: *Ream tuebar, quæ subiecisse dicebatur marito testamentum, & dicebatur chirographum, marito expirante, heredibus dedisse: & verum erat. Nam quia per leges institui uxor non poterat heres, id fuerat actum, ut ad eam bona per hoc tantum fideicommissum pervenirent.* ubi ad legem Voconiam certissimè respicit Quintilianus. Quid hîc dicat Ærodius? quò se vertat? quo colore studiosus adeò declamatorum assueclat utatur? Videat, quæso, qui pugnancia inter se loca conciliet: ne, dum declamanti Quintiliano plurimum fidei, & Quintiliano ipsi, & toti temerè detrahatur antiquitati.

III. Mihi facilis ad Quintilianum patrem [ siquidem declamationum illarum auctor fuerit ] responsio: declamare illam, non rei alicujus historiam texere: atque hoc certè nomine, non eum esse auctorem, cui in narratione rerum, præ fidissimis veterum scriptoribus & Quintiliano etiam filio, consilium lere satis possimus. Quis enim argumenti fidem a declamatore exigat? Nimis profectò novus sit ac rudis in Rhetorum scholis, oportet, qui ignoret, eâ ætate plurima fingi consuevisse, in quibus, quibusdam veluti pugnae simulacris, ad verum discrimen declamando exercerentur. Obvia sunt cuique vel apud Marcum Senecam exempla. est enim declamatio, Græcis *μελέτη*, qualis definitur a Fabio filio Institution. Oratoriarum lib. IV. cap. II. *forensium actionum meditatio.* Unde Fabius idem lib. II. cap. X. & ipsas materias, *quæ fingentur*, jubet quamsimillimas esse veritati; & declamationem, in quantum maximè potest, imitari eas actiones, in quarum exercitationem reperta est. *Nam magos, inquit, & pesti-*

*len-*

lentiam & responsa, & saviores tragicis novercas, aliaque magis adhuc fabulosa, frustra inter sponsiones & interdicta quaeremus. Quid ergo? Nunquam hac supra fidem, & poetica, ut verè dixerim, themata, juvenibus pertractare permittimus. Aberrare autem eos, & ne rationem quidem, qua ista exercitatio inventa sit, pervidere, qui totum declamandi opus diversum omnino a forensibus causis existimant, luculenter Quintilianus demonstrat. Nam, si foro non prae-  
 parat, aut scenica ostentationi, aut furiosa vociferationi simillimum est. Quid enim attinet judicem prae-  
 parare, qui nullus est? narrare, quod omnes sciant falsum? probationes adhibere causa, de qua nemo sit pronuntiaturus? Et hac quidem otiosa tantum. affici verò & irâ vel luctu permovere, cuius est ludibrium, nisi quibusdam pugna simulacris ad verum discrimen aciemque iustam consuevimus? Nihil ergo inter forense genus dicendi atque hoc declamatorium intererit? Si profectus gratia dicimus, nihil. Utinamque adjici ad consuetudinem posset, ut nominibus uteremur, & perplexa magis & longioris aliquando actus controversiae fingerentur, & verba in usu quotidiano posita minus timeremus, & jocos inserere moris esset! quae nos, quamlibet per alia in scholis exercitati sumus, tirones in foro inveniunt. Unde constat, ficta plerumque fuisse in umbratili illo studio controversiarum, themata; pluraque solita esse, pro declamantium arbitrio, poni: ut sunt, aetates, facultates, liberi, parentes, urbium ipsarum vires, jura, mores, aliaque his similia. cujusmodi affert ibidem exempla Quintilianus. Sed hoc tamen iis, qui cum utilitate declamarent, cautam esse voluerunt, ne absurda atque a communi consuetudine abhorrentia themata, proponerent; sed veritati quamproximam redderent imaginem. Egregiè eo in loco Quintilianus: *Declamatio, quoniam est judiciorum consiliorumque imago, similis esse debet veritati.* Et lib. X. cap. V. *Declamationes verò, quales in scholis Rhetorum dicuntur, si modò sunt ad veritatem accommodatae, & orationibus similes, non tantum, dum adolefcit profectus, sunt utilissima, quae inventionem & dispositionem pariter exercent; sed etiam, cum est consummatus, ac jam in foro clarus.* Etenim, luxuriantibus jam tunc ingeniis, a rectâ illâ declamandi ratione deficere cepèrant, & monstrosa quædam atque aliena prorsus a causarum consuetudine con-

fecta-

fectari: adeò ut non solum ab eà, in qua prope consenserant, umbrà, vera discrimina, veluti quendam solem, reformidarent; verùm etiam non nisi fabulas persequerentur. Quare inter præcipuas corruptæ eloquentiæ causas, *licentiam atque inscitiam declamantium* Quintilianus reponit, &, qui de Oratoribus Dialogum scripsit, incertus, ut volunt, auctor. Hic enim sic habet. *Nempe duo generis materiarum apud rhētores trahuntur, Suasoria & Controversia. Ex iis suasoria quidem, etsi tanquam planè leviores & minus prudentiæ exigentes, pueris delegantur; controversia robustioribus assignantur, quales per fidem & quàm incredibiliter composita! sequitur autem, ut materia abhorrenti a veritate declamatio quoque adhibeatur. Sic fit, ut tyrannicidarum præmia, aut vitiatarum electiones, aut pestilentia remedia, aut incesta matrum, aut, quidquid in scholâ quotidie agitur, in foro vel raro, vel nunquam, ingentibus verbis persequantur.*

IV. Hæc autem nos omnia ex uno Quintiliano filio [Quintilianum enim & eum esse opinamur, quem incertum de Causis corruptæ Eloquentiæ auctorem appellavimus, ex aliorum sententiâ] idèd aliquantò fusiùs, quàm necesse erat, de declamationis naturâ attigimus, ut mirari jam tirones desinant, si & Quintilianus pater, magnorum virorum exemplo, quos in libro de Claris Rhetoribus Tranquillus commemorat, ad formandam perficiendamque eloquentiam declamitans, Controversiæ suæ de Voconia lege argumentum, ex temporum suorum more, finxerit, ad causarum forensium imitationem quammaximè accommodatum. Finxit itaque, lege, & quidem, nisi inscriptio fallit, Voconia, cautum esse, *ne liceat mulieri plusquam dimidiam partem bonorum suorum relinquere.* ut, institutâ quadam veluti forensi apud umbratiles iudices causâ, se ad eloquentiam atque ad usum fori præpararet: atque inde, imagine quadam iudicii, probabili satis oratione ostendit, viciosum nullâ ex parte testamentum esse, nec legi dissentaneum, quo mulieres duæ [ita nanque Fabius commentus est] ex dimidiâ singulæ patrimonii portione, heredes institutæ erant. Quodd si qualiacunque illa legis verba de legatis ita a quoquam acciperentur, ut liquisset mulieri dimidiam bonorum partem legare, nos e-

quidem

quidem non repugnaremus. Nam, etsi a censo homine heres femina institui e Voconia lege non potuerit; potuit tamen forsan semissem bonorum, legati nomine, accipere: dummodò institutus heres nihil semisse minus obtineret. Verumtamen de hereditaria femina institutione intelligi verba illa voluit Quintilianus, quibus, forensi quadam ratione, controversiæ argumentum suæ adaptaret. *Quæro igitur a his, inquit, utram eligant, in qua malint consistere. Neque enim litigant de bonorum parte; sed totum arguant testamentum. Incipiamus igitur ab eâ, quæ prior scripta est. Quid in hac parte testamenti vitiosum est? Vetatur plusquam dimidiam partem bonorum relinquere, dimidiam partem patrimonii accipi. Excusiemus posset, quale sit illud, quod consequutum est. Interim hoc ius firmum est, nec everti sequentibus potest. At enim ius quidem illa habuit capiendi: sed eâ, quæ postea est, non habuit. Iterum interrogabo, quare. Quoniam plusquam dimidiam partem patrimonii relinquere femina non potuit. Atqui hæc quoque non plusquam dimidiâ parte patrimonii heres instituta est: Nec video rationem, cur id, quod illi capere licuit, huic non liceat, quam in eodem scripto sit testamento. Hactenus declamator: cui manum libenter medicam porrigimus ad illa verba: Vetatur plusquam dimidiam partem bonorum relinquere, dimidiam partem patrimonii accipi. quæ sic restitimus: Vetatur plusquam dimidiam partem bonorum relinquere, dimidiam partem patrimonii accipit: scilicet, mulier illa, quæ prior testamento scripta erat. Sicuti infra de alterâ muliere, quæ & ipsa ex patrimonii semisse coheres facta fuerat: plusquam dimidiam partem patrimonii relinquere femina non potuit. Atqui hæc quoque non plusquam dimidiâ parte patrimonii heres instituta est.*

V. Hinc, ab illo Augusti exemplo, quod ex Dione recollimus, cepit paullatim Voconia lex in desuetudinem abire: donec tandem, Auli Gellii temporibus, Romanæ urbis opulentiâ cum aliis pluribus legibus obliterata penitus est, teste Sexto Cæcilio apud Nodium Atticarum scriptorem lib. XIX, cap. I. Eam, longo post temporum intervallo, solemnî lege abrogavit Justinianus L. *Maximum vitium. C. de liberis præteritis. Sancimus itaque, quemadmodum in successione parentum, quæ ab intestato deferuntur,*

tur, aqua lance & mares & femina vocantur; ita & in scriptura testamentorum eas honorari; & similibus verbis exheredationes nominatim procedere, & contra tabulas bonorum possessionem talem habere, qualem filius, vel suus, vel emancipatus, haberet: ut & ipsa, si fuerit praterita, ad instar filii emancipati, vel sui, vel testamentum ipso jure evertat, vel, per contra tabulas bonorum possessionem, stare hoc non patiat. Et hac non solum in filiabus obtinere; sed etiam in nepotibus & neptibus & deinceps observari censem: si tamen ex masculis progeniti sunt. &c. Cui prudentissimi Principis constitutioni subditur ibi ex Collatione VIII. Novellâ CXV. *Alind quoq; capitulum. Non licet parenti aliquem ex liberis exheredare, vel praterire, nisi is probetur ingratus, & ingratitudinis causas nominatim inserat testamento. Liberos autem appellatione & filiam comprehendi manifestum est ex eâ Constitutione Novellâ CXV. & ex L. Non est sine liberis. D. de verborum significatione.* Denique Voconis Legis meminit Cicero Philippicâ III. unde constat, ex Aricino municipio Q. Voconium Saxam, Voconiamque plebejam gentem, extitisse: quod municipium prædicat Tullius, *vetustate antiquissimum, jure federatum, propinquitate penditimum, splendore municipum honestissimum.* Hinc, inquit, *Voconia, hinc Atinia leges: hinc multa sella curules & patrum memoria & nostrâ: hinc Equites Romani lautissimi.* etsi a veteri hoc splendore, *κατὰ τὸ ἀποπρωτον*, defecisse postea videatur. Unde Satyricus Poëta Satyrâ IV.

*Cæcus, adulator, dirisque a ponte satelles.*

*Dignus Aricinos qui mendicaret ad axes.*

*Et Martialis lib. II. epigr. XIX.*

*Debet Aricino conviva recumbere clivo,*

*Quem tua felix, Zoile, cœna facit.*

Voconiam verò simul & Furiam leges conjungit idem Tullius pro Lucio Cornelio Balbo: *Tulit apud Majores nostros legem C. Furius de testamentis: tulit Q. Voconius de mulierum hereditatibus.* atque Adione etiam III. in Verrem: *Cedo mihi leges Atinias, Fusias, ipsam, ut dixi, Voconiam, omnes praterea de jure civili.* ita hinc legendum. Quæ omnia eò pertinent, ut quivis intelligat [neque enim excurrere longius libet] ita Quintum Voconium vetuisse,

nc

ne ab iis, qui censi essent, mulier ulla, vel unica etiam  
 filia, heres institueretur, ut simul permiserit, ali-  
 quam illi honorum partem, tum ad humanæ vi-  
 tæ subsidium, tum etiam ornamentum, le-  
 gari: ita tamen, ut non plus legaretur  
 mulieri, quàm heredi relinque-  
 retur. Hoc ultimum docuit

Theophilus, dignus id-  
 cicæ auctor, quem  
 ab Alciati cē-  
 sura lib.

V. Παρίσιον cap.  
 XXIII. adse-  
 ramus.





# LIBER IV.

## CAPUT I.

**N**Os, *explanatione legis Voconia, de Romanâ Antiquitate bene meriti. Lex Falcidia, a Publ. Falcidio lata. Duo Legis ejus capita. Barbarorum Jurisconsultorum ineptia. De Falcidiâ Lege plures Tituli. Quanam quadrantis hereditarii origo. Divi Marci Constitutio. Ad exemplam Legis Falcidia taxata portio, quæ inofficiosi testamenti querelam excludit. Lex Glicia incerta. Locus Livii & Svetonii a Sigonio emendatus. Quarta hereditatis pars, Falcidia vulgò appellata. Falcidiam deducere. Quæ liberis debetur portio, Falcidia dicta. An fructus in legitimam portionem imputentur? Duo Juris contraria loca ab Azone conciliata. Zenonis Rescriptum. An dñe quarta ex hereditate detrahi possint? Zeno explicatus. Trebellianica dicta & Falcidia, & commodum Legis Falcidiæ. Quæ jure institutionis debetur, Falcidia. Triplex Falcidiæ acceptio. Quæ liberis debetur portio, Falcidia. Cur liberorum portio, legitima appellata? Quæ ex testamento, legitima portionis portio est. Aucto legitima portionis modo, aucta quoque Falcidia. Juliani patritii locus.*

**I**tem Aſſenus de Voconia lege. de qua ita, Salvine Consul Amplissime, disserui, ut, aut ego unus, aut ceteri omnes ætatis nostræ auctores, fallantur. Unde, si laborem qualemcunque meum tibi & fratri tuo, ceterisque vestrum similibus, hoc est, maximæ doctrinæ viris, probatum iri sentiam; jure mecum ipse gratuler, quodd, unâ antiquâ Lege explanatâ restitutâque, quam ambigui scriptorum loci perplexam satis apud Jurisconsultos atque intricatam reddiderant, de Romanâ Antiquitate, in tantâ Litterarum luce, aliquâ ex parte, benemeritis videri possim. Nunc eò, unde discessimus, nos revocat tractationis nostræ argumentum.

II. Quancquam modum legatorum licentiæ imponere, ple-

plebiscito uterque suo, nixus fuerit C. Furius, & Q. Voconius, Tribuni plebis: quum tamen utraque lex facile eludi posset, tot in plures singulosque homines modicis legatis distributis, ut hereditatem vel nimis onerarent, vel totam serè exinanirent; Tribuni plebis, Publius Falcidius, ut heredum utilitati testamentisque ipsis consuleret, recusantibus, ut Justinianus ait, scriptis heredibus pro nullo aut minimo lucro hereditates adire, Cn. Domitio Calvino II. C. Asinio Pollione Consulibus, anno ab Urbe condita DCCXIV. aut DCCXIII. juxta Fastos Consulares, Augusto Triumviro, legem tulit, quam duobus sub capitibus his verbis conceptam exhibet Paullus lib. singulari ad Legem Falcidiam. I. *Qui. cives. Romani. sunt. qui. eorum. post. hanc. legem. rogatam. testamentum. facere. volet. ut. quam. pecuniam. quas. que. res. quibusque. dare. legare. volet. jus. potestas. que. esto. ut. hac. lege. sequenti. licebit. II. Quicumque. civis. Romanus. post. hanc. legem. rogatam. testamentum. faciet. is. quantam. cuique. civi. Romano. pecuniam. jure. publico. dare. legare. volet. jus. potestas. que. esto. dum. ita. detur. legatum. ne. minus. quam. partem. quartam. hereditatis. ex. eo. testamento. heredes. capiant. Eis. quibus. quid. ita. datum. legatumve. erit. eam. pecuniam. sine. fraude. sua. capere. liceto. is. que. heres. qui. eam. pecuniam. dare. jussus. damnatusve. erit. eam. pecuniam. debeto. dare. quam. damnatus. est.* Haec Falcidia, Tribunitia lex, non a *falcando*, seu *refecando* dicta, ut non sine risu barbarum aliquem Jurisconsultum pueriliter excogitasse video; sed, ab auctore, qui legem hanc a plebe rogavit, ut testantur Eusebius in Chronico, Isidorus Hispalensis Episcopus Originū lib. V. cap. XV. & Dio, qui lib. XLVIII. sic habet: *ὁ νόμος ὁ Φαλκιδίος ἀν. μακρίνος, ὡλεῖται καὶ νῦν ἐν ἰσχυρῇ ἐς τὰς τῶν κλήρων διαδοχὰς, ὥστε τινὰ τὸ τιτάρτοι τῆς καταληφθείσης οἱ οὐσίαι, καὶ γὰρ πιβαρυνῆται, λαβόντα, τὸ λοιπὸν ἀφείμαι, ἔχον ] ὑπὸ τῇ Πουπλίου Φαλκιδίου δημάρχου τῆς ἰνίθ.* quod sic vertit Xylander: *Lex Falcidia a P. Falcidio tribuno plebis lata, qua nunc quoque plurimum valet in hereditatibus adeundis: ea autem permittit, ut heres, si adire hereditatem gravetur, quadrante accepto, reliquum dimittat.* Exiant de hac lege integri li in

li in Digestis lib. XXXV. in Codice lib. VI. in Justinianæ Institutionibus lib. II. in Collatione I. Novel. Constitut. I. cujus hic est titulus: *De heredibus & Falcidiâ, & si heres legata solvere noluerit.* atque in eos Titulos doctissimorum virorum tam uberes tantæque doctrinæ civilisquæ scientiæ copiâ simul ac varietate referti Commentarii, ut ineptus ego sim, si legem hanc pro imbecillitate meâ illustrare voluero. Liberam itaque, ut Paullus ait, legandi facultatem revocavit Falcidius, quam Furia & Voconia Leges coarctaverant: sed ita tamen revocavit, ut modum & ipse legatis præstitueret, scilicet, ut ex hereditate quadrans heredi superesset, neque plus legare, quàm dodrantem totorum bonorum, liceret: idest, ut Justinianus explicat, *ut, siue unus heres institutus sit, siue plures, apud eum eoque pars quarta remaneret.*

III Atque hic ille est Jurisconsultis celeberrimus adeo & decantatus hereditatis quadrans, quo inofficiosi testamenti querela excluditur. De quo tamen non satis constat, quam primùm lege introductus fuerit. Ad Legem Gloriam, ad quam singularem librum scripsit Titus Cuius, erunt, qui ejus originem referendam putent, non improbane Cuius lib. III. Observationum cap. VIII. & Consultatione LX. de persecutione portionis debitæ liberis. Sed Cuius ipse, eo Observationum loco, ad Divum Marcum Philosophum referre, longo postea temporum intervallo, mavult, ex Nicephoro Callisto lib. III. Historiæ Ecclesiasticæ cap. XXXI. ubi Marcum sanxisse scribit, *ut filio, qui in testamento præteritus, a parentibus debitam gratiam non retulisset, quadrans paternæ hereditatis detur.* Ego verò certiori forsan judicio non aliunde, quàm a Lege ipsâ Falcidiâ, hereditarium hunc quadrantem repetendum esse existimaverim; atque ad hujus exemplum legis & similitudinem factum, ut, quum non ingratum filium institui heredem oporteret, ei non minus, quàm quarta pars hereditatis, obveniret. Sicuti postea Cuius animadvertisse vidi in Justinianæ Institutiones tit. *de inofficioso testamento.* Nam tota illa lex Gloria valde mihi suspecta est; eoque magis, quod varia est atque ambigua loci illius lectio, qui unus qualemcumque hanc Gloriam Legis notitiam servavit. Et si enim ad Legem IV.

*Non est enim consensendum. D. de inofficioso testamento.* aliqua exemplaria inscriptionem hanc habeant: *Cajus lib. singul. ad L. Gliciam*; alia tamen magnâ consensione auctorem sententiæ illius Maximum faciunt, cujus olim ad Legem Falcidiam Liber unus circumferebatur. scilicet: *Maximus ad Legem Falcidiam.* Nec aliquantò certior est Legis Glicie auctor. a Claudio enim Glicia dictatore latam forsan hanc legem volunt, fortis ultime homine, cujus nomen in Epitome Livianâ lib. XIX. atque apud Suetonium etiam in Tiberio ex Capirolino lapide restituit vir doctissimus, & de Romanæ Historiæ his temporibus Principe optimè meritis, Carolus Sigonius: quum *Cajum Glauciam* habeat Livius, & *Illiciam* Suetonius: & Glauici aliouit cognomen valdè celebre fuerit Serviliæ gentis, e qua C. Servilius Glauca *primus fuit, ut comperendinaretur reus*, Tullio teste Aetione III. in Verrem. At verò Falcidiæ legi, qua nulla antiquior, opinor, hanc bonorum quadrante. n heredi prædefinivit, tantum nominis atque celebritatis quadrans ipse peperit, ut jam Falcidiæ nomen hereditatis quadrans obtinuerit. Sic pro quadrante Falcidia usurpatur ab Ulpiano lib. III. Fideicommissorum. Lege *Explicito. & Inde Neratius.* a Papiniano lib. IX. Responsum. L. *Deducta. §. Nummis. D. ad Senatusconsultum Trebellianum.* Et lib. XXIX. Questionum. L. *In ratione I. D. Ad Legem Falcidiam. §. quod vulgo.* Et lib. illo IX. Responsum. L. *Pater filiam.* tit. eodem. ab Justiniano Novellâ Constitutione *de heredibus & Falcidiâ* cap. II. ab aliis, aliis in locis. quis enim afferat omnia? Sic communi jam Jurisconsultorum voce, *Falcidiam deducere* est, quartam hereditatis partem detrahere.

IV. Ex hac ergo lege exemplum, opinor [ de Senatus enim consulto Trebelliano non est cur hic differamus ] accepit Marcus, exemplum acceperunt ceteri Romani Juris conditores, ut instituendo filio vel instituto non minus quartâ hereditatis parte tribuendum esse, sancirent. Unde, quæ liberis debetur portio, eadem, quæ Falcidia, est Ulpiano lib. XIV. ad Edictum. l. *Papinianus §. Unde si quis. D. De inofficioso testamento.* *Frustrum enim,* inquit, *solere in Falcidiam imputari, non est incognitum.* Ergo, *etsi ab initio ex semisse heres institutus rogatur, post decennium restituere hereditatem; nihil habet, quòd queratur:*

M

quo-

quoniam facile potest debitam portionem ejusque fructus medio tempore colligere. Quum verò fructus eam in portionem imputari, disertè postea vetuerit Zeno Augustus Rescripto ad Dioscorum Præfectum Prætorio L. *Jubemus*. C. ad Senatusconsultum Trebellianum; sicut & vetuit Justinianus Institutionum lib. II. de *Lege Falcidiæ*: Azo, non ignobilis superioris ætatis Jurisconsultus, ita unum cum alio locum conciliare, nec improbabiler, nixus est, ut Ulpianus de liberis loquatur, qui post certum tempus, puta, post decennium, hereditatem alteri restituere rogati fuerant, quo illis tempore certum erat, legitimam ex fructibus portionem colligere se posse: Zeno verò eos duntaxat spectet, qui, sine ullâ temporis justî præfixione, rogati a patre hereditatis portionem, si absque liberis decesserint, fratribus restituere; vereri meritò poterant, ne quartam debitamque sibi partem, obtinente forsitan citius conditione, consequerentur. Hos ergo, ut de legitimo bonorum subsidio certi statim fierent, ut decebat; portionem quartam jubet, non ex fructibus, sed ex ipsis rebus hereditariis, retinere. *Jubemus*, inquit Zeno, *quoties pater, vel mater, filio, seu filia, filiis vel filiabus, ex aquis vel inaquis partibus, heredibus institutis, invicem, seu simpliciter, quosdam ex his, aut quendam rogaverit, qui prior sine liberis decesserit, portionem hereditatis suæ superstiti, seu superstitis, restituere: ut, omnibus modis retentâ quartâ pro auctoritate Trebelliani Senatusconsulti, non per imputationem redditum, licet hoc testator rogaverit, vel jusserit; sed de ipsis rebus hereditariis dodrans restituatur*. Quo ex Zenonis loco satis liquet, si Romanæ Leges spectentur, non jam planè licere, quod, Pontificio præsertim accedente jure in cap. *Raynntius*. & in cap. *Raynaldus de Testamentis*, fieri jam posse Jurisconsultorum plerique opinantur, ut duæ quartæ, vel si liberi instituti sint, ex hereditate detrahantur. Nec ejus, quæ Rescripto Zenonis subjicitur, Falcidiæ, veluti alterius portionis, habenda est ratio, quam scilicet, deductâ unâ, deducere insuper liceret: sed aliud quartæ illius portionis exemplum ab Imperatore affertur de liberis, qui non, ut primo loco, fratribus; sed filiis suis, testatoris ipsius nepotibus, rogati essent restituere. ut ad eum locum glossa admonet. Satis autem notum exploratum-

cumque est ex Ulpiano lib. III. Fideicommissorum §. *Inde Neratius*. eam, quæ propriè Trebellianica est, quamque, ex Senatusconsulto Pegasiano Trebellianoque, retinet heres, qui restituere hereditatem rogatus fuerit, Falcidiam quoque appellari. Unde & Legis Falcidiæ portionem vocat Zeno, quæ ex rebus fideicommissis detrahenda est; & commodum *Legis Falcidiæ* Paulus lib. XL. ad Edictum. L. *Siquis dolo malo. §. si fidei*. D. *Siquis aliquem testari prohibuerit, vel co. gerit*. ubi, si dolum is admiserit, cujus fidei commissum est, ut hereditatem restitueret; ea hereditas caduca cum suis oneribus fieri jubetur: ut commodum *Legis Falcidiæ Fiscus* sentiat; dodrantis autem fideicommissarius.

V. Immo, quæ jure institutionis debetur portio, hanc Falcidiam propriè dici, luculenter adnotat glossa ad Authentic. *Unde si parens. C. de inofficioso testamento*. Quum enim Divus Justinianus Novellâ Constitutione XCII. Collatione VII. jussisset, si immensâ donatione parentes in quemdam quosdamve liberorum bona sua profudissent, tantum quemque filiorum ex paternâ hereditate, nomine *Falcidiæ*, ferre, quantum ei ante donationem deferendum ex lege fuerat; atque inde in Codicem Authentica immixta esset; sic ad verbum illud *Falcidiæ* habet glossa: *Propriè ponitur hoc nomen pro portione debitâ jure institutionis; impropiè ponitur pro Trebellianicâ; impropriissimè pro debito bonorum subsidio*. Eadem ferè docet ad L. *Quoties. C. Familia eriscunda*. qua lege Gordianus Augustus obtemperandum esse sancit testatoris voluntati, *quoties inter omnes heredes successionem suam dividit, salvâ legis Falcidiæ auctoritate*. ubi Falcidiæ ternas has interpretationes accommodat, ut vel ea sit, quæ jure institutionis, vel ea, quæ jure naturæ debeatur, vel sit etiam Trebellianica. & aliis pluribus in locis. Falcidiam certè pro debitâ jure naturæ portione, quæ dicitur bonorum subsidium, ut rectè explicat glossa, accipit Justinianus Novella Const. XCII. qua immodicas inofficiosasque parentum erga aliquem filium, atque in aliorum filiorum detrimentum, donationes coercet. ibi namque sese dudum de Falcidiâ & illius parte, decrevisse testatur, cum illam non ignobili auxit incremento: scilicet, ad trientem usque & semissem pro nume-

ro liberorum, ut ex illâ celebri constat Novellâ Constitutione XVIII. de Triente & Semisse, Collat. III. Quare non immeritò Antonius Goveanus lib. II. Lektionis Variarum Juris Civilis, portionem illam, quæ filium a querelâ inofficiosi testamenti prohibet, eò legitimam dici arbitrat, quòd Falcidia sit, hoc est, quarta portionis ab intestato contingentis: quum alioquì legitima ea sit hereditas, quæ ab intestato defertur; quæ verò ex testamento, propriè legitimæ portionis portio, sen quarta legitimæ partis, ut apud Justinianum in Institut. de inofficioso testamento. *τ. Sed hæc ita.* quarta debitæ portionis, ut apud Ulpianum lib. XIV. ad Edictum. L. *Papinianus. D. de inofficioso testamento. π. quoniam autem.* partis, quæ ab intestato defuncto potuit ad heredem pertinere, quarta, ut apud Alexandrum Augustum Rescripto ad Florentium L. *Parentibus. C. de inofficioso testamento.* quarta pars ejus, quod ad heredem esset perventurum, si intestatus paterfamiliâs decessisset, ut apud Ulpianum L. *Papinianus. §. Si quis.* quarta pars ab intestato successionis, ut apud Justinianum ad Mennam L. *Quæ nuper. C. tit. eodem.* quarta pars debitæ ab intestato portionis, ut apud Valerianum & Gallienum AA. ad Aëriam. L. *Si pater. C. de inofficiosis donationibus.* ut Cujacius quoque adnotavit. Goveani autem conjecturæ certa argumenta favent. Nam, auctâ hæc legitimæ hereditatis portione, auctâ quoque Falcidia ex Justiniano intelligitur: & Lege *Quæ nuper.* eadem, quæ Falcidia, & legitima portio appellatur. Unde Julianus patritius, Antecessor Constantinopolitanus; qui Novellas Justiniani Constitutiones in epitomen contraxit, Constitutione XXXIV. *Omnes tam masculi, quàm femina, decedentes, si unum filium habeant, tertiam partem substantiæ suæ ei relinquant, Falcidia nomine: eodem obtinente jure, & si duos, vel tres, vel quatuor liberos reliquerint. Sin autem ultra quatuor sint, dimidiam substantiæ paternæ partem habeant, ut in hoc casu Falcidia lex dimidiam partem contineat, idest, sex uncias defuncti.* Sic Falcidia vel triens vel semissis hereditatis esse cepit, pro numero liberorum. Hæc igitur erit quadrantis illius hereditarii, qui filiorum de paterno testamento querelam excludit, origo: ut aliqua quidem hereditatis portio, jure quodammodò naturæ, vel

τάτα εἶναι, ut loquitur Novel. I. Justinianus, debita sic filiis; sed ea ipsa tamen, ad quartam usque partem totius hereditatis, quam ex Falcidiâ lege accipere heredem oportebat, fuerit ad Falcidię exemplum taxata.

## C A P. II.

**B**ona intestatorum parentum ex aquo inter filios dividenda. Illas Falcidiâ, potest ad arbitrium testator hereditatem inter heredes distribuere. Patris in dividendâ filiis, pro arbitrio, hereditate potestas. Legitima portio ante Justinianum quarta. Si minus quartâ relictum, locus querelę de inofficioso testamento datus. Color paterna insania. Deducto æ alieno & funeris impensâ, accepta quarta. Titulus olim institutionis non necessarius filio. Vetera jura ab Justiniano correctâ. Legitima liberorum portio ad trientem, vel semissem, pro illorum numero, aucta. Celeberrima Justiniani de triente & semisse constitutio. Fida, sed barbara. Authenticarum Constitutionum translatio. Si quid trienti vel semissi hereditatis defuit, suppleri jussu ab Justiniano. Filio institutionis titulus necessarius, ut valeat paternum testamentum. Au heredis institutioni necessaria aliqua verborum formula? Honorabilis titulus hic filio atque utilis. De jure accrescendi doctus liber Antonii Goveani. Quia ratione ultimę patris voluntati prospectum, si in testamento filii institutionem prætermisserit. Conciliata qualitercumque cum Justiniani lege vetera jura. Aliqua a nobis leviter attacta, plura omissa. Testamentum per nuncupationem. Vetus hujus testamenti consuetudo. Totius translationis nostrę summa. Noverca, fraudulentum mulierum genus. Discuss. tandem tot. causę, prolata a nobis de potestate patrisfamilias sententia. Justiniani Constitutio.

**V**erum ut ad rem nostram redeamus; & non verustiora illa Romanorum jura, quę animum nimis nostrum trahere solent, diligentius perscrutemur; sed recentiora perpendamus, quę ad institutum nostrum maximè pertineant, quantum satis videbitur, diligenter: etsi, quod breviter monent Philippus Augustus



& Philippus Cæsar, inter filios & filias bona intestatorum parentum pro virilibus portionibus æquo jure dividi oportere, explorati juris est. Lege XI. C. *'Familia erciscenda*: attamen, ut ibidem Lege X. præscribit Gordianus Imperator, quoties inter omnes heredes testator successionem suam dividit, ac singulos certis possessionibus cum mancipiis, quæ in eisdem sunt constituta, jubet esse contentos; voluntati ejus, salvâ Legis Falcidie auctoritate, obtemperandum esse, manifestum est. Licet itaque patri, dummodò legitimam filiorum cuique portionem jure institutionis relinquat; non solum, quod dixisse hætenus videmur, pinguiora legata, in quem voluerit, erogare; sed, quod ex Romanis Legibus constat, totum, quod reliquum est, hereditatis nomine, transferre in obsequentiores filios: idest, illorum omnium, quæ debito bonorum subsidio superfluent, bonorum filios, pro singulorum pietatē suæque arbitrio, heredes vel inæqualibus portionibus instituere. Ita discretissimè omnium Imperator Alexander ad Florentium: *Parvulis arbitrium dividendæ hereditatis inter liberos adimendum non est: dummodò non minus is, qui pietatis sibi conscius est, partis, quæ ab intestato defuncto potuit ad eum pertinere, quartam ex judicio parentis obtineat.* Lege VIII. C. *de inofficioso testamento*. Et quarta quidem totius hereditatis, sive bonorum, ante Justinianum, ad Legis Falcidie imitationem, legitima erat portio, quæ ex Constitutione Divi Pii ab inofficiosi testamenti querelâ removebat, Ulpiano teste L. Papinianus. D. *de inofficioso testamento*. §. *Si quis impubes*. Quod posteriores Imperatores solemnī lege confirmarunt: & præcipuè Antoninus Caracallâ Rescripto ad Ingenuum: *Cum queritur, an filii de inofficioso patris testamento possint dicere: si quartam bonorum partem mortis tempore testator reliquit, inspicitur.* Lege VI. C. *de inofficioso testamento*.

II. Si minus quartâ relictum esset, querelæ locus dabatur, ut non ex hoc tantum loco apparet; sed ex Lege etiam Papinianus. §. *Si quis impubes*. Unde civilis juris interpretes, maximâ ex parte, interpolatam putant lectionem Legis *Si non mortis*. D. *de inofficioso testamento*. quæ est Ulpiani e lib. III. Disputationum: additaque per Tribonianum Clarissimum virum verba illa: *at, si minus habeat;*

beat; quod deest, viri boni arbitrato, repleatur. Id verò, ut istorum librorum primo monuisse memini, colore paternæ quasi infantiæ, a prudentissimis viris prudentissimè excogitatum: non quasi paterfamiliæ, ut egregiè Martianus observat lib. III. Institutionum, & ex eo Justinianus ceterique omnes Jureconsulti, verè furiosus vel demens testatus sit: sed rectè quidem fecerit testamentum; sed, non ex officio pietatis. Nàm, si verè furiosus esset, vel demens, nullum esset testamentum. Neque solum ad excludendam inofficiosi testamenti querelam satis hæc erat quarta, quæ, Ulpiano auctore L. Papinianus. deducto ære alieno & funeris impensâ, accipitur: verùm, etsi, quocumque alio, præter institutionem, titulo, ad filium perveniret; agere illi de inofficioso testamento non licebat. ut putavit certè olim Jurisconsultus Lege Papinianus. §. Siquis mortis causâ. atque ex antiquo jure testatur in Institutionibus de inofficioso testamento Justinianus. Igitur quartam debet quis habere, ut de inofficioso agere non possit, sive jure hereditario, sive jure legati, vel fideicommissi, vel, si mortis causa ei quarta donata fuerit, vel inter vivos: in iis tantummodò casibus, quorum mentionem facit nostra constitutio, vel aliis modis, qui in nostris constitutionibus continentur.

III. Sed hæc ferè omnia, sanctiori forsan prudentiorique consilio, Justinianus idem correxit. Nam in primis parca illi nimis visa est atque jejuna, quarta portio, qua paternam erga filios liberalitatem veteres Leges definierant; neque fatis digna, qua parentes suam commendatam vellent in liberos pietatem. Eam idcirco, ut parentum ipsorum honori filiorumque commodis consuleret, ita, pro liberorum numero, auctam voluit, ut, si quatuor paucioresve essent filii, deductis oneribus totius hereditatis, triens; si quinque pluresve, semissis saltem, in legitimam portionem cederet, ex æquo inter illos dividendam. Pulcherrima est, &, quanquàm longior, dignissima tamen, quæ huc asseratur, ipsa Justiniani lex, unde plurimum lucis tota res nostra accipit, e celeberrimâ Novellâ Constitutione XVIII. de triente & semisse. Deum verò semper considerantes, ait Imperator, & quatenus ei placidi videamur; & aliquid bonorum dignum in nobis agamus, nitimur aliquid adinvenire semper & naturæ consequens, &

& Philippus Cæsar, inter filios & filias bona intestatorum parentum pro virilibus portionibus æquo jure dividi oportere, explorati juris est. Lege XI. C. *Familia erciscunda*: attamen, ut ibidem Lege X. præscribit Gordianus Imperator, quoties inter omnes heredes testator successionem suam dividit, ac singulos certis possessionibus cum mancipiis, quæ in eisdem sunt constituta, jubet esse contentos; voluntati ejus, salvâ Legis Falcidie auctoritate, obtemperandum esse, manifestum est. Licet itaque patri, dummodò legitimam filiorum cuique portionem jure institutionis relinquat; non solum, quod dixisse hætenus videmur, pingulora legata, in quem voluerit, erogare; sed, quod ex Romanis Legibus constat, totum, quod reliquum est, hereditatis nomine, transferre in obsequentiores filios: idest, illorum omnium, quæ debito bonorum subsidio supersunt, bonorum filios, pro singulorum pietate suoque arbitrio, heredes vel inæqualibus portionibus instituere. Ita discretissimè omnium Imperator Alexander ad Florentium: *Parentibus arbitrium dividendæ hereditatis inter liberos adimendum non est: dummodò non minus is, qui pietatis sibi conscius est, partis, quæ ab intestato defuncto potuit ad eum pertinere, quartam ex judicio parentis obtineat.* Lege VIII. C. *de inofficioso testamento*. Et quarta quidem totius hereditatis, sive bonorum, ante Justinianum, ad Legis Falcidie imitationem, legitima erat portio, quæ ex Constitutione Divi Pii ab inofficiosi testamenti querelâ removebat, Ulpiano teste L. Papinianus. D. *de inofficioso testamento*. §. *Si quis impubes*. Quod posteriores Imperatores solemnī lege confirmarunt: & præcipuè Antoninus Caracalla Rescripto ad Ingenium: *Cum quaritur, an filii de inofficioso patris testamento possint dicere: si quartam bonorum partem mortis tempore testator reliquit, inspicitur.* Lege VI. C. *de inofficioso testamento*.

II. Si minus quartâ relictum esset, querelæ locus datur, ut non ex hoc tantum loco apparet; sed ex Lege etiam Papinianus. §. *Si quis impubes*. Unde civilis juris interpretes, maximâ ex parte, interpolatam putant lectionem Legis *Si non mortis*. D. *de inofficioso testamento*. quæ est Ulpiani e lib. III. Disputationum: additaque per Tribonianum Clarissimum virem verba illa: *at, si minus habeat;*

*beat; quod deest, viri boni arbitrato, repleatur.* Id verò, ut istorum librorum primo monuisse memini, colore paternæ quasi insanix, a prudentissimis viris prudentissimè excogitatum: *non quasi paterfamiliàs, ut egregiè Martianus observat lib. III. Institutionum, & ex eo Justinianus ceterique omnes Jureconfulti, verè furiosus vel demens testatus sit: sed rectè quidem fecerit testamentum; sed, non ex officio pietatis.* Nàm, si verè furiosus esset, vel demens, nullum esset testamentum. Neque solùm ad excludendam inofficiosi testamenti querelam satis hæc erat quarta, quæ, Ulpiano auctore L. *Papinianus*. deducto ære alieno & funeris impensâ, accipitur: verùm, etsi, quocumque alio, præter institutionem, titulo, ad filium perveniret; agere illi de inofficioso testamento non licebat. ut putavit certè olim Jurisconsultus *Lege Papinianus. §. Siquis mortis causâ.* atque ex antiquo jure testatur in Institutionibus de inofficioso testamento Justinianus. *Igitur quartam debet quis habere, ut de inofficioso agere non possit, sive jure hereditario, sive jure legati, vel fideicommissi, vel, si mortis causa ei quarta donata fuerit, vel inter vivos: in iis tantummodò casibus, quorum mentionem facit nostra constitutio, vel aliis modis, qui in nostris constitutionibus continentur.*

III. Sed hæc ferè omnia, sanctiori forsan prudentiorique consilio, Justinianus idem correxit. Nam ip primis parca illi nimis visa est atque jejuna, quarta portio, qua paternam erga filios liberalitatem veteres Leges definierant; neque satis digna, qua parentes suam commendatam vellent in liberos pietatem. Eam idcirco, ut parentum ipsorum honori filiorumque commodis consuleret, ita, pro liberorum numero, auctam voluit, ut, si quatuor paucioresve essent filii, deductis oneribus totius hereditatis, triens; si quinque pluresve, semissis saltem, in legitimam portionem cederet, ex æquo inter illos dividendam. Pulcherrima est, & quanquàm longior, dignissima tamen, quæ huc afferatur, ipsa Justiniani lex; unde plurimum lucis tota res nostra accipit, e celeberrimâ *Novellâ Constitutione XVIII. de triente & semisse.* Deum verò semper considerantes, ait Imperator, & quatenus ei placidi videamur, & aliquid bonorum dignum in nobis agamus, nitimur aliquid adinvenire semper & natura consequens, &

quod possit priora corrigere. Frequenter igitur & aliis vici mirati sumus, quomodo legitimis & benevolis filiis, quibus agunt gratias parentes, quibusque, quod relinquitur, jam etiam debitum vocant, solum triuncium definierunt ex necessitate relinqui. reliquum vero jacet in voluntate parentum: & capiunt quidem cognati omnia & extranei, vel cum libertato servi. Filii vero, licet multi consistant, etiamsi nihil offenderint parentes, confunduntur, & triuncium dividunt solum: vel, si decem forte aut amplius fuerint, pauperes erunt filii; donec vixerint patres, idonei. Hec nos moverunt corrigere legem, & non eam despicere semper erubescences; talique modo determinare causam: ut siquidem unius est filii pater aut mater, aut duorum vel trium vel quatuor, non triuncium eis relinqui solum; sed tertiam propria substantia partem, hoc est, uncias quatuor; & hanc esse definitam mensuram usque ad pradiatum numerum. Si vero ultra quatuor habuerint filios, mediam eis totius substantia relinqui partem, ut sexuncium sit omnino quod debetur, singulis ex aequo quadriuncium vel sexuncium dividendo. Et hoc non sub injusta circumstantia rerum (forsan enim ob hoc etiam alii injustitiam patiuntur, aliis quidem meliora, aliis vero deteriora percipientibus) sed quod contigerit unumquemque, per omnia aequum esse in qualitate & quantitate: sive quis illud institutionis modo, sive per legati (idem est dicere & si per fideicommissi) relinquat occasionem. Licebit enim ei reliquum octuncium, forte aut sexuncium habere, & largiri, sicut voluerit, filiis ipsis, aut quilibet extraneorum; & naturam primò curatè competenter, sic ad extraneas largitates accedere: hoc observando in omnibus personis, in quibus, ab initio, antiqua quartæ ratio de inofficioso lege decreta est. Hactenus ex vulgari, fidè illà quidem, sed tamen barbarà, Authenticarum Constitutionum translatione; Justinianus; qui postea ibi subdit, curialibus filiis novem hereditatis uncias, seu dodrantemtribuendum: reliquo, inquit, triuncio a parentibus secundum potestatem dispensando; omnibus aliis de inofficioso positis legibus, & præcipue nostris, in sua virtute servandis & de ingratiss filiis & de naturalibus, præter solam quantitatem, quam ad præsens auximus, secundum omnes prædictas definitiones. Atque hinc exscripta est in Codicem Authentica Novissima de inofficioso testamento.

IV. Et si verò incrementum hoc addiderit Justinianus legitimæ filiorum portioni, quam *debitum naturale* ipse appellat Rescripto ad Johannem PP. L. *Scimus. C. de inofficioso testamento*; noluit tamen, ut, si triente aut semisse minus relinqueretur; inofficiosi idcirco nomine testamentum aut accusari aut rescindi posset: sed, ut suppleretur tantum, boni viri arbitrato, quod ad legitimum usque complementum deesset. Hac potissimum ratione testamentis ipsis, ne facile subverterentur, prospexit *Lex Omnimodo. C. eo titulo*. Sufficit jam ergo ad querelam inofficiosi removendam, ut aliquid, quantulumcunque demum illud sit, ex hereditate filiis relinquatur. *Sed hæc ita accipienda sunt* (quæ nempe dicta fuerant, ut de inofficioso agere quis possit) *si nihil eis penitus a testatoribus testamento relictum est*: quod nostra constitutio ad *verecundiam naturæ* introduxit. Sin verò *quantacumque pars hereditatis vel res eis fuerit relicta*; de inofficioso querelâ quiescente, id, quod eis deest, usque ad quartam legitimæ portionis repleatur: licet non fuerit adjectum, boni viri arbitrato debere eam compleri. Auctor est suls in Institutionibus prudentissimus Imperator. Verumtamen, ut testamentum firmiter atque ex jure, a patrefamiliâ fiat, institutionis præterea titulum Justinianus exegit: ut nempe legitima portio, non legati, non donationis, non fideicommissi, non alio quocumque nomine; sed, solemnî institutionis jure, filiorum cuilibet, tanquam vero heredi, deferatur. Quod communi jam consensione Jurisconsulti comprobant, ex Novellâ CXV. *Ut cum de appellatione cognoscitur. § Aliud quoque Capitulum. Collat. VIII. ubi sic habet Justinianus*, ut primo nos quoque libro retulimus: *Sancimus igitur non licere penitus patri, vel matri, avo, vel avia, proavo vel proavia, suum filium vel filiam, vel ceteros liberos, præterire, aut exheredes in suo facere testamento; nec si per quamlibet donationem, vel legatum, vel fideicommissum, vel alium quencumque modum, eis dederit legibus debitam portionem: nisi forsân probabuntur ingrati, & ipsas nominatim ingratitudinis causas parentes suo inseruerint testamento. Approbavitque glossa tum in cap. Raynutius. de testamentis, ad v. relinquens. tum in cap. Si pater. in VI. eodem titulo, ad v. instituit. Et si non supersticiosè solemnibus qui-*

quibusdam verborum formulis in herede instituendo ad-  
hærendum sit; ut plerique voluerunt apud Ulpianum cit.  
XXII. *quemadmodum heres institui debeat. Heres institui re-  
dè potest his verbis: Titius heres esto: Titius heres sit: Ti-  
tium heredem esse jubeo. Illa autem institutio: heredem insti-  
tuo; heredem facio; plerisque improbata est. Sed nimiam  
istorum in concipiendis formulis religionem damnarunt  
postea Constantinus, Constantius & Constans Augusti Le-  
ge XV. C. de testamentis: Quoniam indignum est ob inanem  
observationem irritas fieri tabulas, & judicia mortuorum;  
placuit, ademptis iis, quorum imaginarius usus est, institutioni  
heredis verborum non esse necessariam observantiam, utrum im-  
perativis & directis verbis fiat, aut inflexis. Nec enim interest,  
si dicatur, heredem facio, vel instituo, vel volo, vel mando;  
vel cupio, vel esto, vel erit. Sed, quibuscumque confecta senten-  
tiis, vel in quolibet loquendi genere formata institutio valeat:  
si modo per eam liquerit voluntatis intentio. Hinc autem  
non plurimum duntaxat honoris, sed etiam utilitatis, in  
filium redundavit. Honoris, inquam, quum hereditates,  
auctore Ulpiano lib. XL. ad Edictum, non honestiore modo  
titulo; sed & pleniore jure, tribuantur. L. Filium quis. D.  
de legatis præstandis. Utilitatis verò ex accrescendi jure,  
quo, instituto filio coheredis portio accrescit, si repu-  
dierit is, aut adire nolit, hereditatem; ex Interpretum sen-  
tentia in L. Quoties. C. quando non potentium partes pe-  
sentibus accrescant: Quo de jure elegantem animum ac do-  
ctam libellum scripsit Antonius Goveanus; atque aliquid  
innuit Justinianus Novel. Constitut. I. de heredibus & Fal-  
cidia. §. Si quis autem. Legatariis enim jus istud accre-  
scendi non competit, nisi ex rei, & non verborum tan-  
tùm; conjunctione; ut Goveanus observat. Unde, quum  
institutionis jure aliquid relinqui filio, qui exheres non  
scribitur, paterno in testamento omnino oporteat: si ejus-  
modi institutionis titulum testator imprudenter omiserit;  
ne prorsus pereat ultima patris voluntas, subtilem quam-  
dam rationem acuti homines excogitarunt, ut nempe pa-  
terfamilias suo in testamento adjiciat, velle se, quo opti-  
mè potest, modo eam valere voluntatem; adeoque, si  
jure testamenti non potest, valere saltem jure codicil-  
lorum. Quod acceperunt ex L. Siquis. C. de codicillis.*

Nec

*Nec transducere liceat ad fideicommissi interpretationem, vel  
ut ex codicillis ultimam voluntatem: nisi id ille complexus  
sit, ut vim etiam codicillorum scriptura debeat obtinere. &  
docet glossa in Institution. de inofficioso testamento, ad  
eum locum: si nihil eis penitus a testatoribus, testamenti  
relictum est. ubi glossa: scilicet, jure institutionis, cum te-  
stamentum facit, ut in auth. ut cum de app. cog. §. aliud.  
col. VIII. sed, si aliam voluntatem facit, sufficit, quod quo-  
quo relinquat titulo, ut in Auth. de trien. & se. §. I. col. III.  
Idem prorsus habet ad illa verba: quartam quis debet ha-  
bere, ut de inofficioso agere non possit, sive jure hereditario,  
sive jure legati. scilicet: sed hodie, jure institutionis, si fa-  
cit testamentum &c. Si verò alia sit voluntas, sufficit quoque  
relicti titulo. Atque ita in Authent. ut cum de appellatione  
cognoscitur. ad v. preterire. cum novissimâ Justiniani lege  
alia qualitercumque conciliantur [si conciliari ramen pos-  
sunt] jura, quibus ad excludendam inofficiosi testamenti  
querelam satis visum est, ut quadrans, quocunque, vel  
legati, titulo, filio relinquatur. Vel dic, quod prædicta ju-  
ra loquantur, quando non faciebat testamentum, sed codicil-  
los: h'c, quando solemniter testabatur: unde jure institutionis  
sibi, ut aliis, debet relinquere.*

V. Hæc igitur prudentissimi Principis Justiniani de rectâ  
paterni testamenti ratione leges, hæc instituta, quibus, pro  
Romani Imperii dignitate, ita supremæ testantium voluntati  
consultum voluit, ut testamentis ipsis, filiorum non minùs  
erga parentes quàm parentum erga filios, pietas probaretur.  
Aliqua nos leviter quidem attigimus, ut de imperfecto inter  
liberos testamento, de quo consuli potest Novella Justi-  
niani Constitutio CVII. atque inde in Codicem transcrip-  
ta Authentica ad Tit. de testamentis. plura etiam omisi-  
mus (fatemur enim) atque inter cetera vulgare illud de  
testamento per nuncupationem, quod Græcis dicitur  
*διαβήν ἀγχιτες*, & perfectissimum testamentum jure civili  
Justiniano Instit. de testamentis ordinandis. §. XIV. ho-  
dieque in usu est, & publicâ tabellionis fide firmari so-  
let, cum, septem testibus adhibitis rogatisque, ex L. He-  
redes. D. de testamentis. §. Quid est. & §. In testamentis.  
iis audientibus, ex eadem Lege; paterfamiliâs heredem  
suum palam, ore ipse suo, nuncupaverit, seu declarave-  
rit,



rit, expresserit nominaveritque. nuncupata enim voluntas ea intelligitur, quæ verbo declaratur ex L. *Si ita. D. de bonorum possessione secundum tabulas*. §. ultimo. etsi hujusmodi nuncupatio, ad certam ultimæ voluntatis in posterum fidem, soleat nunc a Notario in publicum instrumentum redigi. Veterem nuncupati testamenti morem repræsentat nobis Lex *Heredes*, quæ est Ulpiani lib. II. ad Sabinum. & L. *Hac consultissim*. §. *Per nuncupationem. C. de testamentis*, quæ est Theodosii & Valentiniani Augustorum. Hæc & alia hujus generis non pauca omisimus: in quibus diligentiam nemo nostram ad plenam integramque tractationem jure desideraverit, quod non omnia de testamentorum jure e Romanâ veterique Jurisprudentiâ in unam veluti farraginem hîc congerere propositum nobis fuit; sed ea præcipuè judicio quodam seligere, quæ argumento nostro, facere satis videbantur.

VI. Quæ quum ita se habeant; quid nos aut alios longiori adhuc disputatione defatigamus? Habet hîc noster paterfamilias veluti in unum collecta breviter omnia, unde concinnandi, pro arbitrio suo, reformandique testamenti absolutissimam normam accipiat. Quid plura ergo desideret aut exigit a nobis? Videt jam, quid sibi fas, quid nefas; quidve sibi per Romanas leges liceat, quid prohibeatur. Filium, malo novercæ dolo, ut est fraudulentum decipiendisque in primis senibus aptissimum, hujusmodi feminarum genus, exheredare non potest. *Non est enim consentiendum*, ait, sive Maximus ad Legem Falcidiam, sive Cajus ad L. Gliciam, parentibus, qui injurias adversus liberos suos testamento inducunt, quod plerumque faciunt, malignè contra sanguinem suum inferentes judicium, novercalibus delinimentis instigationibusve corrupti. Lege IV. D. *de inofficioso testamento*. Neque potest, ut filios alios ditet, minus debitâ portione uni illorum relinquere. *Quod enim nimis inæquale est, non valdè placet nobis: sed oportere quidem præponi filios, quos pater voluerit; non tamen in tantum minui aliis, ut importabilis sit eis imminutio*, æquissima est Justiniani sententia Novel. Const. XCII. *de immensis donationibus in filios factis*. Etsi ergo non illa pater possit, quæ paternæ pietati adversantur: potest tamen, postquam, justis in feminas dotibus cõstitutis, heredes æquo insti-

institutionis jure scripsit filios, legitimam in illos hereditatis portione distributam, quam Justinianus pro liberorum numero determinavit, totum, quod reliquum est nullique alii debitum, bonorum, ad obsequentiores tantum filios remunerandos conferre. Hanc ei potestatem, præter ceteros Romani juris auctores, fecit Justinianus ibidem: *Postquam igitur a nobis, lege in sua virtute manente, illud volumus, ut, si quis donationem immensam in aliquem aut aliquos filiorum, fecerit; necessarium habeat in distributione hereditatis tantam unicuique filiorum servare ex lege partem, quantam fuit, priusquam donationem pater in filium aut filios, quos eam honoravit, faceret. & postea. Ut non minus habeant illi, quam quod ex legibus eis debetur, propter factam in donationibus immensitatem: dum liceat patri mediocriter sapienti circa omnem prolem, etiam iis, qui ab eo potius diliguntur, donare aliquid amplius, & non ceteros filios per immensitatem in illos factam ledere, & nostram transcendere intentionem. Unde immissa est in Codicem Authentica ad Tit. de inofficioso testamento. Et Novel. Constitutione CXVII: Ut liceat matri & avia & aliis parentibus, post legitimam partem liberis relictam, quomodo voluerint, residuam facultatem suam disponere. Collat. VIII. Sancimus igitur licentiam esse & matri & avia aliisque parentibus, postquam reliquerint filiis partem, qua lege debetur, quod reliquum est sua substantia, sive in solidum voluerint, sive in partem, filio vel filia, nepoti vel nepti, & deinceps descendantibus, donare, aut etiam per ultimam relinquere voluntatem, sub hac definitione atque conditione, si voluerint, ut pater, aut qui omnino eos habent in potestate, in his rebus neque usumfructum, neque quodlibet penitus habeant participium. Hoc enim & extraneis relinquere poterant. unde nulla parentibus utilitas nasceretur.*

## C A P. III.

**R**omane Jurisprudentia commendatio. Juris definitio. Præcepta Juris propria. Viciose apud Græcos Rerum publicarum forma. Romani hujus Juris reprehensores. Melior corruptarum Artium reprehensor, quam instaurator, Vives. Romanarum legum majestas. Roma, Imperii olim, nunc Apostolici

*lici Principatus, sedes. Philosophia fontes in civili Romano-  
rum jure. M. Tullii sententia. XII. tabula, carmen omni pue-  
rorum necessarium. Juris sacerdotes, Antecessores. Philoso-  
phia pars, Jurisprudentia. Vastum nostrum de Philosophia Pe-  
ripatetica Opus. Eadem Philosophia & Jurisprudentia desi-  
nitio. Vetus Philosophia definitio a Licentio apud Augustinum  
improbata. Academicorum decretum. Deo veritas, verisimi-  
litudo hominibus a Platone concessa. Unus idemq; Philosophia  
atque Jurisprudentia finis, beata hominum vita. Platonium  
effatum. Lex nulla appellanda, nisi iusta. Legis conditiones.  
Leges civiles, ubi per Canones licet, servari iusta. Hostii ad  
Constantium admonitio. Quid lex ex Tullio. Demosthenis &  
Chrysippi pulcherrima sententia in legum commendationem  
apud Martianum. Gravissima Pauli Apostoli ad Roma-  
nas leges observandas adhortatio. Locus Pauli in hunc sen-  
sum a Christianis Patribus explicatus, a Chrysostomo, a The-  
ophylacto, ab Origene, ab Augustino. Augustinum Latini inter-  
pretes secuti. Gravis culpe dammati, civilium iustarumque le-  
gum violatores. Almainus reprobatus.*

**I.** **H**æcenus sanctissima illa Romanorum jura, qui-  
bus omnis equus rerum existimator plurimum  
inesse præsidii ad bene sapienterque agendum  
instituendaque humanæ vitæ consilia fatebitur.  
Quid enim illis Legibus? quid Plebiscitis? quid senatus  
consultis? quid demum Imperatorum Rescriptis equius;  
neque ad Reipublicæ tantum moderationem; sed, ad vitæ  
quoque totius honestatem & sanctimoniam accommodatus?  
aut quid, nisi maximè iustum, expectari ab Jure poterat,  
quod, ex Ulpiano, ab Justitiâ nomen habet, bonique ars  
est atque æqui, ut eleganter definiit Jureconsultus Cel-  
sus? Jus verò istud quinquaginta Pandectarum libris, Justi-  
nianeo Codice aliisque hujusmodi Decretis & Cõstitutioni-  
bus, uberrimè continetur. Quæ enim alia ibi præcepta re-  
perias, quàm quæ Juris propria Ulpianus lib. I. Regul. fa-  
cit: *honestè vivere, alterum non ledere, suum cuique tribuere?*  
Consular, si quis antiquitatis studio teneatur, sola Pande-  
ctarum volumina, quibus totum Jus antiquum, confusum  
antèa moleque suâ immensum, digestum est, meliùsque,  
quàm olim, illustratum. Nonne, quòtquàm diligenter ex-  
plo-

ploraverit omnia, Romanasque leges cum aliarum omnium gentium philosophorumque institutis contulerit, facile agnosceret, philosophorum omnium bibliothecas cum civili Romanorum Prudentiâ comparari nullatenus posse? De Græcis siquidem Rerumpublicarum formis, quæ maximè laudantur, cujusmodi tandem fuerint, ex gravissimo Aristotelis testimonio constat Politicorum lib. VII. cap. XIV. At ii, qui nunc optimè omnium Græcorum, rem suam publicam administrare existimantur, & ii legum scriptores, qui has reipubl. administranda formas instituerunt; neque eorum, quæ ad reipubl. administrandas pertinent, descriptionem ad meliorem finem; neque leges & disciplinam civitatis ad omnes virtutes reperiuntur retulisse; sed ineptè ac stolidè ad eas, quæ utilitatis speciem præferunt, & quæ ad opes amplificandas imperiaque injusta obtinenda videntur accommodatiores, deerant. Similiter autem atque hi, quidam ex iis, qui posteriùs scripserunt, idem pronuntiarunt. Judicent alii, ut volunt: carpat etiam, si placet, venerabile hoc Romanæ Sapientiæ monumentum, procaci vir oratione, Henricus Cornelius Agrippa: carpat melior ille corruptarum Artium reprehensor, quàm instaurator, Ludovicus Vives; &, post alios plures, Franciscus Hotomanus, non tam ineptus alioquî scriptor, quàm eum videri vult Antonius Contius. Mihi certè aliquando accidit, quod aliàs confessus sum, ut distinctius quidem atque elaboratius civilium Legum Opus desiderem, quàm quod digesserit Justinianus: sed tamen, dum singula veterum Jureconsultorum loca & sententias diligentius mecum ipse perpendo; plurimùmque in iis me detinet pulcherrima quædam effigies antiquitatis: ea sese ultro offert vis & Romanarum legum auctoritas, ut, majori quodam instinctu, quàm humano, in jure constituendo veteres illos afflatos esse existimem, ut, optimis nimirum præceptis atque legibus, ad Christianæ Religionis sanctimoniam humanum genus per illos præpararetur: eaque potissimum in urbe, quæ, Imperii olim atque Orbis caput, futura erat divinitus Apostolici Principatus, totiusque adeò Christianæ Religionis, sedes. Neque enim sine Divino aliquo Numine credendum est, potuisse a Romanis Rempublicam suam prudenter adeò sanctèque & institutis & legibus temperari, ut non minori sapien-

pientiâ in æqualitate civium servandâ ferendisque legibus extiterint, quàm virtute in illis tantis opibus Imperii comparandis. Quod licet mirum dictu videatur; verissimum tamen esse quisque deprehendet, si semel adverterit, quod acutissimi doctissimique homines, jam ab ipsis florentis Imperii temporibus, observarunt: ipsos Philosophicarum omnium disputationum fontes civili Romanorum jure comprehendi.

II. Multa hanc in rem luculenter prosequitur, summo vir ingenio atque eloquentiâ, Marcus Tullius I. de Oratore. *Sive quem, inquit, ista prepotens & gloriosa Philosophia delectat, dicam audaciùs, hosce habet fontes omnium disputationum suarum, qui jure civili & legibus continentur. ex his enim & dignitatem maximè expetendam videmus, cum verus, justus atque honestus labor honoribus, præmiis atque splendore decoratur: virtutia autem hominum atque fraudes, damnis, ignominis, vinculis, verberibus, exiliis, morte mutantur: & docemur, non infinitis concertationumque plenis disputationibus; sed auctoritate nutuque legum, domitas habere libidines, coercere omnes cupiditates, vestra tueri, ab alienis mentes, oculos, manus, abstinere. Fremant omnes licet, dicam quod sentio: bibliothecas mebeculè omnium philosophorum unus mihi videtur XII. tabularum libellus, siquis legum fontes & capita viderit, & auctoritatis pondere & utilitatis ubertate, superare. Quod si de uno XII. tabularum libello, qui olim pueris, ut carmen necessarium, discendus tradebatur, tam magnificè & sentit & loquitur M. Tullius, ut nihil supra excogitari posse videatur; quid de quinquaginta Pandectarum libris nos tandem judicare oportet? quibus quasi proprium & sanctissimum templum Justitiæ consecratum esse, affirmat Justinianus. L. De auctore. C. de veteri jure enucleando, & de auctoritate Jurisprudentum, qui in Digestis referuntur. Unde & eos, qui civilis Juris scientiam profitentur, Juris sacerdotes appositè Ulpianus appellat Lege I. D. de Justitiâ & Jure: Justitiam namque colimus, & boni & æqui notitiam profitemur, æquum ab iniquo separantes, licitum ab illicito discernentes: bonos, non solum metu panarum; verum etiam præmiorum quoque exhortatione, efficere cupientes: veram, nisi fallor, Philosophiam, non simulatam affectantes. Ita Ulpianus. Et rectè quidem, ut verbis Ciceronis utar lib. I. de Legibus. Nam sic ha-*  
be.

betote, nullo in genere disputandi magis honesta patesceri, quid sit homini naturâ tributum, quantam vim rerum optimarum mens humana contineat, cujus muneris colendi efficiendique causâ nati & in lucem editi sumus, quæ sit conjunctio hominum, quæ naturalis societas inter ipsos. His enim explicitis, fons legum & juris inveniri potest. Non ergo a Prætoris edicto, ut plerique nunc, neque a XII. tabulis, ut superiores; sed penitus ex intima Philosophiâ hauriendam Juris disciplinâ puto. Pars enim Ethicæ Jurisprudentia; Ethica autem Philosophia maximè est, ut nos luculenter ostendimus ipso vasti Operis limine, quod de Philosophiâ Peripateticâ aggressi sumus, nescio an unquam in hac rerum librorumque inopiâ absolaturi: ubi cap. IV. pulchram illam attulimus Marii Victorini lib. I. Rhetoric. Cic. sententiam: *Plena Philosophia est, quæ constat ex duabus, Physicâ & Ethicâ. Physica est, quæ de divinis agit; Ethica, quæ de humanis disserit.*

III. Quare, quæ Philosophiæ est, tribuitur & Jurisprudentiæ ab Ulpiano definitio. L. *Justitia. D. de Justitiâ & jure. Jurisprudentia est divinarum atque humanarum rerum notitia.* Ita verò Platoni definita est Philosophia, ut refert Alcinous, Platonicus Philosophus, lib. de doctrinâ Platonis, quem librum primus vertit Marcellus Ficinus, cap. I. & Ammonius in Isagogen Porphyrii. quomodo etiam definita est Pythagoræ, si credimus Michaëli Psello in compendio de V. Vocibus & X. Categoriis: nempe: *γνῶσις θεῶν τε καὶ ἀνθρώπων πραγμάτων*, cognitio divinarum humanarumque rerum. Celeberrima est apud veteres Philosophiæ, quæ Sapientia est, ea definitio, & aliquantò copiosior atque exactior apud Philonem, alterum vulgò Platonem inter Judæos, in libro de congressu querenda eruditionis gratiâ; S. initium Homil. XII. in initium Proverbiorum; atque, ut alios prætermittamus, apud Ciceronem lib. IV. Tusculanarum Questionum, & lib. II. de Officiis: *Sapientia autem est, ut a veteribus Philosophis definitum est, rerum divinarum & humanarum, causarumque, quibus hæc res continentur, scientia.* licet definitionem hujusmodi apud Augustinum lib. I. contra Academicos, valdè improbet Licentius, garrulus adeò,

ut disputantibus sepe usavenit, alienorum dictorum calamniator, ut cap. VIII. tanquam mutilam, reprehendèrit fusio- rem hanc aliam, qua *Sapientiam, rerum humanarum divinarumque scientiam dicamus; sed earum, quæ ad beatam vitam pertineant*: malueritque ipse ita definire, ut Sapientia esset, *rerum humanarum divinarumque, quæ ad beatam vitam pertineant, non scientia solum; sed etiam diligens inquisitio*. Quam postea descriptionem eà ratione partitur, ut prima pars, quæ scientiam tenet, Dei sit; hæc autem, quæ inquisitione contenta est, hominis. Nempe Academicis Licentius patrocinebatur, qui quæri quidem ab homine posse veritatem, sciri autem non posse, affirmabant: sapientiamque adeò, quæ homini contingere potest, non in inventione; sed in veritatis investigatione consistere. quod e Platone haustum in Timæo: ubi, ut in Pyrrhonè quoque hanc ejus sententiam laudat Diogenes Laërtius, profitetur, τὸ μὴ ἀληθὲς Θεῶς καὶ Θεῶν βίαιον ἐγγυρῆν: τοὶ δὲ εἰκότα λόγῳ ἔπτείν, veritatem quidem Diis Deorumque filiis se permittere: verisimilem autem rationem indagare. Neque definitione solum; verum etiam sine, Philosophia atque Jurisprudèntia, convenient. Ad perfectam siquidem beatamque hominum, κατὰ τὸ δεικνύον ἀνθρώπων quatenus possibile est homini, vitam destinatur Philosophia, quam non ignobilis Philosophus Epicurus vocat apud Sextum Empiricum lib. adv. Ethic. ἐνέργειαν, λόγοις καὶ διαλογισμοῖς τὸν εὐδαίμων· βίον πρὸς πολέσας, energiam, quæ rationibus & colloquiis beatam vitam parit. unde celebre illud Platonis referri solet e Dialogo V. de Republica: beatas tum demum fore Respublicas, quando vel Philosophi regnarent; vel Reges philosopharentur. Atqui huc quoque respicit, moderatrix illa legum, virtutis indagatrix expultrixque vitiorum, Jurisprudèntia. Constat enim, Tullio teste lib. II. de Legibus, ad salutem civium civitatumque incolumitatem vitamque hominum quietam & beatam, inventas esse leges; eosque, qui primùm ejusmodi scita sanxerint, populis ostendisse, ea se scripturos atque laturus, quibus illi adscriptis susceptisque, honestè beatèque viverent: quaque ita composita sanctæque essent, eas leges videlicet nominarunt. Unde infert Tullius, summus ille

inter

inter Oratores Philosophus, inter Philosophos Orator, eos, qui pernicioſa & injuſta populis juſta deſcripſerint, quum contra fecerint, quàm polliciti profeſſique ſint, quidvis potiùs tuſiſſe quàm leges: ut perſpicuum eſſe poſſit, in ipſo nomi- ne legis interpretando, ineſſe vim & ſententiam juſti & juris colendi. in quam etiã ſententiam Iſidorus Orig. lib. II. cap. X. Facta ſunt autem leges, ut earum metu humana co- arceatur audacia, tataque ſit inter improbos innocentia: & in ipſis improbis, formidato ſupplicio, refrenetur nocendi facul- tas. Legis enim præmio aut pænâ, vita moderatur humana. Erit autem lex honeſta, juſta, poſſibilis, ſecundùm naturam, ſecundùm conſuetudinem patria, loco temporique conveniens, neceſſaria, utilis, manifeſtaque, ne aliquid per obſcuritatem captionem contineat, nullo privato commodo, ſed, pro communi civium utilitate, conſcripta. Et Ariſtoteles lib. VII. Poli- ticorum cap. XIV. Debet enim legum ſcriptor, quæ ſint ea- dem & privato & publicè optima, in animis hominum in- generare atque inferere: neque cives in rei militaris ſtudio eâ gratiâ oportet exerceri, ut eos, qui ſunt indigni ſerviente, in ſervitutem redigant: ſed primùm ut ipſi quidem ne aliis ſerviant: deinde ut principatum quærant eorum, qui ſub im- perio ſunt, utilitatis, non injuſta in omnes dominationis, cauſa: poſtremò ut dominantur in eos, qui ſervitute digni ſunt. Legum ſcriptori autem majorem operam eſſe dandam, ut le- ges, & eas, quæ ad res bellicâs pertinent, & ceteras, otii & pacis cauſa, inſtituat ac deſcribat, non belli: teſtimonio ſunt iis, quæ dicimus, ea quæ ſiunt. Et lib. II. Ethic. capite I. Legumlatoreſ enim civibus ad virtutem aſſueſcendiſ, eos bonos efficiunt. Atque hac quidem eſt omnium, qui leges fe- runt, mens & voluntas. Quotquot autem minùs rectè aſſue- faciunt, voto ſuo fruſtrantur.

IV. Quum ergo Juris civilis finis hîc ſit, legitima atq; aſtata in rebus cauſiſque civium æqualitatis conſervatio; ea- que ſit legum illarum æquitas atque ratio, ut humano ge- neri diviniùs datæ videantur: quid eas dubitamus, ubi per Eccleſiæ canones licet, vivendi duces, magiſtras mò- rum & diſciplinæ, certiffimas denique publicarum priva- tarumque rerum moderatrices, adſciſcere, ſine ulloque er- randi periculo, conſtantiffimè ſequi? quum præcipuè, u- bi quid aut Eccleſiæ ſanctionibus aut honeſtati naturæ non



officit, servari illas sacrosancti ipsi Canones jufferint, ut secundo lib. docuimus ex Gratiano Distinctione X. atque ex Romanorum Pontificum Rescriptis. quibus addenda Magni olim Hosii, Cordubensis Episcopi, ad Constantium Augustum admonitio apud S. Athanasium epist. *ad omnes abique solitariam vitam colentes*: σοὶ βασιλείαν ὁ Θεὸς ἐνεχείρισεν ἡμῖν τὰ τῆς Εκκλησίας ἐπίσειυσι. καὶ ὡς περ ὁ πῶς σὺ ἀρχὴν ὑποκλέπτῃς ἀνὴλγην τῶ διαταξαμένῳ Θεῷ· ἔτω φοβήθῃς, μὴ καὶ σὺ τὰ τῆς Εκκλησίας εἰς ἑαυτὸν ἑλκας, ὑπεύθυνος ἐκλήματι μεγάλῳ γένη· ἀποδοτε, γίγνεται, τὰ Καίσαρος, Καίσαρι, καὶ τὰ τοῦ Θεοῦ, τῷ Θεῷ· ὅτε τοίνυν κινῶν ἀρχὴν ἐπὶ τῆς γῆς ἔξισιν· ὅτε σὺ τῷ θυμῷ ἐξουσίαν ἔχῃς, βασιλεῖ. idest, interprete Petro Nannio. *Tibi Deus Imperium commisit, nobis, quæ sunt Ecclesie, contredidit: & quemadmodum qui tuum Imperium occultis conatibus invadit, contradicit ordinationi divina; ita & tu cave, ne, quæ sunt Ecclesie, ad te trabens, magno crimini obnoxius fias. Date, scriptum est, quæ sunt Cæsaris, Cæsari: & quæ Dei, Deo. Neque igitur fas est nobis in terris imperium tenere, neque tu thymiamatum & sacrorum potestatem habes, Imperator. Etenim, quæ naturali ex æquitate a summis Principibus conduntur leges, eas, tanquam divina quædam oracula, religiosè ab omnibus accipi; & quemadmodum sapienter compositæ sanctæque fuerunt, ita & diligentissimè observari debere, solemne est Philosophiæ decretum, communi totius humani generis consensione comprobatum: quum lex sit, cujusmodi describitur a Tullio lib. II. de Legibus, justorum injustorumque distinctio, ad illam antiquissimam, & rerum omnium principem expressa naturam, ad quam leges hominum diriguntur, quæ supplicio improbos afficiunt; defendunt ac tuentur bonos.*

V. Qua de re quum plurimæ, eæquæ valde insignes, circumferri soleant gravissimorum virorum sententiæ; tum illæ duæ in primis pulcherrimæ mihi semper visæ sunt, Demosthenis Orat. priore in Aristogitonem, & Chrysippi lib. de Leg. quas attulit Martianus lib. I. Institut. & nunc extant Lege II. D. de legibus & Senatusconsultis & longâ consuetudine. Sic enim legem summus inter Græcos Ora-

tor definit: Καὶ οὗτος ἐστὶ νόμος, ὃ πάντας ἀνθρώπους  
 προσέκειν περὶεῖν διὰ πολλὰ εἶναι μάλιστα, ὅτι πᾶς ἐστὶ  
 νόμος ἔννοια μὲν καὶ δῶρον θεῶν, δῶγμα δὲ ἀνθρώπων φρο-  
 νήμων, ἱκανόρθωμα δὲ τῶν ἐκείνων καὶ ἀκυσίων αἰμαρτημα-  
 τῶν, ἀόλως δὲ σωθῆκεν κοινῇ, καθ' ἡν πᾶσι προσέκειν ξῆν  
 τοῖς ἐν τῇ πόλει. *Lex est, cui omnes homines decet obedire*  
*cum propter multa & varia, tum maximè, quia omnis lex est*  
*inventio quadam & donum Deorum; decretum autem ho-*  
*minum sapientum, correctio voluntariorum peccatorum, civita-*  
*tis compositio communis, secundùm quam omnes decet vivere,*  
*qui in civitate sunt. Et Stoicę Sapientię Princeps Chrysip-*  
*pus: Ο' νόμος πάντων ἐστὶ βασιλεὺς θεῶν τε καὶ ἀνθρώπων*  
*πραγμάτων. Δεῖ δὲ αὐτὸν προσάτιν εἶναι τῶν καλῶν καὶ*  
*αἰσχρῶν, καὶ ἄρχοντα καὶ κημέονα, καὶ κατὰ τὸτο κανόνα τ'*  
*εἶναι δικαίων καὶ τῶν φυσικῶν πολιτικῶν ζώων, προσακτικῶν*  
*μὲν ἂν ποιητικῶν ἀπαγορευτικῶν δὲ ἂν οὐ ποιητικῶν. idest:*  
*Lex est omnium divinarum & humanarum rerum regina. o-*  
*portet autem etiam eam presidere & bonis & malis, & prin-*  
*cipem & ducem esse, & secundùm hoc regulam esse justorum*  
*& injustorum, & eorum, quę naturā civilia sunt, animantium;*  
*præceptricem quidem faciendorum, prohibetricem autem non*  
*faciendorum. Apostolus sanè Paullus de Romanis legibus*  
*epist. ad Romanos cap. XIII. loquitur, cum illarum fe-*  
*rendarum potestatem a Deo Principes accepisse docet;*  
*Presidiumque aded Magistratūque edictis summam a Chri-*  
*stianis hominibus observantiam obedientiamque deberi.*  
*Omnis anima potestatibus sublimioribus subdita sit. Non est*  
*enim potestas, nisi a Deo: quę autem sunt, a Deo ordinata*  
*sunt. Itaque qui resistit potestati, Dei ordinationi resistit.*  
*Qui autem resistunt, ipsi sibi damnationem acquirunt. Nam*  
*Principes non sunt timori boni operis, sed mali. Vis autem*  
*non timere potestatem? Bonum fac, & habebis laudem ex il-*  
*lā. Dei enim minister est tibi in bonum. Si autem malum*  
*feceris, time: non enim sine causā gladium portat. Dei enim*  
*minister est: vindex in iram ei, qui malum agit. Ideo neces-*  
*sitate subditi estote, non solum propter iram; sed etiam pro-*  
*pter conscientiam. Ided enim & tributa præstatis: ministri*  
*enim Dei sunt, in hoc ipsum servientes. Reddite ergo omni-*

*bus debita: cui tributum, tributum: cui vectigal, vectigal: cui timorem, timorem: cui honorem, honorem* Quem in locum Christiani Patres, Græci Latinique, adnotant, quantum summæ Principum auctoritati iustisve libris deferendum sit. Chrysostomus homil. XXIII. Musculo interprete. *Facit autem hoc idèd (Apostolus) ut ostendat Christum leges suas non ad hoc induxisse, ut politias evertat. Et infra. Quid est, non solùm propter iram? Non solùm, inquit, quòd Deo, non subditus, adversaris, neque quòd maxima tibi ipsi mala, & a Deo & ab hominibus, concitas: sed quòd & in maximis tibi benefacit magistratus, dum & pacem & administrationem politicam procurat. Theophylactus, ex Johannis Loniceri versione: Necessum est, inquit, subdi & obedire, non solùm ut non experiaris iram Dei & magistratûs, tanquam immorigerus, & crucieris puniariisve intolerabiliter; verùm etiam ut ne videaris expers esse conscientia, menteque & ratione vacare, ingratus nimirum erga benefactorem. Plurimùm enim prosunt rebus publicis magistratus: per ipsos enim vita nostra & victus consistit. Qui nisi divinitus suo fungerentur officio, jam olim omnia perissent, potentioribus imbecilliores devorantibus. Conscientia igitur tua persuadeat tibi, ut suo honore tanta tibi bona donantes nunquam non digneris. Origenes, ex translatione Hieronymi: Non b c de illis potestatibus dicit, quæ persecutiones inferunt fidei. ibi enim, dicendum est, Deo oportet obtemperare magis quàm hominibus. Sed de istis communibus dicit, quæ non sunt timori boni operis, sed mali. Quibus utique qui resistit, ipse sibi damnationem pro gestorum suorum qualitate conquirat. Augustinus in Expositione quarundam proposition. ex epistolâ ad Romanos: Rectissimè admonet, nequis ex eo, quòd a domino suo in libertatem vocatus est, factus Christianus, extollatur in superbiam, & non arbitretur, in hujus vita itinere servandum esse ordinem suum, ut potestatibus sublimioribus, quibus pro tempore rerum temporalium gubernatio tradita est, existimet non se esse subdendam. Quum enim consiemus ex animi & corpore, quandiu in hac vitâ; temporali sumus, etiam rebus temporalibus ad subsidium degenda hujus vitæ utamur; oportet, nos ex eâ parte, quæ ad hanc vitam pertinet, subditos esse potestatibus, id est, hominibus res humanas cum aliquo honore administrantibus. Ex illâ verò parte, quæ credimus Deo, & in regnum ejus vocamur*

camur, non nos oportet esse subditos cuicumque homini, id ipsum in nobis evertere cupienti, quod Deus ad vitam æternam donare dignatus est. Et infra. Tamen quoniam dixit: necessitati subditi estote: nequis non integro animo & purâ dilectione subditus fieret huiusmodi potestatibus, addidit, dicens: Non solum propter iram, sed etiam propter conscientiam. id est, non solum ad iram evadendam, quod potest etiam simulatè fieri; sed, ut in tuâ conscientia certus sis, illius dilectione te facere, cui subditus fueris, iussu domini tui, qui omnes vult salvos fieri, & in agnitionem veritatis venire. Et hoc enim cum diceret Apostolus, de ipsis potestatibus agebat: hoc est, quod servis alio loco suadet: non ad oculum servientes, quasi hominibus placentes. ut id ipsum, quo subduntur dominis suis, non eos oderint, aut fallaciis promereri desiderent. Quam Augustini interpretationem secuti, Anselmus Cantuariensis, Thomas Aquinas, Dionysius Carthusianus, Hugo de S. Charo, ceteri Latinorum interpretum. Idem etiam inculcat Paullus epist. ad Titum cap. III. Admone illos, principibus & potestatibus subditos esse, dicto obedire, ad omne opus bonum paratos esse. & Petrus Apostolus epist. I. cap. II. Subiecti igitur estote omni humanæ creaturæ propter Deum: sive regi, quasi præcellenti, sive ducibus, tanquam ab eo missis ad vindictam malefactorum, laudem verò bonorum: quia sic est voluntas Dei, ut benefacientes, obmutescere faciatis imprudentium hominum ignorantiam. Unde gravissimè eos culpæ damnandos esse, qui bonas vel malorum Principum leges temerè transgrediuntur & violant, uno ferè consensu adversus Almainum colligunt nostri vulgò auctores. Sic humanis addita est Divinarum legum longè maxima auctoritas.

## CAP. IV.

**M**orales Theologi laudati. Augustini ad Christianos doctores monitum. Instituta humana non negligenda. Liberales tamen Iudeis disciplina Egyptiacis vasis; leges vestibus, comparata. Civiles de patrio in dividenda hereditate arbitrio leges a Theologis probata. Ut filii ex inæqualibus portionibus heredes rectè instituantur, iusta causa a quibusdam exta. Idem

*d-m S. Ambrosii iudicium. Ambrosii loca. Iusta huius inaequalitatis causa, maiora unius pra aliis merita. Id ab illis ex quadam Codicis lege confirmatum. Iusta patris nostri familiâs causa iustumque consilium. Major patrumfamiliâs erga meliores filios benevolentia, sanctorum virorum exemplo, ex Ambrosio comprobata. Singularis Jacobi erga Iosephum benevolentia.*

I. **Q**UOD magis laudandi sint nostri homines, qui de rebus divinis atque ad mores pertinentibus disputant [ *Morales vulgò Theologos appellamus* ] si, quum cetera omnia, quæ fortè vera & Fidei nostræ accommoda dixerunt Philosophi, maximè Platonici Stoicique, ab eis, tanquam iniustis possessoribus in usus vindicent suos, quod Christianis doctoribus faciendum esse monuit Augustinus lib. II. de Doctr. Christ. cap. XL. tum etiam non infirmunt doctrinæ suæ adjumentum a civilibus Romanorum legibus mutuuntur. Quod idem Augustinus paullo ante docuerat: *Illæ verò instituta hominum, quæ ad societatem convenientium valent, pro ipsâ huius vitæ necessitate non negligant.* Unde præclara illa τὰν ἑσθίων decreta vasis pulchrè comparat atque ornamentis, quæ ab Ægyptiis Hebræi divinitus abstulerunt. *Sicut enim Ægyptii non solum idola habebant, & onera gravia, quæ populus Israel detestaretur & fugeret; sed etiam vasa atque ornamenta de auro & argento, & vestem, quæ ille populus exiens de Ægypto sibi potius, tanquam ad usum meliorem, clanculò vindicavit, non auctoritate propria, sed præcepto Dei, ipsis Ægyptiis nescienter commodantibus ea, quibus non bene utebantur: sic doctrina omnes Gentilium non solum simulata & superstitiosa simenta, gravesque sarcinas supervacanei laboris, habent, quæ unusquisque nostram, duce Christo, de societate Gentilium exiens, debet abominari atque devitare; sed etiam liberales disciplinas, usui veritatis aptiores, & quadam morum præcepta utilissima, continent: deque ipso uno Deo colendo nonnulla vera inveniuntur apud eos, quod eorum tanquam aurum & argentum, quod non ipsi instituerunt; sed de quibusdam quasi metallis divinæ providentiæ, quæ ubique infusa est, eruerunt, & quo perversè atque injuriosè ad obsequia demonum abutuntur,*

cum

enim ab eorum miserâ societate sese animo separat, debet ab eis auferre Christianus, ad usum justum prædicandi Evangelii. Vestem quoque illorum, idest, hominum quidem instituta; sed tamen accommodata humanæ societati, qua in hac vitâ carere non possumus, accipere atque habere licuerit, in usum convertenda Christianum. Ex iis verò pluribus, quæ a veteribus Romani juris auctoribus sapienter prudenterque sancita, maximè probarunt Christiani magistri, illud in primis adscribendum videtur, quod e civili hætenus jure demonstravimus: plenum absolutumque esse patri, postquam ex legitimâ liberorum quemque portione heredem instituerit, familiæ suæ erciscundæ arbitrium: ita ut fas ei sit, plus uni, quàm alteri, relinquere.

II. Ita porro sentiunt minorum gentium Theologi plerique omnes, qui de moribus nostrâ superiorique memoriâ scripserunt: nisi quoddam aliqui acutiores religiosioresque, ut videntur, justam aliquam causam exigunt, ut rectè atque ex æquitate paterfamiliâs agat. Nec enim illis culpâ omni vacare videtur pater, qui, ex cœcâ quadam animi propensione atque impetu, unius magis, quàm alterius filii, emolumentis studet, unumque alteri in bonorum successione anteposit. Nec visus est etiam, exactissimi viro judicii, Ambrosio Mediolanensi Episcopo Hexaëmeron lib. V. cap. XVIII. ubi, ut discant homines amare filios, ad exemplum cornicum provocat, quæ etiam volantes filios comitatu sedulo prosequuntur; & sollicitæ, ne teneri fortè deficiant, cibum suggerunt, ac plurimo tempore nutriendi officia non relinquunt: & postea subdit: *Quis inter naturæ fraternæ consortia fratres impares fecit? Unius divitis filii diversâ sorte caduntur, Alius totius paternæ sortis adscriptionibus inundatur: alius opulentæ hereditatis patriæ deplorat exhauriam atque inopem portionem. Nunquid natura divisit merita filiorum? ex pari omnibus tribuit, quod ad nascendi atque vivendi possint habere substantiam. Ipsa vos doceat non discernere patrimonio, quos titulo germanitatis aquastis. Etenim quibus deâstis communiter esse, quod nati sunt, non debetis his, ut id communiter habeant, in quod a naturâ substituti sunt, invidere. Eadem & parentum erga filios officia acriter inculcat Ambrosius lib. II. de Sancto Jacob & Vitâ Beatâ cap. II. Simul cavendum, nequis, dum eorum (Isaaci & Rebec-*

becce) intendit exemplo, iniquum inter filios habeat iudicium, ut alterum diligendum patet, alterum posthabendum. Hinc enim excitantur odia fraterna, & de pecunia vilis incremento facinus parricidiale componitur. Eadem foveat prolem mensura pietatis. Esto tamen, ut aliquid sibi ampliùs circa blandiorem aut familiorem rapiat affectus; par debet circa omnes esse forma iustitiæ. Plus confertur dilecto, cui fratrum amor quaritur; plus autem adimitur ei, qui prælationis injuste oneratur invidia. Et lib. de S. Joseph cap. II. Instruimur igitur, qualis esse debeat affectus parentum, filiorumque gratia. Amare liberos, dulce; & impensius amare, prædulce; sed frequenter amor ipse patrius, nisi moderationem teneat, nocet liberis: si aut nimia indulgentia dilectum resolvat, aut prælatio unius ceteros ab affectu germanitatis avertat. Plus acquiritur filio, cui fratrum amor acquiritur. Hac præclarior munificentia patrum, hæc ditior hereditas filiorum. Jungat liberos æqualis gratia, quos junxit æqualis natura. Lucrum pietas nescit naturæ, in quo pietatis dispendium est. Quid miraris, si propter fundum, aut domum, oriuntur inter fratres iurgia, quando propter tunicam inter Jacob Sancti filios exarsit invidia? Utcunque ergo distribuendæ, ultra legitimam cuiusque portionem, in filios pro arbitrio hereditatis integram potestatem patrifamiliæ faciant civiles leges; eum tamen a culpâ minimè excusandum esse censent, si non illum ratio aliqua, sed præposterum studium & impetus quidam naturæ, ad unum supra alios filios ditandum impulerit. Sed, cum alias iustas causas præ oculis patri habendas esse velint; tum maximè majora unius filii præ aliis merita: ut non indignus dignis; sed, qui omni officiorum genere paternam sibi benevolentiam devinxit, in hereditate fratribus præferatur, Unde, quum Imperatores, Gratianus, Valentinianus & Theodosius, feminam secundò nuptam iussissent, quidquid ex primo conjugio lucrata esset, filiis ex priori viro susceptis relinquere, sive omnibus simul, sive illorum cuilibet, ex arbitrio mulieris: si unum tamen filiorum eligendum sibi mater existimasset, non ita suæ illam cupiditati indulgere voluerunt, ut, cuicunque promiscuè vellet, eadem bona conferret; sed ei tantum, in quem, contemplatione meritorum, liberalitatis suæ iudicium mater crediderit dirigendum. L. Feming. C. de secundis nuptiis.

Quare

Quare, ut argumentantur, aut omnes indiscriminatim filii ex æquis portionibus heredes a patrefamiliâs relinquendi esse videntur; aut, si unus ex arbitrio supra omnes locupletandus, is certè, quem optimum pater præmioque dignissimum judicaverit.

III. Quod si ita est, ut docent, si major virtutis, quàm naturæ ipsius, in erciscundæ familiæ judicio habenda est ratio; quis non videat, quàm a culpâ alienum, quàm sanctum sit, neque Romanis solùm legibus; sed morum etiam consonum honestati, patris nostri familiâs testamentum, quo ita inter liberos bona distribuuntur, ut, salvâ singulorum legitimâ portione, minus ad illum perveniat, qui & patrem injuriâ, & universam familiam graviori detrimento affecerit? quod est, non quasi filium filio postponere; sed, æquitati maximè studere familiarumque conservationi: ut, isto veluti exemplo, ad virtutem debitamque parentibus reverentiâ ceteri filiisfamiliâs alliciantur. Ita enim justissimè obsequentioribus melioribusque filiis patrefamiliâs solent benevolentia suæ luculentiora aliqua argumenta exhibere. ut, ex sanctorum virorum exemplo, expendit Ambrosius de S. Jacob & Vitâ Beatâ lib. II. cap. II. *Sed & Rebecca non quasi filium filio; sed quasi justum, præferbat injusto. Etenim apud matrem piam mysterium pignori præponderabat: illum non tam fratri præferbat, quàm offerebat domino, quem sciebat collatum sibi munus posse servare: in quo & alteri consulebat, quem divina subducebat offensa, ne graviore implicaretur reatu, si accepta gratiam benedictionis amitteret.* Et lib. de Joseph Patriarchâ capite II. *Quid ergo? reprehendendus Jacob, quia præferbat unum ceteris? Sed nec libertatem possumus auferre parentibus, ne eos plus diligant, quos plus credunt mereri; nec filiis rescicare debemus studium plus placendi. Denique & Jacob illum plus amabat, in quo majora virtutum insignia prævidebat: ut non tam filium pater prætulisse videretur, quàm propheta mysterium: meritòque variâ tunicam fecit ei, quo significaret, eum diversarum virtutum amictu fratribus præferendum. Sic etiam patris erga filium eximium sanè studium singularisque benevolentia tunc vel maximè præluxit, cum Patriarcha Jacobus, morti jam proximus in Ægypto, optimè de se meritum Josephum filium ceteris longè auteponendum*



dum esse duxit, datâ ei non exiguâ Chananee regionis porzione, ultra communem aliorum omnium fratrum hereditatem, *Do tibi partem unam extra fratres tuos, quam tuli de manu Amorrhæi in gladio & arcu meo.* Genesis cap. XLVIII. Itaque nihil jam erit, quod vel rigidiores Theologi in patre nostro familiâs accusent, si, quum nihilò minus, quàm debeat, alicui ex filiis suis relinquat; plus iis tamen conferendum esse velit, qui longè plus virtute assiduâque erga parentes observantiâ meruerunt.

## C A P. V.

**A**ccuratioꝝ superioris sententia discussio. Neque pietas, neque justitia, inequali distributione, a patrefamiliâs lapsa. Pietatis ex Cicerone definitio. Legitima portio excepta. Justitia definitio. Didaci Covaruvias invictum argumentum, quo ceteri usi. Duplex justitia ἡ ἀποδοτικὴ καὶ διανεμητικὴ. Nulla ex his a patrefamiliâs violata. Id primùm ostensum de commutativâ. Iustitia ἡ ἀποδοτικὴ explicata. Ostensum etiam de distributivâ. Hujus explicatio, ex Thomâ, Geometrica Justitia distributiva proportio. Nulla in liberalitate personarum acceptio. Justitia & liberalitatis discrimen. Honestum, filiorum optimo plus relinquere. Sed licet tamen, vel deterioꝝem præferre. Res hujusmodi ἀδίαφοꝝ. Omnia in humanis aut honesta, aut turpia, aut ἀδίαφοꝝ. Ex Gellio & Hieronymo exempla. Adίαφοꝝ, ex Thomâ Aquinate, necesse est, aut ad virtutem, aut ad vitium, humanis actionibus trahi. Legum est, permittere ἀδίαφοꝝ. Legis munia. Paternum de hereditate arbitrium, ex circumstantiis & sine, aut vitiosum aut laudabile. Vetus virtutum definitio imperfecta. Vitium est non servare circumstantias. Justa causa quadam, cur paterfamiliâs unum filiorum alteri præferat. Sapius sibi hac in re patres indulgent & peccant. Sed plerumque culpa ea levis. Debitum morale liberalitatis. Prodigentie paterfamiliâs damnatus, qui, sine causâ justâ, minùs dignum antepōnit. Prodigentia, levior culpa. Adversus eos, qui filiis Deo sacris minùs relinquunt, gravissima Salviani reprehensio. Grave patris peccatum, si ex odio movetur. Prudentissima Pbiliarcæ animadversio.

I. Sed

**I** S Ed, quanquam non nisi jussu justa causa requiri videatur, ut non ex æqualibus partibus ad liberos omnes perveniat hereditas: sunt hinc tamen accuratè, ne violati juris patremfamilias damnemus, distinguenda omnia. Nam, si διαλογίζεσθαι libet, atque ad exactam rationis trutinam rem ipsam examinare: neque pietati erga filios, neque justitiæ legibus, deest paterfamilias, qui, liberis, ex unâ quolibet legitimâ portione, hereditibus institutis, ceteras omnes vel amplissimi patrimonii opes in alienos, quoscunque volet, usus converterit. Satis enim officiosa prudentissimis viris ipsisque legum conditoribus, visa est paterna pietas, satis filiorum commodo atque honori consulere, si, hereditatis jure, iis relinquat, quod leges e pietatis officio definierunt, atque non ignobili incremento auxit Justinianus. Siquidem pietas Ciceroni lib. II. de Inventione, est, *per quam sanguine conjunctis patriæque benevolis officium & diligens tribuitur cultus*. Quare, quod ad pietatem spectat, siqua patris erga filium pietas dici debet: dummodò legitimam filiorum quisque partem recipiat; parùm sanè interest, qualecunque demum patris fuerit in dividendâ hereditate judicium, siue plus filiorum optimo deferat, siue omnium deterrimo. ut enim supra adnotavimus ex Lege VIII. C. de inofficioso testamento, *parentibus arbitrium dividenda hereditatis inter liberos adimendum non est: dummodò non minùs, qui pietatis sibi conscius est, partis, qua ab intestato defuncto potuit ad eum pertinere, quartam ex judicio parentis obtineat*. Quantum verò ad justiciam attinet, quæ definitur ibidem Tullio, *habitus animi, communi utilitate conservata, suam cuique tribuens dignitatem*. & Jureconsulto lib. I. Regul. consensans & perpetua voluntas, *jus suum cuique tribuens*. L. Justitia. D. de Justitiâ & Jure: sunt, qui peccare patremfamilias opinentur, si ita inter liberos patrimonium partiatum suum, ut dignum digniori anteponat. Verùm sine ullâ alterius injuria patrem hinc agere, jureque suo uti, si patrimonium uni potiùs, quàm alteri filiorum, ex arbitrio auxerit, facilè demonstrat Didacus Covaruvias de Restitutione II. parte §. VII. num. VII. cujus pulcherrimo instructoque argumento eò libentiùs utor, quò plures usos esse

esse video non ignobiles Scriptores. Mihi enim semper placuit, suis quæque referre auctoribus, atque ex ipso fonte, e quo ceteri acceperint, haurire.

II. Igitur iustitiæ crimine absolvendum esse patrēfamilias, qui vel ad deteriorem filiū amplissimū patrimonium deferat, legitimæ suę portioni iussis ceteris acquiescere; illud potissimū ostendit, quod aut eam iustitiæ partem is violaret, quæ ἡ ἀποπρωξὶς dicitur, nobis *commutativa*; aut eam certè, quæ, pro cuiusque dignitatē, præmia distribuit, & δ. ἀπομνηστικὴν idcirco appellatur. Si qua verò alia iustitiæ pars distinguitur, ea huc non spectat. Atqui nulli ex his iustitiæ partibus, inæquali illo patrimonii dividendi arbitrio, hominem adversaturum, quisque intelligit, qui ad utramque seorsum iustitiam animum suum intenderit. Et de iustitiā quidem, quæ in conventionibus rerumque commutatione versatur, satis liquet, eam a patrēfamilias non infringi. quæ enim legitimæ parti supersunt bona, nec filii alicujus sunt, nec filio debentur: quod autem non debetur alteri, ad iustitiam *commutativam* pertinere non posse, optimè docet ex Aristotele summus Philosophus S. Thomas II. II. quæst. LXI. art. II. *In commutationibus redditur aliquid alicui singulari personæ, propter rem ejus, quæ accepta est: ut maximè patet in emptione & venditione, in quibus primò invenitur ratio commutationis. Et idè oportet adæquare rem rei: ut, quantò iste plus habet, quàm suum sit, de eo, quod est alterius; tantumdem restituat ei, cuius est. Et sic fit æqualitas secundum arithmetica medietatem, quæ attenditur secundum parem quantitatis excessum.* & art. III. ubi συναναγκάζει, Aristotelis exemplo, in eā secernit, quæ sponte nostrā, & quæ nobis invitis, fiunt: *Commutativa verò iustitia est directiva commutationum, quæ attendi possunt inter duas personas: quarum quædam sunt involuntaria; quædam verò voluntaria. Involuntaria quidem, quando aliquis utitur re alterius, vel personâ, vel opere, eo invito. Et infra: Voluntaria autem commutationes dicuntur, quando aliquis voluntariè transfert rem suam in alterum. Et siquidem simpliciter in alterum transferat rem suam absque debito, sicut in donatione; non est actus iustitiæ, sed liberalitatis. In tantum autem ad iustitiam voluntaria trans-*

*latio*

latio pertinet, in quantum est ibi aliquid de ratione debiti. Quod si filiorum optimo bona ejusmodi necessariò deberentur; atque a patrefamiliàs, qui optimo non tribueret, commutativa lederetur justitia: nec, qui melioribus longè fratribus paterno in testamento prælatus est, justè illa possideret; nec verò possidere lex ulla cujuscunque fori permetteret: sed potiùs, si de hujus pravitae dignitateque aliorum constaret, cogeret ad restitutionem. quod non facit.

III. Nec alia etiam justitia violatur, quæ, ut Aristoteles enumerat Ethicorum lib. V. cap. IV. sita est in distributione vel honoris, vel pecunie, vel aliarum rerum, quæ inter eos dividi possunt, qui ejusdem reipublicæ communione inter se conjuncti sunt. & κατ' ἀξίαν, suum cuique tribuit. Nam, quamvis etiam distributio, ut notat Thomas Aquinas II. II. quæst. LXI. artic. I. ad III. quandoque fiat bonorum communium, non quidem civitati, sed uni familiæ, quorum distributio fieri potest auctoritate alicujus privatae personæ: illa tamen bona, communia toti familiæ esse debent, non alicujus propria, de quibus liberum ei arbitrium a legibus permittatur. Ita luculenter Thomas artic. I. ut explanet, quod sibi secundo loco objecerat: quomodo ad justiciam spectet distributio, per quam non redditur alicui, quod suum est; sed de novo appropriatur sibi id, quod erat commune. cui quidem argumento sic respondet: Ad secundum dicendum, quod sicut pars & totum quodammodo sunt idem: ita id, quod est totius, quodammodo est partis. Et ita, cum ex bonis communibus aliquid in singulos distribuitur; quilibet aliquo modo recipit, quod suum est. Et artic. II. In distributivâ justitiâ datur aliquid alicui private personæ, in quantum id, quod est totius, est debitum parti. Quod quidem tantò majus est, quantò ipsa pars majorem principalitatem habet in toto. Et idem in distributivâ justitiâ tantò plus alicui de bonis communibus datur, quantò illa persona majorem habet principalitatem in communitate. Quæ quidem principalitas in aristocraticâ communitate attenditur secundum virtutem: in oligarchicâ, secundum divitiâs: in democraticâ, secundum libertatem: & in aliis aliter. Et idem in justitiâ distributivâ non accipitur medium secundum aequalitatem rei ad rem; sed, secundum proportionem rerum ad personas: ut scilicet, sicut una persona exco-  
aliam

*aliam; ita etiam res, quæ datur uni personæ, excedat rem, quæ datur alii. Et ideo dicit Philosophus, quodd tale medium est secundum geometricam proportionalitatem, in qua attenditur æquale, non secundum quantitatem; sed, secundum proportionem. Quum ergo res, quas pater habet, ultra debitam filiis legitimamque portionem, non bona aliqua sint toti familiæ communia, nec ulli omnino debeantur; sed ad ipsum tantum patremfamilias, pleno absolutoque jure, pertineant: quis unquam injustæ distributionis nomine insimulandum sibi eum esse putet, quodd opes suas, ut libuerit, non, ut cujuscunque merita postulaverint, dispense? Neque enim ulla hæc esse potest, quæ maximo vitio ducitur, personarum acceptio: ubi nihil sibi jus; sed omnia sibi vindicat hominis liberalitas. Neque verò justitiæ pars liberalitas est: quia justitia, teste Aquinate II. II. quæst. CXVII. artic. V. exhibet alteri, quod est ejus; sed liberalitas exhibet id, quod suum est. Atque id etiam acutè vidit Thomas quæst. LXIII. artic. I. Ad tertium dicendum, quodd duplex est datio. Una quidem, pertineus ad justitiam, qua scilicet aliquis dat alicui, quod ei debetur. Et circa tales dationes attenditur personarum acceptio. Alia est datio ad liberalitatem pertineus, qua scilicet gratis datur alicui, quodd ei non debetur. Et talis est collatio munerum gratiæ, per quæ peccatores assumuntur a Deo. Et in hac donatione non habet locum personarum acceptio: quia quilibet absque injustitiâ, potest de suo dare, quantum vult, & cui vult: secundum illud Matthæi XX. An non licet mihi quod volo, facere? tolle, quod tuum est, & vade. An non ergo patrifamilias liceat, quodd omnibus licet?*

IV. Non equidem dissitear, quodd notat Covaruvias, ad honestatem quandam pertinere, ut, si velit pater plus uni, quàm alteri filiorum, relinquere, eum præferat, qui virtutis studio atque erga majores pietate, dignissimus omnium videatur. Sed, etsi maximè laudabile illud sit, optimique in posterum exempli: nego tamen, si res ἀπλῶς sine ulloque circumstantiarum, quia aliter τὰ περιστάσις dicere latine non possumus, conditionumque aliarum comitatu consideretur, trahi in vitium posse, quodd, non pro cujusque dignitate; sed, pro arbitrato patris, filii ad ampliorem pinguioremque patrimonii partem vocentur. Etenim, siquid hæc in re paterfamilias peccaret, æquitatem utique læderet,

rét. & sacrosancta naturæ jura, quibus suum unicuique debetur. Quam autem nullam is justitiæ partem intrin-  
gat, ut demonstrasse nos puto; facile sequitur, liberum  
ei per divinas humanasque leges esse, quem voluerit fi-  
liorum, vel indignum digno præferre. quod asserit glossa  
in *L. Ex facto. D. ad senatusconsultum Trebellianum*. ubi,  
quum *α. Siquis. II.* mentionem Ulpianus de homine fecis-  
set, *qui rogatus fuerit filiis suis, vel cui ex his voluerit, re-*  
*stituere hereditatem.* sic ad *v. voluerit* notat glossa: *qui*  
*etiam indignum digno poterit præferre. Secus, si dixisset te-*  
*stator: Quem dignum putaveris.* Quare ita patremfamilias  
laudandum puto, si dignissimum ampliori fortunarum co-  
piâ eum inter liberos judicet, quem ceteris videt virtu-  
te antecellere; ut non propterea damnandum censeam,  
quod bona filiis, ut velit, sua largiatur. est enim res hu-  
jusmodi, meo quidem judicio, inter ea reponenda, qua  
dicuntur a Philosophis *αδιαφορα*, atque a Gellio. expli-  
cantur lib. II. cap. VII. ubi de officio erga parentes li-  
berorum inquit; &, an semper patri parendum sit, quid.  
cunque demum ille jusserit: *Omnia, qua in rebus humanis*  
*sunt, sicuti docti censuerunt, aut honesta sunt, aut turpia.*  
*Quæ sua vi recta aut honesta sunt, ut fidem colere, ut patriam*  
*defendere, ut amicos diligere: ea fieri oportet: sive imporet*  
*pater, sive non imperet. Sed, quæ his contraria; quæque tur-*  
*pia & omnia iniqua sunt: ea, ne si imperet quidem. Quæ*  
*verò in medio sunt; & ea Græcis tum αδιαφορα, i. e. indis-*  
*ferentia, tum μεσα, i. e. media, appellantur, ut in militiam*  
*ire, rus colere, honores capessere, causas defendere, uxorem*  
*ducere; uti jussum proficisci, ut accersitum venire: quoniam*  
*& hæc & his similia per sese ipsa neque honesta sunt, neque*  
*turpia: sed, perinde ut a nobis aguntur; ita, ipsis actionibus,*  
*aut probanda fiunt, aut reprehendenda: propterea in hujusmodi*  
*omnium rerum generibus patri parendum esse censent. item-*  
*que a B. Hieronymo epist. LXXXIX. ad Augustinum:*  
*Bonum est continentia, malum est luxuria: inter utrumque in-*  
*different, ambulare, egerere alvi stercora, capitis naribus pur-*  
*gamenta projicere, sputis rheumata jacere. Hoc, nec bonum,*  
*nec malum est. Sive enim feceris, sive non feceris; nec ju-*

*stiam habebis, nec iniustitiam.* Nec enim ista nos pudeat in medium asferre, quæ non puduit Beatum Hieronymum.

V. Hæc itaque, quæ suo in genere neque bona sunt, neque mala, ad utramque partem seu virtutis seu vitii trahi, humanis ipsis actionibus, facillimè possunt: immo & trahi necesse est, si vera sunt, ut verissima esse videntur, quæ tradit Thomas Aquinas I. II. quæst. XVIII. artic. IX. *aliquem actum esse indifferentem, secundum speciem: qui tamen est bonus, vel malus in individuo consideratus. Et hoc ideo, quia actus morales, sicut dictum est, non solum habet bonitatem ex objecto, a quo habet speciem; sed etiam ex circumstantiis, quæ sunt quasi quadam accidentia. Sicut aliquid convenit individuo hominis, secundum accidentia individualia, quod non convenit homini, secundum rationem speciei. Et oportet, quod quilibet individualis actus habeat aliquam circumstantiam, per quam trahatur ad bonum, vel malum, ad minus ex parte intentionis finis. Quum enim rationis sit ordinare, actus a ratione deliberativa procedens, si non sit ad debitum finem ordinatus, ex hoc ipso repugnat rationi, & habet rationem mali. Si vero ordinatur ad debitum finem, convenit cum ordine rationis, unde habet rationem boni. necesse est autem, quod vel ordinetur vel non ordinetur ad debitum finem. Unde necesse est, omnem actum hominis, a deliberativa ratione procedentem, in individuo consideratum, bonum esse, vel malum.*

Atqui ad hæc oportet ex naturâ suâ esse, quod, institutis ex legitimâ portione heredibus filiis, unus ex illis postea, quicumque demum fuerit, ex paterno arbitrio, locupletetur, tum ex aliis argumentis constat, tum etiam ex eo, quod id patrifamiliâs Romanæ leges permittant. Neque enim, si nefas esset patri, in dividendo inter liberos patrimonio, unum præ aliis pro voluntate suâ, vel indigniorem, dicare: id illi per civiles Romanorum leges liceret. quæ leges conservando tuendoque semper civium omnium juri maximè studuerunt. Legum autem hoc esse scimus, permittere quæ a diis præ censeantur. Unde legis munia recenset lib. I. Regul. Modestinus: *imperare, vetare, permittere, punire*, L. *Legis. D. de Legibus.* & explanat Thomas Aquinas I. II. quæst. XCII. art. II. *Præcepta autem legis sunt de actibus humanis, in quibus lex dirigit, ut supra*

*dictum*

dictum est. Sunt autem tres differentiae humanorum actuum. Nam, sicut supra dictum est, quidam actus sunt boni ex genere, qui sunt actus virtutum: & respectu horum ponitur legis actus, precipere vel imperare. Praecipit enim lex omnes actus virtutum, ut dicitur in V. Ethicorum. Quidam vero sunt actus mali ex genere, sicut actus vitiosi: & respectu horum lex habet prohibere. Quidam vero ex genere suo sunt actus indifferentes: & respectu horum lex habet permittere. Et possunt etiam indifferentes dici omnes illi actus, qui sunt vel parum boni, vel parum mali. Id autem, per quod inducit lex ad hoc, quod sibi obediat, est timor poenae: & quantum ad hoc ponitur legis effectus, punire. Nec ferè aliter Isidorus Originum lib. V. cap. XIX. Omnis autem lex aut permittit aliquid, ut, vir fortis petat primum: aut vetat, ut, sacrarum virginum nuptias nulli petere liceat: aut punit, ut, qui eadem fecerit, capite plectatur. aut enim premio, aut poenâ, vita moderatur humana.

VI. Hinc igitur inæquali erciscundæ familiæ arbitrio plura circumstantiarum consiliorumque genera advenire, & se veluti immiscere possunt, unde, pro diversitate rerum, quæ actionem quamcumque humanam circumstant, patrisfamiliæ voluntas, aut in laudem cadat, aut in vituperationem: in laudem quidem, si actioni, quæ ex se ad id quod est, honestus finis debitæque apponantur circumstantiæ; in vituperationem verò, si actioni illi circumstantia aliqua necessaria, aut finis certè honestas, deficiat. Nam, ut ex Boëthio docet Thomas I. II. quæst. XVIII. artic. IV. *cujus finis bonus est, ipsum quoque bonum est; & cujus finis malus est, ipsum quoque malum est.* & quemadmodum virtutis est, teste Philosopho lib. II. Ethicorum cap. II. sequi, quæ oportet, & quando & quomodo oportet; eaque de causâ minùs rectè nonnulli virtutes definiisse videntur, ἀτασθαλίᾳ τινὲς ἡρεμίας, *vacuitates quasdam perturbationum, animorumque status quietos ac placatos*, ut explicat Dionysius Lambinus, quod non adjunxerint, *quomodo & quo tempore oportet, & non oportet, & cetera, quæ addi consueverunt*: ita & ad vitium spectat, aliquid agere, *quando non oportet, ubi non oportet: & sic de aliis circumstantiis*. ut auctor est Aquinas artic. III. quod



& fufidè paullo post exponit exemplo naturalis *ῥοῖα*, cui multum perfectionis ex iis, quæ accidunt, superadditur: quorum si aliquod defit ad decentem habitudinem, confequitur malum. Ita etiam est in actione. Nam plenitudo bonitatis ejus non tota confiflit in fua specie: fed aliquid additur ex his, quæ adveniunt, tanquam accidentia quadam. & hujusmodi funt circumstantia debita. Unde, si aliquid defit, quod requiratur ad debitas circumstantias, erit actio mala. Quæ ut omnia exemplo illuftrantur; non eò quidem difputando progrediar, ut dicam cum Antonino Dianà p. V. tract. III. ref. XIII. ex humano more, & *κατὰ τὸ ἀνθρώπινον*, juftas femper adesse cauffas, cur paterfamiliàs, absque omni prorsus peccato, plus uni, quàm alteri, conferat liberorum (fcio enim, quàm sibi parentes fuxque cupiditati hac in parte indulgeant:) sed & illud mihi concedi postulaverim, juftà aliquando de cauffà fieri poffe, ut bene laudabiliterque agat paterfamiliàs, si vel minùs dignum digniori in fucceffione prætulit: puta, quòd gentis confuetudo ita fetat, ut primo loco natus alios paternis in bonis antecedit: quòd unus matrimonio, ex patris confenfu, conjunctus, numerosiori prole gravetur: quòd alii magnas sibi divitias aliunde comparaverint: quòd, ex fufcepto vitæ instituto, longè parciori fortunarum copià, ad dignitatem fervandam, indigeant: aliifve fimilibus de cauffis. Quanquàm longè faciliùs, ex humanà imbecillitate, ac frequentius futurum fit, ut animi fui, cupiditatifque potiùs ductum, quàm rationis ipsius, in eligendo filio paterfamiliàs fequatur: adedque peccet: atque eo certè peccati genere, cujufmodi fuerit cauffa, quæ ipfum ad inequalem vitiofamque illam in filios hereditatis distributionem moverit. Ut enim venià dignam plerunque patris culpam in eo effe libentiffimè fatear, quòd, ex præpostero quodam animi ftudio, unus filiorum alteri in fucceffione præferat: culpa tamen aliqua est, & aliquam vidit Beatus Ambrosius. Quis enim ferat, nifi aliud juftior cauffa fuaserit, indignum digno, noxium innoxio, criminofum innocenti, optimo peffimum, anteponi? atqui liberalitas, ut notat B. Thomas II. II. quæft. CXVII. artic. V. ad I. *etfi non attendat debitum legale, quod attendit ju-*

*ritia,*

*Astia; attendit tamen debitum quoddam morale, quod attenditur ex quadam ipsis decentis, non ex hoc, quod sit alteri obligatus.*

VII. Itaque prodigentiæ patremfamilias accusat Gabriel Vasquezius de Testamentis cap. VII. §. VII. dub. I. ita tamen accusat atque damnat, ut levem ejus culpam faciat, facilisque veniæ: quod in nimia rerum profusione, ubi injustitia absit, vix grave aliquod crimen reperi posse arbitretur. Et certè, si qua est, ut reapse est, & virtuti liberalitatis opponitur, prodigentiæ culpa: eam præ avaritiâ plurimum attenuat quæst. CXIX. artic. III. sanctissimus doctissimusque vir, Thomas Aquinas: cujus ἀρχὴν & ῥησιν διὰ τὴν semper colui atque admiratus sum: sepiusque idcirco verba adhibeo quamlibentissimè: *Respondeo, dicendum, quod prodigalitas secundum se considerata, minus peccatum est, quàm avaritia. Et hoc triplici ratione. Primò quidem, quia avaritia magis differt a virtute oppositâ. Magis enim ad liberalem pertinet dare, in quo superabundat prodigus, quàm accipere vel retinere, in quo superabundat avarus. Secundò, quia prodigus est multis utilis, quibus dat: avarus autem nulli; sed nec sibi ipsi, ut dicitur in IV. Eschicorum. Tertiò, quia prodigalitas est faciliè sanabilis: & per hoc, quod declinat ad atatem senectutis, quæ est contraria prodigalitati, & per hoc, quod pervenit ad egestatem de facili, dum multa inutiliter consumit; & sic pauper factus, non potest in dando superabundare: & etiam quia de facili perducitur ad virtutem, propter similitudinem, quam habet ad ipsam. Hactenus B. Thomas. Minus etiam laudabile visum est aliquando, quod temporibus heu! nostris frequentissimum est, si inter filios ei minus relinquatur, qui se Deo, altiori quodam religionis instinctu, consecraverit. Damnât id gravissimè Salvianus lib. III. ad Ecclesiam Catholicam: Sed præclaram videlicet, qui hac faciunt, rationem consilii sui reddunt, dicentes: Quid opus est, ut filiis jam religiosi aqua hereditatis portio relinquatur? Nihil ergo justius, nihil dignius, quàm ut, quia ceperunt religiosi esse, mendicent: non quidem quod eos hac res mendicitate oppressura sit, quod a terrenis facultatibus abdicantur, calum spe possidentes, cito etiam repossessuri, regente illos Deo suo ac protegente, qui eos, cum immortalî spe æternorum, etiam*

sufficienciâ temporalium muneratur. Sed tamen, quantùm ad inhumanitatem parentum pertinet, egent, a quibus sic relictî sunt, at egerent. Certè etiam, si qui non penitus domo eliminantur, & quibus non omnino extorribus, quasi aquâ & igni interdicitur: tamen tantò inferiores fratribus relinquuntur, ut, etiamsi paupertate non egeant, comparatione tamen egere videantur. Multa alia, magnâ animi verborumque contentione, urget hanc in rem Salvianus. cujusmodi hæc sunt: *Initium ergo arbitramini, ut secularibus filiis religiosos filios substantiâ pares esse faciatis? Id ergo agitis, ut pœniteat eos cepta religionis, quos religio apud vos fecerit viles. Pius itaque ac bonus dominus: qui servet in eis propositum ac professionem suam. Ceterùm, quantùm in vobis est, id agitis, ut seculi eos cultores esse faciatis, quibus seculares filios antefertis. Quòd si, ex filii alicujus odio, totum patrimonium suum in alios, exceptâ legitimâ portione, paterfamilias transferat: tunc equidem gravissimè peccat: sed, κατὰ οὐμῶς ἐχρός. ex odio, quo movetur, non ex eo, quòd uni plusquàm alteri relinquat. Quapropter, si malam erga bonum filium voluntatem deposuerit; potest debetque aded absolvi: etiamsi mutare nolit testamentum. ut egregiè monuit Cosmus Philareus, Canonicus olim & Theologus Florentinus. Digna enim mihi visa sunt, quæ huc adscriberentur, ejus verba: etsi minorum gentium Theologis non libenter uti consueverim. Ita ergo habet optimus ille presbyter de Officio Sacerdotis Tom. i. 11. parte lib. iv. cap. xx. de quarto præcepto Decalogi: Immo pater totum id, quod superest, ultra partes legitimas, filiis de jure debitas, potest de rigore relinquere extraneo, & dicere filiis, ut quisque tollat, quod suum est, & vadat: nec ob id est illis deneganda absolutio, Quòd si ex odio faciunt, & nolunt mutare testamentum: distinguat prudens Confessor peccatum a non peccato; & nisi odium deposuerint, non absolvat. Si autem dicunt, se odium deposuisse, & de habito panitere; sed nolle mutare testamentum: sunt absolvendi. Et non potest ad hoc illos cogere, etiamsi in eo venialiter peccarent. Nam veniale non impedit effectum sacramenti; nec tollit gratiam. Quod idè diximus, quia inveniuntur Confessarii, qui cum infirmis & in extremis laborantibus, consanguineorum potius, quàm animæ, causam trahunt: & illos absolvere nolunt, nisi testa-*

*testamentum mutaverint, & juxta consanguineorum voluntatem fecerint. Unde etiam illos saepe ad desperationem inducunt.*

## CAP. VI.

**A**Dversariorum ex *Lege Codicis* argumentum. quod uberimè dissolvitur. *Lex illa per Justinianum abrogata. Latum inter nuptialia lucra, & paternam, quæ ex testamento est, hereditatem discrimen. Ubi diversa jura, diversum judicium. Pæna mulieris secundo, post annum, nubentis. Cur ei permisum fuerit, optimum filiorum eligere. Nuptialia lucra communibus tantum filiis reservanda. Hinc alienari prohibita. Ususfructus tantum ad matrem pertinet. Eadem & patrifamiliæ statuta pæna. Lex Justiniani correctæ. Ingrati filii a beneficio legis exclusi. Breve & verum inter nuptialia bona, & quæ parentum propria est, hereditatem, discrimen. Pulcherrima Divi Justiniani Constitutio. Servare inter liberas aequalitatem, honestum: justum etiam, latiori significatione. Ad honestatem spectat, quod optimus filiorum præferatur. Vera Legis Fæminæ sententia. Quinam dignissimi dicti. Alatum Gregoriæ femina ex Justiniano exemplum. Nuptiale lucrum filia ab Imperatore adjudicatum. Aliud de nuptialibus lucris judicium, aliud de hereditate, quæ pleno jure parentum est.*

- I. **N**Ec paternum de distribuendâ, ut visum fuerit, hereditate arbitrium ademptum censi debet, aut coarctatum singulari illâ *Lege III. C. de secundis Nuptiis. Femina, quæ, susceptis ex priore matrimonio filiis, ad secundas, post tempus luctui statutum, transferint nuptias, quidquid ex facultatibus priorum maritorum, sponsalium jure, quidquid etiam nuptiarum solemnitate perceperint, aut, quidquid mortis causâ donationibus factis, aut testamenti jure directo, aut fideicommissi, vel legati titulo, vel cujuslibet munificæ liberalitatis præmio, ex bonis, ut dictum est, priorum maritorum fuerint assecute: id totum ita, ut perceperint, integrum ad filios, quos ex præcedente conjugio habuerint, transmittant, vel ad quemlibet ex*

*filiis ( dummodo ex iis tantum sit, quos ex tali successione dignissimos judicamus ) in quem, contemplatione meritorum, liberalitatis suae iudicium mater crediderit dirigendum. Quae ex lege quidam, ut innuimus supra, opinantur, non licere patrifamiliâs, unum filiorum alteri praeferre, nisi quem optimis praeditum moribus paternoque beneficio inter omnes dignissimum animadverterit. Sicuti enim eligendi filii potestas, facta matri a Romanis Principibus L. Generaliter. & Dividendi. & L. In quibus casibus. C. de secundis nuptiis. ad dignissimum omnium optimèque meritum filium restricta esse videtur, in quem matrimonii primi lucra conferantur; ita & patrefamiliâs non posse putant, si portionum aequalitatem servare noluerit, nisi pro cuiusque meritis, hereditatem inter liberos suam partiri.*

II. Sed frustra totum hoc est illorum argumentum. Etenim in primis Legem illam *Feminae* aliaque similia de nuptialibus lucris, pro parentum arbitrio, in filios ejusdem matrimonii dividendis antiqua jura abrogavit Justinianus Auth. de Nuptiis collat. IV. §. *Venient autem. ubi connubialia haec lucra equaliter inter liberos lege distribui jubet, non arbitrio parentis permitti. Venient autem talia lucra ad filios omnes prioribus offensos nuptiis. Non enim permittimus parentibus non rectè introductam electionem in eos; neque aliis quidem filiorum dare, alium verò exbonorare. omnes enim secundis similiter exbonorati sunt nuptiis. Sed, quemadmodum omnium filiorum similiter heredes existunt parentes; & non alii quidem succedunt; alii verò non: cur non similiter & ipsi omnibus ex aequo, quantum ad hoc, conferant; sed alios quidem eligant, alios verò despiciant? Idèòque, secundum portionem, unusquisque hoc lucretur. Quare, si qua vis argumenti est, si qua auctoritas; non jam patri matrive familiâs in condendo testamento licebit, optimum filium aliis anteponere: sed necesse erit omnino, ut ex aequo illis hereditatem relinquat. quod falsissimum esse omnes parentur. Verumtamen a nuptialibus lucris ad paternam maternamve hereditatem trahi exemplum non posse, inde maximè constat; quod, quidquid illius lucri est, uni tantum filio tradere prioris conjugii, ceteris praetermissis, nupta iterum femina per legem Codicis permittatur: nefas autem sit parentibus, unum dan-*

duntaxat filium heredem instituere, nisi ceteri ingrati demonstrentur. Nec latissimi inter unam aliamque rem discriminis ratio aliunde petenda est nobis, quàm a Romanis ipsis legibus, quæ maternum de nuptiali lucro arbitrium ita restrinxerunt, ut non nisi dignissimus filiorum eligeretur: liberrimam autem parentibus, qui testamenta essent confecturi, potestatem fecerunt, ut, exceptis legitimis portionibus, quem vellent ex liberis, pro arbitrio, anteponerent. Quemadmodum enim, ubi per jus licet, de similibus rebus unum idemque iudicium ferendum est: ita, ubi diversa sunt, ac dissimilia inter se iura, non ex unâ re licet ad aliam argumentari, utcumque similis utrobique aliqua nobis ratio forsân videatur. Unde, licet femina, quæ ad secundas nuptias transit, optimum filium nequeat minùs dignis postponere; non sequitur tamen, quòd & patri matrivefamiliâs non liceat, quem voluerit filiorum, supra alios, ex patrimonio suo locupletare. Pœna siquidem hæc est mulieris, quæ, post lugubre annumque tempus, secundò nupserit: quòd omnia e priori conjugio emolumenta in ejus matrimonii filios conferre debeat. quod. notat accommodè glossa in L. *Femina: Superiores leges dicunt, qualiter puniatur mulier, quæ intra tempus luctûs nubit: hæc loquitur, qualiter punitur illa, quæ nubit post annum, dimissâ affectione liberorum: & dicit, quòd talis mulier, quidquid habuerit ex primo marito, sive in testamento, sive inter vivos, reservabit filiis primi matrimonii, nec poterit aliquid alienare: &, si alienet, cogetur restituere tantum de suo proprio.* Idèò autem permissam olim esse puto, unum potissimùm ex filiis, quem optimè de se meritum experta fuerit, eligere, ut omnes illo præmii incitamento ad observantiam matri exhibendam, pro suis quisque viribus, allicerentur. Solent enim filii gravissimè ferre, quòd illos veluti mater abjiciat, ut libidini suæ, secundis nuptiis, obsequatur. Quare, nequa inde injuria in matrem oriretur; visum est tunc Romanis Principibus, filiorum ita pietatem provocare, ut liberum esset matri, connubialia illa lucra optimo filiorum, & studiosissimo impertiri. Ita ergo propter secundas nuptias punita mater, ut simul & filii ad pietatis virtutisque studium inflammarentur.

III. Quamquam autem iussa postea fuerit ab Iustiniano, inter liberos, ex priori viro susceptos, æqualiter dividere, quidquid ex primo lucrata est matrimonio: non illa tamen pœna sublata est, qua nuptiales huiusmodi opes prioribus illis filiis reservandæ erant; neque quidquam inde poterat filiis condonare alterius conjugii. Quam statuere pœnam Gratianus, Valentinianus & Theodosius Augusti *L. Femina. Nec quidquam eadem semine ex iisdem facultatibus alienandum in quamlibet extraneam personam, vel successionem ex alterius matrimonii conjunctione susceptam, præsumant; atque habeant potestatem possidendi tantum atque fruendi in diem vite, non etiam alienandi facultate concessâ. Nam, siquid ex iisdem rebus in alium quemlibet fuerit ab eâ transfusum, ex maternis redintegrabitur facultatibus, quo illibata ad eos, quos statimus, liberos, bona & incorrupta perveniant. confirmavitque Justinianus Novel. Constitutione XXII. de secundis nuptiis: Si verò expectet quidem tempus mulier, & propterea effugiat prædictas pœnas; ad secundum verò veniat matrimonium, priores negligens nuptias: siquidem non habeat filios (dicatur etiam denuo) sine periculo est totum ex hoc. Si verò sit soboles, & filios ex hoc exonoratos viderit; tunc, omni largitate a viro ad eam veniente, eam secundum proprietatis privat partem, solum ei derelinquens usumfructum. Et hæc sancita sunt etiam super antenuptiali donatione, & super omni largitate, sive, cum viveret, a viro ad eam veniente, aut etiam ex testamento, aut mortis causâ donatione: sive institutionis sit pars, sive legatum, sive fideicommissum. Et generaliter dicendum est, quod omnis eam deserit proprietatis modus, in iis, quæ a priori viro in eam venerunt: & filii ea percipient, & proprietatis erunt domini, secundum tempus mox, quo mater conjuncta est alii viro. Quid itaque miramur, ubi initi iterum matrimonii pœna agitur, si, quantum ad ea bona, quæ ex prioribus nuptiis consecuta est, præreptam matrifamiliâs videamus distribuendarum, ut libuerit, rerum potestatem? Nam & patrefamiliâs pœna eadem manet, si, liberis ex priori uxore susceptis, alteri se matrimonio copulaverit: cui cerè adeptum arbitrium est, ut de nuptialibus huiusmodi facultatibus aliter decernat, ac civiles leges præscripserint. Ita Theodosius*

& Va-

& Valentinianus Augusti ad Florentium Lege V. C. de secundis nuptiis: *Generaliter censemus, quocunque casu, constitutiones, ante hanc legem, mulierem liberis communibus, morte mariti matrimonio dissoluto, qua de bonis mariti ad eam devoluta sunt, servare sanxerunt: iisdem casibus maritum quoque, qua de bonis mulieris ad eum devoluta sunt, morte mulieris matrimonio dissoluto, communibus liberis servare.* Et Justinianus eà Constitutione XXII. *Et hac communis mulieris & viri multa sit posita. Nam si & ille filios habens, secundam eis superinduxerit uxorem, non ex dote fruetur lucris, secundam proprietatis rationem. Nam largitatem aliam a muliere percipiens, hanc habebit firmam: praterquamquod licet uti & frui, quoad vixerit solum. & ii quoque filii, licet sub potestate constituti sint; sed tamen domini, secundum proprietatem, talium erunt, venientium mox in eos simul cum secunda uxoris conjunctione.*

IV. Immo & hæc alia addita est ei pœna, qui, liberis ex primo conjugio procreatis, novas init nuptias, ut nullâ ratione queat plus alteri conjugii relinquere, quam uni ex primi matrimonii filiis, cui reliquerit minus: dummodò filiorum cuilibet legitima relinquatur portio; quod autem ultra forsân contulerit, revocetur, æquisque inter liberos primi matrimonii partibus dividatur. Audorem legis hujus laudat Justinianus Divum Leonem, cujus integra constitutio in Codice habetur *L. Hac edictali. de secundis nuptiis.* Sed Justinianum interim audiamus: *Optimè verò nobis Leo divæ memoria videtur cogitasse de oblationibus, quas in secunda faciunt matrimonia, qui ea contrahunt. Ait enim, quia si ex priore matrimonio filios habent parentes; deinde ad secundum, aut deinceps, veniant matrimonium: non possunt neque in novercam patres, neque in vitricum matres, secundum vitæ tempus, quamlibet facere largitatem, aut in morte relinquere, nisi tantum, quantum unus filius aut filia, solus existens, ex generante habeat. Si verò multi filii sunt; & unusquisque æqualem habet portionem: non amplius, quam ad singulos venit, aut vitricus aut noverca percipiat. Si verò inæqualia, quæ relinquuntur, fuerint: tantum necesse est solum ad novercam, aut vitricum venire, ex quacunque largitate parentis, in quantum, qui minus habet filius, ex illius substantiâ percepit, aut ex novissimâ voluntate dimissum, aut in*  
vita



*vitâ datum: quippe dudum quartâ, nunc autem tertiâ, aut mediâ, secundùm nostram legem, portione omnino filio relinquendâ aut dandâ: nisi rursus ingratitudinis ratio contradicat.* Suam deinde legem corrigit Justinianus, qua utriusque matrimonii liberos ad eam partem æquo jure vocaverat, quæ alteri conjugii ultra modum relicta erat. ut videre licet in *L. Quoniam. C. de secundis nuptiis: Namque ex secundis nuptiis filios participari etiam horum, scriptum quidem in quadam constitutione est: non tamen etiam nunc nobis placet: sed, ex priori matrimonio filiis, propter quos & observatum est, detur solis, nullâ machinatione, neque per suppositas personas, neque per aliquam aliam causam, interponi valente.* Merito autem ingratos filios excipiendos esse voluit tum hîc, tum in *L. Cum apertissimè. C. de secundis nuptiis.* prudentissimus Imperator: quos & a nuptialibus parentum suorum lucris percipiendis excluserat: ubique tamen ingratitudine, sicut prædiximus, impedimenta ad tale lucrum faciente hujusmodi filio. Circa ingratos enim positas non transcendimus leges, taliter & parentes honorantes, & filios ad pietatem deducentes. Sicut enim electionem prohibemus, & denuo omnibus similiter damus talia præmia: sic ea, qua de ingratitudine sunt, non interimimus. Itaque, in secundi matrimonii pœnam duntaxat, prohibiti sunt Romanis legibus parentes, qui, susceptis ex priori conjugio liberis, ad alias nuptias convolarunt, & plus alteri conjugii, quàm cuicunque filiorum, tribuere; & quæ ex prioribus nuptiis obtinuerunt, aliis quibuscunque, præter communes liberos, largiri. Neque verò paterno arbitrio conubialia illa bona ullatenus subjacent, quæ ad parentes non spectant, nisi quoad usumfructum: quamdiu mater paterve vixerint. At, ubi non de pœnâ aliquâ agitur, nec de alienis aut adventitiis ex primo matrimonio bonis; tunc equidem ex Romano jure scimus, hanc impositam esse patri matrive familiâs legem, ut legitimâ portione minus filiorum nulli relinquunt, nisi ingrati probentur: plenam tamen atque integram esse iis facultatem, ut, quidquid superest patrimonii, quibuscunque demum voluerint, vel alicui etiam filiorum, impertiantur; atque ita ad filios, inæquali portione, deferant hereditatem. Eò usque porrigi constat patriæ in condendis testamentis potestatis fines.

V.

V. Cum verò innumera sint, & per omnes dispersa libros, Romanarum legum loca, quibus parentum hoc in dividendâ hereditate arbitrium comprobetur, quorum aliqua etiam nos superiùs adduximus; possitque huc revocari illud Leonis Augusti ex L. *Hac edictali*: Sin autem non æquis portionibus ad eosdem liberos memorata transferunt facultates: tunc quoque non liceat, plus eorum noverca vel vitrico testamento relinquere, vel donare &c. tum maximè apposita, & quæ loco huic inferatur, digna visa est, Divi Justiniani constitutio ex laudatâ sæpius Collat. IV. tit. I. de Nuptiis: Illud quoque super hoc adicere legi, justum existimavimus. Si enim moriatur vir aut mulier, filios habentes & ex prioribus & ex secundis nuptiis, quas post hanc nostram contraxerint legem (in his enim præsentia disponimus, quæ quidem super lucris ex nuptiis servari oportet) hoc sancimus insuper et decernimus: portiones, quas necesse est parentes legitimis & non ingratis relinquere filiis, ipsos genitores non erit justum ad secundam omnino declinare prolem: & quod ex lege est, tantummodò relinquentes prioribus, alia omnia ad secundos decurrere; sed aliquid & prioribus adicere. Siquidem aliquem ex secundis habeat nuptiis, aut etiam ex primis forsan, ita festivum, ita dilectum, ut velit præponere eum aliis in possessione: damus licentiam hoc agendi: non tamen omnino priores quidem filios minuire; secundos autem augere: sed neque vebementer magnificare augmentum, nec omnino oblivisci priorum matrimoniorum: neque infirmare ea, quæ a præcedentibus nos, de talibus dicta sunt: sed providere quidem & secundis; providere autem & primis, cogitantes, quoniam filii ambo sunt, & ita facientes successionum in testamentis divisionem. Si enim, intestatis eis mortuis, lex omnes ex æquo vocat: competens est, eos imitantes legem, non vebementer magnos eos abbreviare minutionibus, erubescere legem. Sic enim erunt boni patres, & nostrâ digni legislatione: & iusti quidem erunt, solam legem custodientes. Siquidem autem etiam supra legem reliquerint, erunt iusti simul & humani patres. Et non hæc dicimus inter gratos & ingratos filios (de ingratis enim jam sæpius dictum est) sed de iis, qui magis aut minus diliguntur: quum utique multa differentia sit ingratitudinis & gratiarum actionis, & dissimilis honoris. Hanc itaque partem de æquitate filiarum ex priore & secundo matrimonio venientium, adhibentes

*antes potius, quam sancientes, dicimus: alioquin semel augentes ab intestato partem omnino filiis relinquendam; & usque ad quatuor quidem filios, quatuor uncias omnino definientes: si autem ultra quatuor sint, usque ad mediâ substantiâ partem, idoneum jam dedimus filiis solatium, non ex parvâ mensurâ antiquam eorum angustiam resolventes. Hæcenus Justinianus. e quo maximè illustrantur, quæ hac usque dicta sunt de patriâ, quoad hereditatem inter liberos dividendam, potestate. Atque ille quidem jure, se adhortari ait ad illam inter liberos æqualitatem servandam: quod ad honestatem quandam humanam, non ad legem ullam, id referendum sit; & si justum aliquando illud idem dicitur, latiori quadam significatione accipi debet pro eo, quod honestum est neque ab æquitate alienum, non quasi ex ullâ justitiæ lege debeatur. Sicuti & ad honestatem spectat, quod paterfamiliâs eum in successione præferat, quem, ob virtutis præstantiam, majori longè præmio dignissimum videt. juxta illud L. Cum pater. D. de legatis & fideicommissis II. Rogo, filia, ut bona tua quandoque distribuas liberis tuis, ut quisque de te meruerit. & L. Hic titulus. & Toties. D. de collatione bonorum. de filio emancipato: Si etiam judicium patris meruit. Leg. XIII. C. de legitimis heredibus. de filiis item emancipatis: hoc a suis genitoribus meruerunt.*

VI. Ita etiam ad morum honestatem revera respicit, quod Lege illâ *Femine*: sanxisse Romanos Principes voluit, ut dignissimus omnino optimusque filiorum a matre iterum nubente eligeretur. Nam, quanquam hujusmodi legem ita, ex aliorum sententiâ, intellexisse visi sumus, ut dignissimum inter omnes oportuerit a matrefamiliâs eligi: summo tamen ex jure, antequam legem illam Justinianus abrogasset, præferri quilibet ex iis potuit, qui dignos se maternâ liberalitate præstitissent. quod etiam advertit Covaruvias. Ait enim lex, totum id, quod ex priori matrimonio mulieres hujuscemodi perceperunt, ad filios, quos ex priori viro susceperint, transmittendum esse, vel ad quemlibet ex filiis (dummodò ex iis tantum sit, quos ex tali successione dignissimos judicamus) in quem, contemplatione meritorum, liberalitatis suæ judicium mater crediderit dirigendum. Dignissimos autem dici, quia sunt capaces,

*paces*, adnotat Accursius. Unde Covaruvias: *Hac tamen moralis obligatio non imponit transgressori culpam, siquidem culpæ reatus ad legalem obligationem attinet, secundum Thomam I. II. quest. LXXI. art. ult. Quamobrem & in foro judiciali, quamvis hodiè servanda foret Legis Femina: constitutio: nihilominus præferre posset mater filium dignum digniori in distribuendis lucris prioris matrimonii. quod censeo jure verissimum esse.* Sic Gregoria quædam, mortuo viro, e quo filium & filiam procreaverat, plurimumque a filio experta favorem, antenuptialem in eum donationem contulit. ut refert Novel. II. Justinianus. Sed & filio postea mortuo, quum mater ad secundas nuptias transisset, velletque adhuc sibi e filii rebus partem suam vindicare; atque idcirco matrem inter & filiam vehemens lis exorta esset: causam filiz, quantum ad nuptiale quidem lucrum pertinebat, optimus Imperator adjudicavit: *Prospeximus itaque, non confusum hoc de electionibus indiscretumque relinquere; sed hujusmodi dare ordinem causæ: matre semel ad secundas nuptias veniente, usum mox tantummodo ejus, filiorum proprietate manente, antenuptialis fieri donationis: & nullam esse licentiam matri, alios quidem filiorum eligere; alios autem exbonorare: quoniam omnibus simul, secundis nuptiis, fecit injuriam.* Quapropter & in præsentì proprietatem antenuptialis donationis tota ad filiam venit, usu apud matrem, donec vivet, servando. Et secundum nostram constitutionem, siquidem mater præmoriatur, filia tota antenuptialis donatio competit. Si verò filia; manet quidem apud matrem lucrum ex pacto non existentium filiorum; reliquum verò eris filia: & moriens hoc transmittet ad suos heredes, qui ex lege vocantur. Et infra, postquam de filii hereditate statuerit: Antenuptiali verò donatione, ad secundum veniens consortium, neque secundum quantum heres exisset filii, fruatur: sed hoc filiorum sit solum lucrum, eis a lege datum, & non videatur esse pars hereditatis filii: sed adhuc antenuptialis donationis non abiciens naturam. Quæ competit tenere etiam circa eas, quæ nunc jam sunt viduata mulieres, & propriis successerunt filiis, & quæ nondum ad secundas veniunt nuptias: licet postea veniant. Quod igitur hic habetur; sic omni tempore sancitur. Ita longè aliud ferendum judicium de nuptialibus eorum lucris, qui secundo matrimonio conjunguntur; aliud

Aliud de hereditatibus, demonstravimus, quæ pleno jure ad aliquem spectant: quum pater materve familiâs, qui, susceptis ex uno matrimonio filiis, ad alias nuptias transierunt, debeant nuptiale lucrum communibus liberis, quorum est, æquâ ex parte tradere, seu reservare; possint autem hereditatem resque suas, nisi quid aliud obstitit, exceptâ filiorum legitimâ portione, in alios quoscunque, ipsosque etiam liberos pro arbitrio, ex inæqualibus portionibus, distribuere.

## CAP. VII.

**L**eonis Philosopho responsum. *Lex XV. C. de pactis, ab eo damnata, ex duplici causâ, Rejcta a Leone hereditaria inter liberos inæqualitas, Acris in Leonem censura. Facta ab eo, contra Canones, monachis facultas testandi. Aliqua Patrum de monasticâ professione sententia. Terribile Patrum de monacho, qui pecuniam moriens dereliquit, judicium. Ambæ Leonina constitutionis partes discussæ; & prima confutata. Summa summi Principis in infirmandis pactis humanis potestas. Rex, veluti quidam inter homines deus. Regia potestas, patria. Legitimi principatus & tyrannidis discrimen. Ad Principes monita. Alia pars Constitutionis Leonina, quæ ad Græcos tantum spectat. Occidentis atq; Orientis Imperia divisa. Occidentis Imperium, Romani Pontificis auctoritate, delatum Carolo Magno. Plurium auctorum testimonium, & præcipuè Eginhardi. Romano Pontifici deberi quidquid est in Occidente Imperatoria dignitatis. Innocentii III. locus adversus Glossam explicatus. Imperatoria dignitas a Pio II. promissa. Maumetho, si Christianus fieret. Clementis V. in Concilio Viennensi testimonium. Non jure belli Occidentis Imperium a Germanis comparatum: & insulsa Matthiæ Illyrici figmentâ. Quæ ratione Occidentis Imperium a Græcis ad Germanos translatum. Imperii Carolini fines. Imperium ad Saxones ab Iobanne XII. translatum. A Gregorio V. instituti septemviri Germanicæ nationis Principes. Veritatis vel in hostibus triumphus. Aliud Germania regnum, aliud Imperium. Prima in Orbe Christiano Imperatoria dignitas. Ingenua Principum Imperii, & vera confessio. Præcipua Imperatoria digni-*

*dignitatis vit in eo sita, ut Ecclesiam Romanam tueatur. Jurisjurandi formula, quod Ecclesie Romanae praestant Imperatores. Philippi Pulchri ad Clementem V. de transferendo iterum ad Francos Imperio preces. Cur hac a nobis sint de Imperii in Occidente nunc jure longius disputata.*

**I.** Am verò quid ad Leonem Philosophum respondeamus? Edidit hic verba Iulianus Tzaartza Constituzione in ubi non sumit tantum suae auctoritatis; sed & ratiocinationum gravissimo pondere, insurgit adversus Legem XV. *C. de passis*. quae est Valeriani & Gallieni Augustorū illamque vehementer damnat, non ob eam tantum causam, quod nullam planè vim esse dotali pacto sancitum est, quo pollicitus sit paterfamilias, se filios omnes ex æquis partibus heredes instituturum; verum ex alio etiam capite, quod inaequalis hereditatis portio in filios, pro parentis arbitratu, conferri permittatur. Et de illo quidem pacto aliquid libro istorum tertio tetigimus. Quod verò hereditariam inter liberos, ex parentum arbitrio, inaequalitatem improbet præterea rejiciatque Imperator: ex ipso patet Constitutionis totius argumento. *Quemadmodum enim, inquit, res maxime necessaria est animali non titubans oculus: ita est Respublica legum æquis & rectus status.* Hujus ergo nos curam gerentes, posteaquam in selecto Codice legem esse cognovimus, quae, propter evidentem absurditatem, in hominum animis neutiquam locum invenit, ut susciperetur: nedum vim aliquam & efficaciam habet. Contraria enim statuit naturalis, quae a parentibus liberis debetur, æquabilitati; adversusque filium, patri ad iniquitatem fenestram aperit: quin & parentem, ut illi morem gerat, obstrictum mendacio doloque obnoxium facit. Posteaquàm, inquam, istiusmodi quandam esse legem animadvertimus: tamen si etiam ante nostram sanctionem, ipsam, ne susciperent, exclusèrunt communis hominum voluntas: tamen nos nihilominus omnem illi prorsus sanctionem & usum decreto adimimus. Postquàm autem legem illam amplificando recensuisset, & persidiæ nomine; ut ipse quidem opinatus est, in communem pertrahere invidiam conatus qualitercumque esset, sic subdit: *Quia immo nec illud consentaneum est, ut parentibus iis, qui pariter ex ipsis nati*

P sunt,

*sunt, non parem curam exhibeant; neque aequabiliter ipsorum vita prospiciant: sed alios quidem uberiores facultates habere; aliis verò nihil parcere, neque illorum misereri, tametsi inopes in miseriâ victuri sint, velint. Ceterum æquum est, ut, quemadmodum omnibus liberis ex aquo vitam impertiti sunt; ita etiam ad hanc facultates impertiantur: nequaquam verò, velut ancipiti librâ, bis levius quiddam; illis verò gravius, pro inæquabilitate, animi sui arbitrato. Hæc ille sive Imperator, sive Philosophus: cui nos planè respondemus, sibi suisque Græcis, non nobis, qui Latinis legibus atque jure veteri vivimus, sapere potuisse. Multa ille nova suis in Constitutionibus decrevit, quæ a nostris moribus abhorrent: aliqua etiam sacrosanctis Ecclesiæ canonibus contraria, ut Constitut. V. illud de monachis, quibus liberam testandi facultatem fecit de iis bonis, quæ, postquam monasticæ vitæ institutum professi essent, compararunt. Quod si quis dicat, inquit, hoc solo nomine, quod monachus sit, monasterium omnia esse percepturum: haud scio, si istiusmodi, quæ monachos deceant, statuatur. Et infra: Ac propter hoc sanè statimus, ut si quis, quo tempore monasticam vitam suscepit, Ecclesiæ quidpiam consecravit; illi circa res posimodum comparatas liberum ratumque iudicium sit, quomodoque de illis statuere velit: sin nihil omnino ab initio in monasterium allatum sit; tum ut bisariam substantia dividatur: ita ut una pars in bessem, altera verò in trientem circumscribatur: ac monachus, quomodoque ipsi visum fuerit, de besse testamento statuatur; triens autem applicetur monasterio. Quæ Leonis verba huc idcirco referre volui: ut nemo sit, qui non videat, quàm inaniter ille philosophetur; mireturque etiam nemo, si de humanis rebus minùs rectè censuerit, qui sacrosancta ipsa Canonum jura, usurpatâ sibi temere auctoritate, perfregit. Verissima enim sunt illa Patrum: Gregorii Magni lib. VII. epist. VII. ad Januarium Caralitæ Episcopum: Quia ingredientibus monasterium convertendi gratia, ulterius nulla sit testandi licentia: sed res eorum ejusdem monasterii juris fiant, aperta legis definitione decretum est: Basilii in Constitutionibus Monasticis cap. XXXIV. Debet autem pietatis cultor, qui eam, quam supra exposuimus, in vitâ communitatem amplexus sit, ab omni privatâ rerum, quæ in m-*  
*teritiâ*

teriâ consistant, possessione liber esse. Etenim, nisi hoc facit, primùm quidem societatis veritatē privātā possessione corrumpit. Augustini serm. LII. de Vitâ Clericorum: *Qui societatem communis vitam suscepit, quæ laudatur in Actibus Apostolorum, deserit, a voto suo cadit, & a professione sanctâ cadit.* omnium aliorum, qui de monasticâ professione scripserunt. Unde maximo mihi semper terrori fuit, quod olim Nitriæ inter monachos contigit; & narrat Beatus Hieronymus epist. XXII. ad Eustochium: *Quidam ex fratribus, parcius magis, quàm avarior; & neficiens, triginta argenteis Dominum venditum, centum solidos, quos, lina texendo, acquisierat, moriens dereliquit. iustum est inter monachos consilium (nam in eodem loco circiter quinque millia, divisis cellulis, habitabant) quid facto opus esset. alii pauperibus distribuendos esse dicebant, alii dandos Ecclesiæ, nonnulli parentibus remittendos. Macarius verò & Pambo & Isidorus & ceteri, quos patres vocant, sacro in eis loquente spiritu, decreverunt infodiendos esse cum eodem; dicentes: Pecunia tua tecum sit in perditionem. Nec hoc crudeliter quisquam putet factum. tantus cunctos per totam Ægyptum terror invasit, ut, unum solidum dimisisse, sit criminis. Quod idem de Iusto monacho fieri curavit S. Gregorius, ut ipse scribit Dialogi lib. IV. cap. LV. & testatur etiam in ejus Vitâ Iohannes Diaconus lib. I. cap. XV.*

II. Sed, ut ista interim omittantur, quorum alienum est ab instituto nostro argumentum: nimis hîc angustè abjectèque de summâ Principis potestate sensisse Græcus Imperator videtur: dum antiquam Codicis legem eâ de causâ redarguit, quòd dotali patrefamilias pacto obligari noluerit, quominus liberè juxta Romanas leges testetur. Ea enim est, populorum omnium consensu, summæ Principis auctoritas; penes quem rerum gentiumque supremum imperium est, ut, quemadmodum jura condere & administrare Rempublicam; ita & immutare, infringere, abolere, possit hominum inter se pacta, quæ non e publicâ re esse videantur. Unde Platoni ὁ βασιλεὺς, ὡς θεός, ἐξ ἀνθρώπων, rex, Deus quispiam humanus est. Nam, ut Ulpianus scripsit lib. L. Institutionum, quod principi



placuit, legis habet vigorem: utpote quum lege regia, quæ de imperio ejus lata est, populus ei, & in eum, omne suum imperium & potestatem contulerit. Lege I. de constitutionibus principum. Nec enim rex minoris est in toto suo regno potestatis, quàm paterfamiliàs suà in domo. Immo regnum patriæ in filios potestati quamissimillimum esse, testatur Aristoteles Ethicorum lib. VIII. cap. XII. *Pater enim cum filiis societas, regni speciem quandam præ se fert.* Nam filii patri curæ sunt. Hinc & Homerus Jovem, patrem appellat. Patriam enim potestatem regnum proximè videtur imitari. eaque potissimum res legitimum Principatum a tyrannide secernit, quòd tyrannica sit veluti in servos; regia autem veluti in filios, potestas. ut regum quisque aliorumque summorum Principum, dictum sibi sciat illud Claudiani ad Honorium:

*Tu cives patremque geras, tu consule cunctis,  
Non tibi: nec tua te moveant, sed publica damna.*

Illudque Caroli Magni ad Ludovicum Pium: *Sacerdotes honore ut patres, populum diligere ut filios.* Quis autem ambigat, posse a paterfamiliàs filiorum, qui patriâ sub potestate degunt, passâ inter & conventiones infirmari, quæ privato familiaris rei bono minimè expellant? Quare & Ecclesiæ Romanæ canones, quæ utique Ecclesiâ omnium aliarum mater est & magistra; valida ea patra non aliter agnoscent, quæ Romani Principes improbarunt, nisi quatenus iis sacra addita est jurisjurandi religio. Quum ergo dotale de instituendis ex æquo heredibus filiis pactum Romanæ leges infregerint, quòd libertatem testandi auferret: cur de violatâ hominum fide tantoperè conqueritur Imperator; & non eos potius accusat, qui a paterfamiliàs pactum adversus leges extorserunt?

III. Quantum verò ad aliam Constitutionis ejus partem de patriâ erga heredes filios equabilitate: dignum certè esset, quod commendaretur a nobis, Leonis iudium, & singularis erga humanum genus providentia, si nihil æquâ legitimâque portione minus alicui ex filiis relinqui vellet. *Quod enim nimis inequale est, non valde placet nobis*, ut Justiniani verbis utamur ex Novel. Constit. XCII. Probaremus etiam, si Justiniani, equissimî Principis, imitatio-

ne,

ne, satis haberet admonere, quod honestius videretur; atque ad illam æquabilitatem patremfamilias, quantum decet, adhortari. Sed quod tum hic, tum etiam in Constitutione V. latà lege velit, non posse nisi ex equalibus portionibus filios heredes institui: hoc equidem jus Græcum est, non Romanum, nec a Lothario Saxone, nec a Fridericis, nec ab ullo alio nostrorum Imperatorum, confirmatum: quod ideo Græcos forsan obligat, non Latinos, qui, postquam Occidentis Imperium ab Imperio Orientis separaturn omnino est & divulsurn, nihil commune cum Græcis legibus habent. Constat enim, legis hujus auctorem, Leonem vulgò Sapientem, obiisse anno Christiano CMXI. postquam annos XXV. imperasset. Atqui multò ante, Occidentis Imperium, ex Romani Pontificis auctoritate, pleno absolutoque jure ad Francos delatum fuerat: scilicet ab anno DCCCI. ineunte, quo Leo III. Pontifex Maximus, Carolo Magno, Francorum Regi Christianissimo, ob immensa ab eo præstita in Romanam Ecclesiam beneficia, amplissimam illam atque in Orbe Christiano primam contulit Imperii dignitatem. Cujus sanè rei fidissimos testes habemus, e Græcis, præcipuè Iohannem Zonaram Annal. tomo III. e Latinis, vetustissimos Annales Francorum Laureshamenses, Paulum Diaconum lib. XXIII. Adonem Viennensem Episcopum in Chronico, Reginonem lib. II. Chronici, Othonem Frisingensem lib. V. cap. XXXI. Conradum Abbatem Uspergensensem in Chronico, aliosque innumeros: e quibus maximè placet Eginhardi, sive Eginarti, prudentissimi suorum temporum viri, testimonium in Vita Caroli Magni: *Colebat, præ ceteris sacris & venerabilibus locis apud Romam, Ecclesiam B. Petri Apostoli, in cujus donaria magna vis pecunie, tam in auro, quàm in argento, nec non & gemmis, ab illo congesta est: multa & innumera Pontificibus munera missa. Nec ille toto regno sui tempore quidquam duxit antiquius, quàm ut urbs Roma, sua opera suaque labore, veteri polleret auctoritate: & Ecclesia sancti Petri non solum per illum tuta ac defensa; sed etiam suis opibus, præ omnibus Ecclesiis, esset ornata atque ditata. Quam quum tanti penderet: tamen intra XLVII. annorum, quibus regnaverat, spatium, quater tantum illo, votorum solvenda-*

rum ac supplicandi causâ, profectus est. Ultimi adventus sui non solum hæc fuisse causa; verum etiam quod Romani Leonem Papam multis affectum injuriis, erutis videlicet oculis, linguæque amputatâ, fidem Regis implorare compulerant. Idcirco Romam veniens, propter reparandum, qui nimis conturbatus erat, Ecclesiâ statum; ibi totum hyemis tempus protulit. Quo tempore, Imperatoris & Angusti nomen accepit: quod primò in tantum aversatus est, ut affirmaret, se eod. die, quamvis præcipua festivitas esset, Ecclesiam non intraturum fuisse, si Pontificis consilium præscire potuisset. Constantinopolitanis tamen Imperatoribus super hoc indignantibus, magnâ tulit patientiâ; vicitque eorum invidiam magnanimitate, qua eis procul dubio longè præstantior erat, mittendo ad eos crebras legationes, & in epistolis fratres eos appellando.

IV. Unde liquidò constat, uni duntaxat Romano Pontifici, Catholico Papæ, referendum esse, quidquid unquam est hodie in Occidente Imperatorie dignitatis. quod disertè testatur, præter alios, Innocentius III. cap. *Venerabilem. de electione.* ex epistolâ ad Bertholdum Zaringiæ, sive Thuringiæ, Ducem: *Verum illis principibus jus & potestatem eligendi regem, in Imperatorem postmodum promovendum, recognoscimus, ut debemus: ad quos de jure ac antiquâ consuetudine noscitur pertinere: præsertim quum ad eos jus & potestas ejusmodi ab Apostolicâ Sede pervenerit, quæ Romanum Imperium in personâ Magnifici Caroli a Græcis transfudit ad Germanos. id est, non regnum Mundi, ut vult glossa; sed Occidentis tantum Imperium, ut Paganinus quoque Gaudentius advertit de evulgatis Romani Imperii arcanis, cap. XXI. quum nec nova regna per Imperatoriam dignitatem Carolo Magno Romanus Pontifex contulerit, nec Orientis Imperio Græcos Imperatores spoliaverit. Unde & Pius II. Mahumeto Turcarum potentissimo regi, Orientis Imperium, scriptâ epistolâ, pollicitus est, si Christianam Religionem amplectens fuisset. Nos, inquit, te Græcorum, & Orientis Imperatorem appellabimus; & quod modo vi occupas. & cum injuriâ tenes, possidebis jure. Et infra. Et, sicut antecessores nostri, Stephanus, Adrianus, Leo, adversus Hesulphum & Desiderium gentis Longobardicæ reges, Pipinum & Caro-*

Carolus Magnus accersiverunt; & , liberati de manu tyrannicâ, Imperium a Græcis ad ipsos liberatores transfecerunt: & nos, in Ecclesiæ necessitatibus, tuo patrocinio uteremur, & vicem redderemus accepti beneficii. Pergit ibidem Innocentius: Sed & principes recognoscere debent, & utique recognoscunt, sicut iidem in nostrâ recognovere præsentia, quod jus & auctoritas examinandi personam electam in regem, & promovendam ad Imperium, ad nos spectat, qui eum inungimus, consecramus & coronamus. est enim regulariter & generaliter observatum, ut ad eum examinatio persona pertineat, ad quem impositio manûs spectat. Et Clemens V. in Concilio Oecumenico Viennensi, hoc est, totâ approbante Catholicâ Ecclesiâ, quâ sanctissimi illi Patres solemniter ex more repræsentabant: Romani principes Orthodoxæ Fidei professores, sacrosanctam Romanam Ecclesiam, cujus caput est Christus redemptor noster, ac Romanum Pontificem ejusdem Redemptoris Vicarium, fervore fidei & claræ devotionis promptitudine venerantes, eidem Romano Pontifici, a quo approbationem personæ ad Imperialis celsitudinis apicem assumendam, necnon unctionem, consecrationem & Imperii coronam accipiunt, sua submittere capita non reputarunt indignum; seque illi & eidem Ecclesiæ, quæ a Græcis Imperium transfudit in Germanos, et a qua ad certos eorum principes jus & potestas eligendi regem, in Imperatorem postmodum promovendam, pervenit; adstringere vinculo juramenti: prout tam mox observationis antiquæ, temporibus novissimis renovata, quàm forma juramenti, hujusmodi sacris inserta canonibus, manifestant. cap. unico. de jurejurando. inter Clementinas.

V. Itaque non jure belli Occidentis sibi Imperium Germani compararunt: nisi siquis ab inferis revocare velit insulsa Matthiæ Flacci Illyrici, Lutherani, hoc est, hæretici hominis, sigmenta [nec magis hoc nomine Imperium apud Germanos, quàm in Galliâ aut Hispaniâ, nobilissimis Romani olim Imperii provinciis, floreret] sed Apostolicæ tantum Sedis beneficio, quæ non unâ de causâ dici bene potuit, Imperium illud a Græcis ad Germanos transfuisse. Primum quod Germaniam sibi Carolus Magnus, qui primus e Francis Regibus constitutus est in Occidente, suo jure, Imperator, subdiderat. Quàm longè latèque Imperii Carolini fines patuerint, opere præteritum est

ex Eginhardo cognoscere: *Hæc sunt bella, quæ Rex potentissimus per annos XLVII. [tot enim annis regnaverat] in diversis terrarum partibus, summâ prudenti- atque felicitate, gessit. Quibus regnum Francorum, quod, post patrem Pipinum, magnam quidem & forte suscepit, ita nobiliter amplavit, ut penè duplum illi adjecerit. Nam, quum prius ea pars Gallia, quæ intra Rhenum & Ligerim, Oceanumque & mare Balearicum jacet; & pars Germanie, quæ intra Saxoniâ & Danubium, Rhenumque ac Salam fluvium, qui Turingos & Sorabos dividit, posita, a Francis, qui Orientales dicuntur, incolitur; &, præter hæc, Alemanni atque Baiarii, ad regni Francorum potestatem pertinerent: ipse, per bella memorata, primò Aquitaniam & Vasconiam, totumque Pyrenæi montis jugum, & usque ad Iberni amnem, qui apud Navarros ortus, & fertilissimos Hispaniæ agros secans, sub Dertusa civitatis mania Balearico mari miscetur; deinde Italianam totam, quæ ab Augustâ Prætoriâ usque in Calabriam inferiorem, in qua Græcorum ac Beneventanorum constat esse confinia, decies centum & eo ampliùs passuum millibus longitudine porrigitur: tum Saxoniâ, quæ quidem Germaniæ pars non modica est, & ad eam, quæ a Francis incolitur, duplum in lato habere putatur, quum longitudine possit esse confimilis. Postquam, utramque Pannoniam, & oppositam, in alterâ Danubiî ripâ, Daciam, Isticiam quoque & Liburniam atque Dalmatiam, exceptis maritimis civitatibus, quas, ob amicitiam & junctum cum eo fœdus, Constantinopolitanum Imperatorem habere permisit: deinde omnes barbaras ac feræ nationes, quæ inter Rhenum ac Visulam fluvios, Oceanumque ac Danubium, posite, linguâ quidem penè similes; moribus verò atque habitu valde dissimiles, Germaniam incolunt, ita perdomuit, ut eas tributarias efficeret: inter quas sæpè præcipui sunt Velatabi, Sorabi, Abodriti, Roemanni. cum eis hæcque bello confligit: ceteras, quarum multò major est numerus, in deditionem suscepit. Deinde quòd, deficientibus postea Carolinis, illud idem Occidentis Imperium, quod Carolo Magno ejusque posteris collatum fuerat; anno CMLXII. ad Saxones transfudit Johannes XII. creato Imperatore Othone Magno: ejusque nominis primo: quem idcirco, Joh. Cuspiniano teste, plerique scriptores primum Germanorum Imperatorem nunciant: quòd Imperiam abjustâ sobole adgnatione-*

tionemque Caroli Magni ablatum, primus hic Otho, iustus princeps, vir belli pacisque insignis, recuperavit, Pontificis Maximi auctoritate. & Gregorius V. patriâ Saxo, qui ab anno CMXCVI. ad annum CMXCIX. Romanam Ecclesiam gubernavit, gratiam Othoni III. gentique suæ relaturus, solis Germanis jus eligendi Romani Imperatoris tribuit, institutis septemviris inclytæ illius & bellicosissimæ nationis Principibus. Ita cum aliis pluribus scriptoribus Thomas Aquinas lib. III. de regimine Principum cap. XIX. Otho Imperium tenuit usque ad tertiam generationem, quorum quilibet vocatus est Otho: & ex tunc, ut historia tradunt, per Gregorium V. genere similiter Teutonicum, provisa est electio: ut videlicet per septem Principes Alemania fiat: quæ usque ad ista tempora perseverat. quod est spatium ducentorum septuaginta annorum, vel circa: & tantum durabit, quantum Romana Ecclesia, quæ supremum gradum in principatu tenet, Christifidelibus expediens judicaverit. Nec ipse, quod magis miram, diffusus est cum suis Magdeburgensibus Illyricus Cent. X. cap. X. Gregorius, XI. sui exiliî mense, pristina dignitati per Imperatorem restitutus, suam patriam insigni aliquâ dignitate ornaturus, sauxit, ut penes solos Germanos eligendi Regem esset jus, ac potestas, qui, post diadema a Romano Pontifice acceptum, Imperator & Augustus appellaretur. Aded ubique veritas, vel in acerrimis Romanorum Pontificum hostibus, triumphat. quanquam sciam, alios dissentire: quorum non sunt certa aded & clara argumenta, ut propterea Gregorio V. debeat hæc Germanicorum Electorum institutio abjudicari.

VI. Verum fateri omnes debent, si veritatis potius, quam gentis, studio tenentur, duo hic esse exactè distinguenda: & a Romano quidem Pontifice non esse Galliæ Germanique regna, quorum unum hereditariâ successione, aliud electione, ex Ordinum ac Principum consensu, constat: sed esse tamen Occidentis Imperium, hoc est, primam illam in Christiano Orbe dignitatem, quæ Germaniæ nunc Rex & Francorum Regi, & aliis quibuscunque Regibus, antecedit. Immo, ne aliunde, quam a Germanis ipsis, argumenta petantur: Principes ipsi Electores, anno MCCLXXIX. Nicolao III. Papæ ingenuè professi sunt, se a Romano Pontifice quaecunque illud Imperatorum

torium jus accepisse. ut ex publico illorum Instrumento patet, quod hodieque Romanâ in arce quam diligentissimè affervatur. Atque hoc ejus initium est. *Nos Principes Imperii universis præsentem paginam inspecturis. Complectens ab olim sibi Romana mater Ecclesia quadam quasi germana caritate Germaniam, illam eo terreno dignitatis nomine decoravit, quod est super omne nomen temporaliter tantum præsidium super terram: plantans in ea principes, tanquam arbores præcellas, & rigans illas gratiæ singulari, illud eis dedit incrementum miranda potentia, ut, ipsius Ecclesiæ auctoritate suffulti, velut germen electum per ipsorum electionem, illum, qui frena Romani teneret Imperii, germinarent. Hic est illud luminare minus in firmamento militantis Ecclesiæ per luminare majus, Christi Vicarium, illustratum. Hic est, qui materialem gladium ad ipsius nutum excutit & convertit, ut ejus præsidio pastorum pastor adjutus, oves sibi creditis spirituali gladio, protegendo, communiat, temporali refrenet & corrigat, ad vindictam malefactorum; laudem verò credentium & bonorum. Nec immeritò Germani Principes sic Imperatoriam dignitatem, verbisque adeò magnificis, describunt. Nam vis ejus præcipua, & veluti scissura in eo posita est, ut Christianam Rempublicam, Romanam præsertim Ecclesiam, & quidquid ad Romanam Ecclesiam pertinet, ex officio tueatur: eaque de causâ Apostolica Sedes Occidentis Imperium Francis, & postea Germanis, demandavit, ut suum haberet adversus tyrannos defensores. Unde etiam fit, quod Romani Imperatores, cum inaugurantur, solent debentque solenni jurisjurandi formulâ. patrocinium Ecclesiæ Romane Ecclesiæque rebus suum polliceri. Cujusmodi sanè formulâ extat apud Gratianum distinctâ. LXIII. can. *Tibi domino.* in volumine Sacrarum Cerimoniarum sive Rituum Ecclesiasticorum Sanctæ Romanæ Ecclesiæ lib. I. tit. V. atque in Clementinâ *Romani Principes de jurejurando.* ubi hæc subdit Clemens V. *Ceteri qui in iuramenta hujusmodi fidelitatis existant a retro Romanis Principibus, non sunt habitus habitatum, immo tam quondam Albertus Rex Romanorum, immediatus prædecessor memorati Henrici, Bonifacii Papa VIII. prædecessori nostro, tempore approbationis ejusdem Alberti; quam Rodolphus pater ipsius, & alii prædecessores**

*cessores ejusdem, Romanorum Reges, diversis nostris predecessoribus juramentum fidelitatis & obedientia præstiterunt. Idemque Bonifacius memoratum Albertum, juramento hujusmodi ab eo recepto, de fratrum suorum consilio, præsentis prælatorum & aliorum multitudine copiosâ, auctoritate Apostolica recepit in specialem suum filium & Ecclesia memorata; ipsumque in Regem Romanorum assumpsit, in Imperatorem postmodum promovendum. Henricum intelligit Lutsemburgensem, quem Pontifex ipse Clemens maturè eligi curaverat, ne Occidentis Imperium Francis restituere cogeretur. id enim Philippus Pulcher Francorum Rex a Clemente V. enixè postulabat: allato etiam aliorum Pontificum exemplo, qui Imperium, vacuâ, ut dici solet, sedè, ad alias gentes transulerant. Sic autem de Henrico scribit Bernardus Guidonis Episcopus Lodevensis in Vita Clementis V. Eodem anno [MCCCIX.] venerunt solennes nuntii Regis Alamannia Henrici ad Papam apud Avenionem, confirmationem electionis & coronam Imperii petentes. Papa verb electionem admisit & confirmavit in mense Julii subsequente, volens ipsum nominari Regem Alamannia & Romanorum; & quidd possit agere, qua Cæsaris erant. Hæc, quæquam pro instituto nostro longiùs; obiter tamen dicta esse intelligantur de Imperii jure, summâque Ecclesiæ Romanæ majestâtè: ut sciant omnes, post illam Imperii in Occidentem translationem, mutatâ undique regnorum rerumque publicarum formâ, nos Græcorum ampliùs legibus non teneri; sed, ubi per Canones licet, veteri tantum Romanorum Imperatorum jure, quod Occidentis reverentiâ consecratum est, standum esse: posseque adeò, ex veteribus legibus, a patrefamiliâs, pro inæqualibus partibus, inter filios filiasque distribui, salvâ legitimâ portione, hereditatem.*

## C A P. VIII.

*Christiana ad patresfamiliâs monita. Filia nobiles mature elocanda. Vitium in Carolo Magno ab Eginbardo notatum. Aquæ meritis filiis aqua hereditatis portio honestè conferenda. Res aliena restituenda. Summum jus, summa crux.*

Cobe-



*Coberes filiis Christus instituentus. Augustini, Hieronymi, & Chrysostomi admonitio. Salvianus non probatus. Nostrium de illo iudicium. Ejus exposita sententia. Maxima filiorum o- pes, optima disciplina. Aliqua Salviani loca. Christiana liberalitate culpa redimenda. Maxima inde in filios emolumenta. S. Cyprianus laudatus. Aurea Cypriani praecepta. Salviani sententia improbata Augustino. Falsa religio sine pietate. Locus Pauli Chrysostomo explicatus. Egregium Augustini institutum. Quam hic ab hereditatibus alienus. Digna Episcopo vox. Patrimonium Christi, patrimonium pauperum. Gregorii Magni moderatio. Augustinus explicatus. Explicatus Hieronymus. Bona Ecclesie pauperibus, non filiis, danda. Cardinalis Tournonii singularis pietas. Ubi Christiana liberalitatis fastidium. Explicatus Basilii. Locus ex Actis Apostolorum de primo nascentis Ecclesie instituto illustratus. Qui se Deo dicant, filii non exheredandi. Melior viventis, quam morientis, in pauperes liberalitas. Memorabilis vox Titi. Testamentum Caroli Magni.*

**I.** **Q**UOD si quis tamen paulò equior, & Christianæ pietatis, quàm legum, studiosior, me audire velit, longè utiliora atque honestiora suaderem: auctor in primis sim, ut, si quas nobiles si **as** habet, maturè elocet. Illud enim scimus vitio datum Carolo Magno, cetera sanctissimo & prudentissimo Regi, quòd filias, præ immoderato quodam erga illas studio, plus domi secùm, quàm oportuerat, retinisset. Quid inde subsequutum fuerit, tacitè subindicat Eginhardus: *Quæ quum pulcherrima essent, & ab eo plurimùm diligerentur; mirum dictu, quòd nullam earum cuiquam aut suorum aut exterorum nuptam dare voluit: sed omnes secum usque ad obitum suum in domo suâ retinuit, dicens se earum contubernio carere non posse: ac propter hoc, licet aliàs felix, adversa fortuna malignitatem expertus esset. quod tamen ita dissimulavit, ac si de eis nunquam alienis probri suspicio exorta, vel fama dispersa fuisset. Facto præterea testamento paterfamilias liberis, quos ex justo matrimonio suscepit, hereditatem ex æquo deferat, si omnes æquè de se meritos expertas fuerit, juxta illud Ambrosii: *Jungat liberos aequalis gratia, quos paravit aequalis natura**

natura. sed, postquam restituendum curaverit, siquid alteri debet. Si enim res aliena, propter quam peccatum est, ut bellè Augustinus epist. LIV. ad Macedonium, *quum reddi possit, non redditur: non agitur penitentia, sed fingitur. Si autem veraciter agitur, non remittetur peccatum, nisi restituatur ablatum.* Quodd si unam tantum legitimam portionem alicui ex filiis relinquere velit, quod ei sanè licet: sit aliquantò etiam supra leges liberalior: hoc est, non ita agat, ut ad amissum videatur portionem illam perpendi voluisse, nihilque præterea filio suo attribui. Nec sanè est vindicandum nobis, quidquid licet. Nam summum jus antiqui summam putabant crucem, egregium est, quanquam aliam in rem, Columellæ monitum lib. I. de Re Rusticâ cap. VII. ex editione Aldinâ, quæ apud me est, an. MDXIV. Ita etiam heredes filios, ut par est, instituat, ut Christum quoque filium suum existimet, quod pulcherrimè pluribus in locis admonet Augustinus, Serm. LII. ad fratres in eremò de vitâ Clericorum: *Sed planè sic faciat, quod sæpe hortatus sum. unum filium habet; putet Christum alterum. duos habet: putet Christum tertium, decem habet: Christum undecimam faciat. & suscipio.* in Psalm. XXXVIII. in eum locum: *Tbesaurizat, & non cognoscit, cui congregabis ea. Quum autem servaveris in terrâ, dic mihi, cui congregabis ea? Filios habes. unum plus numera: & da aliquid & Christo.* in Psalm. XLVIII. ad illum locum: *Et relinquent alienis divitias suas. Ergo felices ipsi, qui relinquunt filios in possessione sua, quibus sui succedunt. Habuit filios: non est mortuus. Quid filii ipsius? & ipsi servant, quod eis reliquerunt parentes sui. Parùm est quia servant: & augment. Quibus & ipsi servant? filiis suis, & illi filiis, & tertii filiis. Quid Christo? quid anima tua? Omnia filiis. Inter filios suos, quos habent in terrâ, computent unum fratrem: cui totum dare debebant, vel dividant cum illo. Et Augustino concinunt alii Patres. ut, Hieronymus epist. CL. ad Hedibiam quæst. I. *Siqua autem vidua habet liberos, & maximè si nobilis familiæ est, egentes filios non dimittat; sed, ex æqualitate eos amet: & ut meminerit primùm animæ suæ, & ipsam putet esse de filiis; & partiat potius cum illis, quàm omnia filiis derelinquat. immo Christum, liberorum suorum**

suorum faciat coheredem. Et Joh. Chrysostomus homil. XVIII. in cap. XI. epist. ad Romanos: *His itaque collectis omnibus, adhareamus diligenter salutis nostræ, presentisque vitæ opportunitatem non prodamus. Licet enim, licet, inquam, ut ad extrema usque suspiria Deo gratias agas: licet ut & ab ipso testamento commenderis, etsi non quemadmodum, si dum vivis, bene ageres; licet tamen. Quo pacto? si Christum in ipso cum heredibus tuis conscripseris; partemque illi totius sortis tradideris. Non papiisti Christum, dum viveres? si tamen abiturus hinc, quando jam non amplius eorum, quæ possidebas, usum ac potestatem habes, tuæ illi contribueris; non erit, quemadmodum benignus est, curiosus aut difficilis erga te. Majoris quidem amoris signum fuerit, majoremque dignum mercede, si Christum, dum vivis, paveris. Si verò istud non fecisti, vel, quod secundo loco licet, aggredere: nimirum, relinque illum filiis tuis coheredem. Quòd si istud quoque negligenter facis, cogita, quòd illius coheredem te pater effecerit: atque ita vel hac ratione inhumanitatem istam tuam abjice. Quam enim habiturus es excusationem, si neque filiorum tuorum coheredem Christum feceris? quàm is te calorum ipsorum consortem reddiderit; immo & mortem propter te subierit.*

II. Nec audiendus Salvianus, Massiliensis Episcopus, & si Gennadio credimus, Episcoporum magister, qui lib. III. ad Ecclesiam Catholicam omnia Christo vult aut Ecclesie, nihil filiis relinqui posse. Nimis [quod cum doctissimi sanctissimique viri veniam dictum sit] eloquentiæ suæ indulget Salvianus; & ut declamatorio quodam dicendi genere concitatissimè fertur, ita se aliquando contentionis æstu abripi sinit, ut faciliè aberreret, nisi moderatori aliquà castigatione intra limites revocetur. Quòd enim patrifamilias filios exheredare, aut præterire testamento, permiserit, ut omnia Christo relinquat: cuique patet, qui tres ejus ad Ecclesiam Catholicam libros, & præcipuè tertium, attentè perlegerit. Nam lib. I. inter alia plura docet, totum vel a moriente offerendum esse Deo suum patrimonium. *Sed dicit aliquis: totum ergo Deo oblaturus est, quod habet? Non offerat totum, quod habet, si non putat se debere totum, quod habet. & infra: Totum, inquit aliquis, oblaturus est? At ego dico esse hoc totum parùm. Filiis verò præmi-*

præmiserat, majores melioresque opes parari præstari-  
 que non posse optimâ disciplinâ, immortalî bono ac sem-  
 piterno. Quanquam autem non ita se hæc dicere subdi-  
 disse, quasi filios bonis & facultatibus paternis penitus  
 excluderet; & hac de re se postea disputaturum promi-  
 sisset: attamen, quæ sit sua sententia, eo in loco, quo  
 propriè istud versat argumentum, manifestè ostendit: sci-  
 licet lib. III. *Et ideo etiam ego minimus & indignissimus*  
*famulorum Dei, primum ac saluberrimum religionis officium*  
*esse duco, ut Christianus dives, dum in hac vitâ est, divitias*  
*mundi hujus pro Dei nomine atque honore consumat. Secun-*  
*dum autem, ut, si id vel metu, vel infirmitate, vel necessita-*  
*te aliquò præditus, fortè non fecerit; saltem moriens uni-*  
*versa dispenset. Sed dicit fortasse: filios habeo. Jam de hoc*  
*principalis libelli pagina, & convenientia, ut arbitror, & non*  
*pauca memoravit. Sufficit dicens: qui amat filium aut filiam*  
*super me, non est me dignus. Sed & propheticum illud, quod*  
*ait, neque patres pro filiis, neque filios pro parentibus, judican-*  
*dos: sed unumquemque hominum aut sua justificatione salvandum,*  
*aut sua iniquitate peritumum. Ac per hoc quaslibet divitias ho-*  
*mo filiis suis congerat; nequaquam hoc ei proderit in judicio,*  
*quòd divitem reliquit heredem. Sed, esto ignosci parentibus*  
*possit, si ex parte aliquò hereditarias facultates filiis derelin-*  
*quant: si tamen id ipsum bonis, si tamen sanctis. Ego quo-*  
*que ignosci possit, si etiam malis quiddam atque vitiosis.*  
*Habere aliquam excusationis speciem videntur, dicentes: pie-*  
*tas vicit, vis sanguinis compulit, natura ipsa, quasi amoris*  
*manu, in jus suum traxit. Scimus, quid justitia Dei posce-*  
*ret, quid sacra veritas postularet: sed subacti, fatemur, su-*  
*mus iugo incarnata necessitudinis; & dedimus captivas manus*  
*vinculis charitatis: cessit sanguini fides, & vicerunt devotio-*  
*nem religionis jura pietatis. Dici aliquid potest: tametsi sa-*  
*lubriter dici non potest. est umbra excusatiuncula non excu-*  
*sans, dans reo deprecantiuncule speciem, non reatus securitatem.*  
*Nequaquam enim id ulli spondeo, quòd possit cujuslibet rei*  
*firmum habere subsidium, qui aliquid plus amaverit, quàm*  
*Deum. secundum illud, quod scriptum est: in hoc futurum es-*  
*se judicium, quòd venerit lux in hunc mundum; & dilexerint*  
*homines magis tenebras, quàm lucem. Nemini enim aubium*  
*est, totum id tenebras futurum homini, quicquid divina præ-*  
*tulerit*

tulerit charitati. Hæc ergo ita sunt. Sed, esto ut dixi, indulgeri parentibus possit, naturæ insalubriter indulgentibus: quid quoddam nonnulli filios non habentes, æ respectu tamen salutis suæ & remedio peccatorum penitus avertunt?

III. Et infra: Interim hoc specialiter dico, & peculiari admonitione commoneo, ne ullum omnino aliquis, quamvis charissimum pignus, animæ suæ præferat, neque enim iniquum est, ut quilibet Christianorum etiam legitimis heredibus in hoc seculo consulat: dummodo sibi in æternitate succurrat multis modis: quia & facilius est hic deesse filiis quippiam, quam parentibus in futuro. & multò est levior præsens tenuitas, quam æterna paupertas: maxime quia quum illic non paupertas tantum, sed etiam mors ac poena timeantur: facilius est utique hic heredibus deesse quiddam de patrimonio, quam illic testatoribus de salute: idque & ipsi, quibus hereditas derelinquitur, si modò pietatis aliquid in se habent, specialiter velle debent, ne illi pereant, qui relinquuntur. Quod utique si nolunt; multò minùs digni sunt, quibus aliquid relinquatur: quia non injustè testator sapiens non relinquit, quod heres impius non meretur. Itaque optimùm est, ut unusquisque sibi consulat; & animæ ac salutis suæ omnia derelinquat: sint quamvis interdum non filii tantum, quibus videtur naturaliter plus deberi; sed etiam pignora alia ejus vel meriti vel conditionis, ut eis ad impartiendum quiddam de largiendam justitia ipsa ac Dei cultus patrocinetur; & quibus non solum pignus aliquid relinquatur; sed etiam irreligiosè non relinquatur. Quibus ex verbis constat, non damnare quidem Salvianum, si aliquà ex parte heredes filii instituuntur: sed longè tamen consiliùm eorum præferre, qui, ut salutis consulant suæ, omnia Deo relinquunt. quemadmodum inferius. Siquidem, ut dudum dicere cœperamus, iam non tantum filiis aut nepotibus, quod ob naturæ necessitudinem ferri potest; sed etiam adgnatis atque cognatis: neque solum, ut ajunt, ex directo; sed etiam ex obliquo & extraverso; immo potius ex averso perversoque venientibus, res propriæ facultatis, idest, pretium suæ redemptionis, addicant.

IV. Hæc, ne in singulis locis immoremur, Salvianus, qui, si cohæredem tantum liberis suis a patrefamiliâ fieri Christum voluisset, libentissimè & nos assentiremur. Satis enim intelligimus, quantùm id non testatori solum pro-

fit,

fit, qui, promptâ hac in inopes largitione, culpas suas ab æquissimo iudice redimit, juxta illud Proverbiorum XIII. *redemptio anima viri, divitijs suis*. præscriptumque a Daniele Nabuchodonosori remedium cap. IV. *peccata tua eleemosynis redime, & iniquitates tuas misericordijs pauperum*. verùm & filiis ipsis, quibus communis facta est cum Christo hereditas. Quapropter miri multiq̃ue sunt sancti Patres in extollendo Christianæ liberalitatis fructu, immensâq̃ue, quæ inde profluit, divinorum humanorumque bonorum copiâ. Uberrimè inter ceteros atque elegantissimè, Afer primùm rhetor, deinde Carthaginensis Episcopus, & beatissimus martyr, Cyprianus, cujus ingenii, auctore Hieronymo in Catalogo Scriptorum Ecclesiasticorum, *superfluum est indicem texere: quum sole clario- ra sint ejus opera*. Atque hujus utinam saluberrima præcepta, ex Serm. I. de eleemosynâ, animo penitus suo patresfamiliâs inscriberent! Secundùm divinâ pollicitationis fidem, multiplicata sunt vidua & cumolata, quæ presticit, & operibus justis ac misericordia meritis augmenta sumentibus, farris & olei vasa completa sunt. Nec filiis abstulit mater, quod Helia dedit: sed magis contulit filiis, quod benignè & piè fecit. Et illa nondum Christum sciebat, nondum præcepta ejus audierat: non cruce & passione ejus redempta, cibum & potum pro sanguine repedebant, ut ex hoc appareat, quantùm in ecclesiâ peccet, qui se & filios Christo anteponeus, divitias suas servat, nec patrimonium copiosum cum indigentium paupertate communicat. Sed enim multi sunt in domo liberi, & retardat te numerositas scitorum, quominus largiter bonis operibus insistas. atqui hoc ipso operari amplius debes, quo multorum pignorum pater es, plures sunt, pro quibus Deum depreceris. Multorum delicta redimenda sunt, multorum precandæ conscientie, multorum anima redimenda. Ut in hac vitâ seculari, alendis sustinendisq̃ue pignoribus, quo major est numerus, hoc major est & sumptus: ita & in vitâ spiritali atque cælesti, quo amplior fuerit pignorum copia, esse & opus debet major impensa. Sic & Job sacrificia numerosa pro liberis offerebat; quantusque erat in domo pignorum numerus, tantus dabatur Deo & numerus hostiarum. Et quantam quotidie deesse non potest, quod peccetur in conspectu Dei; sacrificia quotidiana non deerant, quibus possent peccata tergeri.

Q

Pro-

Probat Scriptura divina dicens: Job, homo verus & iustus habuit filios septem, & filias tres & emundabat illos, offerens pro eis hostias Deo, secundum numerum illorum, & pro peccatis eorum vitulum unum. Si ergo verè filios tuos diligis, si eis exhibes plenam & paternam dulcedinem charitatis; operari magis debes, ut filios tuos Deo iustè operatione commendes. Nec cum liberis tuis cogites patrem, qui & temporarius, & infernus est: sed illum pares, qui æternus & firmus filiorum spiritualium pater est. Illi assigna facultates tuas, quas heredibus servas: ille sit liberis tuis tutor, ille curator, ille contra omnes injurias seculares divini majestatis protector. Patrimonium Deo creditum nec respublica eripit, nec fiscus invadit, nec calumnia aliqua forensis evertit. In tuto hereditas ponitur, quæ Deo custode servatur. Hoc est charis pignoribus in posterum providere, hoc est futuris heredibus paternæ pietate consulere. Secundum fidem Scriptura Sanctæ dicentis: Junior fui: etenim senui. & nunquam vidi justum derelictum, neque semen ejus egens pane. Tot. die misereatur & commodat: & semen ejus in benedictione erit. Et iterum: Qui conversatur sine vituperatione & iustitiâ, beatos post se filios relinquet. Pravaricator itaque & proditor pater es, nisi filiis tuis fideliter consulas, nisi conservandis eis religiosè & verâ pietate prospicias. Qui studes, terreno magis, quàm cælesti patrimonio, filios tuos diabolo magis commendare, quàm Christo; bis delinquis, & geminum crimen admittis: & quod non praparas filiis tuis Dei patris auxilium; & quod doces filios patrimonium plus amare, quàm Christum. Eslo potiùs liberis tuis pater talis, qualis Tobias extitit. Da utilia & salutaria præcepta pignoribus, qualia ille filio dedit: manda filiis tuis, quod & ille filio mandavit, dicens: Et nunc, fili, mando tibi: servi Deo in veritate; & fac coram illo, quod illi placet: & filiis tuis manda, ut faciant justitiam, & eleemosynas; & sint memores Dei, & benedicant nomen ejus omni tempore. Et iterum: Omnibus diebus vitæ tuæ, fili dilectissime, Deum in mente habe, & noli præterire præcepta ejus. Justitiam fac omnibus diebus vitæ tuæ; & noli ambulare viam iniquitatis: quoniam, agente te in veritate, erit respectus operum tuorum. Ex substantiâ tuâ fac eleemosynam: & noli avertere faciem tuam ab uliâ paupere. ita fiet, ut nec a te facies Dei avertatur. Propt. ha. veris, fili, sic fac eleem. a.

*eleemosynam. Si tibi fuerit copiosa substantia, plus ex illis fac: & si exiguum habueris, ex hoc ipso exiguo communica. Et ne timueris, cum facis eleemosynam: premium bonum reponis tibi in diem necessitatis. Quia eleemosyna a morte liberat, & non patitur ire in gehennam.*

V. Si ergo Salvianus ita Christum instituendum esse heredem scripserat, ut non propterea exheredarentur filii: & pietati simul egregie consulisset & religioni. Verum, quod per illum exheredare filios liceat, ut tota ad Christum hereditas transferatur: hoc est, quod neque nos probamus, neque olim probavit maximo vir iudicio, Augustinus. cuius est vulgatissimum illud simulque celeberrimum: *Quicumque vult, exheredato filio, heredem facere Ecclesiam, querat alterum, qui suscipiat, non Augustinum.* Neque enim religio vera esse potest, quæ pietatem nescit: pietas verò non est, quæ naturæ obliviscitur & suorum. juxta illud Isaiæ cap. LVIII. *Carnem tuam ne despexeris.* & Apostoli I. ad Timotheum cap. V. *Siquis autem suorum, & maximè domesticorum, curam non habet, fidem negavit; & est infideli deterior.* quem in locum Pauli sic præclare Chrysostomus: *Cura nomine, providentiam animæ corporisque significat: & hæc enim cura est. Qui verò suorum, & maximè domesticorum, hoc est, genere ad se pertinentium, curam non habet, infideli, inquit, deterior est.* Idem ferme Esaias quoque, prophetarum eximius, admonet, dicens: *Domesticos seminis tui ne despexeris. Nam si quis propinquos genere, atque affinitate conjunctos aspernetur, quo pacto erit in alienos clemens? Nonne vanitati, judicium omnium, erit obnoxius, si alienos beneficiis fovens, propinquos summâ immanitate despiciat? Quid item si illos de fide instruat, hos in errore jacere permittat, quibus benefacere jure suo facilius & commodius possit, quanta istud inhumanitatis erit? Quàm latè patet detractiois locus, dicentibus gentibus, Christianos sine affectione esse, qui despiciant suos? Et est, inquit, infideli deterior. Cur id? quia ille, etsi alienos despicit; propinquos tamen nequaquam aspernatur. Divinas plane leges violat, & jura natura, qui negligit suos. Quare Augustinus Episcopus eo, quem non semel attulimus, Serm. LII. de vitâ Clericorum, se nullius hereditatem suscepturum professus est, qui filios suos iratus exheredasset. Quid ergo, inquit,*

Q 2

facio



facio inter illos, qui parant me reprehendere, & dentes in me ducere, si suscepero hereditates eorum, qui filios suos irati exheredant? Iterum quid sum factururus eis, quibus tanto, & non volunt saltare? qui dicunt: Ecce quare nemo donat Ecclesie Hipponensi aliquid: ecce quare non eam faciunt, qui moriuntur, heredem quia Episcopus Augustinus de bonitate su: (laudando enim mordent; labiis mulcent, dentem figunt) donat totum, non suscipit. Plaud' suscipio: profiteor me suscipere oblationes sanctas. Siquis autem irascitur filio suo, & moriens exhereditat eum: si viveret, non eum placare? non et filium suum reconciliare deberem? Quomodo ergo cum filio suo volo, ut habeat pacem, cujus appeto hereditatem? Nec aliam ob causam se Juniani cujusdam hereditatem suscepisse scribit, nisi quod filios non haberet: summisque ad cælum laudibus Aurelium Carthaginensem Episcopum extollit, quod patrifamilias nec opinanti, natis filiis, restituerit, quæ ille, antequam filii nascerentur, Ecclesie Carthaginensi donaverat.

VI. Quam alieno certe ab hujusmodi hereditatibus animo fuerit Augustinus, testatur in ejus Vita Possidonius Episcopus Calamensis: Nam & aliquas eum hereditates recusasse novimus: non quia pauperibus inutiles esse possent; sed, quoniam justum & equum esse videbat, ut a mortuorum vel filii vel parentibus, vel affinibus magis possiderentur: quibus ab eis deficientes dimittere noluerunt. Jure autem illud de pauperibus notat Possidonius, quibus non inutilia esse possent, quæ Ecclesie relinquerentur. Non enim est Episcopi, servare aurum, & revocare a se mendicantis manum, ut ait ibidem Augustinus. Unde Arnulphus Episcopus Lexoviensis in Serm. quem in Concilio Turonensi habuit: Possumus itaque licite divitias possidere: si tamen earum nos non reputaverimus dominos, sed ministros: si intellexerimus, patrimonium pauperum esse patrimonium Christi: si provenitibus Ecclesie, si pauperum necessitatibus erogantur. Alioquin fures & latrones nos ratio manifesta convincet, si res alienas, invitis dominis, nostro presumpserimus arbitrio contrectare. Egregium Augustini exemplum imitatus quoque est Gregorius Magnus. Nam, vel Cypriano quodam diacono repugnante, domum quandam Calixeo puero restitui iussit, quam Ecclesie avia ejus Ammonia olim obtulerat:

quia,

quia, sicut diximus, inquit epist. XXIII. lib. VII. *melius est in dubiis non distinctionem exequi, sed ad benignas potius partes inflecti: praesertim dum ex parva rei cessione nec Ecclesia gravatur; & orphano atque pauperi misericorditer subvenitur.* Atque hinc facillè intelligimus, quid sibi Augustinus voluerit, dum ait in Psalm. XLVIII. vel inter Christum & filios dividendum esse, quod totum Christo dari debuerat. Hæc enim ejus verba non ἀπλῶς accipi debent: quasi totum prorsus patrimonium Christo dari debeat, nihil filiis relinqui possit: sed sub conditione quadam, si nempe nulli essent patrifamiliæ filii. quo casu, ex sanctiori quodam consilio, Christus ex asse institui heres deberet. Vel de iis omnino bonis loquitur Augustinus, quæ liberis nullâ ex lege debentur; sed, quum legitimæ hereditatis portioni supersint, liberæ testatoris potestati permittuntur. Hæc ergo bona, quæ, pro hominis arbitrio, distrahi in quæcumque partem possunt, &, ex honestate quadam, dari Christo omnia deberent; inter Christum & filios dividi vult Augustinus: ita ut, si omnia non dantur Christo, pars saltem aliqua tribuatur. quæ adhibenda est interpretatio his S. Hieronymi verbis epist. CL. ad Hedibiam quæst. I. *Vis esse perfecta, & in primo stare fastigio dignitatis? fac, quod fecerunt Apostoli. vende omnia, quæ habes, & da pauperibus, & sequere Salvatorem: & nudam solamque crucem nuda sequaris & sola. Non vis esse perfecta; sed secundum vis tenere gradum virtutis? dimitte omnia, quæcumque habes, da filiis, ad propinquis. nemo te reprehendit, si inferiora sceleris; dummodo illam scias tibi jure prælatam, quæ elegerit prima.* Legitimam enim hereditatis portionem procul dubio excipi voluisse Hieronymum, non solum ex superioribus verbis patet, quibus egentes filios non dimittendos esse docet; sed, ex æqualitate eos amandos, Christumque illis faciendum esse coheredem: verum etiam ex eo, quod de nostris Sacerdotibus scribit in cap. XLVI. Ezechielis: *ut ipsis quoque filiis suis, quibus paterna debetur hereditas, nil debeant derelinquere: nisi quod sibi a parentibus derelictum est.* Ergo, qui ditior est sacerdos, quam venit ad sacerdotium; quidquid plus habuerit, non filiis debet dare, sed pauperibus & sanctis fratribus & domesticis fidei, qui vincunt merita liberorum: ut reddat ea, quæ domini sunt,

*domino suo*. quod Christiani Sacerdotis immortale exemplum vidit ætas nostra atque admirata est in Carolo Thomâ Cardinali Tournonio, acerrimo illo in ultimis terris apud Sinenses Catholicę veritatis defensore: cujus singularem pietatem cum Clemens ipse Undecimus oratione nuper Romę habitâ variis sibi de causis celebrandam duxisset; tum etiam quodd, *in supremis suis tabulis, relictâ pauperibus pecuniâ, consanguineis legata Cruce, Propaganda Fidei Opus verè sanctissimum, ex asse scripsit heredem: illustrare nobis documentum relinquens, quæ & qualia esse debeant eorum testamenta, qui de Altari vixerunt, & Ecclesiæ ministeriis se addixerunt*. Illud itaque discrimen est inter sacerdotes profanosque homines, quodd sacerdotes, ex Hieronymi mente, quidquid, præter avitum patrimonium, ex Ecclesiæ proventibus perceperunt, Christo dare debeant: quidquid verò ceteri, præter legitimam portionem, & quæ ex legibus est, hereditatem, habent, filiis tantum suis impartiri possint. Atque in eo situm est Christianæ liberalitatis fastigium, quodd ea, quæ ex paterno arbitrio, filiis relinquere licet; Christo paterfamiliâs, tanquam filiorum optimo atque amantissimo, largiatur. Sic explicari debet Basilii homil. XXXVI. ad divites: *Num his, qui in matrimonio sunt, Evangelia scripta non sunt? Si vis perfectus esse, vende, quæ habes, & da pauperibus. Cum peteres a domino bonorum liberorum procreationem, cum filiorum pater fieri cupivisti; num & hoc addidisti: da mihi filios, ut mandata tua negligam? da mihi liberos, ut ne in regnum cælorum intrem?* Sic denique explicanda, siqua similia occurrunt, sanctorum veterumque Patrum loca. Atque hoc ego fuisse puto primum nascentis Ecclesiæ institutum, quando, ut notat Lucas in Actis Apostolorum cap. II. omnia erant inter Christianos communia, & possessiones & substantias vendebant, & dividebant illa omnibus, prout cuique opus erat: ut nempe, primis illis felicibusque temporibus, patresfamiliâs, qui ad Christi Religionem converterentur, cetera quidem omnia sua bona in commune conferrent: sed hereditatis tamen legitimam portionem, quæ tunc quarta erat, filiis suis non auferrent, nisi & ipsi consentirent, idemque vivendi genus profiterentur. quemadmodum Augustinus Serm. LII. de Virâ Cle-  
rico-

ricorum, commendasse se ait Ecclesiæ, ut non acciperet ipsas portiuiculas, quæ pertinent ad exheredatos, nisi cum ad legitimam ætatem pervenerint.

VII. Quod si nefas exheredare filios, ut heres Christus instituitur: quanto minus eos licebit, vel inofficiose præterire, vel ex hereditate depellere, quod, sanctiori quodam vivendi genere, totos se divino cultui & religioni mancipaverint? atqui irreligiosi hujusmodi impiique homines vetustis temporibus non defuerunt, atque utinam desint nostris! ad quos pertinere potest gravissima Salviani invecchio e lib. III. ad Ecclesiam Catholicam: *Siqui à parentibus filii offerantur Deo, omnibus filiis postponuntur oblati: indigni judicantur hereditate, qui digni fuerint consecratione: ac per hoc unum tantum re parentibus viles sunt, quia ceperint Deo esse pretiosi. Ex quo intelligi potest, quod nullus pendet apud homines vilior est, quam Deus: cujus utique sit despectione, ut eos præcipue parentes filios spernant, qui ad Deum ceperint pertinere. Et infra. Sunt enim, inquit aliquis, sunt ex parentibus multi, qui aequales filiis suis faciant portiones: nisi quod unum tantum eos conditione discernunt, quod in iis ipsis partibus, quæ religiosi videntur adscribi, usum jubent ad eos, proprietatem ad alios pertinere. At verò hoc multò est pejus & infidelius. tolerabilioris quippe impietatis esse videtur, cum proprietate aliquem filiis suis minùs relinquere, quam proprietatem iis rerum penitus auferre. Potest enim aliquatenus ferri ista conditio, si aut amicis, aut affinibus aut propinquis, hac lege, aliquid relinquatur. Filiis verò qui proprietatem rerum non tribuit, nil relinquit. Sed, quanquam hominis plurimum saluti conferat, ut vel moriens offerat aliquid Deo, quod, post mortem, in pauperes liberaliter distribuatur: longè tamen præstat, ut, dum vivit, assiduà erga pauperes miserosque homines munificentia, quantum vires permiserint, Divinam sibi misericordiam promereatur. quod e Patribus, magno verborum pondere, præcipue inculcat Basiliscus homil. XXXVI. ad divites & Chrysostomus homil. XVII. in epistol. ad Romanos cap. XI. monueratque antea Ecclesiastici auctor cap. XIV. *Fili, si habes, benefac tecum, & Deo dignas oblationes offer. Memor esto, quoniam mors non tardat, & testamentum inferorum, quia demonstratum**

*est tibi: testamentum enim hujus mundi morte morietur. Ante mortem benefac amico tuo; & secundum vires tuas, ex-  
porrigens da pauperi. Non defrauderis a die bono, & par-  
ticula boni doni non te pretereat. Nonne aliis velinques  
dolores & labores tuos in divisione sortis? Da, & accipe, &  
justifica animam tuam. Neque Christianum hominem pue-  
deat, melioris spei causâ, imitari, quantum poterit, Ro-  
manum Imperatorem Titum, amorem illum & delicias  
generis humani: qui, auctore Tranquillo, recordatus quon-  
dam super cenam, quoddam nihil cuiquam toto die prastitisset;  
memorabilem illam meritòque laudatam vocem edidit: Ami-  
ci, diem perdidisti. Denique, si magnis aliquando exemplis  
parva illustrare licet: præ oculis pater noster familiâs  
habeat immortale illud religionis Christianæque pietatis  
documentum in testamento Caroli Magni, quod ad po-  
steros transmisit Eginhardus. Quæ sunt certè longè me-  
liora ad Christianos patres monita, quàm quæ conservan-  
dæ augendæque rei familiari patrifamiliâs in libris Oe-  
conomicorum studiosè Aristoteles commendat. Quæ su-  
perius, ex Romano jure, de patriâ in testamentis con-  
dendis potestate prosecutus sum, licent illa quidem: sed  
ista tamen, quæ modò consului, magis expediunt.*

## C A P. IX.

**I***terata ad Salvinum Consulem allocutio. παράπρην nostra  
excusata. Aliquorum in nos reprehensio. Facile & brevè  
Jurisprudentiæ studium visum Ciceroni & Laurentio Valle.  
Pauci vel sine magistro menses nobis sufficere videntur. Alii  
obtrellatores castigati, & eorum damnata barbaries. Malè  
ab illis instituta studia, & inducî in forum abusus. Nume-  
rata nunc potiùs, quàm perpensa, auctorum sententiæ. Opti-  
ma veterum judiciorum ratio, Veteris cujusdam Juriscon-  
sulti consultatio. Ad fontes magis, quàm ad rivulos, recur-  
rendum. E Digestis petenda Latine Lingue elegantia. Per  
Jurisconsultos maximè Latina lingua restituta: Florentini  
Pandectæ ab Henrico Brenkmanno restituti. Pandectæ, quo-  
nam genere effereendi. Cassidicorum graphica descriptio,  
Jurisconsultorum verissima laus. Florentinorum ingeniorum  
præ-*

*præstantia. Ab exteris gentibus testimonium. Assiduum ætatis nostra miraculum, Antonius Magliabechius V. Clar. Britannici Legati, Henrici de Novâ Villâ, erga Florentinos, & Florentinorum erga illum, mutus amor & benevolentia. Hujus ad auctorem epistola. Auctoris epigramma.*

I. **N**unc in fine Operis qualiscunque mei appellandus mihi iterum es, Florentine Consul Salvine. Habes hîc meum de patris nostri familiâs consilio judicium: habes observantiæ erga te meæ argumentum, meâ quidem sententiâ exiguum: sed perinde erit, ut acceperis. Quæ mihi utilissima facta, quæ honestissima visa sunt, quæ necessaria, quæ decora, quæquæ patri, cuique familiâs usui fore ratus sum, longiûs forsan, quàm occupationes meæ atque instituti ratio ferebat, perscripsi. Ubi sentio, quàm multa veluti ὁδῷ πᾶσι πρὸς intermiscuerim, in quibus aliquid dandum fuit ingenio nostro, aliquid legentium oblectationi. Nam, ut delicatæ maximâ ex parte homines sumus, solent hæc molesta nimis & spinosa videri civilium causarum argumenta, nisi aliquâ veluti antiquæ eruditionis amœnitate emolliantur. Sed adhuc tamen ignoro, qualia demum publica futura sint meo de labore judicia. ac, nisi meus me fallit animus, erunt aliqui, qui me reprehendant, quod homo ab jure civili alienus & penitus novus, ad scribendum de jure civili accesserim. Quibus eò difficilius est ut satisfaciam, quod me video doleoque, sine aliquâ arrogantie notâ respondere non posse. Quid enim si dixerò, quod non sine auctore alii dicunt, summum in Jurisprudentiâ, & brevi tempore, evadere per se ipsum posse, hominem aliquo præditum ingenio atque aliquâ Latinarum Græcarumque Litterarum cognitione, non in Romanâ antiquitate peregrinum, non in Dialecticis disputationibus inexercitatum, non Philosophiæ optimarumque aliarum facultatum rudem, non denique Theologiæ, quæ prima est princepsque sapientia? Hæc & alia horum similia si respondero; ita forsan a quoquam accipientur, quasi illa omnia prædicari de me velim, qui sentio, quàm in me exigua sint & ferè nulla: atque ut eximia esse videantur, quorum publicè doctrinam, nec sine discentium forsan

forſan aliquo fructu, profiteor; non ea tamen honeſtum hominem decet de ſe ipſo proferre. Verùm quid Mar-  
co Tullio & Laurentio Vallenti obtreſcitores iſti repo-  
nant? quorum ille, quum L. Murænam defendere, libe-  
rè profeſſus eſt, ſi homini ſibi vehementer occupato ſto-  
machum moviſſent, triduo ſe jurisconſultum fore; alter  
verò præſatione in III. librum Elegantiarum, auſus eſt  
dicere, ſe, etiam ſine ſtomacho, glosſas in Digèſta trien-  
nio conſcripturum longè utilioreſ Accuſianis. Non ego  
quidem tam ſuperbè de me ipſo ſentire auſim, quàm il-  
li verè forſan de ſe, maximo ingenio viri, æſtimant:  
ſed non aded tamen difficilis videri debet civilis ſcien-  
tia, ut toti illi addiſcendæ pauci vel ſine magiſtro men-  
ſes non ſufficiant. *Omnia enim, ut Cicéronis verbis utar  
e lib. I. de Oratore, ſunt poſita ante oculos, collocata in uſu  
quotidiano, in congrèſſione hominum atque in foro; nequè ita  
multis litteris, aut voluminibus magnis continentur. eadem  
enim ſunt elata primùm a pluribus: deinde, paucis commu-  
tatis verbis, etiam ab iſdem ſcriptoribus ſcripta ſunt ſapius.*

II. At aliis forſan non placebit, quòd genus ſcriben-  
di adhibuerim a communi cauſſidicorum noſtrorum con-  
ſuetudine longiſſimè diverſum. Quorum tantum abeſt,  
ut me moveat auctoritas, ut illos potiùs contra mihi  
acriter objurgandos exiſtimem. Nec enim, niſi barbarè,  
aut ſolent aut ſciunt forenſes cauſſas pertrahere: &  
quod multò intolerabilius eſt, tunc ſe rectè putant & lau-  
dabiliter de jure civili ſcribere, cum, ſubnotatis tantum  
aliquarum legum capitibus, totas ſuas paginas nudis re-  
centium auctorum, quorum unus ab alio exſcribit, nomi-  
nibus impleverint. Quid, inquam, ab illis legum aliqua-  
rum capita ſubnotantur? Leges ipſæ Romanæ, inexhauſtus  
ille totius eloquentiæ, doctrinæ, atque elegantix fons, ne-  
gliguntur: & novitiorum hominum, qui gothicè potiùs,  
quàm latinè, juſ populo reſponſitarunt, unà ſtatur aucto-  
ritate. Pudet, heu! dicendum eſt, pudet noſtrorum tem-  
porum pudet conſuetudinis patriæ. Nam aliqui ex iis,  
qui ſe laureatos juris civilis doctores jaçant & profiten-  
tùr, nunquam Digèſta aut Juſtiniani Codicem perlege-  
runt; ac in bibliothecà ſuà ne habent quidem: ſed, dies  
noctæſque in pervolvendis nescio quibus coacervatis cauſ-  
ſidico-

fidicorum consiliis sententiisque occupati, aliquid se in civili scientiâ non vulgare consecutos esse opinantur, si aliquas fori formulas & syllabarum aucupia didicerint. Quum verò ad judicia ventum fuerit: si quis Ulpianum, si quis Paullum, si quis Papinianum, aut alia hujusmodi summæ jurisprudentiæ nomina, & gravissimam Romanarum legum auctoritatem, in medium attulerit; vilescit statim & exploditur: perinde ac ejus oratio instituendis domi tironibus, quàm forensi usui obtinendæque causæ, accommodatior videatur. Siquis verò alius integram recentium scriptorum Iliadem texuerit, quos sæpe non legit, sed laudatos apud aliquem reperit: triumphat hic in foro, excipiturque ab omnibus, tanquam novus e cœlo civilis juris interpres, cui quæcunque causæ adjudicari debeat. Ita, ut bellè quidam dixit, numerantur potius sententiæ, quàm perpenduntur. Sæpe enim plurimi, ut suo parcant labori, unum aliquem, cœcorum in morem, sequuntur. qui si per oscitantiam in legis intelligentiâ fortè aberraverit, ceteri omnes fallantur, necesse est; maleque judicet, qui ex plurium illorum suffragio sententiam ferat. Quantò illa certior faciliorque veterum judiciorum ratio, in quibus, Cujacio teste Observationum lib. VIII. cap. XXVI. id moris fuit, ut litigatores integra legum verba, pro se quisque, producerent, atque e legum verbis lites componerentur? ut vetus ille Jurisconsultus facit, cujus consultationem, auctorum verbis propositis ex Codice Gregoriano, Hermogeniano, Theodosiano & ex Paulli sententiis, tanquam singulare quoddam superioris ætatis exemplum, LX. suis Consultationibus Cujacius ipse præfixit. Hinc neque nos piguit, ipsa legum verba aliquantò etiam longiùs aliquando exhibere, explicare, ubi opus erat, unum cum alio locum conciliare; & veterum potius Jurisconsultorum Romanorumve Imperatorum auctoritate, quàm novorum Jurisprudentum numero, sententias communire. Immo, ut ingenuè fateamur, prænitet nos, quòd, congestis aliquando pluribus hujus farinæ auctoribus, hodierno mori paulò liberaliùs indulierimus: non quòd istorum laudibus aliquid detractum velim, quibus etiam faveo, siqui rectè sunt jus civile interpretati: sed quòd turpe mihi videat.



videatur & liberali homine indignum, ubi purissimi fontes suppeditant, cœnosos rivulos studiosius conſedari.

III. Quòd ſi ad ipſos Romanę jurisprudentiæ fontes recurrendum ſit; nonne imprimis ad quinquaginta Digęſtorum libros, quos nemo unquam ſine maximo fructu atque admiratione percurrit? Nam priſcorum, qui ante Ciceronem fuerunt, vix aliquid extat. E Digęſtis igitur maximè petenda civilis ſcientia, atque ipſa etiam, quod vix aliquis crederet, Romanę linguę elegantia. Quare Laurentius Valla, ſeveriſſimi, ſiquis alius, judiciĩ vir, tantũ deberi putat *hujus facultatis libris, quantum illis olim, qui Capitolium ab armis Gallorum atque inſidiis defenderunt: per quos factum eſt, ut non modò tota urbs non amitteretur; verum etiam ut tota reſtitui poſſet.* Itaque, inquit, *per quotidianam lectionem Digęſtorum, & ſemper aliquã ex parte incolumis atque in bonore fuit lingua Romana, & brevi ſuam dignitatem atque amplitudinem recuperabit.* Nec ſua doctiſſimum hominem ſefellit opinio. Nam ſiquis nunc effloreſcit Latinę linguę nitor, ſiqua Romanę ſimilis eloquentia, ſiqua, expulſã barbarie, in hominibus humanitas: id maximè per Jurisconſultos factum eſt, qui eam, quam ex aſſiduã Digęſtorum lectione ipſi acceperant, verę doctrinę, ſine affectatione, elegantiam in Europam totam diffuderunt. Unde non parũ Litterarum reſpublica debet Jurisconſultorum ætatis noſtrę Clarifſimo, Henrico Brenkmanno Batavo, cujus operã, poſt tot tantosque doctiſſimorum virorum labores, ſuę denum lectioni Florentinoſ Pandectas reſtitutos atque uberrimas in illos adnotationes ſeu commentarios, ſumus propediem viſuri. Virili enim genere, ut id obiter cum Grammaticis adnotemus, Pandectas efferri, poſt Antonium Anguſtinum, Henricum Stephanum alioſque, placet Antonio M. Salviniõ noſtro, maximę eruditionis viro: etſi aliter Oberto Giſſanio & Jſaaco Caſaubono, nec ſine aliquã probabilitate, videatur. At quia plerique Jurisprudentię, ut videntur, ſtudioſi, juris civilis peritiã ex barbariis quibuſque Conſiliis, atque, ut vulgo vocant, *Deciſionibus*, quàm ex illo Romanarum legum theſauro, mutuari malant: inde tota illorum illiberalis doctrina eſt; & ſoꝛa jam omnia barbarie undique occupantur. Jam enim conſtat,

constat, eos hîc tantùm a me reprehendi, qui *παραπαισιν* apud Græcos dicuntur, & mercedulâ adducti per forum undequaque discursitant, juri æquè ac injuriæ patrocinatori: nempe caussidicos, legulejos, rabûlas, proclamatores, quid vis aliud potiùs quàm jurisconsultos: quorum Columella Præfat. in libros de Re Rusticâ caninum describit *studium locupletissimum quæque adlatrandi, & contra innocentes, ac pro nocentibus neglectum a majoribus, a nobis etiam concessum, intra mœnia & in ipso foro latrocinium*: de quibus etiam illud est hujus auctoris: *sine caussidicis olim satis felices fuere, futuræque sunt urbes.*

IV. Jurisconsultis verò, qui verè Jurisconsulti sunt atque appellantur, quis non plurimùm deferat? quales multos Etruria, atque Etruriæ urbs primaria Florentia habet, summos certè viros, & civilis scientiæ veluti antistites, quorum nescias utrùm pericia rerum præstet, an orationis elegantia: *qui, quum ingenio sibi auctore, ut Tullius ait, dignitatem reperissent; perfecerunt, ut in respondendo jure, auctoritate plus etiam, quàm ipso ingenio, valerent.* Valent autem plurimùm Etrusca, & Florentina maximè ingenia, quæ ad omnem artem videntur ab ipsâ naturâ comparata: & si studium admo-veris, mirabiles faciunt in optimis quibusque disciplinis progressus. Quod de patriâ meâ dicere pudor prohiberet, nisi & aliarum omnium gentium certissimus consensus accederet. Exteriores siquidem quosque homines Florentinorum ingeniorum præstantia in amorem simul rapit atque in admirationem; & quos ad contemplationem sui urbium pulcherrima non trahit, perducit incolarum doctrina. Id verò ætas nostra assiduam in uno Antonio Magliabechio habet, quod aliquando Romæ in Tito Livio, Romanæ Historiæ auctore, ut S. Hieronymus refert epist. ad Paullinũ, tanquam inauditum omnibus seculis celebrandumque miraculum commendavit vetustas, ut urbem tantam ingressi, aliud extra urbem quærerent. Unde gratissimum sibi præ cunctis in Orbe locis hoc habuit eruditionis Litterarumque domicilium, vir nobilissimus atque inter paucos doctus, Henricus de Novâ Villâ, Britannicus ad Magnum Etruriæ Ducem Legatus: quem quum non senset inviserem, dicere solitum audiui: nullibi civitatum in Italiâ, & fortè in Eu-

in Europâ, se majori frequentia doctos homines, quàm Florentiæ, reperisse. Quantum ille porro Florentinam gentem amaret æstimaretque; ipseque vicissim a nobis amaretur æstimareturque: palam atque uberrimè testantur, quæ edi voluit, suæ aliorumque epistolæ & carmina. Quibus, si licet, addi velim epistolam, quàm, cum Liburni ageret, mox in Britanniam reversurus, ad me humanissimè scripsit, amplissimum sanè testem sui erga Florentinos cultûs, amoris, benevolentia.

V. Henricus de Novâ Villâ  
Alexandro Polito a S. Sigismundo Schol. Piarum S.  
*Florentiam.*

Si non aliud occurreret exemplum (quæ tamen sunt plurima & ferme infinita) benignitatis in me, civium tuorum, Florentia; Tu solus, Reverende Pater, argumentum esse poteris, quantum & Tibi, atque, eo nomine, iis quoque, tum verbis tum rebus ipsis, debeam: cum non tantum contentus, mea, qualiacumque demum sint, legere; quin & in publicum etiam dare contenderis. At iterum in hac quoque parte agnosco doleoque fatum quasi meum. qui pænè cuncta primò molesta atque difficilia experior, quæ tamen postea plerumque felicem, qualemque initio optabam, exitum sortiuntur. Verum sanè est, quod ais, quoad binas Inscriptiones, me solum in iis, pænà cum iustis auctorum laudibus, quorum alter (Dionysius scilicet Halicarnasseus) de Antiquitatibus Romanis, pridem apud veteres; alter de Britannicis nostris, recenti hoc sæculo, benè meritus est, grati animi indicium, erga Cosmum Principem vestrum optimumque, & Antonium Mariam Salvinum meum, atque apud vos, paenè Litterarum principem, edere voluisse. Quantum verò ad Rymeri Opus, seu potius, ut ipse priùs scripseram, Bibliothecam [nam ad undecim magna volumina se impræsentiarum extendit, & fortè viginti & ultra, ambitu suo olim complectetur] ut censoribus primùm exhibeatur ad formandum de libro iudicium, nimis importunum fuerit exigere; cumque in eo præsertim, nihil ipsius auctoris videbunt, præter curam fidemque ejus. nihil de suo adjecit. Instrumenta sola atque Acta ibi publica leguntur,  
secun-

secundum temporum seriem, & prout res quæque acciderat. Sacra quidem, profana, civilia, militaria, libri argumentum. Sed in sacris non alia reperiēs, quàm quæ ad stabiliendam promovendamque Fidem Romano-Catholicam spectant: cum nostri Majores, nulli alteri, per totam Europam, populo, cultu suo, vel erga ipsum Pontificem Romanum, vel Religionem, iis sæculis, in Occidente prævalentem & observatam, anquam cesserint. Nihil aliud jam adjecerim, quàm quòd Clemens ipse Undecimus, non minus pietate & eruditione, quàm Dignitate & Imperio præstans, præteritâ modò septimanâ in mandatis dederit, ut, suis sumptibus, ex Angliâ Romam quamcivissimè transmitteretur Opus, in ornamentum atque usum Bibliothecæ Vaticanæ. Ad mea demum revertor, quorum editionem impensè maturari velim, ut, ante meum ex Italiâ discessum, videant Amici, quid de ipsis sentiam; & ipse, quid de meis illi: ut, ita fortè alia prioribus addam, aut penitus in futurum fileam. Ea enim adhuc est Gentis vestræ prærogativa, ita illa iudicio præstat, ut nunc ingeniis hominum non minus moderetur legesque der, quàm olim in eorum corpora jus habuerit, quando rerum potiebatur. Vale. Liburni. vii. Cal. Apr. MDCCXI.

Quamprimùm videris optimum atque eruditissimum senem, amicum nostrum, Antonium Magliabechium, meo precor nomine, quam humanissimè salutes. *Hæc Legatus Britannicus.*

Adtexi quoque cupiam meos in tanti viri *εἰκόνα* verficulos:

*Henricum audaci Nevvton describere celo*

*Artificis voluit. sat bene culta manus:*

*Et retulit vultus & dignam Munere formam.*

*Mores atque animum fingere non potuit.*

*Ergo, quam ipse suæ nobis virtutis, imago,*

*Inscripsit; quantò dignior illa Viro?*



## C A P. X.

**O**peris peroratio. Præstantissimi Florentiæ Jurisconsulti. Aliqui indiscriminatim enumerati. Plura a nobis suscepta, & plura impedita ab aliis. Theologus Ordinis mei eximius, Januarius de Angelis a S. Philippo Nerio. Comes Fantonus, Florentinæ Academiæ ante Saluinum Consul. Auctoris protestatio, & erga Romanum Pontificem reverentia.

**I.** **H**Uc usque, Salvine Consul, excurrere me fecit non jucunda solum humanissimi atque elegantissimi viri memoria; sed & præcipue patriæ amor: cujus patriæ laudes uberius aliquando prosequetur, eloquens valdè Orator & Eloquentiæ professor, Ferrantes a S. Nicolao Florentinus, Cajetani Moniliæ frater, meus & ipse ante aliquot annos Philosophiæ auditor, at nunc collega: sicut ex exteris aliquas etiam Florentiæ laudes attigit, cum Etruscæ Sapientiam prosâ versâque oratione aliquando celebraret, alter collega meus, Julianus a S. Agathâ, ex Mutinensi ditione, bonis Litteris, & eleganti nostrorum auctorum imitatione commendabilis. Cum verò bonæ omnes artes mirum in modum Florentiæ olim viguerint, & nunc vigeant; tum etiam civitas nostra præstantissimos in jure civili viros tulit, per quos superiori ætate reparari atque efflorescere cepit Jurisprudentia. Quod si longinqua illa exempla videantur; & magis hodierna placeant: quis non tacitâ quadam admiratione secum ipse recolat, ut de Antonio M. Salvinio taceamus, Franciscum Maria Corsignanium, dignitate præstantem atque eruditione Ansaldum, Marcum Septimannium, Josephum Averanium, Lazarum Benedictum Milioruccium, Petrum Andreæ Fortionium Accoltium, Rillium, ambos Equites, Julium Cæsarem Ricasolium & Johannem Baptistam Cerretanum, Jacobum Lanfredinum, Johannem Antonium Baroncinum, Josephum Ciampellium, Petrum Franciscum Mormorajum, Negronium, Balduinuccium, Jacobum Agninium, alia hujusmodi venerabilia nobis, toti, ut puto, posteritati immortalia nomi-

nomina? Nec enim alios omnes vacat recensere Florentinos Jurisconsultos, quos, veteri raroque alibi exemplo, videmus summâ cum jurisprudentiâ eloquentiam simul conciliasse. His si qualescunque labores meos sentiam non multùm displicuisse, nec improbatos etiam esse præclaro Benediâni Ordinis Theologo, atque in Pisano Lyceo publico Divinarum Litterarum Interpreti, amico meo, Virginio Valsechio Brixienti; erit, cur mihi gratuler, animusque mihi ad ea, quæ præ manibus multa habeo, citius absolvenda addatur. Etenim vel a puero sacræ profanæque antiquitati illustrandæ multa aggressus sum, quæ perficere nunquam potui, nescio quo fato meo & quorundam hominum injuriâ, qui mihi studiisque meis semper fuerunt hodieque sunt maximo impedimento. Adeo, *postquam desivimus facere laudanda, laudari quoque incipiamus*. Plura vidit, & pro singulari suâ humanitate non parùm probavit, ex collegis meis, Januarius de Angelis, a S. Philippo Nerio, Neapolitanus, publicus Philosophiæ Professor, cui Thomæ Aquinatis studio & diligenti imitatione, neminem vel ex ipso Dominicano Ordine prætuleris: quem unum honoris mihi causâ nominandû existimavi. Sed de his plusquàm satis.

II. Tuam est, Salvine Salvini, officia erga te mea æquibonique consulere, & cum familiari tuo, maximæ integritatis, prudentiæ, doctrinæ viro, Comite Johanne Baptista Fantono, Augusti II. Poloniæ Regis, & Saxonie Ducis, Aureæ Clavis Cubiculario, qui, proximè ante te, Florentinæ Academicæ Consulatum summâ cum laude gessit, laboribus meis ac voluntati patrocinari. Fuit enim hæc semper nobilissimæ Salvinie gentis, eaque eximia, laus, litteras colere, & litterarum studiosis hominibus favere: neque ta nomine tantùm, Salvine Consul, sed & re ipsâ, quam in diverso studiorum genere, ex Maioribus tuis referes celebrem illum, & Juris Canonici doctrinâ florentissimû, atque, ut tunc appellare mos erat, Decretorum Doctorem, virum communi hominum voce optimum, Salvinum Salvinium, Canonicum Florentinum: cujus operâ Archiepiscopus ipse Antoninus, vir sanctissimus, plurimùm utus esse fertur; & cujus immortalia in Florentinam Ecclesiam merita sentit adhuc & sentiet posteritas.

R

ritas.

ritas. Te verò ob Fastos Consulares, transmissamque ad posteros tot magnorum virorum memoriam, qui Florentinarum gloriam Litterarum pro dignitate sustinuerunt, amplificaruntque, veluti alterum parentem suum, Florentina Academia olim venerabitur.

III. Denique in scripta omnia mea meo & Christianorum omnium Catholico Patri, Beatissimo Romano Pontifici, supremum jus potestasque esto. cui siquid minus probetur ex iis, quæ scripta hæc sunt, totum id damnatum velim. Nam, etsi exteras gentes, quæ doctrinam maximè florent, valde amem & colam; atque in iis, quæ ad civilem vitam humanarumque rerum usum pertinent, Germanus sim

ego,

Hispanus, Gallus, &, quatenus licet, etiam Batavus & Britannus: ubi tamen de religione agitur, non nisi Catholicus ego sim isque Romanus.

FINIS.



O P E.

259  
OPERIS APPROBATIO.

Quum Minister Scholarum Piarum Generalis Theologorum sui Ordinis, quibus Operis hujus censuram commiserat, judicia vidisset, sic rescripsit:

*Tenue preditta relatione, imprimendi facultatem concedimus, & videbitur illi, ad quos spectat. Romae die 29. Augusti 1711.*

Jo: Chrysostomus a S. Paulo Praepositus Generalis.

*Locus ✕ Sigilli.*

Reg. fol. 145.

*Alex. a Purificatione Secretarius.*

Imprimatur.

*Nicolaus de Castellanis Vicarius Generalis.*

*Glarissimi, & Excellentissimi Viri,*

FRANCISCI M. CORSIGNANII

Jurisperiti, & Advocati Florentini, in almâ Pisanâ Universitate Juris Canonici Lectoris Ordinarii, in Florentinâ Nobilium Academia universæ Jurisprudentiæ Publici Professoris, & Sanctæ Inquisitionis in almâ Florentinæ urbe Consultoris,

*ad Reverendissimum Patrem*

P. JOSEPHUM MARIA BALDRATI

Fidei apud nos Generalem Inquisitorem

DE HOC OPERE

JUDICIUM.

*Reverendissime Pater.*

Incredibili prorsus gestientis animi sensu tractationem hanc de PATRIA IN TESTAMENTIS CON-  
DENDIS POTESTATE perlegi; nihilque auribus meis non accidisse jucundum, scituque dignissimum judicavi. Exquilita omnis generis eruditio, virilis pla-

R a

ne



nè imperterritaque eloquentia, uberrima Sanctorum Patrum, Conciliorum, Canonum, & (quod penè fidem omnem exsuperat) Legum nostrarum Civilium supellex, Græcæ, Latine aliarumque Linguarum recondita ac fidelis peritia, mirum dictu est, quo pacto in uno homine Religionem a teneris annis professio, totque & Claustrum & Scholarum & prædicationum & caterorum Munerum, quæ Viris Religiosis frequentius injungi solent, occupationibus distracto, efflorescat. Quàm acre ei est præterea atque solidum in difficilioribus Veterum Authorum sententiis examinandis, perpendendis illustrandisque judicium! Quanta ubique & quàm plena boni succi ac sanguinis Pietas! De hoc verè & sine fuco dici potest, quod de suo Principe Claudianus.

..... *Quæ sparguntur in omnes,  
In te mixta fluunt; & quæ divisa beatos  
Efficiunt, collecta tenes* .....

Atque hic in primis inter paucos illos cooptandus,

*Quos equus amavit*

*Juppiter, atque ardens evexit ad æthera Virtus.*

Utinam ad ætatem usque senectutem tam præclarus Auctor dies suos protrahat, ut novis subinde Operibus Litterariam Rempublicam amplificet, ac per ora Virum volitans, antè ipsos etiam cineres, ampliorem quotidie Nominis famam, & quod rarissimè usuvenit, non seram, & quasi præcocem gloriam adipiscatur!

*Franciscus Maria Corfignanus.*

Imprimatur.

*Vicarius S. Officii Florentiæ.*

Philippus Bonarota Senat. & R. C.  
Auditor.

I N-

# I N D E X

261

## *Rerum & Verborum locupletissimus.*

### A

- A** Bbates a causis connubialibus prohibiti. pag. 97.  
 Abbas Cassinensis exceptus. 98.  
 Academicorum decretum. 194.  
 Accursii hallucinatio. 17.  
 Actorum Apostolicorum locus illustratus. 246.  
 Adgnatorum & Cognatorum discrimen. 161.  
 Ἀδελφότης explicata. 209.  
 Æneis combusti a Virgilio iussa. 108.  
 Ærodii bona fides. 167.  
 Ætas viri apta matrimonio. 40.  
 Afranius a Grutero emendatus. 15.  
 Africani verba a Triboniano interpolata. 117.  
 Agninius laudatus. 256.  
 Alberici Gentilis opinio improbat. 16.  
 Alciati in Theophilum censura rejecta. 173.  
 Alexandri ab Alexandro confusio. 143.  
 Alexandri Aphrodisiensis liber de Fato & Libertate. 60.  
 Almainus reprobatus. 199.  
 Ambrosii de paternæ hereditatis distributione sententia. 201. 203.  
 Ambulatoria usque ad mortem hominis voluntas. 106.  
 Angelorum nomine Episcopi denotati. 64.  
 Anfaldus laudatus. 256.  
 Anselmus commendatus. 56.  
 Ἀντιφάσις lex. 146.  
 Antonii Goveani de Jure accrescendi doctus liber. 186.  
 Antonius Augustinus, Jurisconsultus Hispaniæ doctissimus. 21.  
 Antonius Magliabechius, Litterarum Reipublicæ princeps. 167. et  
 tatis nostræ miraculum. 253.  
 Antonius Maria Salvinus laudatus. 7. 64. 142. 254. 256.  
 Apathistarum Academia. 8.  
 Aphroniz patientia. 110.  
 Aricini municipii, posteriori ætate, inopia. 172.  
 Aristoteles explicatus. 40.  
 Aristotelis Libri Oeconomicorum ab auctore illustrati. 19.  
 Armeniorum barbara lex. 162.  
 Auctor, Cardinalis nuper Mediceæ Theologus. 2. civili juri nunquam antea studuit. 4. Voconiz legis explanatione de Romanâ Antiquitate benemeritis. 174.  
 Auctoris retractatio. 7. de corpore Juris civilis quærela. 37. sqq.

R 3

in

in patriâ solitudo. 111. a libris levamen. 60. vastum de Philosophiâ Peripateticâ Opus. 193. excusatio. 249. ad reprehenses responsio. 249. 250. epigramma. 255. plura Opera prae manibus. 257. protestatio & erga Romanum Pontificem reverentia. 258.

Augustini **celebris** sententia. 11. ad Christianos doctores monitum. 200. egregium institutum. 243. 244.

Augustinus alienus ab hereditatibus. 244. explicatus. 245.

Aurelius Carthagenensis Episcopus laudatus. 11. 244.

Authenticarum Constitutionum fida, sed barbara, translatio. 184.

## B

Baroncinus laudatus. 256.

Basilii explicatus. 246.

Bonaventura emendatus. 31. laudatus. 100.

## C

Cæsaris de corpore Juris civilis consilium. 38.

Cajetanus Monilia Apathistarum princeps. 8.

Caligulae avaritia. 111.

Canon Concilii Agathensis Carthagenensi a Gratiano attributus. 97.

Canonibus adjumentum a civilibus legibus. 65.

Canonum summa auctoritas. 20.

Cardinalium Concilii Tridentini Interpretum declaratio. 74.

Caroli Cardinalis Lotharingi oratio. 17.

Caroli V. monitum. 26.

Caroli Magni vitium ab Eginhardo notatum. 236. testamentum. 248.

Carolini regni fines. 231. 232.

Carolo Magno, Romani Pontificis auctoritate, clarum Occidentis Imperium. 239.

Catonis dictum. 135. orationis fragmentum. 142.

Causæ connubiales ad forum tantum Ecclesiasticum spectant. 91.

Episcoporum duntaxat judicio commissæ. 97.

Causidicorum damnata barbaries & abusus. 250. 251. descriptio. 253.

Censû qui essent. 140.

Cerretanus Eques laudatus. 256.

Christianis nefas, vivente uxore, aliam ducere. 89.

Christianissimorum regum leges laudatæ. 52.

Christus coheres filiis instituendus. 237.

Chryssippi pulchra sententia. 192.

Ciampellius laudatus. 256.

Cicéronis memorabilis sententia de XII. Tabularum libello. 2. 192. locus ex Act. III. in Verrem restitutus, & adversus Romanum explicatus. 171. alius locus emendatus. 172.

Clandestina conjugia, quo sensu supra. 21. in Galliâ valent. 84. cur ab Ecclesiâ reprobata. 26. puniunt. 22. in Galliâ etiam sacramenta. 89.

Clas-

- Classici qui dicti. 142.  
 Clementis III. mens explicata. 19.  
 Clementis XI. oratio. 246.  
 Codicillorum definitio. 137. origo. *ibid.*  
 Codicis locus emendatus. 113.  
 Concilii Tridentini de clandestinis conjugii decretum. 16.  
 Concilio Oecumenico tota Ecclesia representata. 231.  
 Conjugium triplex ex Gratiano. 19.  
 Connubiales causæ ad Ecclesiam divino jure spectant. 50.  
 Consuetudo, altera lex. 150.  
 Contractus, Græcis *συνάλλαγμα*. 67.  
 Coronæ in Ethnicorum nuptiis. 63.  
 Consignarii Florentini Advocati laus. 9. 256. de hoc Opere judicium. 259.  
 Covarruvias laudatus. 9. defensus. 39. confutatus. 81.  
 Cujacius Jurisconsultorum maximus. 2. confutatus. 14. Ejus LX. Consultationes. 251.  
 Cyprianus laudatus, atq; ejus aurea præcepta. 241.

## D

- Declamationis definitio. 168. præcepta. 168. 169. utilitas. *ibid.*  
 Declamatorum inscitia, corruptæ eloquentiæ causa. 170.  
 Demosthenis pulchra de lege *sententia*. 196. 197.  
 Deo veritas, verisimilitudo hominibus a Platone concessa. 144.  
 Deus *ἑστιώδης ἀνομάριμος*. 56.  
 Digestorum locus explanatus. 72. lectio restituta. 106. E Digestis petenda Latine lingue elegantia. 252.  
 Dio emendatus. 142. explicatus. 164.  
 Dionis locus fusè discutitur. 158.  
 Dionysii Halicarnassensis Oxoniensis per Hudsonum editio. 7.  
 Dominici Soto in IV. Sentent. textus non idem ac Petri Lombardi. 26.  
 Dominicus Soto laudatus. 76. a Natalis opinione vindicatus. 98.  
 Donatiani ab Augustino qua in re non reprehensi. 66.  
 Donatio inofficiosa rescindenda. 12.  
 Donatio omnium bonorum vel futurorum non subsistit, præterquam si Deo fiat. 114.

## E

- Ecclesiæ bona pauperibus, non filiis, aut consanguineis danda. 245. 246.  
 Ecclesiæ in matrimonia potestas. 16.  
 Ennii *ἐπιλόγιον*. 165.  
 Epicurus laudatus. 59.  
 Episcopis nihil licet adversus Canones. 70.  
 Evaristo canon suppositus. 18. 20. juxta corruptam lectionem explicatus. 69.  
 Exheredandorum filiorum XIV. causæ. 6.

Exheredare filium non licet, ut heres Ecclesia instituatur. [11. 343.](#)

[244. 245. 246.](#)

Exheredari olim sine causâ filii an potuerint. [6. ex Ephialtis lege apud Laedæmones potuerunt. 8.](#)

Exheredari an ex aliis Justinianarum similibus causis filii possint. [10.](#)

Exheredari nequit filia, quæ divertere nolit a marito. [16.](#)

Exheredationis leges. [5. 6.](#)

## F

**F** Achinæus reprehensus. [43.](#)

Fagnani in Sanchezium animadversio. [93. 96.](#)

Falcidia lex a Publ. Falcidia lata. [175.](#) Duo ejus capita. *ibid.*

Falcidia dicta quarta hereditatis pars. [177.](#) Falcidiam deducere. *ibid.*

Falcidia, portio liberis debita. [177. 179.](#)

Falcidia, quæ jure institutionis debetur. [179.](#)

Falcidia aucta. [180.](#)

Falcidiæ triplex acceptio. [179.](#)

Feminae in Galliâ a regni successione *rejectione*. [161.](#)

Feminarum major, quam virorum, infamia. [40.](#)

Ferrantes Monilia a S. Nicolao laudatus. [256.](#)

Fideicommissariorum hereditatum prima origo. [145.](#)

Fideicommissis per omnia legata exequata. [124.](#)

Filia quando exheredari possit. [38. 39. 40.](#)

Filiæ nubiles marurè elocandæ. [236.](#)

Filii summam parentibus in contrahendis conjugii reverentiam debent. [24.](#)

Filii emancipati matrimonium vel sine patris consensu per Romanas leges valet. [72.](#)

Filii secundis matris nuptiis offendi soliti. [217.](#) ingrati à beneficio legis exclusi. [220.](#) quinam dignissimi. [222.](#) qui se Deo dicant, non exheredandi. [247.](#)

Filiisfamiliâs matrimonia injussu parentum contrahentibus an & quando poena statuta. [37. 45.](#)

Filiis Deo sacris qui minus relinquunt, a Salviano reprehensi. [213.](#)

Filiis æquè meritis æqua hereditatis portio honestè conferenda. [236.](#)

Filiisfamiliâs quando non licet a nuptiis abstinere. [30.](#)

Filiorumfamiliâs conjugia, absque parentum consensu, Romano jure irrita. [13.](#) an veteribus olim canonibus irrita. [18. 19.](#) nunc rata. [28. 62. 72. 84.](#)

Filiorum uxorem aliquam contra parentum voluntatem ducentium grave peccatum. [25.](#) anathema in illos olim decretum. [25.](#)

Filiorumfamiliâs matrimonia, sine parentum consensu, Ecclesiæ improbata. [35. 69.](#)

Filiorum unum alteri in successione, ex iustis causis, præferre licet. [212.](#)

Filiorum maximæ opes, optima disciplina. [239.](#)

Filios an ex inæqualibus portionibus liceat heredes instituere. [201. 205. 206. 207. 208.](#)

Fi-

- Filiusfamiliās non potest ad matrimonium cogi. [32.](#)  
 Filius, sordidā muliere, parentum injussu, ducti, an exheredari possit. [41.](#)  
 Filius emancipatus ob contractum matrimonium quando exheredari possit. [72.](#)  
 Filiusfamiliās quodammodò dominus. [118.](#)  
 Florentiæ laus. [253.](#)  
 Florentini Pandectæ ab Henrico Brenkmanno restituti. [252.](#)  
 Freigii cum auctore consensio. [143.](#)  
 Fructus an in legitimam portionem imputentur. [179.](#)  
 Furia lex minus perfecta. [130.](#)

## G

- Galliæ commendatio. [46.](#)  
 Germaniæ aliud regnum, aliud Imperium. [233.](#)  
 Germanicæ inclytæ nationis septemviri Principes a Gregorio V. instituti. [233.](#)  
 Germanis non regnum mundi delatum, sed Occidentis Imperium, 230. non jure belli ab illis Occidentis Imperium comparatum, sed Apostolicæ Sedis beneficio. [231.](#)  
 Glicia lex incerta. [176.](#)  
 Gratiano restitutum, quod ei abstulit Sanchezius. [98.](#)  
 Gratianus correctus. [19.](#)  
 Gregoriæ femina ex Justiniano exemplum. [233.](#)  
 Gregorii magni moderatio. [244.](#)

## H

- Henricus Brenkmannus J. C. ob restitutos Florentinos Pandectas laudatus. [1. 252.](#)  
 Henricus de Novâ Villâ, Britannicus Legatus, laudatus. [7. 64.](#)  
 ejus erga Florentinos amor & cultus. [253. 254.](#) ad auctorem epistola. [254.](#)  
 Heredis pama, qui testatori non paruerit. [109.](#)  
 Heredis tantum institutio ad testamenti *ὁρίαν* spectat. [119. 123.](#)  
 Heredis institutioni an necessaria aliqua verborum formula. [186.](#)  
 Hereditas codicillis directo neque datur neque adimitur. [123.](#)  
 Hereditatem inter & legatum quid differat. [164.](#)  
 Hereditatis definitio. [119.](#)  
 Heres ex quadrante verè institutus. [147.](#)  
 Hermiones pulchra sententia. [23.](#)  
 Hieronymus explicatus. [12.](#)  
 Hornisdæ canon. [23.](#)  
 Hosii ad Constantium admonitio. [196.](#)  
 Humanæ actiones aut viciose aut laudabiles. [110.](#)

## I

- Iacobi Patriarchæ erga Josephum filium singularis benevolentia. [203.](#)  
 Januarius de Angelis a S. Philip. Nerio, studio S. Thomæ extimius. [256.](#)  
 Ignatii Antiocheni Episcopi epistolæ genuinæ. [64.](#)

Igno-

- Ignorantia juris quando profit & quando oblit. [78.](#)  
 Imperator institutus potest exheredari. [111.](#)  
 Imperatores jurejurando operam suam Ecclesie Romanæ addicere soliti. [234.](#)  
 Imperatoria dignitas in Orbe Christiano prima. [233.](#)  
 Imperatoris dignitatis vis in eo sita, ut Ecclesiam Romanam tuatur. [234.](#)  
 Imperia Orientis atque Occidentis divisa. [239.](#)  
 Imperium Occidentis qua ratione a Græcis ad Germanos translatum. [237.](#)  
 Imperium Occidentis ad Saxones ab Johanne XII. translatum. [232.](#)  
 Innocentii Papæ III. observatio. [106.](#)  
 Institutionis titulus olim non necessarius filio. [183.](#)  
 nunc vero necessarius. [185.](#) & honorabilis atque utilis. [186.](#)  
 Intestatorum parentum bona ex æquo inter filios dividenda. [182.](#)  
 Johannes Baptista Comes Fantonus, Florentinæ Academicæ Consul. [257.](#)  
 Josephus Averanius laudatus. [256.](#)  
 Isaaci Haberti pro Ludovico rege responsum. [50.](#)  
 Judiciorum veterum optima ratio. [251.](#)  
 Julis vox impia. [111.](#)  
 Juliani celebris admonitio. [10.](#)  
 Julianus Sabbatinius a S. Agathâ patriâ Mutinensis laudatus. [256.](#)  
 Juris Canonici & Civilis societas. [2.](#)  
 Juris definitio. [190.](#) præcepta. *ibid.*  
 Juris Romani reprehensesores. [191.](#)  
 Juris Sacerdotes, antecessores. [192.](#)  
 Jurisconsulti Florentinæ præstantissimi. [256.](#)  
 Jurisconsultorum varis questiones. [38.](#) verissima laus. [252.](#) [253.](#)  
 Jurisprudentia Theologis necessaria. [1.](#) [2.](#)  
 Jurisprudentia *Media* quænam apud Justinianum. [151.](#) [152.](#)  
 Jurisprudentia, pars Philosophiæ. [193.](#)  
 Jurisprudentiæ definitio. [152.](#)  
 Jurisprudentiæ Romanæ commendatio. [190.](#)  
 Jurisprudentiæ & Philosophiæ eadem definitio. [193.](#) idem finis. [194.](#)  
 Jurisprudentiæ breve studium visum aliquibus. [249.](#) [250.](#)  
 Jurisprudentum veterum aliqui enumerati. [154.](#) [155.](#)  
 Jus Canonicum Theologis necessarium. 1. barbære olim explicatum. [2.](#)  
 Jus civile explicatum. [155.](#)  
 Justa sententia quæ sit. [120.](#) Justum quid. *ibid.*  
 Justiniani mens exposita. [42.](#) lex correctâ. [210.](#)  
 Justinianus laudatus. [5.](#) [6.](#) illustratus. [108.](#) explicatus. [124.](#) [145.](#)  
[146.](#) [154.](#) [158.](#) [160.](#)  
 Justitia duplex, *εὐνοπορτικὴ καὶ διανεμητικὴ*. [206.](#)  
 Justitiæ definitio. [205.](#) a liberalitate discrimin. [208.](#)

**K** *καλασπεῖς* quid sit. [165.](#)

**K**

**La-**

## L

- L**abeonis Antistii doctrina. 125.  
 Laetantius, Christianus Cicero. 107. ejus vera lectio. 107.  
 Lanfredinus laudatus. 256.  
 Legati iis posse, qui possunt heredes institui. 126.  
 Legata testamento adveniunt. 119. codicillis relinqui possunt. 124.  
 qua ratione valeant in codicillis. 125. olim inutilia, penae nomine relicta. 126.  
 Legati & Pontificis latere causarum connubialium iudicio abstinere iussi. 98.  
 Legatorum vetus licentia coarctata. 130.  
 Leges XII. Tabularum, carmen olim puerorum necessarium. 192.  
 Leges scire quid sit. 44.  
 Leges Gallicanæ & Hispanæ. 46. quibusdam improbatæ. 48. defensione. 50. 55.  
 Leges civiles, ubi per Canones licet, servandæ. 195. 196. a Theologis probatæ. 200.  
 Legis definitio. 152. 154.  
 Legis paulò altior consideratio. 152. *ἐτυμολογία*. 150. conditiones. 195. per Tullium definitio. 196. munia. 210.  
 Legitima portio quo jure filiis debita. 78.  
 Legitima portio, Græcis *ὀρίμμενον μέρος*, propriè quarta legitima portionis. 128. ante Justinianum quarta. 182. ad trientem vel semissem aucta. 183.  
 Legitima cur appellata liberorum portio. 180. quæ ex testamento, legitimæ portionis portio est. 180.  
 Legum & temerariæ consuetudinis discrimen. 44.  
 Legum iustarum violatores gravis culpæ damnati. 199.  
 S. Leo malè ab aliis citatus. 18.  
 Leonardus Aretinus notarius. 11.  
 Leonis Philosophi Constitutio XIX. 115. ei responsum. 225.  
 Lex XII. Tabularum explicata. 108. dura. 130. ab Justiniano revocata. 162.  
 Lex species una Juris scripti. 152.  
 Lex æterna ac naturalis. 153. aliquid *διανοητικόν*. *ibid.*  
 Liberalitas melior viventis, quam morientis. 247.  
 Liberalitate Christianâ culpæ redimendæ. 241.  
 Liberalitatis Christianæ fastigium. 246.  
 Liberalitatis debitum morale. 213.  
 Liberorum nomine & filia comprehensa. 172.  
 Libertas in contrahendis nuptiis commendata. 47. quantum vera. 57. Jurisconsultis definita. 62.  
 Libertas non est peccare posse. 55.  
 Libertatis tria gênera ex Bernardo. 57.  
 Libertatis ratio. 60. malus usus nunquam Canonibus probatus. 62.  
 Licere aliquid quo sensu dicatur. 12. 135.

Li-



Liviana epitome corrupta. 130.

Livii locus a Sigonio emendatus. 177.

Lucius III. cum Alexandro III. conciliatus. 75.

## M

Agliabechius. vide Antonius.

Martini Navarri interpretatio. 14.

Matrimonia legitimè contracta, ex parentum postea voluntate, Romano jure non dissolvuntur. 15.

Matrimonia Christianorum quo sensu rata. 90. non jure fori, sed poli reguntur. 98.

Matrimonii & civilium rerum discrimen. 50. quæ ad matrimonii usque spectant. 90.

Matrimonio Ethnicorum possunt a Principe impedimenta dirimentia præfigi, sed non Christianorum. 94. 95. 97. De matrimonio apud Christianos, etiam ut contractus est, irritæ Principum leges. 83. 84. &c.

Matrimonium solo viri & mulieris consensu perficitur. 35. res sancta. 63. inter raptorem & raptam consistere nunc potest. 79. apud Christianos Sacramentum. 83. 88. 95. inter tutorem & pupillam, inter senatorem & libertam jure canonico subsistit. 97. Ad matrimonium quando quis cogi potest. 75. 76. An aliquod inter Christianos possit esse matrimonium, quod non sit Sacramentum. 86.

Marthia Illyrici insulsa figmenta. 111.

Mahumeto II. Imperatori Orientis dignitas promissa, si Christianus fieret. 130.

Melchior Canus laudatus, & in eum censura. 86.

Milioruccius laudatus. 156.

Militis hereditas codicillis data. 123.

Mixti generis causæ ad quod tribunal pertineant. 100.

Monachis non licet testamentum conficere. 117. a Leone Philosopho facta facultas testandi. 116.

Monachorum non est velle & nolle. 117.

Monachus, qui pecuniâ moriens dereliquit, a Patribus damnatus. 117.

Monastica professio ex Patribus commendata. 116. 117.

Mormorajus laudatus. 156.

Musæi locus a nobis versus. 22.

## N

Natalis Alexander confutatus. 93.

Natalium causâ Ecclesiastici est tribunalis. 85.

Nicolai I. decretum. 23.

Novellæ Justiniani Constitutiones Authentice Accursio distæ. 128. 129.

Novercæ fraudulentum mulierum genus. 122.

Nuptiæ justæ. 13.

Nuptiæ injustæ ex Romano jure dissolvende. 14.

Nuptialia lucra communibus tantum filiis reservanda. 118. & alienari prohibita. ibid.

Nu-

Nuptialium bonorum ab hereditate discrimen. [110.](#) [133.](#) [114.](#)

## O

Octavii Augusti de Aeneide versus. [108.](#) [109.](#)

Odium grave peccatum. [114.](#)

Optati Galli liber proscripsit. [84.](#)

## P

Pandecte quonam genere efferendi. [152.](#)

Pandectarum Florentinorum lectio. [7.](#)

Pacta a civili lege improbata, si iurejurando fidentur, valent. [115.](#)

Pactum non valet, quo faciendi testamenti libertas coarctatur. [114.](#)

Papiniani insignis lex. [114.](#) laus. [133.](#)

Paradoxon Stoicum, ὅτι οἱ σοφοὶ ἐλευθεροὶ καὶ οἱ μωροὶ δούλοι. [59.](#)

Parentum consensus, ex Romanis legibus, filiorum familiās conjugio necessarius. [14.](#)

Pater ter filium vendere a Romulo permissus. [8.](#)

Paterfamiliās prodigentiæ accusatus, qui sine iustā causā minus dignum filium anteponit. [113.](#)

Patres filii uxores accipere iussi. [14.](#)

Patrifamiliās licet, salvā iustitiā, filios ex inæqualibus partibus heredes instituere, legitimā exceptā. [106.](#) [107.](#)

Patrimonium Christi, patrimonium pauperum. [144.](#)

Patris in dividendā filiis, pro arbitrio, hereditate potestas. [181.](#)

Patris ultimæ voluntati prospectum, si in testamento filii institutionem prætermiserit. [186.](#) [187.](#)

Patrifamiliās iterum nubentis pœna. [118.](#) [119.](#)

Patrum, ex lege Romuli, in vitam æternamque filiorum potestas. [6.](#)

Patrumfamiliās erga meliores filios benevolentia comprobata. [103.](#)

Parochi ab Episcopis prohibiti filiosfamiliās, invidis parentibus, matrimonio conjungere. [70.](#)

Pauli Apostoli ad leges civiles servandas adhortatio. [197.](#)

Paulus Apostolus explicatus. [63.](#)

Paulus Jurisconsultus explicatus. [15.](#) [45.](#) [155.](#) [161.](#) ejus locus diligenter excussus. [151.](#) locus depravatus. [159.](#)

Paulus Manutius de Tullio optimè meritis. [132.](#)

Permitti quo sensu aliquid dici possit. [71.](#)

Petri de Soto non magna auctoritas. [101.](#)

Petrus Andreas Forzonius Accoltius laudatus. [156.](#)

Petrus Victorius laudatus. [11.](#)

Philarei animadversio. [114.](#)

Philippi Pulchri ad Clementem V. de transferendō iterum ad Francos Imperio preces. [135.](#)

Philippus Balducciū laudatus. [156.](#)

Philosophiæ definitio. [59.](#)

Philosophia fontes in civili Romanorum jure. [192.](#) definitio a Licentio improbata. [193.](#) [194.](#)

Platina Bartholomæus, non Baptista. [18.](#)

Platonis celebre effacum. [191.](#)

Pom-

Pomponii locus restitutus a Goveano. [155.](#)

Postumus Junior declamator. [166.](#)

*πρωμαλικοι* leguleii, non jurisconsulti. 2. [153.](#)

*πρωπερις* quid sit. [60.](#)

Principibus non licet impedimenta matrimonium dirimentia prescribere. [83.](#)

Principis boni munus. [67.](#) [111.](#) [128.](#)

Principis in inferendis pactis humanis potestas. [116.](#) [127.](#)

Principum summorum in rebus humanis summa auctoritas. [52.](#)

Principum constitutiones, leges. [160.](#)

Prodigientia, levior culpa. [113.](#)

Prosper Fagnanus laudatus. [69.](#)

## Q

**Q**uadrantis hereditarii origo. [176.](#)

Quarta accepta, deducto aere alieno & funeris impensa. [183.](#)

Quarta duæ an ex hereditate detrahi aliquando possint. [178.](#)

Quintiliani declamatoris locus emendatus. [171.](#) fides discussa.

[166.](#) Quis sit ille Quintilianus. *ibid.*

Quintilianus rhetor, auctor Dialogi de causis corruptæ eloquentiæ. [170.](#)

## R

**R**apta mulieri dos a raptoꝛe tribuenda. [80.](#)

Raptoꝛis bona rapte feminae quando deferantur. [79.](#) [80.](#)

Regia potestas patria. [128.](#)

Reipublicæ per feminas periculosa administratio. [163.](#)

Religio falsa sine pietate. [243.](#)

Reipublicarum apud Græcos vitiosæ formæ. [191.](#)

Res alienæ restituendæ. [237.](#)

Rex veluti quidam inter homines deus. [227.](#)

Ricasolus Eques laudatus. [256.](#)

Rillii supplementum improbatum, & Rilli laus. [110.](#) [112.](#)

Rillius laudatus. [256.](#)

Robertus Stephanus laudatus. [131.](#)

Roma, Imperii olim, nunc Apostolici principatûs sedes. [191.](#)

Romano Pontifici contractas tantum civilis in matrimonio, non

Sacramenti ratio, subjicitur. [96.](#)

Romano Pontifici deberi quidquid est hodie in Occidente Imperatoris dignitatis. [230.](#)

Romuli de patriâ potestate leges inhumanae. [8.](#)

## S

**S**acramentum, Græcis *μυστηριον*. [88.](#)

Salvianus non probatus. [238.](#) [243.](#) de illo iudicium. *ibid.* e-  
jus exposita sententia. [240.](#)

Salvinus Salvinius, Decretorum olim Doctor, & Canonicus Florentinus, laudatus. [257.](#)

Salvinus Salvinius Florentinae Academiae iterum Consul. [4.](#) Pasto-  
rum

- rum Academiæ Florentinæ Consularium scriptor. [258.](#)  
 Sanchezius confutatus. [28.](#)  
 Scævola Jurisperitorum eloquentissimus, eloquentium jurisperi-  
 tissimus. [9.](#)  
 Scorus laudatus. [29. 30.](#)  
 Scholarum in declamitando consuetudo. [168.](#)  
 Septimannius laudatus. [256.](#)  
 Sexti Peducei fides. [145.](#)  
 Sextus Ælius Juris civilis peritissimus. [1.](#)  
 Sextus Cæcilius laudatus. [144.](#)  
 Sigonius laudatus. [177.](#)  
 Solonis *ἐπιλόγιον*. [165.](#)  
 Spartanæ reipublicæ, ex nimis mulierum opibus, maximum vi-  
 tium. [149.](#)  
 Spissæi arrogantior oratio. [52.](#)  
 Sualoriæ & Controversiæ. [170.](#)  
 Svetonii locus a Sigonio emendatus. [177.](#)  
 Summarum vulgaris inscriptio. [55.](#)  
 Summum jus, summa crux. [237.](#)  
 Suprema hominis voluntas religiose observata. [109.](#)  
 Sylvestri Prieratis confusio. [10.](#)

## T

- T** Abulæ supremæ quænam. [109.](#)  
 Tertulliani aurea sententia. [22.](#) illustrata. [64.](#)  
 Testamenta rupta per alia minus solemnia. [111.](#)  
 Testamenti leges. [5.](#) definitio. [107.](#)  
 Testamenti definitio illustrata. [110.](#)  
 Testamento pias ob causas duo testes sufficiunt. [113.](#)  
 Testamentorum a codicillis discrimen. [111.](#)  
 Testamentum quando rescindendum. [8.](#) mutari potest. [106. 110.](#)  
 quando rescinditur. [119.](#) jurejurando confirmatum an revocari  
 possit. [116.](#) ut rumpatur, necessaria cetera aliqua derogationis  
 formula. [117.](#)  
 Testamentum cur justum. [121.](#)  
 Testamentum per nuncupationem. [187.](#)  
 Testamentum Novum & Vetus. [106.](#)  
 Theologi Morales laudati. [200.](#)  
 Thomæ aliqui Thomæ aliquando desertores. [95.](#)  
 Thomas Aquinas laudatus. [29 56. 151. 213.](#) ejus lectio restituta. [30.](#)  
 Thomas Aquinas legendi festinatione deceptus. [79.](#) a Natalis o-  
 pinione vindicatus. [91.](#) summâ cum scientiâ latini sermonis  
 castitatem non conjunxit. [154.](#)  
 Titi vox memorabilis. [248.](#)  
 Tournonii Cardinalis singularis pietas. [246.](#)  
 Trebellianica dicta & Falcidia, & commodum legis Falcidiæ. [179.](#)  
 Tuscum jurgium. [66.](#)  
 Tyrannidis & legitimæ principatus discrimen. [228.](#)

Val-

- V**Alia, severissimi vir iudicii. 252.  
 Veneris apud Appulejum querimonia. 14.  
 Verris improbitas. 136.  
 Vidua, quæ intra lustris tempus nubet, ab infamie notâ per Canones immunis. 65.  
 Viduæ iterum, post tempus, nubentis pœna. 217. 219.  
 Virginius Valsechius, præclarus Benedictini Ordinis Theologus. 257.  
 Virtutum vetus definitio imperfecta. 211.  
 Vives, melior corruptarum artium reprehensor, quàm in&aurator. 191.  
 Ulpiani sententia interpolata. 124.  
 Ulpianus illustratus. 42.  
 Voconia lex quando lata. 139. Duo ejus capita. 131.  
 Voconia lex parùm probata Ciceroni. 144. præsentissimum coercendis mulierum hereditatibus remedium. 158. in defuetudinem abire cepta, per Justinianum abrogata. 171.  
 Voconia legis magnâ olim auctoritas. 163. juxta recens commentum *auspiciis*. 137. 146.  
 Voconia dùm leges apud quosdam. 143.  
 Voconiana ratio. 156.  
 Voconius ad testamentarias tantùm mulierum hereditates respexit. 158.

- X**ylandi in Dione vertendo & emendando cura. 139. vitiosa versio. 164.

- Z**Eno Augustus explicatus. 178.



2.6.74



2.6.74

0052.65083



